







XLV
E
7









2
1

ITER IN MOSCHOVIAM
AUGUSTINI LIBERI BARONIS

DE MAYERBERG,
CAMERÆ IMPERIALIS AULICÆ CONSILIARII,

ET

HORATII GULIELMI CALUUCII,
EQUITIS, AC IN REGIMINE INTERIORIS
AUSTRIÆ CONSILIARII,

AB AUGUSTISSIMO ROMANORUM
IMPERATORE

LEOPOLDO,

AD TZAREM ET MAGNUM DUCEM
ALEXIIUM MIHALOWICZ,

Anno M. DC. LXI. Ablegatorum.

Descriptum.

AB IP SO AUGUSTINO LIBERO BARONE
de MAYERBERG. cum Statutis Moschouiticis ex Russico
in Latinum idioma ab eodem translatis.





THE UNIVERSITY OF MICHIGAN

LIBRARY

101 SOUTH ZEEB STREET

ANN ARBOR, MICH.

1911

OF THE UNIVERSITY OF MICHIGAN

LIBRARY

101 SOUTH ZEEB STREET

ANN ARBOR, MICH.

1911

OF THE UNIVERSITY OF MICHIGAN

LIBRARY

101 SOUTH ZEEB STREET

ANN ARBOR, MICH.

1911

OF THE UNIVERSITY OF MICHIGAN

LIBRARY



ITER IN MOSCHOVIAM.



Russorum Imperium, quod nunc Moschoviticum appellamus, ad utramque Borysthenis oram late olim extendebatur. At incunte undecimæ æræ Christianæ seculo Polonis prius hinc, & deinde illinc Lituanis illud impetentibus, longâ quadringentorum ferme annorum adversi Martis irâ valdè accisum fuit. Totum enim Borysthenis à fonte ad ostium ferè tractum cum albâ & nigrâ, seu rubrâ, aut parvâ, Russijs, ac amplissimâ Sevenensi ditione Poloni, & Litvani Russis Principibus per multas expeditiones paulatim extorserunt. Imò Vitoldus Magnus Lituaniz Dux magnam etiam Novogardiam, & Plescoviam eis anno 1414. eripuit. Verumtamen, cùm senior Joannes Basilides Tartaricæ servituti se, Moschoviamque suam magnanimo ausu subduxisset, Novogardiam magnam anno 1477. post septennalem obsidionem regnante in Polonia Tercio Casimiro recuperavit. Quomodo deinceps transfugientibus à Litvano Alexandro genero suo ad se Ducibus Severiæ eam ferè totam in suam potestatem redegit. Ejus verò filius & successor Basilius anno 1509. Sacerdotum proditione Plescoviam, & quinquennio post Smolensciam per transfugam Michaellem Linckzium Sigismundo Primo adeptam retraxit.

Stephanus deinde Batoreus trinâ contra Moschoviam expeditione fortiter, ac feliciter administratâ superbam junioris Joannis Basilidis cervicem adeò inflexit, ut pacificam Gregorij XIII. Romani Pontificis interpositionem speciosis promissis callidis hypocrita imploraret. Vices ille suas Antonio Possævino Societatis JESU Theologo delegavit, qui, cùm pacta salis per leges perpetuæ pacis utriusque usui aptas concinnare non valeret, suspendere saltem tantisper eorum voluit iras. Stephanum itaque ad decennales inducias à Joanne præviâ Livoniæ restitutione redemptas anno 1582. induxit, ut interea rationem recuperandæ suis armis, & expensis Esthoniæ à Suecis sibi extortæ, & per pacta Polonis similiter reddendæ, Iuanus iniret: atque Smolensciæ, Severiæque pariter restituendarum condiciones formarentur.

Stephano ipsiâ Idibus Decembris anno 1586. Grodniæ ab epilepsia è vivis crepto Sigismundus Tertius Joannis Sueciæ Regis Esthoniæ dentatoris filius octavo post mense susceptus fuit. Iuani verò filius Theodorus, qui post defunctum anno 1584. quinto Kalendas Aprilis parentem hereditarium Moschoviæ sceptrum leviri Hodunâ manibus

Rerum
in Imperio
Russorum
vicissitudi-
nes usque
ad Tzarem
Alexiû Mi-
halowicz.

moderabatur, quamvis ab obligatione restituendi Esthoniæ, quam Succia ex pacto in electione Sigismundi sui Poloniæ reddere tenebatur, liber esset, Narvam nihilominus Suevicam in Ingria anno 1590. expugnavit. At quinquennio post operâ Ernfridi Liberi Baronis à Minckowicz, & Nicolai Warcolsch à Nebšchitz Rudolphi Imperatoris Legatorum Sigismundus fœdus cum eo ad annos viginti duraturum, percussit, quod anno 1598. post hujus mortem cum successore Borisso Hodono ministerio Leonis Sapihæ Cancellarij Lituaniz confirmavit.

Anno deinde 1604. qui monachum exuerat, Griska Utrepeia Demetrii Juanowicz ab eodem Borisso Uglitzæ per sicarios clam è vivis sublatis personam induit; Attamen, licet Polonicis fultus auxilijs, imprudenter ductæ imposturæ intra seſquiannum pœnas luit. Vacuum verò Tzareum solum Basilius Juanowicz ex Ducibus Suiskijs communi Moschorum consensu conscendit. Porro impostor alter priori trucidato haud minùs fallax Tzarem Demetrium se esse, ac tumultui sese suffuratum mentiens novis denuò turbis Moschoviam involuit.

Harum opportunitate Sigismundus ant 1609. die primâ Octobris Smolensciam arctâ obsidione cinxit, unde Moschi tot hostibus impares Tzarem suum Basilium ob adversam fortunam suam saltidiosè despectum exauctorarunt, & Uladislaum Sigismundi filium sub conditione suscipiendi baptismum & fidem Moschovitico ritu prostendi ei subrogarunt. Cùm tamen Sigismundus hanc seditionem meritò averſans, & Magnum Ducatum ipse post fata demum sua Uladislao tradendum ambiens, cum Moschuam, ut illi efflagitabant, mittere cunctaretur, ipsi verò antè adimpletam hanc conditionem Smolensciam dedere pernegarent, eam tandem Idibus Junijs anno 1611. forti manu expugnavit. Polonos tamèn tunc Moschuam insidentes Moschi deinceps indè ejecerunt; Sed non priùs, quàm totam prorsus urbem incendio ij delevissent, & immanem in inquilinis stragem edidissent.

Tot Insurijs, & damnis Moschovitæ irritati Michaelẽ Romanovium Filaretĩ Metropolitæ Rosthovienſis filium, nobilis, sed non clari, generis hominem, abdicato Uladislao dominum sibi præfecerunt.

Is solenni adornatâ legatione apud Romanorum Imperatorem. Matthiam institit, ut reddendæ Moschis, & Polonis pacis author esse vellet. Exoratus facile Matthias Erasmum Heidelbergum caduceatorem, ablegavit, qui anno 1615. Wiesnæ inter delegatos utriusque partis medius ultro, utroque cursans, eos tamen ad utrinquẽ grata pacis præscripta adducere nequijt. Quia imò anno statim insediato Moschi Smolensciam armis irritis tentarunt. Et deinde Uladislaus cum valido exercitu in Moschovitæ interiora penetrans ipsam urbem Moschuam. longâ obsidione, & oppugnatione pressit. Cùm tamen & ipse domesticis premeretur angustijs, instituto circa pagum Divulinum colloquio exeunte anno 1618. inducias ad annos bis septem & senos menses partes pepigerunt.

His expirantibus Moschi magno apparatu Smolensciam Duce Michaelẽ Borissowicz Schino, cui postea uti proditori Moschuæ in publico foro cervices fregerunt, invasere. Verumtamen à superveniente Uladislao repulsi, male mulctati, & castris tandem exuti, in honestiores pacis conditiones anno 1634. apud rivum Polanovam inter Wiefmam, & Drohobusum consenserunt, per quas Uladislaus omne jus suum ad Moschovitæ Principatum Michaeli cum titulo cedens, Ducatus Smolen-

Smolensciz , & Severiz cum suis titulis in perpetuum possidendos retinuit.

Post fata Michaelis subitanè morte quarto Idus Julij anno 1645. extincti, etiam si filius ejus Alexius fœdus hoc renovato erga Uladislau prius, & deinceps illo è vitâ ad XIII. Kal. Junij anno 1648. decedente erga Joannem Casimirum ejus fratrem & successorem jurejurando confirmasset, nihilominus illud postmodum insuper habere voluit.

Mortuo Michaeli Magno Moschorâ Duel succedie fœdus Alexius.

Urebat Moschos recordatio cladum, quibus Poloni Demetrianæ fallaciæ assertores invasi Imperij sui provincias populationibus & incendijs latè vastaverant. Et vellicabant ad vindictam eorum animos Smolenscensis, & Severiensis Ducatus à Sigismundo difficillimis ob eandem turbas Moschoviz temporibus ab ea avulsi, & ab Uladislao contra ipsorum conamina per extortas ingratæ pacificationis leges fortiter retenti. Captabant itaque occasionem amissa recuperandi, damnaque & injurias simul ultore gladio Polonis reponendi.

Cautum inter alia Polanowiensis transactionis pacta fuerat, ut ad tollendas in perpetuum dissidiorum ansas, quas eoumq; errores titulorum porrexerant, horum certa præscriberetur formula, quâ Reges Poloniz, & Tzares Moschoviz invariabiliter in epistolis invicem scribendis uterentur. Collegerant itaque attento studio, & accuratè asservaverant Moschi plures Poloni Regis ad Tzarem literas, in quibus affectato (uti aiebant) contemptu, ut autem Rex prætendebat, incuriâ librariorum, & ignorantia Moschoviticæ idiomatis & characteris errores aliquot levissimi irreperant. Cùmque per rebellionem Cosacorum Zaporoviorum retusam Polonicorum aciem armorum, eaque potenter distracta Moschi viderent, capillos optatæ jam diù, & per opportunè sese offerentis occasionis promptâ manu strinxerunt.

Per Legatum Georgium Haurilowicz Putzkin ejusque socios questus est prolixè Alexius apud Joannem Casimirum Regem de mutilatis & variatis ex destinato dolo ad sui contumeliam in Regijs literis titulis suis, petijtque, ac pertinaciter urisit, ut in earum cufuscumque conditionis scriptores latâ ab Uladislao perduellionis lege ageretur.

Qui per Legatos ad Joannem Casimirâ Poloniz Regem de mutilatis & variatis contra pacta in literis ad ipsam titulis suis.

Poloni, qui videbant, hæc à Moschis obtendi, ut illo tam incommodo reipublicæ tempore resiliendi à fœdere causas nanciscerentur, quò obviâ consilio irent; responderunt, decrevisse Regem, ut dies accusatis ad dicendam in proximis Comitijs causam condiceretur, ad quæ Alexius nuncios suos accusatorum partibus functuros cum probationibus mitteret, certus, quòd in fontes etiam pœnâ capitis Rex esset animadversurus.

Legatus Putzkin admisso Regis decreto alteram produxit, majoremque graviorum verborum mole exaggeravit querelam. Quòd, nimirum, Joannes Alexander Horczin, Eberhardus Wassenbergius, Twardovius, Academia Vilnensis, alijque libris recenter cum scientiâ, & consensu Regis, Senatûs, & Ordinum vulgatis Uladislai de Moschis trophæa, de Moschoviâ triumphos in summam defuncti Tzaris Michaelis, procerum, ceterorumque omnium Moschorum ignominiam prædicassent. Hoc autem fœderis Polanowiensis, cujus præscripto illa æterno debuissent silentio suffocari, apertam fuisse violationem, necessariò ab Alexio armis vindicandam, ni huic Smolensciz traditione,

Atque de varijs authorib; qui victorias Uladislai IV. contra Moschos scripserat, expositulat.

& proceribus quinquaginta aureorum myriadam solutione pro iniuriâ injuriâ Rex, & Respublica satisfacerent.

Responderunt Poloni, ab accusatis scriptoribus liberis hominibus in liberâ Republicâ libros à Moschis impugnatos Rege, ac Senatu inficijs editos fuisse. Quomodo cumque tamen res se haberet, non intelligere se, quâ congruentiâ lafam ab illorum scriptis Tzaream existimationem Smolensciæ restitutioni, & irrogatam Moschoviticæ genti injuriam auri pensio possent compensare. Futurum potius, ut per has viris Principibus, & honestis hominibus indignas prorsus injuriarum suarum nundinationes eorum fama magis periclitaretur.

Non fuit ore tam duro legatus, ut in propositione persisteret; Sed declaravit, abundè sibi satisfieri à Polonis posse, si paginæ illæ ex libris detraherentur, quæ Tzari & genti suæ injuriæ detraherent, ut publico igne meritò exultæ non meritò à Moschis injuriæ actionem extinguere, & violatæ temerè Majestatis pœnas darent. Quod obtinuit. Sed quamvis combustæ paginæ illæ fuerint, memoria tamen eorum, quæ continebant, combusta nequaquam fuit, imò per flammæ illas illuminata luculentius clauit. Excitata enim inde hominum curiositas fuit ad noscendum, quid tandem esset id, quod Moschovitz tantâ contentione occultatum vellent, ut ejus propalatores ad ignem damnarentur. Et: verò insipientia Anticyram ad bibendum elleborum amandati digna est, ut succellere quis velit scriptoribus ad posteros, quæ ipse vel peccavit, vel ab adversâ fortunâ passus fuit, veraciter tradentibus. Etenim quoad priora ipsemet, ea minime committendo, occurrere potest, ne scribantur. Ni fecerit, quâ justitiâ poscit, ut major bonæ famæ suæ ratio ab extraneo quoquam scribendo habeatur, quàm ipse delinquendo habuerit? Quoad posteriora verò, cum verti ipsi vitio nequeant, quæ contraria prudentibus suis conatibus accidunt, & ab iniquâ suâ sorte temerè immissa æquo animo fortiter sustinuit, non est, cur indignetur, quòd scriptis consignentur, quæ fortunam, non ipsum, culpant.

Prosecuturi deinceps introductam de titulis actionem comparuerunt prælituro tempore in Comitij Varlaviz habitis Moschua missi Affanasius Osypowicz Rontczyezowius, & Almasius Ivanowius. Post actam ad amissum Polonici juris magnâ partim contentione causam ex comitorio sententiâ Rex Joannes Casimirus definitivè pronuntiavit.

I. Actionem hanc merè personalem quoad vitâ jam fundos ex Reipublicæ lege extinctam esse, nec in eorum hæredes posse transire.

II. Vladislai fratris constitutione de titulis non teneri eos, qui ante illum errores in ijs commississent.

III. Si qui purgare innocentiam suam jurejurando poscerent, juxta Reipublicæ jura hoc eis haud esse denegandum.

IV. Erroris alicujus levis, qui ex incuriâ, aut ignorantia præter intentionem scriptoris irrepsisset, non esse habendam rationem.

Et V. Qui in vivis agentes legitime citati sive personaliter, sive per procuratorem judicio se sistere neglexissent, secundum Reipublicæ sancitâ perduellionis pœnâ damnarentur.

Non acquievêre huic sententiæ Moschi; sed contra eam, quam iniquam & delusoriam dicebant, protestati, nequè ejusdem exemplar Domino suo deferre voluerunt.

Datis itaque ad Alexium literis, & ablegatis deindè ad eum Alberto Prz-

Satisfacti
huic que-
relæ Ioan-
nes Casi-
mirus ju-
bendo jux-
ta legato-
rum insti-
tutam, ut
paginæ al-
iquot li-
broꝝ ab
accusatis
Auctoribus
editorum
combu-
rentur.

Et altera
sententiâ
in Comi-
tjz contra
illos fe-
rendo.

Cui Mo-
schi haud
acquie-
scent.

Przlawski, & Casimiro Unicchowski demonstrare ei sententiæ à felatæ æquitatem Joannes Casimirus conatus est; sed incassum. Respondit enim Alexius, missurum se propediem magnos legatos, qui pœnam de fontibus à Rege & Republica efficacius postularent.

Convenerunt ergo Anno 1653. magni Tzarei legati Regem in castris ad Leopolim agentem, repetitoquæ postulato post multa utrinquæ adducta dixerunt tandem, Dominum suum libenti animo hanc deserturum instantiam, si tanti apud Regem ponderis suam viderio-fuisse interventionem, ut rebellionis crimen Cosacis Zaporovijs condonaret, eosque obliteratis omaibus præteritis in sinum gratiæ suæ clementer reciperet.

Rex ad excludendum quoscumquæ belli prætextus commisit nonnullis ex proceribus, ut rationes Tzari in hac suâ petitione gratificandi cum legatis ejus dispicerent. Verùm enim verò, cum Moschi pro rebellibus pacta Zborowienfia repeterent, & Regij ea per recentiore repetitam rebellionem ab ipsismet Zaporovijs iteratò proculecata fuisse, ideoque illos eorumdem beneficio suâ culpâ bis cecidisse, efficaciter demonstrarent, instarunt legati, ut saltem radix contentionis cum Zaporovijs succideretur, supprimendo religionem, quæ à consensu cum Romanâ Ecclesiâ Unicorum appellata in extirpationem Græci ritus semper conspirando bellum illud Zaporovijs conflaverat. Repulsi tamen constanter cum exaggeratione facinorum, & sacrilegiorum à Zaporovijs ubicumquæ in homines Græcæ, ut ipsi, addictos religioni, eorumquæ templa, & sacram suppellectilem patratorem acquiescere sunt visi; nam detestatis Cosacorum scelerebus, ipsiquæ indignantes plenè sibi, & Domino suo satisfactum esse professi sunt.

Vix tamen ad Alexium redierant, cum ille misso exercitu Kyoviam, Bialoezkeruiam, aliaque loca sibi à Zaporovijs in pignus fidelitatis tradita suis firmavit præsidij, & rebelles in suâ contumaciâ confirmavit. Mox promotâ in Albam Russiam invasione eâ totâ brevi potitus fuit. Nec contentus; sed à successibus animos sumens, universam Lituaniam defensoribus destitutam illatâ vi exustam, excisam, vastatam sibi subjecit.

Inter hæc mala, aliaque tam domesticæ prodicionis, quàm Sueticæ invasionis diù conflictatus Joannes Casimirus tandem oppressus succubuit, & Regno exutus ad asylum in Silesiam cum conjuge Ludovicâ Mariâ confugit. Inde Augustissimum Imperatorem Ferdinandum Tertium se: re: amicitium suum confidenter rogavit, ut sequestrem se pacis cum Moschoviâ interponeret, futurum enim, ut potentissimo hoc hoste amoto ipsi ab oppressione, quæ extorrem eum tenebat, respirare daretur.

Annuît petitioni Ferdinandus, ablegavitquæ sine morâ Anno 1655. Allegrettum de Allegrettis, & Joannem Theodorum à Lorbach, qui suo nomine Moscho Tzari pacem cum Polonis ineundam suaderent, ejusque leges ad partis utriusque placitum amicâ persuasione arbitrantur. Cumquæ præcavere vellet, ne ulla, vel extrinseca, causâ Moschovitis daretur suspicandi, quod ex composito cum Polonis legationem illam adornasset, ne timorem in his indè conjectantes duriores ejus sciendæ conditiones præscribere præsumerent, voluit, ut ablegati sui evitatis Polonicis disionibus per Germanicas Lubecam profecti, navi ibidem. consensâ in Livoniam navigarent, Moschuam indè petiri.

Admisit Alexius oblatam operam, & instituto Anno 1656. Vilnæ legatorum utriusquæ parvis conventu, cum dirimi ab industria caduceatorum perpetuâ pace contentiones minimè possent, ad Polonica tamen

Mittentur ab Alexio alij Legati, qui pro Cosacis interveniunt.

Quod non obtinent.

Quomodo nec, ut supprimeantur uniti.

Alexius arma contra Polonos movet.

Joannes Casimirus cum Regina Ludovicâ Mariâ in Silesiam se recipit.

Ad quorû instantiam mittuntur in Moschoviam, à Ferdinando III. Imperatore legati ad conciliandam inter Polonos, Moschosquæ pacem. Qui inducias tantum obtinent.

tunc proximè futura comitia pactis inducijs die 3. Decemb. dilatæ fuerunt. Magno utriq; Polonorum commodo, dum interim Moschus omnem iram suam contra Suecum in Livoniam effudit, undè ipsi postmodum hunc hostem aliorum distractum, auxiliariorum maxime Cæsaris armorum ope, à Regni sui detentione deturbare proclivè fuit.

Sed ijs violatis Imperator Leopoldus auctorè cum Collegâ in Moschoviam ablegat, ut de pace agat.

Utrinque tamen parùm religiosè armistitij pacta custodita fuere. Quare denuò recrudescente bello Augustissimus Rom: Imperator Leopoldus Dominus meus Clementissimus, ut lachrymabilis Christiani sanguinis effusio siteretur, & universo Orbi aquilonari mediante aquillâ Austriacâ alma pax redderetur, paternis voluit vestigijs insistere. Mihi itaq; & Horatio Gulielmo Caluuccio Sacri Romani Imperij Equiti, atque in dicasterio Interioris Austriæ justitiæ Sacerdoti benignissimè mandavit, ut maturato itinere ad Alexium proficeremur, amicam Majestatis suæ Cæsareæ interpositionem ei oblaturi, cujus admittæ minitri postmodum esse deberemus.

Eidem autem, quo Augustissimus parens suus motus fuerat, respectui inhaerens, Poloniæ Regiam declinare nos iussit, cùm priùs à Jacobo Curlandiæ Duce petiisset, ut collimitaneos Moschovitæ ditionis Praefectos de futuro nostro adventu præmoneret, quò statim, ac eò accessissimus, excipi, & nullâ interjectâ morâ rectâ ad Tzarè deduci possemus. Antiqua enim Moschovitarum consuetudo exterorum Principum læta, totos ab ingressu in provincias suas arceat, quamdî Magnus Dux de eorum adventu certior redditus introfusse eos non mandaverit.

Discedunt Viennâ, & per Moravia n, Silesiamque Gnesnam veniunt.

Ad XIII. Kal. Mart. Anno 1661. Viennâ discedentes nono Olomucium præco nomine Eburum Marcomannorum regionis caput inivimus. Hic à recto minoris Poloniæ itinere devij, ut Curlandiam adiremus, viam fleximus, & ad lævam conversi Silesiorum metropolim, conditoris, sive instauratoris sui, Uratislai Bohemi nomen retinentem, bisque centenos mille passus Viennâ distantem tercio Kal. Mart. ingressi sumus. Ubi à civico Magistratu in obsequium communis Domini per binos Senatores visitati, & Liberi patris xenijs donati fuimus.

Post biduum Uratislaviâ exeuntes ad quadagesimum quintum inde lapidem oppidulum Militæcium prætervecti limites Poloniæ Majoris apud Freyhainium attingimus. Per hanc quinquaginta passuum millia progressi apud pagum Pogorelitzium trans fluvium Vartam pontone trajecimus. Inde ter quindecim millibus emensis Gnesnam venimus, urbem ab aëliarum nido ex augurum consilio circa annum nostræ redemptionis 552. à Lecho Polonorum primo Duce ejus conditorè denominatam.

De Urbe Gnesnâ.

Hic ille, ejusque posteri usque ad Cracum Cracoviæ auctorem, & incolam, hio deinceps Piasius, plurimiq; ejus descendentes sedem habuerunt. Et huc Boleslaus Chobri Piasii atnepos martyris Adalberti secundi ibidem Archiepiscopi corpus ab intersectoribus Prussis redemptum transferri, ibidemq; decenter tumulari curavit. Archiepiscopatus liquidem dignitate urbs illustratur, à primo inter Polonorum. Duces Christiano Miecislao Piasii abnepote circa annum 967. sedente in Petri Cathedrâ Joanne XIII. eum confirmante instituti. Cui paulò post quattodecimum ab Incarnato Deo seculum novus splendor accessit, cùm Nicolaus Tramba à Concilio Constantiensî Primatiale in Poloniâ dignitatem consecutus est. Et major, cùm post seculum Joannes Laski perpetuè in Poloniâ Pontificiæ legationis munus non tantum.

sibi

sibi soli, ut olim Henricus Kitliczius ab Innocentio Tertio; sed & successoribus suis à Concilio Lateranensi obrinuit. In politicis autem, Archiepiscopus Gnesensis summè post Regem conspicuus est, imò Interregni tempore Regis umbram aliquam repræsentat, præclarisquæ semper prærogativis excellit.

Indè post triginta passuum millia apud oppidum Pacossum Notefio trajecto Brombergam, sive Bidgostiam, Regiam in Pomerellâ urbem flumini Berdæ incumbentem, pariquè intervallo à Pacosso sejunctam, per nuperam Suecorum in Poloniam irruptionem reciprocante successus Marte miserabili sui concussionem captam, & recuperatam, venimus. Ingressu tamen in eam cives nos ferocius, quàm Suecos, prohibuere. Quapropter in pessimo extra mœnia diversorio pernoctare debuimus.

Pomerellia, olim Pomeraniæ pars à Guttonibus ex aboriginibus Vandalis gente Germanicâ habitata, à Sarmatis deindè Venedis, sive Vendis, eorum nomen sibi assumentibus occupata, Cassubiz partem comprehendens, diù proprijs suis Principibus paruit, donec anno 1290. à Mestovino subditorum precibus annuente Majoris Poloniæ Duci Primislao, posthabitis agnatis anterioris Pomeraniæ Ducibus, ac filiabus suis Rugiz Principi, & Adolpho Holsatiæ Comiti nuptis, testamentato legata pomm Eridis inter hos fuit. Sed dum decertant, Teutonici Ordo armatus & ipse concertationi accurrens prævaluit, ita ut anno 1310. subactam Prussiz suæ Æstis extortæ adnecteret.

De Pomerellia.

Etenim, cùm incurfionibus continuis Masovia ab ethnicis Prussis miserè vastaretur, Conradus Dux vires suas ad eam tuendam impares sentiens, onus hoc Friderici II. Rom: Imperatoris auctoritate anno 1226. die 29. Maij in Marianos equites, è Syriâ pridem à Saracenis exactos, & à quarto Magistro Ordinis Hermanno de Salz tunc rectos, derivavit, regione, quæ à Vistulâ, Mocra, & Dervanciâ fluentis concluditur, eis attributâ, adjectoque insuper universo Culmensi tractu sibi restituendo, cùm debellatis Prussis provincias his extortas illi ex pacto cum eo partirentur. Crucigeri itaque impigrè rem gerentes Prussos victricibus armis devictos subegere, & deindè ab Uladislo Lothico Poloniæ Rege in subsidium oppugnatz à Joanne, & Valdemaro Marchionibus Brandeburgensibus arcis suæ Gedanensis acciti eam liberatam sibi pro belli expensis retinuerunt. Et anno 1310. etiam oppidum expugnarunt, universamque Pomeraniam ab ipsidem Marchionibus Henrico Imperatore assentiente coemptam sibi asseruerunt. Bello deindè per varias vicissitudines diù protracto Poloni, & Crucigeri inter se decertarunt, quousquè hi anno 1343. Magno Casimiro diploma extorquerent, quo consentientibus Regni sui laicis proceribus omne suum ad Pomeraniam, ditionemque Culmensi jus in illos contulit. Porro anno 1408. tantâ suorum strage Crucigeri à Jagellone ad Grunewaldum cæsi sunt, & tantâ impotentia flagitiosum in subditos suos imperium intestinis odijs discordes exercebant, ut hi tunc ad victorem, atque anno deinceps 1454. administrante Ordinis Magistrum Ludovico ab Erlingshausen ad illius filium Casimirum ferè omnes deficerent. Tantumquæ absuit, ut amissa successores retraherent, quod potius ipsimet Polonis homagium præstare fuerint adacti. Tandem Albertus Friderici filius ex Marchionibus Brandenburgicis lineæ Onolsbachianæ trigessimus quartus Ordinis Magister avitæ Catholicæ religioni vale dicto Lutheri doctrinam sectatus anno 1525. VI. Idus Martij avunculo

De Prussia.

C

fuo

suo Sigismundo Primo Poloniæ Regi Casimiri filio jus Ordinis in totâ Pomerellâ, & parte Prussiæ cessit, retentâ hujus longè ampliori parte fiduciario jure sub Ducis in Prussiâ titulo in hæredes suos transmittendâ. Inde divisa Prussia in Regalem, & Ducalem fuit.

De Prussiâ
Regiâ.

Prussia Regia Varmiensis, & Culmensis constat Episcopatibus. Culmensis, Marienburgensis, & Pomerellæ Palatinatibus. Torunio, Elbingâ, & Gedanum majoribus, plurimisque alijs minoribus urbibus.

Politicum ejus regimen tribus incumbit Ordinibus. Constituunt primum Episcopi Varmiensis, & Culmensis: Palatini, Castellani, & Succumerarii, qui sunt limitum judices, Culmenses, Marienburgenses, & Pomerellenses: majoresquæ civitates Torunium, Elbinga, & Gedanum. Horum consilio omnia Prussiam, suam concernentia Rex dirigere tenetur.

Alter Ordo nobilitatis est, quæ conventus suos, & districtus pecu-
liares habet, utpotè Culmensis Kowalewi, & Golubæ: Marienburgensis Christiburgi: Pomerellensis Derfawiz, Suece, Ticholiz, Glukoviz, Mirachoviz, Putzki, & Lawenburgi nunc in Electorem Brandenburgicum cum Bythoviâ alienati. In quorum singulis à judice, & Scabinis ex suo corpore desumptis jus in causis suis civilibus audit.

Tertius autem ex minoribus constat civitatibus, quæ singulæ oppidanis suis justitiam administrant.

De Prussiâ
Ducali.

Ducalis verò Prussia in plures olim provinciolas divisa, nunc sub Samblandico, Natangico, & Oberlandico comprehenditur circulis. Hi omnes devoluto ab Alberto Anno 1568. 20. Martij fato functo, in ejus filium Albertum Fridericum, ejusquæ pro tempore curatores, atquæ post ejusdem Anno 1618. 28. Augusti subsecutam mortem in Georgium Wilhelmum Electorem Brandenburgicum successivè jure, nunc hujus filio Friderico Wilhelmo, ab omni clientelæ nexu per recentia Anni 1657. pacta Bidgostiensia soluto, parent.

Ducatus totius administratio quaternis præsertim Magistratibus commissa est. Primum locum obtinet supremum Regimen, ad quod Ducis Vicarius, Provinciæ supremi Aulae Præfectus, Burgravius, Cancellarius, & Marescallus adsciscuntur. Secundum Consiliarium Provincialium Collegium ex quatuor Capitaneis majoribus, & octo minoribus ex nobilitate omnibus constitutum. Qui singuli capitaneatus sui nobilibus, sicuti municipia civibus suis, jus dicunt. Tertium supremum Appellationis tribunal nuper Anno 1657. institutum, quod ex Præside, quinque nobilibus, & tribus Jureconsultis constat. Et quartum Judicium Aulicum, cui sub Præside nobili assident quini nobiles, & trini ex civium cœtu. Duos habet Provincia Ordines, equestrem alterum, qui Comites, Barones, & Nobiles includit, civicum alterum ex civitatibus constatum, quæ sigillatim in Comitijs provincialibus suffragium ferunt.

Post terga itaque relictâ inhospitali Brombergâ quadraginta millium itinere Tucholiam eidem adjacentem flumini, & Succici belli oppressione adhuc languentem ingressi sumus. Inde quinquaginta passuum millia vecti Schoiniciam, seu Scarfeviam, oppidum cum arce Ferfiz imminens anni Gothici & ipsum Martis injuriâ affictum, in quo Palatini tribunal nobiles judicantis rabularum clamoribus strepit: bisquæ duodena passuum millia ulterius pergentes Gedanum celeberrimum ad mare Balticum emporium ad IV. Idus Martij inivimus.

Quòd

Quòd habuerit Dantiscum conditores Danos, non Visimirum Poloniz Regem, ut Gaguinus autumat, evinci ex nominis etymo posse videtur, quinimò Pontanus in sua rerum Danicarum historia affirmat, repperit à se apud Pomeranorum Chronographos fuisse, quòd, cum Rex Daniæ Valdemarus I. Sobislaus Pomeraniæ Principi circa Annum 1165. bellum mari intulisset, arcem, seu propugnaculum Danswicum ad Vistulæ ostium excitaverit; Quamvis Cluverio popularibus suis adulanti libuerit hanc etymologiam è cælo derivare, dum à sinu Codano, vel Godano, quod nunc mare Balticum appellamus, imò potiùs ab utriusque auctore, antiquo, scilicet, Germanorum Numine Dan, sive Godan, vico nomen inditum fuisse asseruit. Sobislaus tamen, qui mox Valdemaro discedente eum occupavit, jura civitatis primus ei dicitur concessisse. Ab ejus autem successoribus in Marchionum Brandeburgensium, ab his in Polonorum, & per eos in Marianorum equitum possessionem transiit, quorum excusso jugo Anno 1454. Casimiro Jagellonidi Poloniæ Regi certis pactis ultrò se subjecit. Et Anno 1632. in coactò Varaviz post mortem Sigismundi Tertij ad successorem eligendum generali Ordinum conventu prerogativam ferendi in electione Regum suffragium obtinuit. Ab Anno tamen 1343. urbs vetus, quomodò deinceps nova, mœnibus cincta fuerat. At, cum ab illis arenæ montibus à meridie & occasu sibi imminentibus aliquam in tectâ sua tempestatem deiçi posse videret, eos Anno 1656. & sequenti, dum Carolus Gustavus Sueciæ Rex exitium ei inrentaret, suburbijs vel dirutis, vel inccensis, firmissimis munivit operibus. In Reipublicæ administratione primas obtinent partes quotannis Consules, cum bis septenis Senatoribus, ex quibus Rex quotannis Burgravium suum eligit. Secundas Scabinorum, quos judices, sive judicij adfessores dices, Magistratus, ad quem cum civilium, tum criminalium causarum notio spectat. Et tertias magnum centumvirorum concilium, datâ tamen in multis ad Regem provocatione. Plurimi ibi Lutheri asseclæ, non pauci Calvini, paucissimi priscæ Catholicæ Romanæ fidei. Omnes tamen pari jure libero suæ quique religionis exercitio gaudent. Ibi Senatus pro sua erga Sacram Cæsaream Majestatem reverentiâ binis ex corpore suo, qui nos visitarent, missis, honorario vino nos donavit.

Ad XVI. Kal. Aprilis professionem nostram prosequentes statim extra Dantiscanâ urbem exundantem Vistulam, olim Vandalum dictum, antiquissimis temporibus inter Germaniam, & Sarmatiam terminum, labore non exiguo pontonibus superavimus.

Per decies deinde septena arenosæ viæ passuum millia oram maris Baltici, quod Mætz, & Plinio sinus Codanus, Ptolomæo Venedicus, Tacito verò mare Suevicum est, quâ oblongus utrinquè ab æquore, & æstuario aggestæ arenæ cumulus, modo Neringa insula appellata, Gedanensis ulquè ad pagum Armenium, & inde Nacangienis jurisdictionis, se extendit, legentes ad Pillavienfè trajectum quartâ post die cum sole oriente pervenimus. Silebant venti, undè per summam malaciam à nautis Pillaviâ feliciter transvecti fuimus.

Pagus iste (frequentem accipenserum piscationem si exceperis) penitus ignobilis vix à Cosmographis notaretur, nisi duplex apud eum excitatum munimentum eundem illis commendasset. Utrumquè autem Habi faucibus, per quas in Balticum aquas suas evomit, & vechigalia deglutit, ita imminet, ut navigia per eas commeari sine maximo dis-

De Urbe
Gedanensi

Profe-
quitur Au-
thor iter.

Et Pillaviâ
viam ve-
nit.

fieri.

scrimine ijs invitis minimè possint. Horum & vigiliarum simul summus præfectus Petrus de la Cave humanissimo nos officio prosecutus est.

Eodem die ulteriùs profecti vidimus à dextris in æstuarij litore oppidum Fischhusium, Anno 1269. à Crucigeris eo loci, ubi ab Ethnicis incolis Anno 997. I X. Kal. Maij Sanctus Adalbertus, Pragensis priùs Episcopus, deindè Archiepiscopus Gnesnensis, palo alligatus, septemque transfixus hastis martyrii affectus fuerat, conditum, & deindè Episcoporum Sambiensium sedem, donec Georgius à Polentz Ecclesia hanc sponsa sua spiritali cum religione repudiata in amplexus Balgenfis feminae ruens, eandem Alberto Primo in Prussia Ducem in perpetuum usum traderet alienatam.

Indè Re-
giomon-
tium.

Postero autem quinque & triginta millium itinere Regiomontum. inivimus, urbem amplam à Sexto Teutonici Ordinis Magistro Poppa ab Osterling Anno 1260. in Ducatu Sambie, sive Samlandie non longè ab ostio Pregolæ fluminis Angerapij, & Allie undis commixti conditam, & in honorem, & memoriam Ottocari Regis Bohemorum, cujus auxilio provinciam illam Crucigeri subigerant, Königsbergam vocatam, à Bartholdo Austraci Anno 1300. oppido de Lebenick, & à Winrico Kniprode Anno 1380. tertio oppido Kniphoff appellato auctam, atque nunc frequentè academià sub Lutheri auspicijs ab Alberto Duce fundatà, & Ducali sedè Polonicæ jam tutelæ subductà conspicuam.

Atque per
peninsu-
lam Curo-
niam Mem-
elam.

Nec datà morà vix ortà luce indè moventes Sambiam priùs trans-
versum fecavimus. Peninsula dein Curoniam ab Indigenis Neringa dicta, quam longus inter Balticum mare, & Curonienfem æstuarium assurgentium arenarum efficit tractus, nos excepit. Postquè centena passuum millia pelago serè semper lævas rhedarum nostrarum rotas placidè al-
luente in conspectum Memelæ arcis VII. Idus Martij à vectoribus no-
stris expositi fuimus. Undè in eam cum solis equis nostris, & sarcinis
navigio transfretavimus.

Excitata illa post oppidum suum Christimemel Anno 1279. ædifica-
tum in extremà Prussia prope Ragnetam apud flumen Memel, ubi dulces
undæ Curonie cum salis marinis commiscetur, ad propulsandas Litua-
norum incurfiones Anno 1312. sub Tertiodecimo Teutonici Ordinis
Magistro Carolo Bessarto Trevirensi fuit, ingentique vallo, ac fossa
munita.

Memoratæ istæ utriusquè Neringæ arenæ cum Sudiniâ, sive Suda-
viâ, inter eas, & mare prominente lingua sunt illa Venedici sinûs litora,
in quæ Zephyro hinc, aut illinc Boreâ tempestatem excitante evulsam è
sinu suo succinum, seu electrum, præcis glessum, herbâ sua, seu musco,
involutum, æquor eiecit, quod nos ibi ipsi, licet feri post vindemiam
racematores, legimus.

Memelæ sive arcis præfectus, sive urbanus Magistratus tam inurba-
nè erga nos se habuerunt, ut exorari se à nostris precibus passi non fue-
rint, ad mandandum, ut nobis de vehiculis usquè in proximam Curlan-
diam pro mercede prospiceretur. Ibi itaque totum biduum hærerè de-
buimus, donec in vicariam operam pagana postella conduceremus, qui-
bus ad V. Kal. April. quinque & viginti mille passus profecti Heiligaviam
Samogitiæ vicum venimus, ibique pernoctavimus.

De Samo-
gitiâ.

Samogitiæ Ducatus magni olim Lituanie ad proferenda pomæria
sua momenti, nunc amplitudinis ejus accessio, hanc, Semigalliam, Cur-
landiam, maris Baltici, Curonij lacus, Nemenique annis undas limites
habet.

habet. Sylvis obfitus est, in quibus frequentes pererrant alces, & frequentiora apum examina mel fabricant laudatissimum. Glebam tamen habet seracissimam, quæ ligno, non ferro, proscinditur. Æstij origine Germani eum olim cum Prussia, & Livonia incoluere. Receptis verò decimæ pñst nostram reparatam salutem seculo Italis Columnis, per varia tempora à vicinis Prussis armis exercitus, tandem in Lituaniæ corporis, cujus diù altor fuerat, membrum coopatus, à Vitoldo Prussis Crucigeris Anno 1404. traditus fuit. Quæ tamen quadriennio exacto pœnitutine ductus eos per Romboudum Mareſchallum inopinatè exiit. Cùmquæ illi triennio pñst per Turoniensē cum eo, & Jagellone scædus iure ad illum suū se abdicassent sub lege, eum denuò, postquam ambo satis concessissent, recipiendi; ad renunciandum tamen huic in perpetuum pacto Anno 1422. adacti fuerunt. Interim incolæ Jagellone Apostolicè adlaborante, & duodecim parochiales ecclesias juxta numerum districtuum fundante, & dotante, ad Christiana sacra conversi, Anno 1417. IX. Kal. Nov. primum Episcopum Matthiam à Legatis Constantinensis synodi Archiepiscopo Leopoltann, & Episcopo Vilnensi urgente eodem Jagellone acceperunt, sede ejus Mednicæ ad Wirzwitzam amnem locatâ, cui nunc Alexander Sapieha vigesimus sextus Antistes præest, cuiusque suffraganeus Episcopus est Spigacensis. Captum quidem Anno 1655. à Moschis nobile Palatinatûs Trocensis in ipso Viliz, Nemeniquè confinio oppidum Cauna, atquæ incendio serè deletum fuit, verumtamen, licet eidem ad annum usquæ 1662. incubuissent, ulterius se nihilominus in collimitanæ Samogitiæ Suecos jam respectantis inexplorata sibi nemora inferre abhorrentes intactam eam reliquerunt. Non sic Sueci, qui eâ directâ etiam humiles illos laboriosissimi roboris equos, quos frequentissimos alebat, serè omnes abegerunt.

Alterâ die, cùm statim extra vicum decurrentem ei agnominem. In Curlandiam inter Sudaviam, & Curlandiam limitem navi transmississimus. diâ nomine paululum progressi vidimus opperientes adventum nostrum quatuor ex Ducis nobiles provinciales, qui cum tribus rhedis nmine Domini sui nos officiosè exceptos Rutzaviam ad decimum indè lapidem deduxerunt. Cùmque sequenti octonis passuum millibus decursis circa vesperras ad bis mille Grobinum appropinquaremus, obvium habuimus Joannem Fridericum Reck Provincie Aulæ Præfectum cum quatuor alijs rhedis multis nobilibus stipatum, qui nos denuò nomine sui Ducis perhumaniter excipiens in ipsâ sui Domini rhedâ in arcem introduxit. Ibi in atrio ex rhedâ excentes ipse Dux nos excepit, & in cubicalia hospitalia deduxit.

Postero die tam erga illum, quàm ejus conjugem Aloysiam Charlotam Friderici Wilhelmi Electoris Brandeburgici sororem Principem prudentissimam officio à Cæsare nobis clementissimè injuncto satisfacimus.

Livoniæ amplam ad sinum Chylipenum regionem incoluerunt olim Venedi, gens Sarmaticas quibus submotis Æstij Germani à Rheni, sive potuit Visurgis ora longe ante Christi adventum illò transmigrati succedere. Hi moribus quidem fuere rudibus; sed nativâ simplicitate dociles ad politiores. Quamobrem sub Imperio Friderici Ennbarbi appellentibus ad litora sua mercaturæ gratiâ popularibus suis Germanis faciles ad commercium se concesserunt, ab ipsquæ educti fuere, non tantum in compendium rei familiaris, prout Germanorum osur Piascius jocatur, ne more suo prisco abijcerent ceram exsucto melle, sed in lucrum.

D

longè

In Curlandiam nomine Ducis Jacobi auctor excipitur & Grobinum ad eum deducitur.

De Livonia.

longè magis æstimabile, ne ulteriùs derelicto fonte aquæ vivæ foderent sibi cisternas dissipatas, quæ continere non valent aquam: Ne omnipotentis Dei saluari invocatione neglectâ nihil potentium Dæmonum perniciosam opem ulteriùs implorarent. Nam Meinhardus Canonicus, sive Monachus, Segebergensis ipsidem permixtus eò Anno 1170. adnavigans, ut pretiosas Livonicarum margaritas animarum incommodorum suorum, & vitæ, si opus foret, impendio emeret, multas sudoribus suis comparatas Catholicæ fidei monili intexuit, & in supremum tandem earundem institutorem ab Archiepiscopo Bremensi Hartwico IL. consensu Innocentij Tertij Pontificis Maximi consecratum evalit. Verumtamen, cum à paganis, & Schismaticis Livonia tunc serè undiquaque cingeretur, plures, qui ibi domicilia fixerant, Germani in præsidium suum, & incolarum, quos sub clypeo protectionis suæ tuendos Christianâ charitate susceperant, hortante Alberto Episcopo Livoniæ Tertio sacre militiæ, cujus tessera erant duo rubei gladioli cum stellâ circa pectus decussatim pallio affuti, sub fratrum Ensiferorum titulo nomina dederunt, electisque ex suo corpore Wiemo Magistro, & commendatoribus, qui cum Archiepiscopo Rigenfi, & Præsulibus Dorpatensi, Revaliensi, Osiensi, & Curonensi, quos auctoritate Romani Pontificis instiguerunt, totius regionis administrationem gererent, diù vicinorum injurias à finibus suis validè propulsarunt. Faciscebant tamen undique impetitus sub onere succollato impar viribus Ordo, quapropter Volquinus ejus Magister cum Teutonico in Prussîa Cruciferorum Ordini, cruce ipsius cum patrocinio sub tributarij obsequij promissione assumptâ moderante ejus Magisterium Conrado Turingo conjunxit. Albertus tamen Brandeburgicus hujus tribus serè post sæculis successor acceptâ à Livoniensibus equitibus ingenti auri vi obedientiam eis, & tributa in posterum omninò remisit.

Per rimas deinde Prussiaci exempli irrepsērunt in Livoniam Lutheri dogmata, quæ universus equitum ordo priùs, & mox ipsi Episcopi tam avidè admiserunt, ut eorum singuli contra prioris instituti placita thori sociam sibi assumerent, & Ordinis, vel Ecclesiæ fundos, ac prædia, venderent, vel in liberos suos hæreditario jure transmitterent. Satagentes autem, quæ sic occupaverant, valido præsidio firmare, Sigismundum Augustum Poloniæ Regem suis opportunum ausis judicarunt, norant enim eum rerum fidei incuriosum, & non dubitabant, quin exemplum parentis Sigismundi, qui Teutonicorum Equitum nomen in vicina Prussîa expunxerat, esset imitaturus. Huic itaque conciliatore Nicolao Radzivillo Nigro Palatino Vilnensi Calvinî sectatore Magister Ordinis. Gothardus Ketlerus nobilis Westphalus Anno 1559. ultimâ Augusti diè priùs Vilnæ, deinde XVI. Kalendas Martij Anno 1562. Rigæ: & Wilhelmus Archipræsul Rigenfis, etiam consentientis Collegij Canonicorum suorum nomine, postridiè ejus diè Livoniam cum Urbe Riga subjecerunt. Curlandiam tamen, & Semigalliam Ketlerus tanquam Poloniæ beneficium pro se, proleque suâ retinuit, pro quibus tandem Anno 1561. quarto Kal. Decembris Vilnæ ipsi Sigismundo Augusto clientelaris obsequij præstitit jusjurandum, acceptoque Ducis in Livonia Curlandiæ, & Semigalliæ titulo crucem ei, aliaque Ordinis insignia tradidit.

Magnus verò Holsatiæ Dux etiam Episcopatum Piltensem, sive Curiensem, ab ejus Episcopo Joanne à Muninchausen Anno 1559. Friederico Secundo Daniæ Regi venditum, & ab hoc ipsi, utpotè germa-
no

no suo, loco paternæ in Ducatu Holsatiæ hæreditariæ portionis anno subsequenti attributum, cum omnibus Ultradunensibus, quæ Mariæ uxoris suæ patruo Juano Moschorum Tzari eripuerat, Poloniæ tutelæ submisit.

Hos autem Sigismundi Augusti contractus à supremo omnium in orbe beneficiorum directo domino reprobatos fuisse successus ostendit. Moschus illo adhuc vivente maximam Livoniæ partem occupavit, in eâque persistit, donec à Stephani Regis virtute & fortunâ inde abscedere cogeretur. Ericus tamen Sueciæ Rex Revaliam jamdiu tunc interceperat, & per hunc pontem non ipse duntaxat in Elthoniam transierat; sed deinde ejus successores Joannes, Carolus, Gustavus Adolphus, & Carolus Gustavus tam ultra felicia promoverunt arma, eaque tam firmiter sive contra Moschos, sive contra Polonos stabilierunt, ut modò, exceptis Duneburgo, Rositenia, Lutzenio & Marienhufio à Moschovitis infestis, Livoniam universam cum Elthoniâ, dominio per nuperam Olivensem transactionem confirmato, cumque Osiâ Danis antea per pacta Bremsæboensia Anno 1645. extortâ Suecia possideat, & ita Livoniæ totius possessio Polonis exciderit. Ac par forsitan satum in Prussiâ eos maneat, dum jam in fabulæ præludium jus clientelæ in provincijs Alberti Ducis à Sigismundo ipsis assertum ejus pronepos Joannes Casimirus Friderico Wilhelmo Electori illius ex nepti Anna abnepoti perpetuâ abdicatione cessit.

Tanquam igitur Gothardi illius descendens Dux Jacobus Curlandiæ, & Semigalliæ habenas moderatur. Quas tamen molli admodum manu tractare debet, nobilitas enim provincialis ob nimias exemptiones oris est adeo delicata, ut, si durius coerceatur, calcitrosa, & contumax lessorem excutiat, fautoribusque in Aula Regiâ largitione conciliatis numquam careat. Quod præteritis annis expertus fuit Wilhelmus ejus parens, qui, cum Magni Noldæ nobilis Curlandiæ seditionis sui contemptum ad obsequium sibi debitum flectere nequiret, ideoque eum per satellites suos peremptum prostrasset, longâ duodeviginti annorum proscriptione, & fortis suæ in Ducatu privatione factum apud feudi Dominum ægre expiavit.

Reguntur provinciæ Curlandiæ, & Semigalliæ à quatuor regiminis consiliarijs, suo, nempe, Aulæ Præfecto, Burgravio, Cancellario, & Marefchallo: à binis Aulæ Consiliarijs: à quatuor supremis Capitaneis Nitaviæ, Goldingæ, Selburgi, & Tuccumij: & à septem alijs inferioribus Grobinensi, Durbensi, Frauenburgensi, Landaviensi, Schründensi, Bautskensi, Windaviensi, & Doblinensi. Hi judicia super nobiles, & rusticos, sui quisque districtus exercent, à quibus ad Ducem, ab hoc ad feudi Dominum Poloniæ Regem appellatur.

Bona nobilium ab allodijs parum differunt, ipsique in rusticos suos dominium tanquam in servos exercent, eos ad operarum præstationem indefinîtè adigentes.

Nobilitas tamen districtus, olim episcopatus, Piltenensis, qui à fluvio Wedâ ad insulam Osiâ, Plinio Latrin, ab Hicris Aëtyorum populis olim possessam excurrens partem haud minimam Livonici finis includit, non provinciæ Duci subesse; sed immediatè Polono Regi contendit. Districtus etenim, ut superius innuimus, ab Episcopo suo Joanne à Munehausen tanquam res hæreditaria Friderico II. Danicæ Regi venditus, & ab hoc fratri suo Magno attributus, eodem promoven-

De Episcopatu
Piltenensi.

vente

vente similes Sigismundi Augusti speciosos tutelæ casses cum reliquâ Livonia induit. Post Magni sata rixas super eo inter Stephanum Poloniz Regem, & eundem Fridericum jure hæreditario eum sibi vindicantem ortas Georgius Fridericus Marchio Anspacensis pacis sequester anno 1585. ita diremit, ut Danus acceptis ab ipso triginta thalerorum Imperialium millibus emptionis causâ Muninchaufio numeratis omni in eum jure se abdicaret, ejusque possessio in ipsum jure hypothecæ transferretur. Polono verò eum ad se ab Anspachio retrahere eâ refusâ quodcumque liceret. Huic tamen arbitramento Grodnæ die 15. Decemb. ejusdem anni coram Rege Stephano Dux Curlandiæ Gothardus solenni protestatione contradixit. Quâ minimè attentâ is in gentilem suum Balthasarem Bathorem facultatem eundem redimendi districtum sibi competentem assentientibus Reipublicæ Ordinibus, & per binas constitutiones confirmantibus transulit. Verumtamen, contra obnitente Georgio Friderico antiquatæ eæ fuerunt, & anno 1598. salvo Ducis Curlandiæ Friderici ad hæc conniventis jure præfati districtus possessio non tantum Marchioni ad fruendum ulterius relicta; sed ejus etiam conjugi, more in Poloniâ passim usitato, jure, ut vocant, advitalitio communicata fuit. At anno 1609. & 1611. Dux Curlandiæ Wilhelmus à Rege & Republicâ facultatem eundem relucendi impetravit, qui solutus Joanni Sigismundo Electori Brandenburgico defuncti Marchionis Georgij Friderici hæredi universali triginta millibus thaleris, & promissâ viduæ Anspachianæ annuâ mille florenorum præstatione districtus possessionem plenè nactus fuit. Cùm verò in eâ pendendâ Dux negligentior se haberet, per commissarios Regios in Curlandiam missos vidua in ejusdem possessionem anno 1617. iterum immissa fuit, quæ jus suum cum districtus possessione in Hermannum Maidelium cessione transfudit. Indè, cum anno 1639. vivere ea desisset, à Jacobo Wilhelmi filio adducente, quod ejusdem advitalitatis jus in Maidelium translatum extinctum fuisset, lites ejusdem successoris districtusque possessori Ottoni Ernesto Maidelio, imò etiam deindè nobilibus ejusdem districtus jurisdictionis suæ se submittere detrectantibus, motæ, quæ adhuc durant, quibusquæ Episcopi Samogitiæ, cùm jure suo, tùm speciali Urbani VIII. decreto hujus episcopatus administratores, salutaribus intervenientes protestationibus noxia sibi præjudicia avertere non destiterunt.

Ad Wedæ ostium Windaviæ (à Venedis forsan mare illud olim accolentibus sic dictæ) exurgit oppidum, ubi commodum Balticum æquor efficit portum. At capaciorem apud Libaviæ insulam è regione Grobini. Horum commoditate Dux Salomonem imitatus mercimonia per emissarios institores exercet, onerarijs suis, & rostratis in Americam usquæ, ubi parvulam Tabagi Insulam infidet, & ad oras orientales, ubi adhuc minorem Cambiam possidet, emissis.

Pergit a-
thor in iti-
nere.

Ad IV. Non. April. Grobinum deseruimus, procurante ex Ducali mandato itineris nostri promotionem Friderico à Drankowicz nobili Lituano, & Doblinensi Præfecto, qui & Domini, & subditorum gratuitis in nostrum commodum vecturis usus, per ducenta passuum millia Tzetzenium in finibus Semigalliæ (terræ finem popularium idioma- te hoc nomen significat) XVI. Kal. Maij nos ægrè deduxit. Nives à verno tempore sensim liquefactæ, & crebri è celo delapsi imbres telurem profundè adeò penetraverant, ut equorum ungulas, plaustrorum-

rumque rotas intra viscera recipiens, harum æquæ ac illorum motum semper cedens interciperet. Et rivulus quisque puerulis aliis vadosus adeo intumuerat, ut speciem magni referens fluminis transitum nisi per rates, quæ tunc connectendæ nobis erant, pernegaret. Accedebat regionis, quæ non à Succo occupatore, à quo tanquam patrimonium suum nunquam amplius (ut speraverat) restituendum ab omni belli injuriâ illæsa conservata fuerat; sed à protectore Polono patrioni confidentiâ desolatam se luget, miseranda vastitas, indeque agrestium raritas, & jumentorum, cæterorumque omnium defectus. Hæc omnia tam difficile nobis iter illud reddiderunt, ut diffiteri non debeam, quod in nullo unquam tot labores exantlaverim.

Cum Tzetzenium venissemus, statim per expressum nuncium de hoc Moschum Kokenhausi Prædictum certiores fecimus. Quapropter alterâ die Joannes Affanasiowicz Zelabowski Duorarin, sive nobilis aulicus, destinatus à Tzare ad nos Moschuam usque deducendum, Commissarius missio centurione quopiam nobis significari curavit, paratum se ex mandato sui Domini crastinâ die nos excipere, statimque ad eum nobiscum quàm maturrimè proficisci. Præmitteremus tantum ex tunc nostra, & familiæ nostræ nomina, ac officia, & in crastinum impedimenta.

His omnibus peractis movimus & nos ad XIV. Kalendas Maij, & post breve octo millium passuum iter ad ripam Dunæ è regione Kokenhausi pervenimus.

Et ad Du-
nam per-
venit.

Fluvius iste Ptolemæo sub Rubonis nomine notus ortum, & nomen ducit ex lacu Dwinâ, quinquaginta millium spatium à palude Fronoviâ in sylva Wolkonskia Ducatus Rescoviensis, & à Borythænis scaturigine æqualiter distante, occasumque prius, deinde arcum, versus præpeti cursu progressus flumina Vielissiam, Viatzycam, Szomkam, Casplam, Widzbam, Luczosam, Dobrzymiam, Krazywinam, Ullam, Obolam, Polotam, Iszczam, Dzieznam, Dryssam, Druiam, Duetam, Indricam, Evestum, Koknam, Ugram, & Muszam secum permixta abripit, arcesque, & oppida Velisium, Vitepskiam, Ullam, Polociam, Dieznam, Druiam, Duneburgum, Kryfsburgum, Kokenhausum, & Rigam adiens, in Livonicum Baltici maris sinum longo sexcentorum millium passuum itinere fatigatus se, adductasque ex Russiâ, & Lienaniâ solidas per ignis eliquationem ex faxincis, ulmeis, tiliaceis, & salignis cineribus à fullonibus, & saponis confectoribus expetitas massas, bovina præstantissimi laboris coria, triticum, resinam, canabim, linum, mel, ceram, sebum, pretiosasque cujuscunque generis pelles inter Prussos, Suecos, Danos, & Germanos dispartientibus exonerat; salemque, vinum, solidos aureos, argenteosque Joachimicos in Lituaniam, & Moschoviam omnibus, præter ferrum, metallis carentem revêhit.

Quem
describit.

Cum in ripâ edito hæceremus, venit ad nos Lazarus Zimmermannus Moschoviticus interpret ex ijs, quos, quippe legere, & literas pingere doctos, digniori vocabulo translatore Moschovite appellant, qui nomine Commissarij nobis dixit, vidisse eum ex copia literarum com meatu Sacræ Cæsareæ Majestatis, & notulâ familiæ nostræ antecedenti die à nobis centurioni ab eo ad nos missio profuâ notitiâ traditis, quod nos Sacræ Cæsareæ Majestatis Abligati vocaremur. Habuisse autem eum in mandatis à Domino suo, ut Cæsareos Legatos,

E

non

non Ablegatos, exciperet, & deduceret. Quare peteret, ut certiùs eum de charactere nostro edocere haud gravemur.

Munierat Imperator duplicibus nos fidei ad Tzarem literis. Unz Ablegatos nos vocabant, tradendæque ei per nos erant in primâ admissione, cum pacificam Majestatis suæ Cæsarex interpositionem inter ipsum, Regemque Poloniæ eidem oblaturi eramus. Minime enim decebat, ut hujus solius functionis intuitu strepitoso Legatorum nomine insigniremur. Alteræ verò augustiore hoc prædicato nos honestabant, & ex promendæ à nobis tunc demùm erant, cum post admissam oblationem nostram declarandum à nobis foret, quòd ego nomine Cæsaris officio conciliatoris pacis in loco pro tractatibus habendis designando functurus, atque tunc ibidem, & nullibi antea, Legati cum plenâ ad agendam de pace inter partes facultate characterem assumpturus essem, dum Collega meus Moschuz permanens parem, illi, quam ab Imperatore apud Poloniæ Regem suscipere Baro de Lilola jussus fuerat, procurationem explanandi apud Tzarem quascumque ex literis meis in dies ortas inter tractandum difficultates perceperisset, obiret.

Respondimus itaque, ipsum Commissarium jam ab utroque memorato documentò satis superque edoctum fuisse, nos tanquam simplices tantùm Sacræ Cæsarex Majestatis ablegatos ad Tzarem proficisci. Undè mirum, quòd cum nos excipere tanquam tales à mandato Domini sui, ut asserbat, prohiberetur, impedimenta tamen nostra Kakenhaufum transvestari curavisset. Admitteret igitur & nos, aut illa nobis remitteret, ut redire ad eum, qui nos ablegaverat nostrum Clementissimum Imperatorem possemus, ipse postmodum de hac repulsa Domino suo satisfaceret.

Hoc audito Commissarius eundem Lazarum ad nos remisit, qui nunciaret, eum ad nos, quocumque tandem nomine veniremus, excipiendos paratum esse.

Consuetudo Moschorum, quibus eorum missa à Magno Duce Legatorum, exteriorum exceptio est.

Non latebat nos, quòd Moschi, quorum nemini extra patriam pedem efferre, domi studiis vacare Tzare vetante licet, ideoque aliarum in Orbe gentium, & terrarum cognitione carent, patriam suam reliquis omnibus Mundi plagis anteferebant, se ipsi supra omnes nationes extollant, & Tzaris sui potentiam, ac majestatem quorumcumque Regum, & Imperatorum viribus, & dignitati præjudicante opinione præponant. Quodque hinc externos omnes tanquam infra se positos ipsi ex alto imaginatæ excellentiæ suæ adeò despiciant, ut, si alicujus Monarchæ Oratores sint excipiendi, illi, quibus à Tzaro hoc munus demandatur, petere audeant ab ijs tanquam liquidò debitum, ut priores e rheda, vel equo descendant, prioresque caput aperiant. Et deinde, dum eos deducunt, honoratiora sibi loca præripere non erubescant. Hocque tam protervè, ut protractâ aliquandò ad horas pertinaci contentione videri tandem velint de jure suo ex urbanitate concessisse, si concesserint, ut eodem temporis instanti Legati simul cum ipsis terram premant, pileumque deponant. Quapropter visum fuit nobis tales antevenire altercationes injungendo interpreti, ut præcedens Commissarium præmoneret, me in legationibus obeundis tyro-nem haud esse, & perquam optimè nosse, quid nos, quid illum deceret. Abstineret igitur nos excepturus ab usitatis in his functionibus à gente suâ comœdijs, in quibus nullo modo nos agere vellemus.

Flumen

Flumen trajicientes vidimus eum ex arce equo vectum descendente, & mox in ripâ desilientem, standoque exscensum nostrum octo circiter passus longè à navi præstolantem. Cùm ad exscendum prior nostrum se moveret, movit & ille se versùs nos, ita ut in mediâ æqualiter inter se, & nos distantia nos exciperet. Ptor tamen tegumentum è capite suo detraxit, detegentibus nobis post illicò nostra. Ibi apertis utrinquè capitibus dixit, missum se à Magno Domino, & Tzare, &c. (integrum Domini sui titulum memoriter recitavit) ad nos ablegatos amici, & fratris ejus charissimi LEOPOLDI &c. (hic totum pariter Sacræ Cæsareæ Majestatis titulum ex chartâ legit) excipiendum, & ad ipsum deducendum. Patatum se ad hoc libenti animo præstandum.

Respondimus decenter repetitis integrè, sed priùs, ut pat erat, Sacræ Cæsareæ Majestatis, & dein Tzaris titulis. Et ille nos de salute nostrâ, & phrasi Moschoviticâ quàm benè equitassemus? interrogans, dextram nostræ miscendam utriquè nostrum, & cunctis ex honestioribus familiæ nostræ porrexit. In admos deinde equos insilientes ad casulam extra oppidum nobis pro hospitio destinatam ascendimus. Præcedebant nos peditum centuriæ tres expansis vexillis, & resonantibus tympanis. Cùmquè animadvertissimus, commissarium nostrum dextrum meum latus equitando texisse, ad evitandas altercationes vocavimus sub colloquendi prætextu interpretem, qui sinistram Collegæ mei clauderet, & ita ambo medij inter eos equitavimus.

Est igitur Kokenhausum ars Livoniæ in editis Dunæ, & confluentis ignobilis rivuli ripis extructa, naturâ loci magis, quàm arte munita, clade septem millium Suecorum nobilitata, quam cum Derpatensi provinciâ, totoque usque ad Petzurienfè cœnobium tractu Anno 1654. Suecis extortam Moschi tunc detentabant. Ibi, cùm multa ad iter necessaria deicerent, sequenti die hæsimus. At XIII. Kal. Majj indè moventes, IX. Matienburgum, undecies decies mille continuz sylvæ quocumquè felici carentis arbore passus profecti, venimus.

Vix ingressis supervenit ex Dorpato Athanasius Lautentewicz Otdin Nascloekin, ex Dumni-Duoraninis, sive nobilibus Tzari à consilijs, & Livoniæ tum Præfectus, qui, misso statim ad nos quodam domestico suo de adventu eò nostro gratulatum, postero die, qui apud Moschos Græco Calendario cum assuetâ indigetum suorum commemoratione utentes celebratæ Dominicæ resurrectionis fuit, summâ cum urbanitate nobis usquè ad equos obviis nos convivio excepit.

Ordinaria Moschovitarum, etiam magnatum, victûs ratio frugalitatis leges neutiquam violat. Super mensâ oblongâ, & angustâ posteriori lini mappâ stratâ locantur acetî phiala, piperis vasculum, & salinum. Discumbentium singulis cum pane cochlear apponitur, sed non semper. Orbis, mappula, cultet, & furcinula, præter proceres, nulli. Fercula indè inferuntur singulatim unum post aliud, multiplicatis tamen, si plures adsint convivæ, ejusdem speciei patinis, apud primores serè omnes, aliosque ditiores æquè cum reliquo mensæ apparatu stanneis, usquè ob mediastini indigentiam fortidè denigratis. A vino sublimato prandij fit initium. Obsciorum autem primum pes est bubalus elixus frigidus aceto & crudis cepis conditus. Aliæ deinde apponuntur sive elixæ, sive affæ, sive jusculentæ dapes; sed vis aliqua alijs, aut cepatum, quæ Moschorum sunt quæstissima gulæ irrecita-

In ripâ Dunæ apud Kokenhausum author decenter à Moschiis excipitur.

Indè venit Marienburgum.

Ubi à Nascloekino convivio adhibetur.

De Moschorum victûs, & conviviorum ratione.

menta, experts. Nulla ibi certè cupedia: nulla artis coquinarie, quæ à totâ Moschoviâ exultat, scitamenta. His tamen cibis summa omnes aviditate adeò se ingurgitant, ut helluentur potiùs, quàm comedant. Cùmque carnem omnem circa os aliquod arroferint, illud rursus in lancem, undè vestitum acceperant, nudum projiciunt, contractamquæ ex corrosione oris salivam juscule commixtam digitis adhærentem in eam concussâ dextrâ excutiunt. Potûs varia habent genera. Vinum, & cervisiâ, quibus rarò utuntur. Medones omnigenos, quorum crebrior usus. Et vinum distillatum, quod utramquæ paginam facit. Diversis autem his potionibus diversâ pariter ejuscumque modi vasâ sunt assignata. Pateræ, crateres, cyathi, pocilla, simpula, scyphi, calices, canthari. Sed omnia, ut plurimùm stannea, vel lignea. Rarò argentea, & hæc nigra, & sordida, etenim ab ijs mundandis Moschi studiò abstinent, ne atterantur. Quod si convivium amicis apparari velint, quomodò sua omnia ad ostentationem componunt, putant illud haud opiparè institutum, aut scitè exornatum, nisi cum carnibus & avibus plurima etiam variorum piscium, qui Moschuz carè venennt, inerudito, licèt, luxu, sercula apponantur. Delicati tamen adeò palatûs non sunt, ut illos, quamvis juxta morem putidos, abijciant, aut abhorreant. De bellarijs parùm sunt solliciti, antequam enim ea apponendi hora adveniat, cibus fartî locum pro illis in dûtentò ventre non ampliùs inveniunt. Potandi modus à solâ temulentia præscribitur, nemoquæ ex triclinio, nisi elatus, exit. Durante convivio erumpunt frequentissimè in repentinos sonorisissimi bombi ructus, qui per alij, ceparum, raphanorum, & vini adusti indigestam mixturam fœtidi, & licentiâ stoicorum, qui ructus & crepitus liberos esse volunt, crepitosis imi ventris exhalationibus mixti pestilentissimâ mephiti adstantes afflant. Sudarium non in perâ, sed in pilvulo, emstant. Mense autem aperto semper capite accumbunt. Si itaque emungendi nares necessitas instet, absentis linteoli vices digitî impleant, quos simul cum naribus mappâ deinceps absterguant. Verba confabulationum, utpotè hominum omnis disciplinæ, & literaturæ rudium, inanitia prorsus sunt, ac sæpissimè castis auribus offensionis. Maledicentia, & exultatio in rebus pessimis vel per mendacem alienæ exultationi detrahentem jactantiam sunt plurimorum sermonis apophtegmatâ, & sales. Nec defunt aliquandò sua his convivij apophoreta. Semper verò convivoris uxor elegantissimâ amicta togâ, integroquæ mundo muliebris ornata binas, vel plures, post se pedissequas trahens in cœnaculum prodit, & digniori convivæ pateram sublimato plenam vino summis à se labijs delibato tradit. Quod dùm ille haurit, in conclave suum raptim advolans, aliâ superindutâ tunicâ confestim ad par officium alteri exhibendum redit. Et repetitâ deinceps semper cum ceteris singulis eadè ceremoniâ, tandem ad summum se parietem recipit, ibiquè stando luminibus humi dejectis pendula ad utrumquæ latus componens brachia accedentium ad se juxta dignitatis prærogativam convivarum malè jam à potu, & cibo olentia oscula ore excipit patienti.

Verumtamen à Nasciokini convivio horum multa abfuerunt. Consors enim ejus non aderat, convivæ autem ibi pauci, & hi militari ejus imperio subditi, ideoquæ modesto cum silentio venerantes. Et ipse morum nostrorum imitator minimè ineptus comi facilitate à genere potionum, & perpotandi lege nos excmerat.

Non

Non tamen in omnibus Moschoviticum exuisse ingenium ostendit, dum nobis inter pocula querulus exposuit, quòd Dux exercitus Lituanici Michael Paczius contra pacta armistitij oppidulum aliquod obfisione premeret, instantissimè petens, ut eum per literas ab hoc attentato retrahere vellemus. Etenim, cum respondissemus, neque armistitium per aliquem Sacrae Cæsareæ Majestatis ministrum concinnatum, neque eam pro pacis sequestro adhuc à partibus admissam fuisse, ideoque nulla posse à nobis ejusdem nomine in hoc officia interponi: Sed nequè privato nostro, dum nulla nobis sive cum Paczio, sive cum ullo alio Litvano, aut Polono amicitia, imò nec simplex ex visu cognitio intercederet, curiosè nos percontatus fuit, per quam viam eousquè venissemus. Et audito itineris nostri circuitu regessit, cur non potius per Poloniæ, & Lituanie compendia illud rectà Moschuam versùs direxissemus? unico labore, & absquè ullo temporis dispendio ex viâ periculum priùs in Poloniâ facturi, an Regi illi eandem Cæsaream oblationem admittere libuisset. Respondimus autem, regiones illas ob illatas per tot annos à tot exercitibus vastationes vel unico pediti propter alimonie defectum impervias tunc fuisse. Imperatorem verò confidisse, quòd etiam Poloniæ Rex pacificam suam interpositionem esset admissurus. Nequè illi opus ad eam Regi offerendam operâ nostrâ fuisse, cum alius Cæsareus apud eum minister hoc munere congruo tempore functurus esset.

Moschovitarum plurimi nihil unquam gratis agunt, cumquè solo morum suorum circino aliorum animos metiantur, dum comprehendere mente nequeunt, quòd aliquis velit esse gratitudò probus, suspicionibus jugiter anguntur, inde evenit, quòd candidam simplicioris alicujus sermonis sinceritatem inanibus argutiolis in deteriorem partem sophistæ suspicaces detorqueant. Et præsertim si eos, cum quibus agunt, literis ornatos esse audierint. Tunc enim, Saulis ad instar, qui Davidem cavere coeperat, quia prudentem deprehenderat, omnia in ijs, tanquam simplicitatis larvâ calliditatem tegentibus, suspecta habent.

Nasciokinus itaque, quippè ingenio acri præditus, expiscari avebat, an securi de admissâ jam tunc à Polonis pacificâ Cæsaris interpositione ad suum Tzareem eandem oblaturi proficisceremur. Collusionem enim inter Cæsarem, & Regem Poloniæ suspicabarur, numquam in animum admittens, quòd ille ex mero zelo sistendi Christiani cruoris effusionem nos ablegasset; sed potius, quòd ex compaço in gratiam potentissimi contra Poloniæ invasores Regi nuper præstiti auxilij futurus ipse, vel aliquis alius ex Augustissimâ Domo, ejus in Regno succesor, operam pro componendâ pace offerret in suum commodum laboraturam, vel certè nunquam affectu indifferenti inter Principes religione differentes, quorum alterum pacis sequester communibus sacris, & archâ sanguinis cognatione contingeret.

Postero die abeuntes per millenos passus eques comitari nos voluit: Admirandâ profectò apud Moschovitas comitate.

Ad VI. Kalendas Maij, Niemhusio quadraginta à Marienburgo passuum millibus post terga relicto, ab horrore Livonicæ Sylvæ in apricis Moschoviticæ ditionis Petzurense campos exivimus, per quos denis verlis (sunt verisâ milliaria Moschovitica Italicis aliquantò contractiora) vecti, ad cœnobium Petzuram, quòd sepulchretum signi-

Nasciokinus explorare notatur, an author securus de admissâ à Polonis Cæsaris pacificâ interpositione veniret,

Prosequendo iter suum Petzuram venit.

fiat, irrito conatu à Georgio Farenbachio auspicijs Stephani Poloniz Regis anno 1581. oppugnatum, venimus.

De ritu,
quo Russi
Christum
colunt.

In Russiâ igitur Moschoviticâ jam debebamus apud gentem, quæ Christum colit; Græco tamen jamdiu à veræ & unicæ ejus sponse Ecclesiæ Catholicæ Romanæ infallibili per certam Dei assistentiam judicio damnato ritu, quem à Duce Volodimiro Suatoslai filio notho anno secundum eorum cum Græcis communem xram ab orbe condito 6496. à redempto verò 987. Chersonæ, Heraclensium Ponti accolarum in, Scythicâ peninsulâ coloniz, à Turcis Sari Germeni vocati, imperantibus in Græcia Basilio & Constantino sacris undis abluto per manus traditum mordicis semper retinuerunt. Irrepentibus tamen sensim in eum haud paucis à Græco aberrantibus. Ut illud Jaroslai ejus filij fuit, qui anno 1044. patruorum suorum Olegbæ, & Jeropolchi in ethnocismo repetito parricidio peremptorum ossa damnato antè octavum tunc seculum Montanistarum more voluit baptizari. Et siquidem audieramus, conservari in monasterij sano effigiem Divæ Virginis ex arbore enatam multis miraculis claram, pia nostros cupido incessit animos eam pro felici auspicio nostri in Russiam ingressus venerandi. Petijmus itaque à commissario, ut nobis facultas heret templum adeundi. Quod licet verbis concesserit, opere negavit. Præmissis enim, qui ædificum præmoneret, ut copiam sui nequaquam faceret, aditus in illud patere nobis eò venientibus haud potuit. Edocti deinde tuimus, quod externæ religionis homines æque, ac canes, ab aditu sanctorum suorum Moschovitzæ (quicquid olim vel fecerint, vel facturi sint) nunc arceant. Quodquæ si quis curiositate ductus in ea clanculum se intruserit, manibus per brachia arreptum contemptum educant, & solum post eum verrendo quasi impurâ contagione prophanatum expient. Imò quod neque vetus testamentum in ea inferri velint, nè polluantur, dicentes, multa obscœna, & nefaria in eodem scripta contineri. Quare illud etiam à privatis in ædibus suis lararijs eliminant, ejusquæ lectionem (psalterio, & aliquot ex Prophetis locis exceptis) monachis omnino interdiciant.

Petit au-
thor facul-
tatem ad-
eundi Pe-
tersburgæ tem-
pli, quæ
non datur.
Ohstante
Moscho-
rum more.

De mo-
nachis in
Russiâ.

In hoc monasterio, quomodo etiam in reliquis in Moschoviâ frequentissimis laudabili magni Basilij instituto severissimæ monachis præscriptæ sunt leges. Carnes enim ipsæ perpetuè sunt interdictæ. Piscibus tantum, ovis, ac lactarijs concessis, quibus tamen vesci singulis per totum annum secundis, quartis, & sextis feriis, ni festivæ fuerint, & continuò quadragesimalis jejuniij decursu (exceptis anniversarijs humanati Divini verbi, & solennis ejus in urbem regiam ingressus diebus) vetitum. Imò nec vinum sublimatum, aut merum, aut aquam mulsam, aut zythum tunc bibere; sed solâ aquâ purâ, vel per injectum fermentum acidâ, Russico idiomate Kuvaz dictâ, sitim sedare licitum. In templo statis horis, etiam nocturnis, & antelucanis, communibus precibus interesse omnibus mandatum. Verumtamen sanctissimis his constitutionibus serè omnes vel intra ipsa monasterij septa prævaricatores illudunt, & sæpissimè etiam extra. Nam apud notos, & consanguineos opiparè pasti contractum ab austera abstinentiâ genij mororem longû omnigenarum potionum haustu obruunt. Indeque jurant, rixantur, procantur, & per urbis plateas omni decore postposito nunc pedites, nunc equites, nunc vilissimis vestî plostellis, ipsi non raro aurigantes, habitu per mille sordes contemptibili, longâ il-
luciv

lucio squalidi vagantes, docent vulgus, quam præconceperat de eorum sanctitate opinionem non medicamentis, sed certiori notitiâ abigere, & debitam aliâs monasticæ professioni reverentiam dediscendo eos naucifacere. Inter eos Abbates, & Priores, ac bini, vel terni dumtaxat in singulis cœnobijs monachi sacerdotes sunt, remquæ divinam, per vices faciunt. Sed non idè alios sanctitate præcellunt, imò, quasi per frequentiam sacrificandi aliquam cum Numine familiaritatem contraxerint, timore, & reverentiâ lepositis confidentius peccant. Præsertim cum gravioribus apud eos sceleribus levissimæ dumtaxat animadversionis poena irrogari consueverit.

Confectus, dum ego Moschur desiderem, in carcerem fuerat adolestens quidam popi filius ob imagines sacras pretiosis gemis ornatas ab eo ex templo quodam furto subtractas. Quod cum inficiaretur, quæstioni adhibitus fuit, cumquæ torturæ dolorem ferendo non esset, reum se sacrilegi furti fassus addidit, se sacerdoti cuiquam monacho illius cœnobijs, è cuius templo sacras icones furatus fuerat, longâ stupri consuetudine succumbere solitum. Citatus ille ad tribunal, coramquæ cinædo constitutus factâ exaggeratæ humanæ fragilitatis excusatione flagitium non ixit inficias. Jam quicumquæ Divinæ nefandam Pentapolim ultionis reminiscitur, pyram contra manifestum scelus, imò confessum, in punitionem instructam sibi (scio) imaginatur. Et appositè quidem, sed non verè. Bonus ille nox exemptus capitali pauculos dies ergastulo inclusus, indè in aliud cœnobium ad farinam per dies sexies septem subcuniculo à fursure socernendam remissus fuit. Ubi elapso exacti operis tempore singulorum in monasterio professorum cellas adeundo, ostiaquæ earum pulsando, gospodi pomilui, Domine (scilicet) miserere, repetens, ibique ab unoquoque ternos scuticæ ictus dorso excipiens scelus valuit expiare. Puer verò patri popo redditus hæc lege fuit, ut popi dominus damnum Ecclesiæ à fure illatum ære suo refarciret, in documentum severiori in posterum famulos suos disciplinâ à maleficijs coercendi. Jus tamen dominicum in delinquentem tanquam sibi addictum pro exsolutâ summâ usque haberet, donec ille servitijs suis juxta statutorum præscriptum æstimandis à nexu se redimeret. Tot autem opibus à piorum largitionibus dotata monasteria dicuntur, ut simul cum insulatis tertiam in Moschoviâ fundorum partem possidere credantur.

Petzurâ post sumptum prandium moventes, postero die campos illos prætervecti, in quibus Waltherus à Plettenberg Ordinis ensiferorum in Livoniâ Magister modicâ duodecim millium bellatorum manu Basilium Iwanowicz Magnum Moschorum Ducem centum millia Russorum cum Schytharum triginta millibus in adversam aciem producentem fudit, & unici militis sui jacturâ hostes occisione propè occisos ferè delevit, quadraginta vestis emensis Plefcoviam venimus. Cui ad mille passus jam vicini vidimus in patenti campo adventum nostrum prætolantes trecentos equites, quorum pars minima gregarij. Omnes ferè erant officarij vestibus & phaleratis equis ad spectaculum ornati. Eorum unus tribuni dignitate conspicuus ex equo per interpretem nobis in rhedâ nostrâ perseverantibus significavit, missos se à Duce Joanne Andrewicz Gavanski Bojaro, & armorum Præfecto generali Plefcoviensi, ut nos ex mandato sui Tzaris exciperent. Post nostras gratiarum actiones pergentes nos urbem versùs antecesserunt. Cumquæ in ripâ flumi-

Venit
anthor Ple-
fcoviâ, ubi
bonestâ à
Duce Ga-
vanski
excipitur.

fluminis Welikæ Rekæ, olim Turunti, moenia ejusdem à meridie alluentis, illud navi trajecturi, descendissemus, venerunt ad nos ex ijs principaliores, nobis datis dextris de felici nostro adventu congratulantes. In oppositâ ripâ stabant numerosi pedites, & equites, quinos semper rhedâ vectos in urbem per plateas utrinque à dispositis sub quinquaginta vexillis sclopetarijs armatas ad hospitium nobis destinatum, dedexerunt. Ibi quinquaginta strelitzij, sive prætoriani, custodes nobis dati, qui tamen nemini ex familiâ nostrâ exitum prohibuerunt. Ipse Dux Gavanski neminem, qui nos suo nomine videret, misit, nequē lautij honoravit, quam contra morem omissionem adscriptimus inimicitij, quæ ipsi cum Nafciokino intercedebat, quasi illius exemplum, sequi fuerit designatus. Etenim Moschovitæ Amicitij apud cunctas nationes sanctissimo Numini nullum templum, altare nullum unquam dicarunt, eamque non ex re, sed ex commodo æstimant, parati semper juxta Biantis placitum ita amare, ac si statim odisse debeant. Ab invidiâ verò stimulatî simultates inter se exercent, occasione captantes mutuo se supplantandi, quam oblatam arripere perbellè norunt. Percepimus tamen, cum curiositati suæ adeò indulsisse, ut extra urbem inter equites incognitus nos exceperit, & dein sub rustici veste latens rhedam nostram inter anfractus platearum urbis laborantem suo nisu sustentaverit.

Hic est ille Gavanski suis cladibus orbi notus, qui stolidè feroc ab animi inconsulti impetu abreptus ultrò hosti semper occurrit, aut instat, nunquam ejus vires in judicij statera appendens, quicquē nullam ex imperatorij artibus callens, nihilominus dignus habetur, ut imperet, quia ex Coreccij Ducibus in Volyniâ ulteriori per Basilium Alexandrowicz Demetrii Koributhi Olgerdi Magni Ducis Lituaniæ filij nepotem descendit. Quandoquidem juxta Moschorum morem inter exercituum duces genus, non experientia spectatur, & licet quis per omnes longæ militiæ gradus fortitudine, & prudentiâ ducentibus ad supremum consensus mille ab hoste reportatis laureis inclaruerit, submittere tamen fasces debet ignavo cuiquē, & imbelli supervenienti, si avos ille illustriores fortitus fulgore vix suo coruscans ejus nobilitatem, quantumvis claram, obumbret.

Ad IV. Kal. Maij Plefcoviâ exeuntes, ipsis Kalendis Solczam pagum apud fluvium agnominem per ter tricenâ versas venimus, ibiquē lembis consensu flumen Salonam, cumquē ipso lacum Ilmenium deinde ineuntes, ac septuaginta benè habitæ ripæ versas præternavigantes, Novogrodiam Magnam V. Non: Maij appulimus. Ubi propter ingruentem pluviam, non expectatis, quos nobis mittebat Vicepræfectus, equis, per dispositos sub triginta quinque vexillis à litore usque ad hospitium nobis præparatum utrinquē in plateis pedites pertransivimus. Interluit hanc urbem Chersinus, Russis, dum lacum Ilmenium intrat, Lowat, dum verò ad Finnicum sinum per lacum Ladogam se evolvit, Wolckow dictus.

De Russo-
rum jeju-
nijs.

Ibidem ille alterâ die, quæ seriam repræsentabat quartam, prandentibus nobis duodecim variarum potionum amphoras, ferculaque ter novem submitit Russicæ abstinentiæ convenientia. Multa enim Moschovitæ præcepta sunt jejunia, quæ districte admodum servant. Singulis per totum annum Mercurij & Veneris diebus carnes, ova, & lactaria à mensâ facere jubent, reliquis omnibus cibis admissis, modò

modò apud paulò religioſiores zacharum abſit; ſed non omne, verùm turbinatum, & in obeliſcos conglutinarum dumtaxat, eò quod per ovorum albumen depurgari ſoliturum inaudierint. Quadrageſimale jejunium exordiantur ab hebdomadâ ſexageſimâ, in quâ tamen ſolis carnibus abſtinentes, ſed piſces omninò, ova, & lactaria etiam quartâ & ſextâ ſeriâ admittentes, eorum plurimi computationi adeò indulgent, ut non interpolatâ unquam per illud tempus temulentia mente capiti Bacchantium ad inſtar lymphati errantes in mille facinora, & flagitia ruant. Sequenti verò ſeptimanâ poenitentes, juſtitio indicto domiſerò omnes excluſi ſolo pane ſecundario, fluminequè puro, vel fermentato eorum plurimi ſunt contenti. Reliquis ſex addunt ſaſimenta, & ad libitum recentes piſces. Porro ſequitur Petri jejunium ab octavâ poſt Pentecoſtes uſquè ad anniverſarium Petri & Pauli diem. Dein jejunium Divæ MARIE à Kalendis Auguſti uſque ad aſſumptam in Cælos Virginem Deiparam. Et tandem jejunium Philippi, ſic dictum, quòd circa Philippi ſerías, quibus ſecundùm Græco-Mofchoviticòs falſto dies Novembris decimus quartus attribuitur, uſque ad feſtum naſcentis Salvatoris protrahendum incipiat. Profeſtium decollati inter epulas Præcurſoris jejunii omnino uſquè ad ſolis occaſum, ſed Epiphaniæ Domini, etiamſi in diem ſolis inciderit, ſolâ carniū abſtinentiâ venerantur. Ab auſterâ hæc jejuniorum lege aliquem eximere nulli licet. Quin imò nec parvulis, nec infantibus matres diſpenſant. Cœnobii verò, & omnes inſulati, quippe ſub lege monachali perfeverantes, archiori adhuc nexu ad ſevcriorem jejuniorum obſervantiam obſtringuntur. Contra poſt natalem Domini diem quatuordecim continuos ſoles, ſeptem verò ante Dominicam ſexageſimæ, totidemquè poſt Reſurrecciónis, & Pentecoſtis feſta carnibus ſemper veſel ſibi licitum faciunt.

Et quidem in hebdomade poſt Paſcha tantâ celebritate omnes, ſivè majorum, ſivè minorum gentium, ſivè plebis utriuſquè ſexùs promiſcue genium exhilarant, ut eos putes inſanire. Etenim ab omni opere ſeriatu, tabernis, officiisquè clauſis; at ganeis, populiſquè patentibus; ſilente per juſtitium ſoro; verùm reboante per turbulentorum clamores ætre, quocumquè in loco primâ vice obviam ſibi invicem ſiunt, ſi aliqua inter ipſos cognitio intercedat, Chriſtus ſurrexit, alter alteri dicit. Iſquè reſpondet, Verè ſurrexit. Illicoquè os otii applicando (obſolato plerumquè priùs viciliſium ſibi vel vero elixio, vel ex ſylvâ mentito, exteriuſquè varijs illito coloribus ovo) mutuò ſe oſculantur. Popi verò omnes, ceterique Ecceſiaſtici, puero aliquo in levamen ſacræ imaginis, aut crucis ſerendæ ſecum aſſumpto, ornatoribus amiſſi tunicis per urbium, vicorumquè compita curſitant, tribules ſuos, notoſquè alios viſitant, & apud eos computationem uſquè ad plenam ebrietatem trahunt. Totquè in publicis vijs ſivè maſculini, ſivè ſeminini ſexùs potu obrutos jacere videbis, ut judicare debeas, non tantum gratiæ apud Deum promereri potuiſſe auſterum eorum jejunium, quantum, per violatas poſt illud licentiâ tam eſtremi ſobrietatis leges ejus in ſe attrahunt indignacionis. Æra campana omnia continuo noctes dieſquè tinnitu ætrem verberant. Etenim non ab ædiculis dumtaxat convocandæ ad pſalmodias & ſacrificia plebis, aut in ea excitandæ devotionis ergò ſtatis horis pulſantur; ſed ab ebrâ quoquè cujuſcunque pertranſeuntis ſuperſtitione credentis, ſe per illum ſonum cognatorum, vel amicorum manibus gratiſſimum creare ſolatiū.

Eorundem-
que poſt
Paſcha hi-
laritate.

Tzar toto primo triduo in admittendis ad manûs osculum proceribus, reliquisquæ sulcis suis occupatur. Magnates, & qui ad eorundem conditionem per aulica munia contendunt assurgere, aliquot ei zebellinas pelles cum pane & sale offerunt, quas ille utroque hoc retento gratias dicens ipsis reddit. Ceteri sinè munere eum accedunt, dumquæ ejus in pugnum contractæ dextræ osculum figunt, suam huic subijcientes, bina ex eâ cadentia ova singuli excipiunt.

Sumpto prandio Vicepræfetti rhedâ ad navigia per eundem militum apparatus vestî, laci undas adhuc per vigintiquinquæ versitas eâ die fulcavimus, & in pago Navoluki apud popum, sive sacerdotem pernoctavimus.

De Re-
ligione &
hierarchiâ
Moscho-
vitarum.

Cùm nothus Volodimirus Rurichi pronepos sacris se Christianis addicere decrevisset, & à Basilio Orientem cum fratre Constantino communicato imperio tum moderante levare de sacro fonte elegisset, Nicolaus Chrysobergus Patriarcha Constantinopolitanus Michadem natione Græcum Rusiæ metropolitam constituit, eiquæ Volodimirum, ejusquæ subditos sacris undis tingendi munus demandavit. Exinde ecclesiasticæ in Moschoviâ Hierarchiæ Patriarchæ semper præfuerunt Constantinopolitani. Quorum tandem Hieremias, cùm per Russias cursitaret ad corradendas pecunias, quibus empto Portæ Ottomanicæ favore Mitrophanem unitum è Patriarchatu extruderet: Cùmquæ in vilissimâ paupertate sub Turcico jugo gemens gentem Moschoviticam, per erepta tunc Tartaris Regna Casanense, Astracanense, & Sibirienfè, & Selynum Turcorum Imperatorem ingenti clade affectum in orbe gloriosam, tanquam futuram olim Orientis liberatricem, & præpotentem Orææ fidei assertricem suspiceret, facilè ab ejus preciosis precibus exorari se passus fuit, ut ejus ambitioni velificaretur concedendo, quodd proprium habere Patriarcham posset à Constantinopolitano planè independentem. Respexit forsitan ad Synodum Chalcedonenfem in canone 17. statuentem, quodd, si civitas aliqua innovata fuerit, civiles, & publicas constitutiones Ecclesiasticarum quoque paræciarum ordo subsequatur. Mense itaquæ Februario Anno ab orbe creato 7097. à Christo nato 1588. dominante in Moschoviâ Theodoro Joannis Basilidis filio primus Jobus in Patriarcham Russorum Moschuz ab ipso Hieremiâ consecratus est. Hunc Anno 1605. Demetrius, impostoris notâ sub nomine Griskæ Utrepejæ apud Moschos infamis, sede dejectum ad claustrî septa repedare coegit, & Ignatium Romanæ (ut Moschorum annales referunt) fidei hominem ei suffecit. Qui dein à successore dilaniati Demetrii Basilio Suisko in monasterium miraculosum Michaelis Archangeli in urbe Moschuâ detrusus locum fecit Hemogeni Casanenfi metropolitæ, communi ejusdem Basilij, & cleri consensu ad tantæ dignitatis fastigium, ad quod Jobus rursus ascendere abnuerat, evecto. Sed malis avibus, etenim à suribundâ plebe eodem cum promotore suo odio abreptus in subterraneâ inclusus caveâ inediâ enecatus interiit. Electus igitur postmodum promotione filij Michaelis Magni Ducis, & Antistitum consilio Philaretus Metropolita Rothoviensis, cui ordine successerunt Jafaph, Josephus, & præfens Nikon. Omnes verò absolutam in Ecclesiasticos, & ad Ecclesiasticam disciplinam, morequæ Christianos spectantia imploratâ pro executione numquam denegatâ Tzaris auctoritate jurisdictionem exercent.

Post Patriarcham quatuor numerantur Metropolites, Novogrodienfis,

dienfis, Cafanenfis, Rofthovienfis, & Sarkienfis, qui Moschuz in arce habitans ex mandato Tzaris Patriarchæ tunc exulantis munera obibat.

Sequuntur deinde Archiepifcopi Vologdienfis, Rezanenfis, Sudalienfis, Tuverenfis, Altracanenfis, Sibirienfis, Archangelenfis, & Plefcovienfis.

His fubfequuntur Columnæ, & Viatkæ Epifcopi, agmenq; claudunt innumeri Protopopi, Protodiaconi, Popi, & Diaconi.

Præter hos Ecclefiafticos numerant Moschovitæ Kyovienfem Metropolitam, Smolencenfem Archiepifcopum, ac Micislavienfem, & Polocienfem Epifcopos. Sed cum ditiones iftæ controverfi cum Polonis, & Lituanis juris adhuc fint, expectanda erit futura inter eos pacis tranfactio, vel communis Martis decifio.

Antiftites omnes ex monachorum ordine ad pedum affumuntur. Nulli autem eorum uxorem ducere, vel cum antè ductâ cohabitare, multò minùs concumbere fas eft. Sacrum nihilominus faciunt omnes, quamvis contraria fcripta fit Archipræbyteris, Præbyteris, & Diaconis conftitutio. Hi enim, antequam confecrentur, uxorem virginem duxiffe, & confecrati cum eâ maritorum lege convivere neceffariò debent, modò illâ, quæ concubitus fui noctem fubfequitur, die facerdotes facris obeundis abftineant. Quod ut præftare poffint, plures in fingulis templis, ubi unicum tantùm erectum altare, unicumquæ fingulis diebus facrum peragitur, conftituuntur; nullus tamen quartò intra hebdomadam facris operari obftrictus eft. Quod fi uxor fatis concefferit, nifi à Patriarchâ, aut Metropolitâ ad aliquod tempus (ut Moschuz fieri vidi) legi cum eo derogetur, facere vetantur, ad reliqua Ecclefie officia tanquam vulgares miniftri dumtaxat admiſſi. Nec altera ducta fufragabitur; quin imò tunc etiam ab his tanquam meri ſeculares nihil ulterius cum clero commune habituri arcebuntur, à ſublîmi dignitatis ſacerdotalis ſaltigio ad deſpicatiſſimam imæ plebis conditionem, unde omnes emergunt, præcipitati. Habitu à ſecularibus non diſſerunt, niſi quòd ſacerdotalem capitis tonſuram rotundo ad cultum ab Epifcopo in conſecratione applicato, numquamquæ, niſi capillos tondendi gratiâ, deponendo tegumento operiant, diſſuente undiquaquæ ab ejus extremo ambitu in humeros Nazæorum more proluxâ cæſarie. Dignitatem verò ſuam plebei iſti omnes ita deſciant, ut continuis fordibus, & pedore ſquallentes ipſi poſtellum ſuum ducant: in frequentiffimis urbis plateis tanquam in ſolitario aliquo cœnaculo comedant: ſique zona ſit gravis, in popinam intrent calices uſquæ ad cœcam temulentiam exhaurituri. Idiotie ſunt uſque ad unum omnes, cunctoſquæ à Ruſſicâ diſſidentes fide paganos appellant. Quapropter popus noſter dextram nobis in conſuetam lubentis hoſpitalitatis teſſeram porrigere noluit, ne contactu noſtræ contaminaretur.

Ad hanc erroneæ mentis ſuperſtitionem aliam addidit. Simulachra omnia, præterquam in Ecclefie altari, Moschovitæ reſpuunt; ſed à Græco, vel Ruſſico penicillo delineatæ Divorum iconibus tabulæ, poſtquam eas pro auro, vel argento permutatas (emere non licet) ſuas fecerint, & aquâ aſperſerint luſtrali, in tantâ apud eos ſunt veneratione, ut addubitare liceat, quonam eas cultu proſequantur. In ædibus ſuis privatis plures quique habet, quæ in cœnaculorum, & cubiculorum angulis collocatæ, & juxta uniufcuſque facultates argen-

Qualis ſit
in Moscho
viâ imagi-
num cul-
tus.

to,

to, auro, ac gemmis ornata tam familiarium, quam advenarum cultui exponuntur. Coram ijs luminibus accensis præces suas fundunt, easque profectò compendiosas, nam signo crucis per trinos dexteræ digitos pollicem, indicem, & medium punctim conjunctos, manu à fronte ad pectus, inde ad hujus dextram, & demùm ad lævam partem ductâ se munientes, Domine miserere, suo idiomate ingeminant pluries, oratione Dominicâ, quam rusticorum nullus, civium verò, imò & monachorum perpauca recitare norunt, insuper habitâ. Si verò vir cum uxore suâ generationi operam dare velit, imagines velo aliquo operire tenetur. Cùm Moschovitarum aliquis alterius conclave ingreditur, omnibus, quos ibi offendit, cujuscumque dignitatis fuerint, in salutatis, circumlato confestim obtutu angulos perlustrat, an imagines adsint. Quas si illiè non viderit, interrogat, an non aliquis ibi Deus sit? Ostensas autem ter se inclinando, & crucis signo muniendo veneratur. Indè erga adstantes urbanitatis officia adimplet. Peractis negotijs abiens imagines iterum eodem venerationis cultu prosequitur. Monachis, aut sacerdotibus preces suas absente imagine ad Deum tundere nullo modo licet. Si baptizandus est puer, si connubia jungenda, si juramentum præstandum, si defuncti cadaver terræ mandandum, imagines sunt adhibendæ. Ab intimis templorum parietibus circumquaque à privatorum pietate appensæ pendent imagines. Harum aliquam si quis venerari deprehensus à domino fuerit, objurgari se statim audit, undè tandem sibi tantum arrogaverit, ut gratias ab imagine redemptori suo de jure debitas furtivis precibus suis gratis præripere velle præsumpserit. Comparet sibi & ipse aliquem Deum, quem ad libitum impleret, alienis non utatur. Et objurgantem non prius obtinuisse gaudebit, quam cum parte valoris rei cum imagine permutasse refusâ placeaverit. Si verò aliquis Ecclesiæ decreto reliquorum communione priveretur, eadem poenâ sacra ejus plectitur icon, è templo enim detracta excommunicato domum suam deferenda retraditur, admittenda rursus cum ipso, si Ecclesiæ fuerit reconciliatus. Porro si aliqua ob vetustatem evanidis coloribus eariosa conciderit, eam projicere, vel comburere religioni sibi ducunt, fluente potiùs supernacare volunt, quò fors duxerit, appellendam, aut in aliquo exometerio, quasi jam suo usui mortuam, sepeliri. Post mortem Helenæ Joannis Moschorum Magni Ducis ex Basilio cæco geniti filix, & Alexandri Poloniæ Regis viduæ Moschi anno 1570. obrulerunt Lituanis liberationem Thomæ Machienicz apud se jure belli caprivi, & quinquaginta ejusdem consortium in redemptionem imaginis Deiparæ à Lucâ (ut Russi ajunt) pictæ, quam illa abiens è paterno larario Anno 1494. secum tulerat, quæque Vilnæ deindè in templo Sanctissimæ Trinitatis apud monachos Basilianos unitos diù aservata fuit. Hospes itaque noster veritus forsan, ne imagines suas malè haberet, si inter paganos relinqueretur: neve nos illis inemptas gratias importunis precibus extorqueremus, è cubiculo nostro ablatas in suo interiori abdiderat.

At præter Divorum iconas nullas in totâ Moschoviâ videre est imagines. Statuas autem planè nullas, ita ut avorum apud nepotes, sepe & parentum apud filios memoria unâ cum eorumdem intereat vitâ. Nullaque ibi majorum præclaris illustrium facinoribus locata in ædium vestibulis cera, aut suspensa è conclavium parietibus imago, quæ

succed.

successorum animos ad virtutem excitet, & ad generosam æmulationem inflammet.

Tertio Nonas Maij navigare adhuc per sex veritas Ilmenium lacum debuimus, ut ad monasterium Ponadeglic lembos appelleremus. Indè profectioni nostræ sedulò incumbentes Tverzackium oppidum, post trecentas nemorosi itineris veritas ad IV. Idus Maij venimus. Ubi defectum militum, qui nos exciperent, oppidani lunatis securibus, & sarissis armati supplere debuerunt.

Naves ibi denuò conscendimus, & per fluvium Tverzam ex liquesactis nivibus tunc aliquomodo navigabilem prono alveo, quamvis non semel vado inter saxa hærentes, per quatuor viginti veritas flumen Volgam, eoque transmissio urbem Tveriam bidui navigatione inducti sumus.

In Urbem
Tveriam
apud Vul-
gam au-
thor indu-
citur.

Ejusdem
fluvij de-
scriptio.

Fluvius Volga, antiquis Rha, Tartaris Edil, natalium suorum, paludi Fronoviz in sylvâ Volkonskia Ducatus Rescoviensis debitor est, sed nominis Lacui Volgo, cui post decursâ bis quinque millia passuum aquas suas associat, pinquiquè tenore ditior inde emergit. Desertur ortum versùs per Ducatus Tveriensem, Jaroslaviensem, Rosthoviensem, Sussaliensem, & inferiorem Novogrodiensem, perquè Regnum, Casanenfe. Quorum dum urbes Stasceziâ, Tveriam, Uglizâ, Mologam, Jaroslaviam, Castromam, Plessâ, Jorgowitziam, Balagnam, Novogrodiam inferiorem, Vasillogrodiam, Kulmademianskiam, Sabakzaram, Koskagam, Swiatkiam, Casanumquè præterfluit, flumina Dubnam, Tutum, Tverzam, Cassinum, Danecam, Mologam, Scofam, Scotoroam, Castromam, Occam, Suram, Juncam, Vetlugam, Su, & Casanskam absorbet. Indequè reflexo in meridiem cursû per Regnum Astracanenfe Kamæ, Zerdikij, Utkæ, Beitmæ, utriusquè sivè Atrobæ, sivè Samaræ, Askulæ, Syrani, Pantzinæ, Zagræ, Ruslanæ, Kamuskinkiz, Bollokleæ, parvuli ex Tanai rivuli, Komoufij, Verovijquè undis immensum auctus, oppidi Samaræ ripam, oppidum Tzornogarium, urbemque Astracanum alluit. Et tandem per sexaginta passuum millia solitario ferè pede decurrens, ab aliquot temerè aggestæ, juncisquè, & virgultis obsitæ terræ parvulis insulis se interponentibus in plures quasi alveos divisus, aquas suas per trigiesies centenas veritas nunquam mutato soli domino deductas Caspio mari perenni copulâ, & quidem cum dote, maritat. Etenim ei creditas sibi à Russiis suis pretiosas Zobelarum, martium, Ponticorum murium, Lynciumquè pelles ad Tartaros, Arnenios, Medos, Parthos, Persas, Indosquè transmittendas desert. Et vicissim textas apud illos omnigenas ex lana, gossipio, serico, auro, argentoquè telas, & peristromata, sericum ipsum diversis insectum coloribus, pyropos, cranos, & margaritas, rhabarbarum, & quos Bactriana Nisabur temperat, acinaces recipit, & per onerarias adversis suo, Oecæ, & Moschuz alveis retrogradas in ipsam usquè Moschovicæ Russiæ metropolim invehit.

Tuveriz nemo ad nos excipiendum comparuit, rarus enim ibi civis, & nullus tunc miles erat. Ad XVII. Kalendas Junias indè discessimus. Attamen ductor noster, qui eousquè festinâ juxta instantiam nostram diligentia iter nostrum promoverat, acceptis à suo Tzare literis, per quas jubebatur, nos præcisè ad XI. Kalendas Junij in pagum Zerkisovam, vigintiquinque ab urbe Moschuâ veritas distantem, introducere, tam lente deindè processit, ut illud ter quinquaginta

ginta dumtaxat verstarum, & quidem brevium, & commodæ viæ iter per totos sex integros dies vix emensus fuerit. Causam mandati tribuebat ille benignitati Domini sui, qui etiam si de festinatione nostrâ, ejusquæ causâ per literas suas fuisset edoctus, consulere tamen, valetudini nostræ voluerat, non permittendo, ut vires nostræ à tam longo, & per sexcenta incommoda laborioso itinere fractæ ob celeriore vocationem omnino conciderent. Reapse autem detinebamur diutius in itinere, ut interim tempus daretur nobilibus ex provinciâ ad nos excipiendum evocatis ad præfixum ingressui nostro in urbem Moschuam diem Maij vigesimum quintum eò conveniendi.

Magnus
Dux co-
gnatâ suâ
Strefch-
new cædit

Dum in hoc pago fastidiosam duceremus moram, ex auditâ hujus lepidi facti narratione animum parumper recreavimus. Cùm immo-
dicus intrinsecus calor Magni Ducis bonæ valetudinî insultaret, jussit consuli super eâ suppresso studio patientis nomine medicos suos sigil-
latim, & ab unoquoque eorum consilium scripto exigi. Concordi illi
sententiâ convenerunt, ut patienti vena aperiretur. Probat Alexius
consilium, & detractâ larvâ eam secandam chyurgo præbet. Post
emissum feliciter sanguinem adstantes procures ad imitationem invitat.
Obsequuntur omnes, sicut invitati, invitanti Domino, non tam à fami-
liari in aulis adulationis vitio, quàm à metu ejus contra recusantes in-
dignationis impulsî. Unicus Rhodion Matheowicz Strefchnow Ocol-
nicus fretus cognatione, quâ mediante Eudociâ Strefchnowia Alexij
genitrice eum contingit, infirmam senectam suam causatus tergiver-
satur. Unde ille irâ percitûs, sicine (inquit) ò vile mancipium, Do-
minum tuum vilipendis? Numquid in venis tuis singulis restagnat mea
pretiosior? & couquæ tu super æquales, imò & superiores, te effers,
ut laudabile eorum alacris obsequentiæ exemplum contrario facto tuo
damnare præsumas? Ne plura fatus, os ejus involat, pugnisquæ
non impedito per venæ sectionem lacerto multiplicatis eum cædit, &
calcibus impetit. At deservescente postmodum bile, eadem, quâ illum
pulsaverat, manu charum semper Moschis cataplasma percussionum,
tumoribus applicuit, munera, scilicet, quibus liberaliter eum do-
navit.

In Nico-
lai sano
sub tento-
rijs au-
thor per-
noctat.

IX. Kalendas Junias venimus ad Nicolai sanum, decimo à Moschuâ lapide, ubi præparata nobis bina tentoria erant ex mandato Magni Ducis proficientis, ideo se hoc jussisse, quia resciverat, quàm illibenter nos ad rustica hypocausta, æstatis tempore æquæ, ac hyemis, semper calentia diverteremus.

Eò venerunt eadem die missi à Magno Duce sex equi cum aurigis, qui nostram rhedam traherent, & aliquot gradarij, qui honestiores fami-
liæ nostræ veherent. Honore profectò supra consuetum, cùm equi
semel tantum ipsâ ingressûs die ad aliquot ab urbe passus ceteris lega-
tis mitti ad illum usque diem soliti fuerint.

Ingre-
ditur in Ur-
bem Mo-
schuam.

Postero die circa undecimam antemeridianam movimus Moschuam
versus. Sedebat, quod numquam antea fecerat, nobiscum in rhedâ
tertium occupans locum ductor noster. Omnes nostri familiares equi-
tæ antecedeabant. Rheda nostra, & impedimenta subsequiebantur. Sta-
bant bis mille à Moschuâ passibus in aprico campo ad utrumquæ viæ
marginem in varias sub quadraginta vexillis distributa phalanges pedi-
tum sex, & ulterius eodem ordine usquæ ad suburbia decem sub signis
suis equitum millia, tympanis, ac tubis ætrem continuo ad reddendos
lati-

lætitie sonos verberantibus. Inter quos cum ad quingentos ab urbe passus processissemus, venit ad nos nuncius à Jacobo Simenowicz Wasilinski stolnico (nobili, nempe, Tzaræ mensæ ministrante) & Diako, sive ex minoribus Cancellarijs uno, Gregorio Carpowlin Bogdanow, destinatis à Tzare ad nos excipiendum, & durante nostrâ Moschuz morâ nobis de necessarijs prospiciendum commissarijs (pristavos Moschi vocant) qui illorum nomine nobis indicavit, adventasse eos cum rhedâ Magni Ducis. Descenderemus itaque ex nostrâ, & in illam transitum faceremus. Respondimus, paratos nos esse ad hoc præstandum statim, ac videbimus eos, quod eorum munetis esset, præstitisse. Hoc audio confestim Jacobus Wibergerus interpres illis adjunctus ab equo disluit, quem secutus fuit illic Diakus, descendente eodem tempore etiam primatio commissario. Nos hanc facilitatem Moschovitis insuetam videntes, haud cunctati procius & ipsi de rhedâ descendimus, ita ut collega meus prior cum postremum desiliente ex commissarijs eodem tempore, ego autem post eos omnes tetram premeremus. Ibi procedentes commissarij cum interprete nobis obviam caput priores absque ullo prævio pacto ultrò humaniter aperuerunt, & secundum formam consuetam nomine sui Tzaris nos exceperunt. Indè Profectus stabulo Magni Ducis obtulit nobis per alium interpretem. Domini sui rhedam paratam, ac alios pro nostris familiaribus equos. In illâ postquam ambo sedissemus, sederunt etiam primus commissarius, itinetis nostri dux, Diakus, & interpres. Cumque paululum lentissimo gradu perrexissemus, subeuntes suburbium subsistere debuimus, donec tam pedites, quam equites in campo dispositi urbem omnes ingressi, & in plateis, quâ nobis ad hospitium tendentibus transeundum erat, denuò ordinati fuissent.

Quotidianus Moschovitarum, etiam procerem, amictus rem domesticam parum imminuit. Stricteissimæ ex vili panno caligæ à sericæ parum infra furas productâ veste, hæcque à superinductâ calari togâ, æstivo tempore ex Ancirensi undulato, hyemali verò ex panno pellibus subducto cooperiuntur. Utraque autem, licet usu atrecta, & fordidata, nondum tamen eis sordescit adeò, ut deponatur. Si verò exterorum legati Principum excipiendi: si publicæ prodeant supplicationes: si nuptiæ celebrentur, tunc quicquid sumptuosi Attalica operatur textrina, quicquid pretiosi exoriata suppeditant animalia, quicquid gemmarum dives profert Oriens, quicquid margaritarum conchæ emittunt Erytræ in togis, & manicatis tunicis, quæ, cum propter suam semper constantem formam numquam obsolescant, longo ad atnepotes usu transmittuntur, in fastigiatis pileolis, inque viticulis, vel potius millis, eorum colla cingentibus, utrumque humerum ponderosis aureis torquibus decussatim onerati vanissimâ pompâ ambitiosè ostentant. Quod si alicui res domi angusta curtam faciat horum suppellectilem, huic levem aliquam commodati usuram solvendi è Tzaris vestiario juxta ejus qualitatem prospicitur. Sed caveat is, quicumque fuerit, ne mutatas vestes laceret, aut commaculet: neve ex gemmis aliquam subtrahat, vel amictat, damnum enim quodcumque carâ æstimatione rependere, & culpæ suæ, vel negligentie pœnam per fustuarium luere debet.

Comam alunt, sed non ultrâ aurium extremitates protensam, ne barbæ, quam multi faciunt, dignitati officiat. Neutram tamen illi tendent,

De amictu Moschovitarum.

dent, qui à Tzare ad exterâs aulas ablegantur, donec reverſi ab eo admiſſi fuerint.

Equis utuntur Tartariſis, quorum ſingulis annis Nagaienſes ad quadraginta millia Moſchuum levi pretio venum emittunt, qui obeſo ventre, ſtrigoſâ cute, pingui collo, gravi capite eos intuentibus deſpicatui eſſe deberent, niſi pernicitate, ſummâquâ laboris, & inedia tolerantia commendarentur. Non deſunt tamen apud primores & Perſici, quibus ornatiffimè phaleratis inſidentes ad publicas ſolennitates & ipſi ſpectaculum exeant. Verùm cùm equiſonibus careant, nec equi, nec ſeſſorum omnium quiſquam aut comptè, aut doctè incedere norunt, præclarè hi actum putantes, ſi illos ad celerrimum curſum ex improviſo impellant, ac ad inordinatos & omnis artis expertes ſalutis excitent, ut illo motu concuſſæ argentæ ex maximis annulis catenæ, quibus quaſi alterâ habendâ ornantur, ſuum clangorem edant, & tintinnabula, quibus ſupra ungulas ſtringuntur, ſonitum reddentes fidem faciant, eos eſſe ſonipedes. Hinc itaque in illâ trium horarum in ſuburbio triduoſiſſimâ morâ aliquod nobis allevamentum identidem oriebat. Etenim valde jucundum nobis erat, ſpectare modò hunc, modò illum ex illuſtriori Ruſſicâ nobilitate mutatis ſubindè tunicis circa rhedam noſtram adequitantem, nulloquâ nobis honore exhibito, pavi ad inſtar, omnem caudæ ſuæ pompam explicantem, dum veſtem, martium Scythicarum exuvijs ob nigredinem, longitudinem, & denſitatem pilorum precioſiſſimis ſubductâ, per ſervos ſuos ad utrumquâ latus eam inverſam tanquam paludamentum expandentes nobis oſtentabat; vel ad incomptos ſaltus phalararum, catenarum, & tintinnabulis compeditum equum ſuum incitando, per illam motûs concuſſionem noſtris eam totam oculis ſtrepitoſè objectabat.

Hiſce tamen ſpectaculis aſperato interim nubibus celo violentus deſectus imber intervenit, nobiſquâ ad hoſpitiûm properandi neceſſitatem injunxit. Sed ex templò adeò tranquilla ſerenitas reddita, ſic inter innumeram populi multitudinem, & armatas cohortes, tubicinibus noſtris obvio Tzareorum clangori inceſſanter occinentibus, procedentes, tot utriuſquâ ſexûs ſpectatores in domibus, tabernis, plateis, & compitis, quacumque veheremur, viderimus, ut conjiſcere licuerit, neminem illâ die ſe domi continuiſſe.

Moniales
in Moſcho
viâ.

Et proſectò crediderim, quòd ex ſanctimonialibus nulla, tantæ earum erat diſperſa per plateas multitudo. Harum, ſivè virginum, quæ raræ: ſivè viduarum, quæ plures: ſivè à viris repudiatarum, quæ plurimæ, frequentiffima in Moſchoviâ cœnobია ſunt, in quibus tamen parùm exacta viget ſanctarum conſtitutionum obſervantia. Inverſo ſiquidem ordine ibidem conjugatarum gynecæa, ſi non pudore, at inviolabilis clauſuræ cancellis ſepiuntur. Veſtalium verò clauſtra nullo clathro, repagulo nullo clauduntur. Curioſus itaque ſexus nullâ clauſuræ lege coercitus homines admittit, & poſtquam antelucanis in choro officijs interſuit, per urbes paſſim licentioſè vagatur. Cùmquâ nulum habeat, quem timeat, pudoris cuſtodem, honeſtatis monitis adiutum ad animum per interpoſitum ſenſum ocludens ſeducit voluntati habenas laxat, à quâ per invia, & devia inconceſſorum aſportatus, tandem in profundam inſamiz abyſſum præceps agitur, ubi reſupinatus probis omnibus ſit offendiculum, & ſacri veli dehoneſtamentum.

Nihil

Nihil tamen in tantâ pompâ magnificentius fuit, quàm quòd ab initio suburbij usquè ad hospitium nostrum præcedere immediatè nostram rhedam quamplurimi Duces, & Senatorum filij, omnesquè Magni Ducis nobiles à cubiculis cum ipso eidem gratioso Duce Georgio Juanowicz Romodanowski voluerunt. Hi omnes vestibus amicii superbissimis hospitij nostri ingressum suspensio equorum gressu stipantes dixerunt nobis, se ex mandato sui Tzaris in honorem Sacræ Cæsareæ Majestatis eousquè officio numquam antea ulli Legato exhibito, & quidem libenter, deduxisse. Per hoc apertè Magnus Dux per commissarios nostros nobis significari curavit, quòd in signum fraternæ suæ erga Imperatorem benevolentiae in nobis honorandis præterita exempla excedere voluisset.

Ædes nobis pro hospitio assignatæ erant satis amplæ, & quod rarum Moschuz, lateritiæ. Ligneas enim Moschovitæ, ut plurimum, habitant. Et cum ab aliquot annis non pauci Moschuz, sive ad ostentationem, sive ut securius ab incendio ibi frequentissimo quiescant, ex lateribus ædificant; cubicula nihilominus ex abiegnis truncis eorum, commissuras muscantes compaginant, dicentes, inesse semper cœmentum noxiæ bonæ valetudini malignitatem. Et juvet verum fateri. Frigora in hyeme tam acutâ ibi vi pollent, ut crassissimos lateritios parietes per associatam humiditatem penetrant, eamquè in conclavibus, ubi contrarium elementum non offendit, glacie adstringendo crustâ illos, ut pluries vidi, nivosa obducant.

De victu fuit nobis per duodecim fermè nostræ Moschuz moræ menses uno semper constanti tenore perquam abundè provissum. Obtulerant quidem nobis à principio commissarij nostri erogationem in singulos dies alicujus certæ, de quâ conveniendum foret, loco cibarium ad alimoniam nostram pecuniæ; sed cum antecessores nostri Romanorum Imperatorum ministri, & Moschovitici Viennæ hoc nunquam ad illud usquè tempus admisissent, nolimus nobis successuris reprehendendo aviditatis habendi exemplo præire, & credidimus, nobis minimè licitum, antiquam consuetudinem antè mutuum Cæsaris Tzarisquè consensum immutare.

VI. Kal: Junias indicarunt nobis nostri commissarij, fore, ut sequenti die coram Magno Duce serenos ejus oculos intuituri admitteremur. Et sciscitati sunt nomine Cancellarij, an munera ab Imperatore ad Tzarem haberemus? Respondimus, hoc non esse moris. Habere nos tantummodò propria secundum tenuitatem facultatum nostrarum munuscula Magno Duci in signum nostræ erga eum venerationis offerenda. Quæ sic expetentibus ostendimus.

Alterâ die redijt ad nos commissarius noster Diakus monens, ut ad futuram post alteram horam nostrum coram Magno Duce admissionem nos pararemus. Circa decimam antemeridianam comparuerunt in atrio nostrarum ædium post rhedam Magni Ducis, & quidem aliam à priori, equi ad usum familiæ nostræ. Inde successerunt nostri ordinarij commissarij, qui in altero ex nostris conclavibus superinduentes tunicas margaritis, & gemmis ornatas ex vestiario Magni Ducis ad hunc usum juxta morem de promptas nos ad rhedam deduxerunt. In quâ postquam honoratiora loca nobis ultrâ assignassent, federunt ambo cum interprete, stipantibus eam ab utroque latere pedissequis nostris.

Moscho-
vitarum
ædes.

Admissio-
nis primæ
descriptio.

Præcedebant equi antes tubicines, & domestici nostri, quibus succedebant ex famuliciorum nostro pedites munera portantes, & tandem solus equo insidens, qui nobis ab epistolis erat, literas fidei Augustissimi Imperatoris ad Tzarem nudas elevato brachio cunctis vicendas gestans.

Omnes nostri familiares erant, quomodo & nos, inermes, etenim, cum non liceat cuiquam armato intrare ad Tzarem; sed arma ad aulae fores deponere quisque debeat, omnes autem nostri in ejusdem conspectum desiderarent introduci, maluimus nulla nobiscum ferre, quam allata, deponere.

A nostro hospitio usque ad aulam Magni Ducis vidimus dispositos in maximo numero pedites sclopis majoribus bene armatos, & velibus, diversi quidem quoad diversas legiones coloris, sed unius quoad singulorum legionum milites cunctos, pulcherrimè amictos.

Depositi ad gradus palatii inter quamplurimos Moschos tribunos militum ibi stantes ascendimus ad aulam primam, ubi obvius habuimus Ducem Andream Juanowicz Hilkow Stolnikum, & Diakum Theodorum Mihalow, qui per proprium interpretem nobis dixerunt, mandatum sibi à Magno Duce, ut ibi nos ejus nomine exciperent. Peractis gratijs ulterius pergentes, antequam aulam alteram, in qua Magnus Dux erat, ingrederemur, iterum ejus nomine nos per alium interpretem exceperunt Dux Basilus Juanowicz Hilkow Stolnikus, & Diakus Nikita Walowenim. Denuo igitur gratias egimus, & ad Tzarem intromissi fuimus.

Aula erat spatiosè satis amplitudinis, cui tamen crassa in medio columna fornicem sustentans valde detrahebat. Parietes antiquis picturis erant obducti, quibus in spatio inter fenestras medio argentea candelabra adhærebant. Erant in aula circuitu ipsæ parietibus continuo opere affixa scamna lignea stragula veste operta, ad quæ per quatuor gradus ascensus patebat. Ibi à dextro Tzaris latere per totum ejus conspectum usque ad lævi partem sedebant inoperto capite in magno numero Bojari, Ocolnicij & Dumni-Duoranini ab arcanis Magni Ducis consilij, nullà nos sive intrantes, sive exeuntes capitis inclinatione honorare dignati. Ipse Tzar folio insidens inaurati argenti, non in medio, sed in angulo aulae lævo inter duas fenestras collocato, obscurè visebatur. Eminebat illud quidem, cum tribus inniteretur gradibus suis solum æquale cum subscelijs senatorum caleantibus; sed operis erat angustè aded, & sitûs obscuritas ejus splendorem ita obtundebat, ut nullam exprimeret magnificentiam. In ejus medio supra Tzaris verticem Desparæ Virginis icon pendebat. E regione sinistri lateris assurgebat intra fenestram horologium turris ad insit. Intra alteram verò, quæ angulum parietis sui claudebat, pyramis argentea globum aureum sustinens. Superius fornicem versùs duæ sanctorum imagines è parietibus pendulæ cultui erant expositæ. Et in crepidine scanni à dextro Tzaris latere assurgentis malluvium erat argenteum cum gutturnio, & mantili, quò post oculos à nobis illius dextræ ex more data, eam ab impuris paganorum (ut omnes Latinæ ecclesiæ homines Moschi appellant) labijs pollutam lavare, & abstergere posset. Pileolum turbina- tum zebellineo ornatum margine, & redimitum coronâ aureâ pretiosis gemmis interinctâ, quæ, quasi zebellineis inniteretur (spolijs, in summitate verticis desinebat in crucem, in capite gestabat. Sceptrum dex-

dextra tenebat. Stabat à latere ejus dextro Dux Jacobus Kudenietewicz Tzerkaski ex profapia Tzerkassorum ad mare Hircanum, & primus nunc Bojarus. A lævo socer Ilia Danilowicz Miloslawski, itidem Bojarus. Antè thronum verò quatuor ex Ducum filijs in albis indumentis pileati securisferi.

Decem circiter passus à Tzare statuerunt nos commissarij nostri. Ibi curvatis decenter ad reverentiam genibus ergà eum more nostro nos inclinavimus, familiâ nostrâ omni aliquo post nos intervallo stante. Tunc Dumni-Diakus (ex tribus scilicet Magnis Regni Cancellarijs unus) Almasius Juanow, qui super scamnorum solum à parte lævâ Magni Ducis in lineâ nobis æquali ab eo distans cum alijs haud paucis stabat, dixit ei, adventasse Legatos Magni Romanorum Cæsaris, coramquè eo stare frontem suam percutientes: scilicet, phrasi Moschoviticâ, eum venerantes. Moschi enim omnes indifferenter Principem suum in genua procumbentes, & solum fronte pulsantes venerantur, hancquè eandem, quam superioribus exhibent, venerationem ab inferioribus exigunt. Cancellario autem Magnus Dux innuit, ut nobis diceret, proponeremus, quæ vellemus.

Hoc audito Collega meus primam propositionem ex benignissimo Sacræ Cæsareæ Majestatis mandato nobis verbis conceptis traditam, memoriter recitare ortus est. Sed absolutis Imperatoris, & Tzaris titulis interpres interruptit, eos Russico idiomate repetens.

Vix absolverat, cùm Magnus Dux è folio surgens percontatus est nos, An frater suus charissimus Romanorum Cæsar LEOPOLDUS benè valeret? & statim respondit. Respondimus, cùm Viennâ discederemus, relictam à nobis Sacram Cæsaream Majestatem suam prosperâ, Dei gratiâ, valetudine utentem.

Dixit inde Cancellarius, ut literas fidei Imperatoris Magno Duci præsentaremus. Quas ego à secretario nostro tunc acceptas comitante Collegâ ei tradidi, ad stationem illicò retrocedens. Is autem incontinenti eas Duci Tzerkaskio consignavit.

Postmodum idem Cancellarius nunciavit nobis, quòd Magnus Dux faceret nobis gratiam, ut ad osculandum ejus manum ascenderemus. Dum accedimus, sceptrum ille in lævam transulit manum, extensâ ad osculum dextrâ, quam idem Tzerkaskius suâ sustentabat, socer verò Ilia totus erat attentione, & nutibus, ne aliquis nostrum eam, forsân contra fas impuris suis attrectaret.

Hoc peracto indicavit nobis Cancellarius, ut reliquum propositionis nostræ exponeremus. Quâ absoluta dixit, quòd Magnus Dux faceret nobis gratiam sedendi. Statimquè allatum nobis scamnum oblongum sinè humerorum sulcro (ut plerumquè Moschorum est mos) Perico tapete testum, ubi confedimus, usquèquò aliquot ex domesticis nostris ejus manum fuissent deosculati.

Tunc dixit Cancellarius, ut surgeremus. Stantes nos interrogavit Magnus Dux, an benè valeremus? Cui juxta morem respondimus, quòd gratiâ DEI, & clementiâ suâ, benè. Et gratias ei de hac benignitate egimus.

Et dictum nobis denuò, ut sederemus. Procedensquè à latere Cancellarij Joannes Mihalowicz Miloslawski Ocolnicus dixit Magno Duci, allata à nobis ei nostra munera fuisse. Quæ dum à nostris famulis ferebantur, moniti à Cancellario surreximus, & corporis inclinatione

natione Magnum Ducem ea intuentem vice verbalis oblationis, sic ferente Moschorum consuetudine, reveriti sumus.

Tandem mandavit ille Cancellario, ut nobis significaret, deputaturum se aliquot ex Senatoribus suis, cum quibus conferre omnia, quæ nobis supererant proponenda, possemus, & fore, ut illâ die cibos ex mensâ suâ gustaremus.

Post hæc exhibitâ ei reverentiâ abivimus. Exeuntes nos iidem, qui ingredientibus exceperant, nomine Magni Ducis deduxere.

De in-
genti Ci-
panâ.

In arce vidimus solum prementem admirandæ ex arcu Campano magnitudinis machinam, & quod magis mirere, Russici fabri opus. Excedit hæc campana Erphordiensē, imò etiam Peckinensē in Regno Chinæ. Erphordiensis enim altitudo vix sex digitos supra novem geometricos pedes, orificij diameter vix octo pedes, huius peripheria viginti & novem, crassities verò sex digitos cum dimidio tantum exæquat, & pondus ejus libræ 25400. constat Peckinensis tredecim geometricos pedes, tertiâque pedis partem in altum exurgit, in diametro duodenos habet pedes, in peripheriâ exteriori quadraginta quatuor, & unicum in crassitie, pondus autem ejus 120000. librarum. At hujus nostræ Russicæ altitudo unde viginti geometricos pedes extollitur, oris diameter ad duodeviginti se extendit, ambitur autem à quatuor supra sexaginta, crassities duos æquat, tophalum verò quatuordecim non est brevius. Quadringenties & quadragies mille aris pondus pro ejus fusione liquata quorum ter quadraginta millia in scorias depumasse, creduntur, reliquis in depuratam tantæ molis massam solidè concretis. Non tamen de illâ hic mihi sermo est, quæ dominante Borisso Hoduno fusâ, & in sublimi suspensâ, cum solennior aliqua in honorem Dei, ejusque sanctorum memoriam dies celebrabatur: vel exterorum Regum oratores excipiebantur, aut in arcem ad Tzareem introducebantur, pulsari olim consueverat. Illa enim, quamvis postremo hoc usu per non usum abrogato, adhuc hodie in suâ turri pendet. Sed de alterâ Anno 1653. Alexio regnante sabrefactâ, quæ humi adhuc strata architectum expectat, à quo in altum elevata in solennioribus festivitâtibus tinnitu suo devotionem excitet Moschorum, qui eo, tanquam ad Numinis cultum præcisè necessario, carere nullatenus volunt.

Nomine
Tzaris
exhibetur
authori in
ejus edi-
bus solen-
ne convi-
vium.

Nobis ad hospitium priori pompæ apparatu reconduktis supervenit post horam Dux Alexius Juanowicz Boïnosow Roïthawski Stolnikus, ex antiquis Rosthoviæ Ducibus descendens, missus à Magno Duce, ut ejus vice nobis ex Tzareâ culinâ epulum præberet. Cui ad gradus usque honoris gratiâ obviavimus.

Mensæ paratus facilis fuit. Eam super vili mappâ salinum, bina aceti, & olei vascula, unicum cum surcinulâ, & cultro in ejus summitate pro digniori convivâ positum cochlear, & quidem omnia ex puro auro, adornaverunt. Mappula nulla apposita. Illotis manibus mensæ accubimus, ubi placentulæ vices orbis, sive quadre, indè exulantis supplere debuerunt. Abacum scyphi, pateræ, & id genus inaurati pocula argenti confusè onerarunt. Dignioribus nobis attributis locis à sinistris mei ferè extra mensam de more angustam conviator juxta Moschorum consuetudinem sedebat. Allata sine temporis interitio unâ simul in patinis argenteis fercula varij generis ad centum quinquaginta. Omnia nostris oculis exposita; imposita autem, mensæ

menſæ ſolummodò, quæ palatui magis aridebant. Reliqua noſtro peni procuratori ad conſervandum tradita. Frigeſacta quidem omnia erant; ſed aliquot non adeò infulſe condita, ut aſpernari eas aliquis; niſi delicatulus, deberet. Vini ſublimatei, malvatici, Hiſpanici, Gallici, medonum varij generis, & cerviſiæ quadraginta partim argentei, partim ſtannei ſatis ampli canthari liberaliter præter morem impleti ſimul quoque allati. Poſt horæ quadrantem modiperator noſter jubens nos ſtare, propinavit mihi ex poculo modeſtæ capacitatæ vino, ut ego datâ ab eo mihi optione, eo quod mitiùs eſſet, elegeram, Gallico pleno ſalutem ſui Tzariſ ejus titulum integrè recitans. Quo à me, & reliquis omnibus diſcumbentibus epoto reſedimus. Nec benè quadrans alter elapſus fuerat, cum denuò ille ſurgens, & nos ad ſurgendum invitans, iterum mihi poculum alterum pro ſalute Imperatoris, cujus etiam titulum plenum ex chartâ legit, poſt ſe exhauriendum porrexit. Cùm ſatiſfeciffemus omnes, iterum accumbentibus vix parvulum temporis moram concedens invitavit me tertid ad tertium. poculum pro ſalute Tzaruli Alexij Magni Ducis filij exſiccandum. Quod ſtantes præſtitimus omnes. Tunc is, quali munere ſuo jam præclare functus eſſet, abiit donatus à nobis in præmium non prolati diù tædij ex inaurato argento ſcypho minimè vulgari.

Die Maij antepenultimâ annuñciaverunt nobis commiſſarij, quòd immedatè ſecuturâ denuò coram Magno Duce admittendi eſſemus: à Tzare ſecundo admittitur

Penultimâ itaquè circa nonam marutinam à noſtris commiſſarijs ad Tzarem cum iſdem in omnibus cerimonijs, & apparatu, quibus ad priorem nos deduxerant admiſſionem, ducti, & ab iſdem, qui nos tunc exceperant, excepti fuimus. Magnus Dux tamen in aliâ paulò anguſtiori aulâ, & in alio pariter throno, inter duas itidem ſeneſtras; ſed verſus dextrum aulæ angulum, collocato, ſceptro, coronâ, & Regio amiçti conſpicuus viſendum ſe præbuit. Super caput ejus ſolio aſſixâ Divæ Virginis icon. A dextris globus aureus pyramidi argenteæ incumbens, ibiquè ſocer Iſta Danilowicz, & à ſiniſtris Ocolnicius Theodorus Miſhalowicz Ertiſchew, Supremus Tzaræ Aulæ Præſectus, & haud infimus Domino gratioſus ſtantes. Conſpectum cuſtodiebant juxta morembini, & bini albis amiçti veſtibus adoleſcentes Duces lunatis ſecuribus armati. Ad ejus lævam, & obliquè parùm in conſpectû ſuper ſcamnis in ligneo ſolo per duos tantùm gradus elevato ſedebant ad parietem inteçto capite ex Senatoribus haud pauci, è quorum fronte ad dextram ſtabat cum alijs quam plurimis Cancellariis.

Obſervavimus itaquè tunc, & poſtea ex more Moſchovitico angulos reputari pro locis decentioribus. Etenim ſolium Magni Ducis ſemper in angulo vidimus, quod tamen commodiſſimè, præſertim in hac ſecunda Aulâ, in medio collocari potuiſſet. Et Moſchi Divorum imagines, quas parùm abeſt, quin idolatrentur, & ſemper in quocumque cubiculo habent, in angulis collocant.

Cùm Magnum Ducem venerati eſſemus, curavit, nos de ſalute noſtrâ interrogari. Cui dato juxta morem reſponſo gratias egimus pro convivio nobis tam liberaliter per ſuum commiſſarium exhibito.

Indè dixit Cancellarius, Magnum Ducem curaviſſe literas Impetato-

K

ris

ris in idioma suum transferri, & ab ijs petcepisse, nos ad aliqua bonum publicum concernentia ipsi proponenda fuisse ablegatos, & quod ideo nobis fidem adhibere deberet, quod facturus erat. Interim deputasse ad audiendum propositiones nostras Ducem Alexium Nikitowicz Trubetzki Bojatium, & Casani locumtenentem: Ducem Georgium Alexiowicz Dolgoruki Bojatium, & Susdaliæ locumtenentem: Bogdanum Mattheowicz Hitrow Ocolnicium, Tzarei armarij custodem, ejusque Orfiz locumtenentem: & Almasium Iwanow Dumni-Diakum, sive Cancellarium. Post hoc allatum nobis solitum scamnum ad sedendum, brevi tamen usu, nam jussi furgere, & ad locum, ubi nos Tzarei deputati opperiebantur, transitum facere, solito venerationis nostræ signo Magno Duci reverenter exhibito abivimus, ab ipsdem Ducibus, ac Diakis, qui nos ejus nomine extra aulam exceperant, eodem loco officiosè dimissi. Exeuntibus nobis à Tzare Senatores parum affurrexere, quibus inclinato capite correspondimus.

Ad con-
ferendum
cum Tza-
reis depu-
tatis in-
aliam con-
clave trā-
sit.

Transivimus itaque ad satis amplum conclave, ubi è regione januæ; sed prope angulum dextrum, mensa juxta Moschorum morem oblonga, & angusta ita collocata erat, ut à longitudinis totius spatio ostium respiceretur. Ibi super scamnum parieti affixum è conspectu januæ sedere jussi fuimus, collocante se primario deputato super alterum, quod in angulo cum nostro conjungebatur, parieti similiter innixum, ita ut solus angustum mensæ illius spatium occuparet. Alter ex ijs, certiusque unus ponè alium super eodem scamno propè illum, sed extra mensam, sedebant. Cancellarius autem è conspectu mei collegæ humeris ostio oppositis super portatili scamno solus ad mensam refederat. Interpretes Bauscius, & Wibergus cum secretario nostro, & tribus amanuensibus Moschis stabant.

Moschi
sunt paræ
fieri.

Moschovitæ ab ineunabulis Mercurio sacrificant, & litasse omnes ab effectu credendum est. Bullam Romanam, sive cot aureum, è parvulorum collo matres numquam suspendant, undè adulti mendacia sua cumulatis semper mendacijs tuerentur fronte tam perfictâ, ut quamvis eos fuisse mentiros pro compertissimo habeas, adhuc tamen animi dubius hæreas incertus, quid judices. Quod si eos de mendacio per irrefragibiles demonstrationes conviceris, non ideo pudore aspersi erubescunt, quin imò veluti in egregio deprehensi facinore, subrident. Neque est, quodd exterorum Principum Legati à Tzareis ministris linguam veraciorem expectent, ij enim omnes inveteratæ veritatis artes insimul convocant, ut sive falsâ pro veris obrutendo, sive necessaria scitu reticendo, illis fucum faciant, & rerum semel in congressibus stabilitarum vim, si libeat, per sexcentas mendicatæ interpretationis ambages adeo enervent, ut corruant. A prosperis verò, vel improspers casibus ita afficiuntur, ut flante fortuna impotentes sui usque ad sydera ab elato animo extoll; resstante verò in abyssum detrudi ab ejusdem dejectione se finant. Unde fit, quodd in negotijs inconstantissimos se præbeant. Præsertim cum majora apud eos deliberationum momenta ex solis pendent notitijs, quas à Mercurijs hebdomadarijs apud Prussos, aut Baravos typis impressis, Moschuamque intedum, dumtaxat, & interpolatè exteris mercatoribus transmissis, quasi responsa Delphicæ ex tripode vatis audiunt. Vel lixis, & calionibus, gregarijsque milicibus belli captivis se extorxisse putant, dum miseri illi ad quæstionem rapci, quamvis arcanorum Regis, & ducum suorum planè

planè ignari, ut se à tormentis redimant, ea comminiscuntur, quæ unicuiquè tamquam aptiora ad mitigandum blando palpo tortores suos ingenium suggerit. Hæc omnia reddunt in Moschoviâ exteris Legatis commissionum lvarum processum adèò spinosum, successumquè ambiguum, ut non rarò eos suscepti muneris pœniteat.

Dux Trubetzkî deputatorum caput ad Olgerdum Gedlmîni filium Magnum Ducem Lituaniz mediante ejusdem filio Andræ Wigundo progenitore illorum Severiz Ducum, qui ad seniores Joannem Basilowicz Magnum Moschoviz Ducem delecerunt, genus suum refert, & hoc nomine inter Bojaros alter sedet. Etenim apud Moschos generis claritudinis supra omnem justitiam habetur ratio. Unicum itaque in hac excellentiâ prioritatis superiorem patitur Trubetzkî Ducem Tzerkaski, qui tanquam Regio Tartarorum semine satus ei ex jure liquido præferri obtinet. Homo est exactæ ætatis, pauci eloquij, minorisque consilij.

Alter Georgius Dolgoruki, sive longimanus, magno & ipse natus Basilum Jaroslai primi Tuverensis Magni Ducis abnepotem stirpis suæ auctorem laudat. Is ob captum Martè favente ad Vilnam Anno 1658. die 21. Octobris Magni Ducatus Lituaniz Ducem campestem, nec non Thesaurarium Vincetium Corvinum Gosiewski magni Moschuz sit.

Tertius inferioris subsellij nobilis, cum ab ineunte adolescentiâ supra memorato Duci Trubetzkio judicium suum per plures annos serviendo probasset, meruit ab hujus commendatione Tzaris servicijs addici, in quibus consilium suum in quibuscumquè difficilioribus Regni negotijs in numerato semper aptè expromens, solerti industriâ suâ adeo profecit, ut ab inferiori simplicis nobilis conditione ad immediatè proximam supremæ eveheretur, & armario, ubi ad Tzaris proprium, usum destinata arma, & equorum ornamenta conservantur, binisque magistratibus, altero, scilicet, qui Moschuz civibus, & altero, qui cauponibus in universâ Moschoviâ jus dicit, magno rei suæ familiaris augmento præficeretur.

Quartum verò Almasium Juanow imæ fortis hominem esse, ipsum ejus nomen indicat. Etenim Moschi in subsignando, & cum se invicem nominant, proprio nomini paternum addunt, hæc tamen dissimulant, ut nobiles huic particulam wicz in fine adnectant, quod ignobilibus est inconcessum. En exemplum. Vocatur aliquis Almas, ejusque pater Joannes, sive Juanus, si nobilis sit, Almas Juanowicz, si ignobilis Almas Juanow appellabitur. Is itaque plebeijs ortus parentibus mercaturam feliciter exercuit. Dein tanquam exterarum regionum gnarus pluribus obitis legationibus versutæ, calliditatis, vassitæ, & fallaciz tot dedit experimenta, ut dignus visus fuerit, qui arcanorum regni archivis præficeretur, & externorum legatorum inspector, eorundemque legationum relator renunciaretur.

Dux Trubetzkîus itaque surgens, quomodo & cum reliquis nos, invocata sanctissimâ Triade, & lectis integrè sui Domini prius, & mos Imperatoris titulis dixit. Magnum Ducem audivisse primam nostram propositionem, & literas fidei Sacræ Cæsareæ Majestatis in Moschoviticum idioma curasse transferri.

Dolgorukius ipsam ceremoniâ, sed abbreviatis titulis, dixit, Dominum suum attentè legisse easdem literas, & percepisse nos aliquid bonum publicum concernens proposituros.

Hitrow

Hitrow præmissis iisdem subjunxit, contineri in literis, ut nobis in ijs, quæ proposituri essemus, fides adhiberetur, quod præstare essent parati.

Cancellarius tandem adhibitis iisdem solennitatibus finem imposuit dicendo, ideo ipsos fuisse à Tzare deputatos ad audiendum propositiones nostras, itaque diceremus.

Tunc igitur surgentibus iterum nobis, & ipsis, lectis per extensum prius nostri Clementissimi Domini, & postea Tzaris titulis resedimus, & propositionem alteram nobis ex benignissimo Sacræ Cæsareæ Majestatis mandato conceptis pariter verbis consignatam Collega meus de verbo ad verbum ijs, interpretante per periodos Baufchio, perlegit.

Audito ejus tenore petierunt sibi in scriptis tradi. Quod incontinenti præstitimus.

Discedit
Author à
conferen-
tiâ sine re
sponso.

Protracto deinde per multa diù colloquio tandem discessere deputati omnes, ut audita Domino suo referrent. Et post horæ quadrantem reversus ad nos solus Cancellarius dixit, retulisse se omnia à nobis proposita Domino suo, reponsum autem nondum pro tunc dari posse, quare domum reverteremur. Quod fecimus per eandem ceremonias honorari.

Mutatur
commis-
sarius, &
datur an-
tiquus iti-
neris du-
ctor, &
quare?

Pridie Kal: Junias commissarius noster Diakus vultu ad mœrorem composito significavit nobis, concommisarium suum repentinè in gravem incidisse morbum, ideoquè suffectum ei priorem nostrum itineris commissarium Zelabowski. Hoc autem futurum cum biduo ante hic facellano nostro in confidentiâ aperuisset, & is prædicatum ægrotum post sex horas in urbe equitantiæ & bene valentem obvium habuisset, inieciunt nobis fecit artifici Mofchovitici. Etenim cum in itinere per varia colloquia agnosceremus, Zelabovium ingenio haud absurdo, & judicio non erroneo præditum, & animadverteremus, eum sub patrocinio Cancellarij ad aulæ dignitates adolefcere, frequenterquè nuncios ab uno ad alium invicem committere: considerantes non esse sperandam Mofchuz propter futuram secundùm Mofchorum consuetudinem solitariam captivitatem nostram commoditatem insinuandi ad promovendum pacis tractandæ opus ministris pedetentim, quæ in consentijs cœsundere uno impetu volebamus, proficuum rebus agendis judicavimus, ei per dierum intervalla, quasi consuetudine illecti, & confidentiâ mensæ seducti, nunc hoc, nunc illud guttatim instillare. Nec hoc falsos nos habuit; nam dubio procul cœlestem, ac aliquid restiterat, Cancellario tanquam arcana nostræ lubricitate linguæ per suam dexteritatem delapsa, ut noster erat scopus, perscripserat. Hinc factum, ut, cum nos cum Tzareis deputatis primò conferentes studium nihil horum dixissemus, voluerit Tzar, eum denuò nobis in commissarium deputare, tanquam hominem nobis confidentem, & qui dexterè sciret, secretiora nostra ab imo pectore extrahere.

In secur-
di confer-
rentia de-
clararunt
Mofchi,
quod Tzar
interposi-
tionem
Cæsaris
admitte-
ret.

Ad tertium Nonas Junij circa decimam antemeridianam secundò ducti ad conferendum cum deputatis fuimus cum solito semper in omnibus apparatu. In vestibulo palatij exceperunt nos nomine deputatorum duo Diaki, & tocidem in aulâ ante conclavia. In horum verò primo Cancellarius, & in altero ceteri deputati, qui ingressus præcedentiâ nobis concessâ priora loca sua, quomodo nos nostra, occupavere. Tunc declaravit Cancellarius, perceptam à Tzare libenter fuisse Imperatoris mentem continuandi eum ipso bonam amicitiam, quam

quam mutuis officijs reciprocè sovère vellet. Deinde agere cum Cæsari gratias pro fraternâ benevolentia, quâ nos ad ostendendum ipsi pacificam interpositionem suam inter ipsum, & Poloniæ Regem, Regnumquæ, ac Magnum Ducatum Lituaniæ miserat, quam libenter admitterebat.

Pridie Nonas Junij cum illis tertio convenimus. Nominarunt ex mandato Domini sui pro loco futuri congressûs Polociam, quam ante annum placuisse Polono Regi, utpote ad Dunam in agro non adeo tunc desolato, & urriqué parti commodo sitam asseriebant. Tempus autem conveniendi pro inchoandis pacis tractatibus remisissent Polonorum arbitrio.

In tertiâ
verò nomi-
narunt pro
loco con-
veniendi
Polociam,
tempus au-
tem remi-
sissent Po-
lonorum
arbitrio.

Mandaverat nobis Augustissimus Imperator, ut post admissam à Moschis suam conciliandæ cum Polonis pacis oblationem eandem illis pro eâ etiam cum Suecis faciendâ offerremus. Verùm interea temporis, dum in Moschoviam proficisceremur, qui in Livoniam conveniant Suecici, & Russici Legati pacis ineundæ conditiones nullo sequestro adhibito tales exasciaverant, ut nobis Cæsarem operam offerentibus Tzareï deputati responderint, statum rerum inter partium. Commissarios in eo versari cardine, ut nullo modo amplius addubitari posset, quin honesta inter eos pax esset coalitura; quòd si eventus spem falleret, eam libenti animo essent admissuri. Et Tzar ipse deinde ad octavum Idus Julij per commissarios nostros participes nos de eadem sanctâ fecit.

Ad VI. Idus Junij post primam facem accessit ad nos jam cubantes multis affectis stipatus Diakus Dementi Bosmakow Magno Duci apprime charus, qui ejusdem nomine nobis tanquam amantissimi fratris sui Leonorovi Romanorum Imperatoris, &c. ministris, natum sibi filium, cui Fedorum dixisset nomen, nunciavit. Respondimus juxta debitum officiosè, & ad ostendendum gaudium nostrum magno inaurati argenti scypho nuncium donatum remisimus.

Alexius fi-
lio Fedoro
augetur.

Consuevit Magnus Moschoviz Dux, quoties prole aliquâ augetur, hoc festum per expressos nuncios Moschuæ exteris Legatis, ac proceribus suis, arque in provincijs Palatinis, perque hos præcipuis nobilibus, & urbium magistratibus significare. Quicumquæ autem hoc honore afficitur, aliquo nuncium dono pro libitu munerat. Unde per has legationes, & illas, quas ad eosdem de valetudine nomine Tzaris interrogandum ex mandato ejusdem identidem obeunt, aulicorum plurimi non modicâ peculium accessione augent.

Hæc læticia expeditionem cursoris nostri, quamvis maturato opus fuisset, ad ipsos usque Idus Junij distulit.

Sexto dehinc die immergi in sacrum regenerationis fontem Fedorulum suum Alexius voluit. Moschovitz liquidem baptismum invalidum credunt, nisi baptisandus ter in aquam vetusto Ecclesiæ more totus immergatur. Unde si homo in Latinâ religione sacris undis ablutus ad Moschoviticam transfugiat (quod haud infrequenter ab impostoribus atheis avaritiæ ductu, vel à belli captivis, aut criminum reis deportationis, vel pœnæ metu fit) eum quasi non ritè baptisatum per trinam immersionem rebaptisant, matrimonij, si quod antea contraxerat, nexum solventes, seu hominis haud legitimè per januam baptismi ad reliquorum sacramentorum perceptionem introducti. Cùmquæ baptisatum mox chrismate inungant, confirmationem Latinorum

De Mo-
schorn
baptismo.

respuunt, ut superfluam. Baptisati collo crux aurea, vel argentea, vel flannea pro parentum facultatibus à baptisante appenditur, per totum vitæ suæ decursum (excepto conjugatis concubitus tempore) non amovenda. Quod si aliquis improvise mortis impulsu prostratus inventus fuerit suâ cruce carere, carebit & sepulturâ. Ut autem huius festivitatis in honorem Imperatoris etiam nos Tzar participes faceret, denud nobis in nostris ædibus epulum præberi iussit. Modipe-rator fuit idem ille Rosthawski, qui in priori fuerat, & cerimonie cædem, additâ tamen appendice quarti scyphi pro incolumitate parvuli Fedoruli exsecrati.

Quibus
lectis Mo-
schoritz
utantur.

Cùm verò tædiosam omninò moram Moschuz deinde ad duode-cim mentes trahere debuissimus, curiosè observavi, quòd ibi altiori-
salutis homines, & nobiles opulentiores lectis utuntur mollibus, culs
citæ enim, cervicalia, & pulvini subtilissimis cynorum, quibus ma-
ximè abundant, plumulis tarcuntur. Attamen non linteis eos; sed
alii janeis, pars sericeis telis pro suâ quisquē facultate super adhærente
cubiculi parieti scamno, cui mobile aliud conjungitur, intrâ triper-
tito protenta vela sternunt. Parietes plerumquē nudi, nisi ingeniosæ
aranæ telas attexuerint suas. Apud pauculos mundiores inaurato
depictoque Belgici operis corio, incuriè tamen satis, obducuntur.

Quæ vi-
dus ratio-
ne.

Plebs autem, non proletarij tantùm, & capite censi, manuumquē
mercede inopiam tolerantes, sed etiam mercatores à quacumquē vitæ
mollicie quàm longissimè absumt. Supra tomenticiam, vel stramentici-
am culcitram, imò plerumquē super nudum scamnum, aut cubiculi,
vel vaporariæ fornacis pavimentum se projicientes in utramque aurem
dulcissimè stertunt. Modico ditiores vivunt. Reliqui solo pane, & allio
obsonantur. Omnes autem æqualiter frigidâ purâ, vel per commix-
tum parcissimâ manu fermentum viciatâ sitim reslingunt. Quam ta-
men numquam in plebeis restinctam putes, si vinum sublimatum ad
libitum subministres. Non enim illud pitissando, ut gallinæ gustant;
sed sorbendo, ut boves, aut equi hauriunt, & finem bibendi numquam
faciunt, nisi facias insundendi. In ganeis autem perpotationem tra-
hant, donec mariupium usquē ad ultimum quadrantem fuerit emun-
ctum. Imò non rarò accidit, quòd quis æri deficienti pileum & togam, re-
liquamquē usquē ad nuditatem vestem pacto pretio ad ulteriùs biben-
dum sufficiat, ut proterviam quidem facere; sed non Herculi, ac no-
vo ritu Patri Libero velle videatur. Et ab hac labe nequē sacerdos, &
nequē monachi immunes eunt. Sæpissimè itaque videre est Moscho-
rum aliquem è popinâ nurantem gressu exeuntem capite nimio potùs pon-
dere gravato procidere, & in cœno tandiù volutari, donec aliquis ex
innumeris aurigis, qui in singulis ferè Moschuz vicis meritoria sua lo-
cant vehicula, lucrandæ vecturæ intuitu eum sustollat, ac ad suos ve-
hat. Evenit tamen frequenter nimis, ut miseri sensu omni carentes à
vectoribus suis per devios abducti calles, ablatis pecuniâ, & vestibus,
immani latrocinio jugulentur.

Sunt in
potando
inexplebi-
les.

Quæ mala
in te con-
sequan-
tur.

De Mo-
schorum
famulatio.

Sed alia plura ab hac malignâ ebriositatis radice pullulant atrocissi-
morum scelerum surcula. Famulitium Moschi, servitiumquē alunt sa-
tis numerosum; sed exiguis sumptibus: illud enim, discoloribus omni-
nò neglectis, obsoletiùs vestiunt. Cùmque duplicarios nullos habeant,
multa autem ex lege jejunia, aliquot etiam ipsi ex æconomia superad-
dentes deterrimo pane, piscibus fumo, vel vento duratis, rarè carni-
bus

bus nutrunt, assignato in potum fonte, qui, si festivitas aliqua solennis celebranda intercurrat, modico injecto fermento in kivas corruptus eadem, ut genio indulgere hilariter queat, liberalius propinatur. Merces vel nulla datur, quod plures servi, vel vernæ sint: vel, si liberi, exigua valde. Hi itaque à domesticâ mensâ numquam non esuriente stomacho discedentes, & pauperes otiosi, quorum innumeri in foro inertissimè desidunt, ut de pecuniâ ad saturandum ventrem, sed præsertim ad potum comparandum sibi prospiciant, cum bonis artibus suâ culpâ destituantur, malis nequissimè contendunt, & vel clancularijs furtis negligentius custoditas domos evacuant: vel ditiorum per excitata studio incendia auxiliarium larvâ personati diripiunt: vel noctu per urbem apertâ vi grassantes obvios quosque improvisis idibus voce, ac vitâ prius, ne vicinorum opem implorare queant, deinde auro, & vestibus spoliant. Temulenti verò ob leviusculam causam, homines alioqui etiam in sobrietate ad jurgia, & obscenas injurias proni, in frequentissimas prolabantur rixas, statimque evaginatâ culttris mutuo se crudelissimè confodiunt. Constituti sunt quidem in omnibus plateis vigilæ, qui quoties noctu ab horologij pulsu horæ indicantur, ligneos tectorum imbrices, sive scandulas, & ipsi concorditer pulsant, ut ab illo strepitu scelesti noctivagi de eorundem vigilantia moniti, deprehendi timentes, à conceptis facinoribus desistant: vel, si malefactorum esse mavelint, ab illis præhensi sub custodia afferrentur, malefactorum judici, cum dilucescet, tradendi. Sed, aut ex composito spoliatorum participes fiant, aut ab illorum truculentâ inertî pavore sibi timeant, ita vigilæ, quasi alto sopiti fomus, eorum sceleribus connivent, ut nulla Moschuz dies illucescat, quæ plura per noctem occisorum cadavera pertransientium oculis non ingerat. Præsertim quando solenniores celebrantur anniversariæ festivitates, & in sexagesimæ hebdomadâ, quando Moschovitæ esu carniû sibi interdito solis piscibus, & lactarijs pasti instantis quadragesimalis jejuniij rigoribus præludunt, etenim tum noctes diesque potando continuant, & non tantum pergræcantes; sed & insuper perruffantes, non Christi mysteria; sed Orgia Bacchi recolunt, per insanam temulentiam, vesani adeo, & esserati, ut quid committant, aut admittant, æquè ignorantes, per mutua vulnera mortem inferant, & excipiant.

Sedebant ad ostium nostræ habitationis sub centurione suo ex prætorianis militibus, quos Strelitzios Moschovitæ nuncupant, quadraginta stationarij, quibus ut fieri assolet, singulis diebus totidem sufficiebantur, ita ut per quotidianas vices omnes tandem, qui Moschuz debebant, subintrarent. Ex his quatuor, partitis inter se juxta numeri justiciam horis, diversis in locis intra, & extra ædes jugiter vigilabant, ut à furibus securi quietas noctes (sic Moschi præferebant) traducere possemus: Vel, ut omnes qui clam ad nos accedere (sic nos certius judicavimus) forsitan vellent, arcerentur. Eorum unus juxta locorum partitionem sub fenestris cubiculi mei excubias agere tenebatur. Hic ætîvis noctibus incondito cantu, aut insulsis cum commilitonibus suis jocos somnum fallebat. Hybernus verò ad repellendum frigus manus invicem pulsando, pedesque supplantando exultabat. Continua itaque molestia somnia mea interrumpiebantur. Nec proderant depositæ meæ super hoc apud commissarios querelæ. Et cum Moschovitæ pomeridiano omnes somno indulgant, ita ut

Molestia,
quæ au-
thor à vi-
gilibus as-
scribitur.

Moschi
post meri-
diem dor-
mie con-
sueverunt.

mcrcæ-

Divisio
anni, &
diei apud
Moschos.

Aditus ad
authorem
nō erat in-
terdictus
per decre-
tū, sed per
amicum
consilium.

Sexus ma-
licibus uō
in magnā
apud Mo-
schos ve-
neratione.

De ma-
trimonio
Moscho-
rum.

mercatores tabernas suas post meridiem occludant, magnates nobiles-
quē copiam sui non faciant, omnes matutino tantum tempore nego-
tijs vacantes, putabant illi, quod ego etiam ad suam consuetudinem.
meam jam à vetustate induratum flectere, & inde nocturnam quietem
insuper habere deberem. Profectò, nisi edoctus antea fuisset, quod
Moschovitz, qui annum in bisseños Latinis nominibus indigitatos di-
vidunt menses, factò tamen ejus à Kalendis sept: initio, diei, & nocti
vigintiquatuor horas attribuant, pro quarum dispensatione à solis præ-
sentiâ, vel absentia normam petant, dum ab ejusdem ortu primam.
diurnam horologium pulsât, reliquaquē usquē ad ejus occasum mul-
tiplicatis semper pro more communi scibus, indicat: & à primâ no-
cturnâ tunc incipiens, ad reliquas usquē ad eundem renascentem pul-
sando procedit, discere hoc per tot infomes noctes potuisssem.

Aditus ad nos, ut Moschi ostentabant, cunctis patebat, reapse
autem paucissimis. Nam (prætermisso, quod ex eis nemo ædes no-
stras vel à longè respicere ausus umquam fuisset) multi peregrinæ gen-
tis homines identidem à prætorianis, sive ex mandato, sive ex pe-
tulantia nobis inscijs ingressu prohibebantur, undè ceteros ab hoc
tentando suæ exemplo repulsæ avertabant. Quod si eorum militaris
aliquis vir, ut cautius ageret, à Moschovitz supremo duce suo fa-
cultatem ad nos invisendi petebat, negatam sibi quidem eam non au-
diebat; sed suggestum amicū consilium, ut hisce officijs abtineret,
ne suspectum apud Magnum Ducem se redderet. Vetarunt autem.
severissimè, ne ulla unquam cujuscumquē conditionis sæmina in æos
nostras admitteretur.

Et profectò sexus iste in Moschovia illo non gaudet obsequio,
quo plures in Europâ gentes eum venerantur. Nemo ibi dignitatem
conditionis virilis ita demittit, ut in tripudijs mulieres genūflexus
tanquam Cyprias Veneres alloquatur. Nemo continuat ad annos
earum ambicæ formæ adoratione eas docet, tumidâ elatione insole-
scere, & præcantium vota non prius exaudire, quàm longo suspi-
riorum fumo vice Sabæi thuris quasi Numina cultæ fuerint. Sub-
ditæ ibi viris, & quidem eas floccitacientibus, sunt. Tzarearum.
verò sororum, & filiarum infelicissima conditio est. Etenim, licet
olim à seniore Joanne Basilide filia Helena Alexandro Poloniæ Re-
gi, & à Georgio junioris Joannis Basilidis fratre filia MARIA Ma-
gno Holfatiz Duci, & Friderici Secundi Daniæ Regis fratri nuptum.
traditæ fuerint, nunc tamen earumdem nulla diversæ religionis ho-
mini, quem tanquam paganum averfantur, aut subdito, quem dedi-
gnantur, matrimonio conjungitur; Cùmque in Moschovia omnes sint
Tzaris mancipia, atquē extra eam nullus liber Princeps Græcos in-
fide errores admittat, conditione carentes, in palatio omnes, vel cœ-
nobio inclusæ, jugiter patientes in virginitate corporis contra mentis
desiderium intacti animæ maritum concupiscentis martyrium, mise-
ram ætatem chariorum inter mortales nominum, & affectuum tene-
riorum solatio carentem traducunt.

In matrimonijs autem contrahendis Moschovitz non solum lege
nobiscum communi cum attinentibus in quarto consanguinitatis, vel
affinitatis gradu nuptias sibi interdunt; sed insuper verant, ne quis
sororem leviri sui ducat: ne duo germani fratres duas sibi copulent
germanas sorores: ne qui spiritualement ad fontem baptismi cognationem

con-

contraxerunt, connubio jungantur: nevé quartam quispiam uxorem ad reriò viduatum thorum assumere præsumat. Quod, licet nunc Moschis aequè, ac olim per expressam functionem Græcis, sanctum; nihilominus Joannes Basilides violavit. Etenim non quartam tantum; sed, juxta verissimam Oderbornij, & Possævini assertionem, septimam duxit. Nequè in ejus Metropolitâ tantum animi roboris fuit, ut ad exemplum Nicolai Patriarchæ Constantinopolitani sacris Leoni VI. Imperatori quartò uxorato constanter interdicentis illum anathematis gladio percuteret. Secundam verò ducentes, biennio: Tertiam, viginti annis Ecclesiæ aditu prohibentur. Nulli tamen profelytorum, licet decies in Latinâ religione conjugatus fuisset, ullæ nuptiæ imputantur, præter eas, quas in Moschoviticâ celebravit. Conjugia enim Latinorum non matrimonia; sed concubinatus Moschovitæ appellant. Unde si Latinæ fidei conjuges ab apostasiæ spiritu utriusque seducti unâ simul Moschico se addicant schismati, & perseverare in thori communionem velint, nuptias denuò Moschovitico ritu per mutui in facie Ecclesiæ consensus expressionem contrahere tenentur. Necessariò itaque hinc consequitur, quòd omnes Latina sacra profitentes tanquam ex illegitimo coitu nati apud Moschorum opinionem nothi sint. Quare haud magnopere mirandum, si apud imbutas hoc præjudicio mentes summo omnes simus despiciatui.

A divortio ob uxoris non solum infidelitatem, sed etiam sterilitatem, imò & nonnumquam fastidium, dato repudij libello ab Ecclesiastici Magistratûs auctoritate convalidato non abhorrent, licitum sibi facientes aliam superinducere. Nec mirum profectò est, quòd à magnatibus divortia frequententur, cum infelices damnabili patriæ moræ eas ducere soliti sint, quas vix post celebratam in templo per mutuum consensum à Sacerdote copulationem videre eis est permissum, ita ut non raro eveniat, ut pro speratâ Rachle obtrusam sibi ad matrimonij consumationem Liam pœnitendâ olim utrinque deceptione excipere teneantur.

Paulò diciore uxores suas ab omnium oculis subtractas intrâ domesticos parietes, nullâ ipsi rei familiaris curâ conceditâ, ad acum, & colum, tamquam olim apud Romanos in ergastulo mancipia, in gynecæo damnant. Exire communi maritalis zelotypiæ lege eis vetitum, cui rarissimè aut consanguineas, aut templum adeundi gratiâ derogatur. Tunc verò (ut cujuscumque modi genus mulierum in Moschoviâ omnes copias in usu quotidiano, & cultu corporis habet) integri patrimonij impendio comptæ, & politæ mundi sui pompam omnem ostentant; ipsæ tamen numquam mundæ. Etenim omnes, licet nullo, quem arte emendent, deturpentur Naturæ defectu, totam nihilominus cum collo faciem cerusâ incrustant, genasque, & labia ostro adsciticio pingunt. Invaluitque adeo hæc colores vultûs mentiendi falsâ consuetudo, ut inter sponsalia dona nuptæ suæ etiam fucum, ut sibi fiat, vecors sponus ultrò mittat. Cum exeundum, si nivibus rigeant calles, cameratis, & ex speculari lapide fenestris trahis: reliquo verò anni tempore carpentis crebro semper stipatæ servicio vehuntur.

At inferioris conditionis sceminx, cum non adeò arctè custoditis cancellis domi contineantur, sexcentas quæsitæ necessitatis causas in promptu habent, ut quòd libet, liceat commere. Hæ à potu non abhorrent; imò cum procis certatim compotantes haud raro amplio

De divor-
tio.

Uxores
diciore
raro exe-
unt.

Inferiores
semper, &
quomodo,

ris capacitatis palmam reportant. In ipsâ tamen victoriâ succumbunt. Etenim refrigerante ebrietate pudoris seram honestatis thesaurum furaci mæchorum libidini incaustoditum exponunt, vel certè vilissimo pretio venalem proſtituunt, eò leviori utrinquè ſindereſis ſenſu, quò graviori intelleſtûs errore ſentiunt, uxorati cum innuptâ commixtionem ſub adulterij appellatione non contineri, adulterium illud tantum judicantes, quod cum conjugatâ committitur.

Mofchorum balnearia.

Balnea ab alio, & cepis ſemper malè olentes Moſchi omnes indifferenter frequentant, alternis immodici æſtûs, & frigoris actionibus ab aſſuetudine indurati ſinè valetudinis incommodo ultrò ſe ſubmittentes. Poſtquam enim provocato per immoderatum calorem ſudore toto corpore maduerint, ſuper ſcamnis extenſi ſagineis faſciculis diverberari, & fricari ſe curant, donec irritatus ſanguis ad cutem accurrens coccineâ eam ſuffulturâ ſubamiciat. Tunc à balneis ſe propiçientes ad frigidam ſemper ex uſu proximè fluentem, aut reſtagnantem nudi omninò currunt, eaque ſe abluunt. Vel ſi fæviente hyemè hoc ipſis officium gelu conſtricta negaverit, ad nivem recurrunt, quâ tanquam ſmegmate longâ perfricatione mundati, ad balnearum calorem eam exteſuri revertuntur, extrema hæc ſinè alio intermedio ad libitum inoffenſi reciprocantes. In publicis itaque balneis ipſæ etiam plebejæ ſexuinae frequentes ſunt, ubi ſejunctæ quidem per intermedios aſſeres ad hominibus lavantur; attamen per idem oſtium nudæ omninò intrant, in ejuſquè liminari, ſi libeat, prolaxis nugis balneantem virum coram alijs alloqui non verecundantur. Quin imò, poſtquam & ipſæ ſanguinem fricatione, & verberibus ad extimam cutim eliciuerint, ad proximam frigidam promiſcûe cum viris concurrunt, nihil penſi habentes, nuditatem ſuam procacibus eorundem obtutibus ingerere concupiſcendam.

Mofchi ſunt ſimiles valetudinis.

Mirum dictu: Cùm tam inordinatè uterque ſexus in Moſchoviâ ſetatem agat, plurimi tamen ad longævam ſenectam nullo unquam morbo tentatam eam producant. Videre eſt ibi ſeptuagenarios integris viribus vegetos, robuſtis lacertis validos iſs ſe laboribus ſubmittere, quibus apud nos juventam vix excedentes impares eſſent. Credendum, à ſalubritate aëris tantæ valetudinis firmitati, in nemine unquam à ſtudijs, uti apud nos, labefactatæ, multum contribui. Moſchi tamen dicunt, quòd plûs à neglectu ibi medicæ artis. In totâ Moſchoviâ nullus eſt medicus, nullus pharmacopola, & quamvis in Aulâ ſua tres largâ ſatis manu Tzar meo tempore aleret, aliorum. Principum in eodem æmulationi tribuendûm venit, eorum enim operâ nec ipſe, nec alius quivis Moſchorum ſeridò utitur. Egrotantes omnia Hippocratis canonica remedia reſpuunt, exteriora ſibi applicari vix patientes. Ad vetularum potiùs, & Tartarorum incantamenta conſugiunt. Pro ſuſtidij verò, & æſtus ſolamine vinum diſtillatum, & allium admittunt.

Authori ægrotanti copias medici negatur.

Ego tamen vix quatuor poſt adventum meum hebdomadas Moſchurum expleveram, cum febrili calore me correptum ſenſi. Triduo elapſo ad Æſculapij artem conſugere decrevi. Sciſcitanti mihi, an aliquis medicinæ peritus in urbe daretur repetiri? reſponſum fuit, quod tres. Italus, Germanus, & Anglus. Italo arritit Italus. Licèt enim de eo additum, quòd propter gravidatum ab eo Polonæ captivæ ad Moſchoviticam religionem tranſugæ utrum in Sibiriam relegandus,

ut

ut penam evaderet, idem & ipse transfugium vel fecisset, vel su-
lasset, novo baptismo peccaminosè superadmisso; consideravi tamen,
nihil hæc omnia doctrinæ ejus, & praxi detrahare potuisse, posse autem
ejus mihi concessionem tanquam hominis apud Moschos minùs suspe-
cti faciliorem reddere. Mando itaque ut advocetur. Refertur res ad
commissarios, ab his ad Cancellarium, ab hoc ad Magnum Ducem,
non tamen sine bidui morâ. Concedit hic, quem petieram, jubetur
quæ ille ad me accedere. Dum cum præstolor, nunciatur mihi, ad-
ventasse doctorem Anglum, qui dicat, se ex mandato Tzaris ad me ve-
nisse. Ego malè ominans de curatione, in cujus initio quid pro quo
in ipso medico mihi obtrudebatur, mando famulo ut ei renunciaret, quòd
me sospitem invenerit, & excitare non audeat. Cùm expectectus
fuero, relaturum se mihi de ejus ad me accessu. Abijt itaque bonus
Anglus; sed non idèò Italus venit. Visitant me commissarii, & inter-
rogant, utrum venerit? Respondeo negativè. Abenit asserentes, eum
incontinenti à se missum iri. Sed eorum præstant, imò eorum alter re-
diens, eum, nescio quò, profectum fuisse, mentitur, & interrogat,
quare doctoris Angli apud Tzarem primarij, & in arte experientissi-
mi, cujus prærogativæ procerum omnium curatio jure deberetur, ope-
rà uti detrectarem? Respondeo, de medico tandem esse rationem, ac
de confessorio, cùm huic anima, corpus illi concedatur. Numquam
autem mihi evenisse, ut ab aliquo claustralium cœtu talem nomine, &
quidem nullius inter eos dignitatis, sacerdotem, qui confessionem
meam exciperet, petenti, Abbas potiùs, vel Rector, vel Prior, quia talis
fuerit submissus. Petiit Italum à me fuisse, quia persuasus viverem,
quòd unaquæque natio naturalem popularium suorum corporis con-
stitutionem certioribus, quàm ceteræ, experimentis exploratam ha-
beat, ideoquæ aptiora ad expellendum morbum remedia sciat adhibe-
re. Recusatum Anglum, quia ex errore eum ad me venisse putaram,
non verò, quod de ejus sufficientiâ addubitassem, sed admissionem jam
ejusdem repulsâ meâ offensi à prudentiâ mihi vetari. Hæc rationes,
obsecrationes meæ, & febris in dies invalescens permovere potuissent
quoscumque alios ad expetitum solatium mihi concedendum; sed in-
efficacia prorsus omnia apud lapidea Moschorum corda fuere. Animum
tamen haud despondi ab Ambrosio probè doctus, quòd ubi omne hu-
manum deest auxilium, ibi necesse sit adesse divinum. Dæo solo im-
mediatè opitulante pauculos post dies convalui, & tunc causam deneg-
gati mihi Itali doctoris percepi.

Custodiebatur tunc temporis inter alios belli jure captivos dux
Campestris, & thesaurarius Magni Ducatûs Lituaniz Vincentius Cor-
vinus Goticivius, omnibulquæ ad eum aditus ex Moschovitarum more
fuerat interdictus. Is tunc ante annum afflictam sentiens valetudinem
copiam sibi alicujus medici fieri petierat. Jussus à Tzare Italus eum
invitere in atrio aëris captandi, & corporis exercendi gratiâ deambu-
lantem offenderat. Ibi narraverat is passionem suam & symptomata;
remedia alter & quotidiani victûs legem præscripserat. Inter alia usum
cremoris tartari impensè laudaverat. Arrestis interim auribus custo-
dum militum centurio eorum sermonem excipiens, frequentem de cre-
more tartari mentionem subaudierat, & ex nominum similitudine su-
spicatus, eos de Tartaris Crimenibus fuisse locutos, cucurrerat ad Bo-
jarum Iliam Danilowicz Tzaris focerum, & ordinarium omnium in
Moscho.

Causa non
concessi
Medici.

Mosch. novissimam medicam exercentium artem judicem, & medicum, quod cum Litvano hôte de ejusdem collegatis Tartaris Crimenisibus longos sermones miscuisset, detulerat. Fortè autem fortunâ pridiè ejus diei insautus de obfesso ab ipsè Tartaris Tzeremetow nuncius Moschum advenerat. Advocatus igitur confestim doctor, & coram illâ tanquam atrocissimè criminis reus statutus, interrogatus fuerat cum indigna-bundâ beneficiorum exprobratione, quod, nimirum, & ipse captivus non tantum suæ libertati, sed etiam in medicum constituto liberaliter stipendio assumptus, & ad veram Christi fidem, si Dijs placet, per genuinum baptismum fuisset introductus, quid cum Magni Ducis hôte de fœderatis ejus Tartaris Crimenisibus tam prolixè tractasset. Obstupuerat ille, & advocati munere fungente conscientia negaverat factum. Productus illicò ad eum convincendum testis de auditu centurio fuerat. Tunc reflectens medicus ad omnia cum Gosevio dicta, profectum ab auditu à centurione cremoris tartari nomine suspicacis calumniantis errorem agnoverat, & patefecerat. Vix tamen evaserat, quinimò captiosi verborum suorum interpretis titulum reulerat. Cum itaque illi menti concepta semel de illo suspicio tenaciter adhæssisset, quando inavidiit, eum à Tzare ad me curandum destinatum, decreto auctoritate suâ intercedens inhibuit ei, ne veniret, Anglo ejus vices subire jussit. Nequè per iteratas instantias meas, & ægritudinem in dies ingravescentem ab obstinatâ inhibitione potuit dimoveri.

Sanè consideranti, virtutes morales stationem suam fixisse mediam inter sibi invicem opposita vicia, non adeò mirum erit, quod rari admodum inter Moschos in hoc medio calle vestigia firmant. Etenim, internæ in homine post ejus depravatam à peccato naturam inclinationes ab exemplis seductæ, externique sensus à fallacibus pelleri objectis facile per declivia errorum ad vitiorum confinia labuntur, nisi à liberalibus disciplinis, & philosophiâ suâ, vel alienâ animus, quasi puer à nutrice suâ, manuducatur. Quo præsidio Moschi omnes suâ culpâ sunt penitus destituti. Prodigalitati tamen numquam ad eos aditus patuit. Percurre, quàm lata est, Moschoviam, nusquam prodigum invenies, numquam audies, alicui propter prodigalitatein bonorum suorum administrationem datis curatoribus fuisse interdittam.

Deposuerat Smolensciz obstetricante Lutina gravidæ uteri onus uxor Ducis Petri Dolgoruki ex vetustâ Rurecowicia rerum olim in Russia per septem secula numquam interruptâ serie potitâ familiâ descendens, & provinciz tunc Præfecti, patrioque more servato illicò primores in urbe gentis suæ de felici suo puerperio per diversos nuncios certiores fecerat. Confestim itaque omnes consuetudinem secuti ad eam concurrerant, & à fordibus agrè lotam, viribusque ob dolores in euitendo perpeffos prostratam importunis obruerant visitationibus. Eminebat in salutantium turbâ Dux Nikita Juanowicz Odojowski, ex eadem & ipse Russorum Principum per Svatoslaum Jaroslai Magni Moschorum Ducis filium tertio-genitum prosapia, tertius inter Tzarcos fenatores, Altracani locumtenens, & ad pacem cum Polonis tractandam magnus cum plenariâ potestate legatus: & cum eo collega Almasius Juanow Cancellarius. Cùmquè inolita consuetudo munusculum, aliquod puerperæ offerri à singulis exigeret, ille tot coronatarum imaginum Dux Odojowski in decentem liberalitatem profusus unico au-reo,

Moschi
sunt rena-
cissimæ.

reo, ejusque collega triginta argentels copikis, qui medij thaleri pondus nec dum exæquant, eam munerarunt.

Mercatores in contractibus semper fraudulentis juramentis, & obtestationibus dolum fulciunt, fluxaque adeo fidei sunt, ut nisi confestim per rei venditæ traditionem, ac pretij solutionem perficiantur, eos, si aliunde pinguior lucellus offeratur, inconstanter rescindant.

In opificibus autem nulla sinceritas, nulla fidelitas. Dederat Moschur sacerdos noster Russo plumario xilinam ex Perside polymitam telam, cum alia communi pro suffuturâ, & gossipio inter utramque distributè per doctam ejus acum in lodicem consuendo. Cùmque talium hominum improbas fraudes probè nosset, catè omnia simul coram eo priùs appenderat. Retulit is suo tempore elaboratum stragulum pondere integro, imò aliquantulum aucto, quod futuræ additamenti tribuendum esse ajebat. At cùm sacerdos per totam noctem illo coopertus onus quidem sentiret, sed nullo unquam soveretur calore, confusus, & incertus animi monetur à quodam ex prætorianis in statione apud nos illâ die excubantibus, deceptionem in factò subesse, cujus le oculatum testem producebat. Lodice itaque paululum diffusâ vidit gossipium madidâ, ut adhereret, conspersum minutissimâ arenâ in supplementum dimidiæ ejus partis furto subractæ substitutâ. Cùmque artificem de fraude compellaturus ad ejus accessisset officinam, audiit illum ad septentrionales Oceani oras profectum solum vertisse. Sed & hæc fallacia erat, nequaquam enim abierat, sed latitabat nequam, sperans nostrum in dies, ut fama tunc ferebat, Moschurâ discessum. Qui cùm ultra spem suam differretur, tædio cum affecit, ita ut ex latebris profliret. Undè in judicium à sacerdote vocatus dolum suum non ivit inficias, & tamen nullâ multâ emendatus fuit. Haud itaque mirum, quòd dolis, & furtis id genus homines studeant, cùm sæpè accidere ijs possit, ut feliciter peccent, dum ex celato furto peculium augent, ex patefacto verò nihil eis decedit, cùm nullâ graviore, quàm rei furtivæ restitutione, penâ corrigantur.

Regna, Provinciæ, & urbes Moschico subditæ dominatui per Præfectos, quos Vaivodas Moschi appellant, earum tamen procuratore ultra triennium rarè prorogatâ, administrantur ad amissum statutorum, quæ Anno 1647. ex antiquis non scriptis consuetudinibus Alexius compilari, & typis impressa publici juris fieri voluit. Verumtamen, cùm gratiosi apud Principem ejus gratias, quas, tanquam canales aquam, gratis excipiunt, in neminem gratis derivent, necessariò contingit, ut, qui pro munij consequendis multis muneribus eorundem favorem emere debuerunt, ad refarciendum cum scenore damnum posthabitis statutorum præscriptis, commissos sibi populorum greges tondere non contenti, deglubere etiam haud vereantur, securi, quòd horum querelæ rauescent adeo, ut ab auribus domini excipi nequeant, si ab expilatis tantum corraferint, quantum avaritiæ suæ, & novo pro impunitate patronorum mercando favori sufficere possit. Nec deest ijs lepidum ad emungendum longè ab omni clamore paulò pinguioribus oculos suas inventum. Convivia enim instruant, ac annuatim sæpius nobiles provinciæ, & mercatorum opulentiores invitant, ut ij inextimabili tantæ dignationis gratiæ honoraria dona juxta patriæ morem largiter retribuunt. Sententias sub hastâ vendunt, easque partium lickantium plus offerenti addicunt. Emunt scelera

Mercatores fraudulentis.

Etiā opifices.

Proceres pecuniarum avidi.

impunitatem, Altrexquē gladij aciem malefactores obtundunt, si scuta aurea ictus exceptuta supponant. Ipsiquē iudices, ne tam facile de iniquitate sententiæ convincantur, connivent, ut testes pretio comparari eò audaciùs sive ad veram accusationem diluendam, sive ad calumniosam asserendam deponant, quò ditius falsitatis teceperint ptemium.

Mercaturam exercent. Etiam Legati.

Proceres omnes, nemine excepto, imò & ipsi Magni Ducis apud exteros Reges Legati mercaturam ubiquē palam, exercent. Vendunt, emunt, permutant sine velo, sine larvâ, ipsi insitiores, ipsi proxenetae, & venerandam Legatorum dignitatem fordido quaestui cogunt ancillari. Diffiteri tamen non sine indignatione haud possumus, quòd ejusmodi sordes etiam nonnullos ex politioribus gentibus, & potissimè ex nostratibus interdum inquinaverint.

Nefarium quatuor mendicorum facinum.

Horrui Moschus audiens sceleratam in ipsâ mendicitate avaritiam. Quatuor mendici, quorum habendi aviditatem ordinariæ pium erogationes haud explebant, ut horum animos efficaci oratione ad majores sibi conferendum elemosinas permoveere possent, initâ inter se fœceta plagij societate pueris bimis, & trimis insidiantes eos, si quando longè ab oculis maternis à puerili curiositate seductos vagari animadvertissent, porrectis pomis, aut avellanis nucibus ad se allectos clam subripiebant. Inductis verò in habitationes suas aut crura, aut brachia, aut utraque frangebant, vel oculos eruebant, vel miserandos aliquo alio membro mutilabant. Quos martyrium enecasset, defosâ in infernâ domûs cavâ humo homicidæ vespillones sepeliebant. Reliquos, qui dolôti suo supervixissent, secum ad compita ducentes, tanquam prolem suam à novercâ Naturâ in utero materno membro- rum vitio innocenter mulctatam simulatis questibus pertransientibus ostentabant, rogantes, ut tantæ miseri calamitatis liberalem ad miserum alendos stipem conferre haud gravarentur. Septemdecim annos Numinis longanimitas sævam hanc nefariorum avaritiam, eorum respicientiam præstolando, toleraverat, intra quos illi quamplurimos furati puetulos martyrio affecerant. Sed, cum ab impunitate majores semper spiritus ad perpetuandum scelus sumerent, exeruit tandem. Deus justitiæ suæ brachium, & scelestos à peccando miti castigatione compescuit. Sedebat eorum unus in plateâ cum detorto, & manco à se reddito puerulo consueto vacans quaestui, cum is pertransientem fortuito genitricem suam agnoscebat, mater, mater, ad eam conversus multis lachrymis clamar. Percussa hæc à noctâ filij voce deitoxo in eum obtuto, quamvis ab injuriâ plagiarij deformatum, eum agnoscit, multoque gemitu adrepentem obvijs excipit ulnis. Attonitus scelestus mendicus ab accurrentibus illicò præhensus tres criminis focios ultrò nominavit, quos omnes in vincula conjectos; sed nullum ex ijs unquam poenâ aliquâ affectum fuisse audivimus.

Ædium sacratum in Moscho viâ descriptio.

Ad tertium Kal: Aug. dum Tzar ad templum Divo Heliæ haud longè à nostris ædibus dicatum se conferret, ut memoriam ejus anniversariâ solennitate recoleret, misit ad nos confidentem suum Dia- cum Dementi sciscitatum de valetudine Imperatoris sui charissimi fratris, & deinde de nostrâ.

Ædes sacræ in Moschoviâ capacitatis sunt intra mediocritatem. unius archetypi formam omnes referentes. In ijs horas suo modo canonicas stato tempore, etiam nocturno, sacerdotes, & diaconi cum ceteris

ceteris ministris submissâ voce vernaculo idiomate psallunt. In singulis e conspectu januar principalioris paries laterales suos utrinquè pettingens trinis ostijs pervius assurgit. Apud illius ostij, quod respectu conspicientium lævum est, postem dextrum pendet affixa Salvatoris imago, & apud sinistrum ejus Virginis Genitricis. Reliquum parietum totius templi spatium diversis circumquaque obducitur iconibus, quæ juris sunt privatorum, ante quas illi cereos sacrificij tempore accendunt. Intra ostium medium parvula visitur mensa linteamine, & antipendio vestita altaris officio destinata, in cujus medio sub seraphino calix: in dextro latere crucifixi simulachrum, non erectum, sed jacens: in lævo Evangeliorum liber collocantur. Apud hanc singulis diebus tribus ante meridiem horis prævio longo æris campani pulsu unicum sacrum Moschoviticâ linguâ peragitur raro profectis diebus auditore, festivis verò frequenti, pneumarici organi & quorumcumquè musicalium instrumentorum usu penitus eliminato. Sacerdos super albâ pluviali, diaconus Dalmaticâ in utroquè latere consutâ, stolâquè desuper à sinistro humero ad latus dextrum transversâ induuntur. Fœminæ nobiles, quæ maritos paulò minùs morosos, & zelotypos fortitè facultatem adeundi templa ab ipsè interdum impetrant, per januam peculiarem à parte cœmeterij apertam sepra, quæ cancellis custodita in singulis (excepro cathedrali) ad lævum latus sunt constituta, ingrediuntur, ibiquè ab hominibus non visæ consistunt. Cùmquè facer mysta odorem adolens Sabæum ad eas accedit, dum versùs easdem thuribulum motu obsequentis manûs leviter ad fumum proferendum de more impellit, oculos humi dejectos tenet, ne earum aliquam intultu suo per transfennam violer. Ignobiles verò aut nullatenus, aut horis solitarijs caput imaginibus inclinaturæ sana solent visitare. Adstat, si solennior aliqua festivitas celebretur, ad dextrum intrantibus templi latus sub umbellâ Magnus Dux regiè paludatus, & coronatus, acque è regione ejusdem ad lævam pariter sub umbellâ (nisi ipse faciat) tiarâ, & pedo conspicuus Patriarcha. Utrique stella flexilis apponitur, ut confidere, dum epistola legitur, queant. Reliquo tempore stant. Ceteri verò semper. In templis enim sedere Moschis illicitum, ideoquè nulla in ijs sedilia; sed scamna circumquaque parietibus affixa, usurpata, sedendo dumtaxat, dum homilia in matutinis legitur officijs. Poplicibus aures flexis Dæum adorete, detestandam esse ajunt Prætorianorum Pilati militum imitationem, qui ponentes genua sua Salvatori illudebant. Nemo otando mussar; sed nequè labia movet, nisi velit pro incantatore magica proferente catmina haberi. Totaquè oratio publicanum imitatur Evangelicum per millena crucis signa toties ingeminans. Golsodi pomilui: Domine miserere. Evangelium Tzar coronâ per aliquem ex proceribus è capite detraçtâ audit, quæ eodem absoluto tursus ei per eundem imponitur. Cùm oblatio panis à sacerdote facienda est, diaconus cum capiti suo superimpositum ex lævo chori ostio in templum exiens per medium ad altare portat. Dum pertransir corona iterum Tzari detrahitur, ipseque & ceteri omnes prostrati præposterâ adoratione panem venerantur. At postquam depositus super altari à diacono fuerit, clauduntur valvæ, & reliquum sacrificij sacerdos absolvit, ita ut dum consecrat, jam Tzar iterum coronatus, ceterique adstantes erga imagines quisque suas suo Golsodi pomilui vacantes nullam erga jam secundum eorum fidem, facta.

Et quomodo in ijs sacras habeantur officia.

sacramentatum panem exhibeant adorationem. Si Tzari communicare libeat, depositâ coronâ ad altare ingreditur, quod ceteris omnibus est inaccessum. Ad limen enim ostij dumtaxat accedunt, ubi sacerdos obuius Eucharistiæ eos participes facit. Tandem sub missæ finem regalem Tzar capitis ornatum deponens ad imaginum osculum procedit, & initio factò ab eâ, quæ Salvatorem repræsentat, ad Deipare, Nicolai, reliquorumquæ juxta devotionem sanctorum icones gradatim transit, signum crucis, Gospodi pomilui, & cervicis inclinationem. per singulas prolixâ pietatis ostentatione tertio iterans. Absoluto sacro abeunt omnes, & nobilium ordo commensationibus, mechanico-rum verò, & mercatorum referatis officinis, & tabernis labori, & commercio suo vacant. Conciones nullæ habentur, ne depravatis ingenij (ut Moschi præferunt) ansa detur, populum hæreticâ doctrinâ imbuendi. Sed quis unquam apud eos concionatoris partes explere valeret, si Moschicos characteres commodè combinare, & pingere, summus est Moschovitici studij apex?

Alexius
devotionis
ergo ad
Monaste-
rium San-
ctissimæ
Trinitatis
visitatu-
rus Ser-
gij ossa se
transfert.

Pridie Kal: Octobris proficiscens Magnus Dux ad celebre Sanctissimæ Trinitatis monasterium, sexaginta ab urbe Moschuâ veritas Pereaflaviâ versus distans, ut sanctorum suorum Sergij ibi olim Prioris, & discipuli ejus Niconis corpora visitaret, misit ad nos sepefactum. Ducem Alexium Juanowicz Boinosow Rothauski, qui hoc nobis significaret, & quomodo valeremus, inquireret. Cui actis per eundem, humillimè gratijs, ut votorum suorum compos prospero itinere sospes reverteretur, precati fuimus. Pertransiens vidit in aliquâ platearum urbis aliquot ex domesticis nostris, qui ipsam reverenter inclinati salutabant, misitque ad eos, qui petcontaretur, utrum ex nostris essent? Quod cum affirmassent, interrogavit eos ulterius nuncius nomine Tzaris, an benè valerent? & ad Dominum suum cum eorundem responso, & gratiarum actione reversus est.

Sancto-
rum inter-
cessio apud Moschos recepta eorum in hac error.

Sanctorum intercessionem Moschovitæ admittunt, verumtamen, cum judicium animarum particulare confestim ac separantur à corpore minimè credant, necessarium est, ut concedant, neminem (nisi velint absurdissimè inter hunc & illum suâ solâ opinione freti distinguere) ex sanctis post Christi in Cælum ascensionem mortuis, quia nondum judicati fuerunt, eò venisse. Cum autem sancti de nostris ad ipsos directis precibus nullam possint habere noticiam, nisi per visionem Dei, quâ beati sunt, & per quam quasi in speculo ipsis omnia, quæ ad ipsos pertinere possunt, ne aliquid ad plenam beatitudinem desit, ostenduntur, & revelantur, quomodo possunt ij, qui hac visione juxta Moschorum fidem nondum fruuntur, preces eorum nosse, ipsique suas apud Deum addere? His non attentis Divam Virginem, & Nicolaum Mirensensem Moschovitæ magnoperè honorant. Imò hujus translationis festum Anno 1096, ab Urbano II. Romæ Pontifice institutum receperunt, hodiequæ retinent, etiam si Græci illud nunquam admiserint. Sed inter reliquos, an omnes, quos invocant, sancti Dei sint, hæreere aliquis possit. Hoc certum, quòd Martyrum catalogo aliquot adscripserint, de quibus, cum causâ, non pœna martyres faciat, dubitandum, utrum sub Stephani vexillo militent.

Post mortem nothi Uolodimiri primi inter Moschorum Duces vivifici lavacri mysterijs initiati, quem hoc capite Moschovitæ, & Menologium Græcum sanctum vocant, etiam si polygamus fuerit, ac per multi-

multiplicatas cedes & rapinas in Russiæ Monarcham evaserit, neminiq; vel post baptismum, aliquid unquam ex raptis restituerit, ejus liberi de imperio decertantes mutuis se se insidijs appetebant. Horum Suatopolchus Kyoviâ vi occuparâ fratres suos Borissum Christiano nomine Romanum, Ducem Rosthoviensem, & Chlebum postea Davidem, Ducem Polociensem immissis percussoribus interemit. Hos Russi in martyrum album retulerunt, eorundemque memoriæ diem Julij vigesimumquartum consecrarunt. Corporum autem Moschum deinceps translatorum, templiq; ipsdē dicati festivitas VI. Non. Maij celebratur. Non me lateat quorundam sententia, qui, ut hos in martyrum chorum intrudent, subnixa doctrinâ Doctoris Angelici asserentis, esse inter martyres connumerandos non tantum qui pro Christianâ fide occiduntur; sed etiam qui ob amorem alicujus ex moralibus virtutibus occidunt, ajunt, causam martyrij fuisse in Borisso, & Chlebo sufficientem, quod mahuerint vitæ & regni jacturam facere, quàm ad utraq; conservandum, bellis & sexcentis, quæ bellis consecranda sunt, malis subditos suos vexari. At ego Divi Thomæ doctrinâ reverenter admittâ considero in facto, Borissi & Chlebi vitam à fratre insidijs, quibus eorum alter fugâ se protipere frustra conatus fuit, appetitam, & fraudis, à quâ suere intercepti, prorsus ignaris per constitutos sicarios ereptam fuisse, ideoq; sancti Doctoris doctrinam nequaquam posse ijs commodè aptari. Sed quid? Numquid non fuit David homo secundum cor Dēi? & ramen is, cum dilectissimus filius Absolon rebellasset, non jugulum parricidio præbuit; sed arma armis opposuit, & (invitus licet, & gemens) rebellem punit. Pessimè profectò consuleretur probis Principibus, imò & subditis tutelæ eorum legitime à Dēo commissis, si laudabile faceremus, ut nullo modo impiorum in se conatibus ipsi resisterent: & martyrum laureâ donaremus eos, qui neglecto bello pro sui suorumque subditorum defensione planè necessario scelestorum injurijs opportunos se præberent, & ita, quantum in ipsis esset, facerent præmium sceleris: orbarent subditos suos legitimo, & probo Principe: & in eorundem perniciem facinorosi tyranni intrusioni locum darent. Quamvis autem causâ martyrij in Borisso & Chlebo alicui probaretur, adhuc tamen eos martyrum cœtui cunctaretur affociare, si Cyprianum audiret dicentem, inexpiabilem esse discordiæ Ecclesiasticæ culpam, ejusque maculam nec sanguine ablui, nec passione purgari: sique posthabitis alicujus contra sententis parum, solidis conjecturis crederet cum Possævino, ceterisque serè omnibus, qui de Russorum ad Christum conversionē scripserunt, eos cum baptismo Græcum hausisse schisma in posteros ad hunc usque diem pertinaciter propagatum. Sed quid credendum de ijs, quos jam referam? Cum Borissus Hodunus simplicitate Theodori Juanowicz Magni Moschoviz Ducis, & sororis suæ mariti abntens Regno inhiaret, ut quæcumque ambitioni suæ obstantia tutiori dolo per intervalla scelerum sensim removeret, puerum novennem Demetrium ejus germanum per sicarios sustulit. Hunc Moschoviz martyrem vocant, ejusque ferias Idibus Maij quotannis celebrant. Quotquot ex Moschorum Ducibus à Tartaris bello petiti perierunt, tanquam martyres serijs, sacris, & invocatione à Russis coluntur. Imò cum Anno 1659. Dux Simon Romanowicz Pozarski à Joanne filio secundi Sevardi Magni Moschoviz Ducis ortum ducens, homo flagitij, & facinoribus coopertus, & recenter occisus

occisæ uxoris suæ infamiâ laborans, sub Ducis Trubetzkî directione inter Potiwulum, & Konotopum in Ducatu Severiensi contra Polonorum, Cosacorum, & Tartarorum exercitum pugnando in primo agmine cecidisset, martyribus confestim adnumeratus à Tzare Alexio fuit, peculiari nunc cultus officio. Prædicata autem Sergij miracula apud nunc viventes, quia nulla jam eduntur, fidem vix inveniunt. Et cupreæ ollæ coctum olus unicuique venienti sufficienter sine portionum monasterij familix debitarum diminutione subministrare solitæ nulla penitus vivit memoria. Nisi dicamus, genuinum ollæ miraculum hoc esse, quod nimirum peregrè proficiscentibus, & templum bis quotannis in Trinitatis, & Michaelis festivitibus visitare solitis monasterij olla coctum olus, pauperrimum, nempe, monasticæ culinæ cibum, suppediet; sed liberales adeo ab ipsâ largitione consequatur, ut olla numquam possit evacuari. Fama est ab omnibus in Moschoviâ verax credita, quod supra quater mille argenteorum rublorum myriades à Magnorum Ducum, aliorumque pietate erogatæ in illo monasterio sub Plutonis custodia defossæ latent.

Obiter autem hic adnotare haud pigebit, quod Sergius juxta fidem Moschicorum annalium hominem exuerit Anno Mundi creati 6897. qui fuit redempti 1788. dominante in Moschoviciâ Russiâ Basilio Demetrowicz. Erravit itaque Possevinus (nisi error typo sit adscribendus) Anno 1581. ad Gregorium XIII. scribens illum ante tunc undeviginti annos mortuum fuisse. Olearius verò, dum hujus fidem secutus est, non animadvertit, quod ille ipse Herbersteinus, quem uti mentionem Sergij facientem ipse laudavit, postquam primâ in Moschoviam, legatione cum collega Vito Streinio Maximiliani Primi Orator Anno 1517. & secundâ Anno 1526. Caroli Quinti, ejusque germani Ferdinandi cum Leonardo Comite de Nagarolis caduceator functus fuisset, suos rerum Moschovicicarum commentarios Anno 1549. edidit, unde nihil tunc de sepulto in monasterio Sanctissimæ Trinitatis Sergio, deque ejus miraculis referre potuisset; si is anno demum 1562. vitam, cum morte commutasset.

Moschorum confessio.

Tabulam naufragij, confessionem, nempe, auricularem, Russi habent, quam Eucharistiæ sumptioni semper ex lege præmittere tenentur. Rarè tamen citra Paschatis festum eam edunt, & tunc pauci, hique persuntoriè, & mutilatam. Rustici serè omnes, & urbium plebs eam ad proceres, & opulentiores viros pertinere arbitrantur, ideoque ad illos eam reijciunt. Illi autem, ne salutarem poenitentiam, quam ipsis patres spirituales ex antiquo Græcorum usu gravem & diuturnam solent injungere, subeant, ab eâ edendâ sibi dispensant. Quod diffiteri nequaquam potuit alter ex nostris Moschuz commissariis, qui perfectionem religionis suæ ab austeritate legis evincere contendens, severas prolixæ poenitentix conditiones adulterio pollutis ab audientibus ipsorum confessiones præscribi solitas extollebat. Cui ego; si res ita se habet, vos Moschovitz in continuo imposticæ poenitentix exercitio numquam solvendo pares vivatis, necesse est, etenim scimus, quàm frequenter in alienos thoros irrepere consuevistis. Ad ille; Ecquid nos stultos putatis? Nihil horum sacerdoti revelamus.

Et communicatio.

Communicant sub utraque, si non trinsk, simul sumptâ specie, sacerdotes enim panem fermentatum à proventu ætatis mulieribus sacerdotum plerumque viduis confectum frustulatim in rubro vino aquâ

tepi.

tepidâ diluto intinctum, postquam cum verbis consuetis more nostro adhibitis consecraverint, cochleari ex calice sumptum communicantibus, quibus eâ die esu carniû abstinentum, distribuunt, pueris minime rejectis, si septennium exceßerint.

Hoc ægros in agone extremo cum morte luctantes muniunt, sacroquæ oleo inungunt, & nullo ulterius cibo, nisi meliorem sui spem fecerint, pascunt. Aquam tamen, vel vinum sublimatum, in quod sanctorum lipsana immerferint, sitientibus haud negant. Si verò aliquis eorum in illo feralis terroris articulo monasticum habitum, ut nonnulli ex cordis compunctione assolent, detonsus & unctus induerit, is toto ostiduo, tanquam inter Angelos connumeratus, nequæ alimento refici, nequæ pharmacis poterit sublevari. Sed si morbo remittente tam longo jejunio supervixerit, voti reus monasterium ingredi relicta uxore, licet invitâ, tenebitur.

Quomodo ægros post hanc sumptam habeant.

Mortuos autem suos Moschovitæ, aliâs in publicis functionibus ostentationi haud parcentes, non adeo magnifico funere multâ licet superstitione, solent sepelire. Cadaver à pollinctoribus lotum, & linteis involutum arcâ lignâ conditum, præcinentibus, sive ejulantibus incondito clamore, crinibus passis præficarum vice cognatis forminis lugubres nœnias, ac sacerdote sacram iconem, quam vivens venerari solitus fuerat, præferente, atquæ subsequenter ex clero aliquot, consanguineis, & amicis quamplurimis accensos cereos gestantibus, effertur. In cœmeterio, extra quod Russorum nemo, nisi repentina morte correptus, vel per Ecclesiæ sententiam aliorum communione privatus fuerit, sepelitur, arca recluditur, cui comitatus omnis plura figens oscula mortuo vale ultimum dicit, moxquæ à libitinariis terræ mandatur, vultu soli orienti obverso.

De mortuorum sepultura.

Ridiculum autem supinæ Moschorum ignorantie deliramentum, est illud, quod, antequam locus claudatur, sacerdos sepeliendi digitis codicillos inserit, à clero loci, in quo ille vitâ functus est, auro mediante subscriptione signatos, sigilloquæ munitos, quibus cum attestatione asseritur, eum Græcæ fidei sectatorem vixisse, siquid vivens peccaverat, per confessionem, absolutionem, & sacram unaxim expiassè: jejunia servassè: orationi vacassè: Deum, & Divos omnes decenti honore affectissè: Datas itaquæ ei illas Divo Petro ostendendas literas, ut sine remora per Paradisi portas ad beata gaudia intromittatur. O puerilem implicantiam! Moschovitæ à Græcâ seducti doctrinâ expiatorum animarum ignem, & particulare animæ judicium, ut superius innuimus, nequaquam credunt; Petrus itaquæ, secundum, erroneam hanc doctrinam nondum judicatus, in Paradiso ad referendam ejus januam esse nequit, & cum ibidem post universale judicium adesse poterit, aderunt etiam unâ simul cetera electorum animæ, quæ ministerio janitoris pro ingressu non egebut; sed eodem momento cum ipso in paradisum intrabunt, undè supervacaneè rogatur de officio, quod præstare nunc minime valet, & olim necessarium non erit. Inofficiosa similiter iusta omnia, quæ defunctis consanguineis, & amicis persolvunt: inofficiose preces, largitiones, viscerationes, sacrificia, & feralia, quibus illis parentant, si ante universale judicium aditus in Coelum nulli animarum patet: si nulla à poenali carcere est redimenda. Verumtamen, cum abyssus abyssum invocet, in alium miserum prolabantur errorem, dicunt enim, inferias mortuis ideo à se fieri, quia duo

duo sint loca, ad quæ animæ post solutam cum corpore societatem ferantur. Alter, ubi illæ, quæ innocentiam conservarunt, vel amissam poenitentia, aut martyrio recuperarunt, cum bonis Angelis delicias expectant beatam spem. Alter, ubi improbæ impoenitentes in miseris tenebris cum perversis spiritibus finalis diei adventum horrentes semper pavent. Parentalia itaque animabus facta aut posse illas, quæ in itinere à demeritis suis per sinistram damnationis callem ad locum horroris abducebantur, ad rectum salvationis reducere: aut, si illum jam ingressæ fuerint, continuâ præce, & jugi sacrificio iram DEI ita placare, ut tandem earum misertus libro vitæ eas inscribat, & judicium universale exercens clementer se erga eas ostendat.

Exercitium
religionis
Catholicæ
Moschæ
denega-
tur, Luth-
eranis &
Calvinistis
concedi-
tur.

Cùm itaque tam densis ignorantie tenebris idiota Moschovitz, & plerumque analphabeti cœcutiant, & sensu palpabilibus eorum fides scateat erroribus, se tamen solos Christianos jactare, omnesque Latine Ecclesiæ assecras paganos appellare audent. Tantoque à Græcis accepto in Romanum Pontificem feruntur odio, ut Catholicis Moschæ degentibus liberum suæ religionis exercitium permittere numquam voluerint; Lutheranis verò, & Calvinistis, qui ea, quæ apud Moschos in summâ sunt veneratione, nempe imagines, crucis signum, sanctorumque invocationem, contemnunt, quia ab illo defecisse norunt, facile concedunt. Operante mali dæmonis astutiâ, ne aliquid sanæ doctrinæ lumen per usum Catholicæ religionis in Moschoviam inferatur, quod tenebras Russicæ discutiens veram fidei semitam Moschis ostendat, per quam incedentes ab ejus se subtrahant potestate.

Vices interea illorum Catholicæ professionis hominum dolendæ veniunt, qui sperati sive à mereaturâ, sive à militiâ exigui lucelli gratiâ ultro in Moschoviam cum uxoribus, & liberis numquam inde (hoc nimis verum) dimittendi transeunt, tacite renunciantes non tantum omni solatio, quod pax animæ ex frequenter repræsentatis suæ religionis mysterijs, & prædicatâ doctrinâ percipiunt; sed etiam incomparabili illorum sacramentorum beneficio, quæ ad salutem esse præcisè necessaria sunt edocti. Licet enim hujus necessitatis legi legislatoris bonitas derogat cum eo, cui petenti eorum copia fieri nequit, non derogabit tamen cum altero, qui sciens prudens eò se contulit, ubi ea habere non posse sciebat, nisi in illo extremæ necessitatis articulo etiam hujus stulticiæ suæ cum serid poeniteat. Quod utinam clemens DEUS cunctis Catholicis, qui in Russiâ mortem obeunt, gratosè concedat. Sed vidi ego Moschæ haud sine Christianæ compassionis mœrore aliquot à nostræ fidei exercitio ita dissuetos, ut, etiamsi quotidie apud nos sacerdos faceret, ægre bis ipsi, vel ter, cum semper posset, & tunc perfunctoriè, sacrificio interfuerint: & conscientiam suam depositis apud eum per confessionem peccatorum sordibus purgare planè neglexerint. Restij autem, quod liberos suos vel domi in summâ literarum ignorantia desides educare, vel Lutheranis, & Calvinistis ecclesiasticis literis imbuendos concedere cogantur, in quos hi tanquam in mollem ceram cum literis dogmata sua signaculo deinceps indelebili sensim imprimunt.

Qui im-
peraverint
Russis us-
que ad Ale-
xium.

Rexere olim Russos Rurichus, Sinaus, & Truvorus fratres, ex Waregis, sive Wagrij Slavica gente ad sinum Codanum dynastis prognati, qui Russicæ imperium ultro ab indigenis consilio, & impulsu Magnæ Novogardicæ civium bellum sibi à Kyovienibus illatum vix sustinuerunt.

stinentium, ut ab ipsis defenderentur, oblatum, adfecto sobriino Oleko, anno (juxta Græcorum à Russis approbatam supputationem, quæ hoc anno, qui est à Christo nato 1663. post Augustum mensem 7172. ab orbe condito computat) 6370. Christi verò 861. inter se diviserunt. Utrique verò fratri improbi mortuo Kurichus successit, qui fato deinde concedens unicum filium Igorem nondum imperio maturum sub Oleki tutelâ Regni hæredem reliquit, quâ ei, & quidem ampliatum, stetit. Ab hoc genitus Suatoslaus parens nothi Volodimiri, Volodimirie urbis ad fluvium Clesnam, in quam sedem Ducalem Kyovia transiit, conditoris. Is postquam nefarie occisis Jeropolcho ex legitimo matrimonio fratre, & Varego, sive Vagrio, Rochvologdo Mescovia Principe, universam Russiam sibi subjecisset, anno Mundi 6496. Christi verò 987. sacro baptismo post aviam patetnam Olham, quæ Constantinopoli anno 6463. Christi 954. imperante Octavo Constantino eodem tincta fuerat, initiatus, Basilij nomen à Basilio cum fratre Constantino Imperiale Otientis sceptrum tum regente assumpsit, ductâque eorundem sorore Annâ nascendi infamiam præclaris facinoribus abolevit. Cum verò anno 1005. in vivis esse desisset, filij ejus, & ceteri usque ad Georgium, & Jaroslaum germanos sextâ ab eo sobole descendentes, dum divisum in plures imperium ad se trahere singuli conantur, mutuis vulneribus cadentes bellis externis (si ejus pronepotem Volodimirum Monomachum exceperis) parum inclaruere. Ipsi autem Georgius, & Jaroslaus à Bato Tartarorum Rege bello petiti averfam adeo fortunam sunt experti, ut illi cum filio Volodimiro interempto succedere iste nequiverit, quin Russiam à majoribus suis liberam acceptam Tartarorum insolentia subderet tributariam. Hi sui ex superbia rerum prosperè fluentium impotes non solum pro arbitrio Russis ambientibus Russiæ Principatus, ut debilioribus facilius imperarent, divisos deferebant; sed etiam fastuoso vilipendio eisdem adgebant, ut legatis suis, imò & vetedarijs, obvijs plenam equino lacte pateram offerrent, quicquid ex eo ab ebibentibus in equi jubam diffunderet, cæillaturi: & in palatium introductis solum Ducale cederent, ipsi sedentibus aperto capite reverenter adstarent: legentibus autem. Principis sui literas pretiosissimas Scythicarum iclidum exuvias substernerent, ipsi verò flexis eas poplicibus audirent. Pudendum hoc jugum, postquam Daniel Jaroslai nepos Ducalem thronum Volodimiria Moschuam jam diu ante transulisset, ejus atnepotis Basilij cæci filius Joannes, hortante, & astuto invento coadjuvante uxore Sophia Paleologa tandem excussit, & Russiæ in unum denuò corpus quam plurimis ex agnatis Ducibus varijs artibus è medio sublatis conglutinata Monarcham se appellavit. Eo autem anno 1504. satis concedente filius ejus, & successor Gabriel, qui sub Basilij nomine posteritati innotuit, reliquis serè omnibus ex Moschovia Ducum prolapiâ oriundis in ordinem redactis, Smolensciâque tetractâ, tantis accessionibus auxus augultiores spiritus gerens Tzaris, sive Regis, titulum sibi (Herberstein apud ipsum Maximiliani Primi Romanorum Imperatoris Oratore teste) usurpavit, cujus numquam postea successores oblici sunt. Etenim anno 1533. eo satis defuncto ejus filius Joannes, crudelitate nimium forsân à scriptoribus exaggeratâ orbi notus, Tartarorum Regnis Casanenfi, Aftacanensi, & Sibirienfi subactis, eum, si in patrimonio haud invenisset, hinc sibi assumpsisset. Successores ve-

ro non minores maioribus suis videri voluerunt. Reliquit is anno 1584. ad V. Kal. April: moriens regnum Theodoro filio, per data de-
fecti infra fortunam animi experimenta æditi muneris longè aptiori,
ideoquè injuriæ opportuno. Cui scelere Borissi Hoduni leviri sui,
cujus nomen supra suum attolli imprudenter passus fuerat, sine prole
anno 1597. defuncto is ipse, primus, qui Rurichovicæ stirpis Duces
à gentilitio excluderet throno, per summum astum, & nequitiam suc-
cessit. Quamvis autem malè quæsitum Regnum benè administrasset,
nihilominus anno 1605. percipiens odium in se populi ex applausu,
quo impostorem Demetrium ex Poloniâ venientem excipiebat, & de-
stitutus illo animi robore, quod homines ad omnia fortiter patiendâ
format, & firmat, dum ab illo extrema timet, ignavâ desperatione
mortem ipse sibi hausto veneno conscivit, filioquè Theodoro sedecim.
annorum adolescenti in malè decursis regni vulcanalibus lampada tra-
didit. At brevi hujus gaudii. Intra trimestre enim sui regni abinna-
tâ Moschorum inconstantia reprobatus, mandato Pseudo-Demetrij la-
queo cum matre Mariâ gulâ fractâ die decimâ Junij mortem invenit.
Verumtamen nequè hic præesse diù instabili genti potuit; solutè enim,
& contra patrios mores vivens, despiciabilis, & odiosus factus, oppor-
tunitatem insidiantibus præbuit. Decimum intra mensem, nempe,
ad XVI. Idus Maij anno 1606. procerum conspiratione à Duce Basilio
Suisco instigatore promotâ dilaniatus huic locum fecit. A Ruri-
cho is per Susdaliensium Ducum lineam descendebat. Verum, cùm
fortuna parùm favente uteretur, brevi Moschos ejus tæditi. Quarto
regni sui anno invitum, & frustrâ reluctantem cum Mariâ uxore ton-
dent, & hanc in sanctimonialium, illum in monachorum cœnobium,
detrudunt. Nec adhuc ærumnarum finis. Electo enim sub hæc inter
alias cum ejus parente pactâ conditione, ut Mosaisci à Moschorum.
Patriarchâ præsentibus clero & Regni primoribus Moschoviticò more
rebaptisarentur, in Tzarem Uladislaò Sigismundi III. Regis Poloniæ
filio cum duobus fratribus, alijsquè consanguineis captivum transmi-
serunt. Qui in arce Gostineni Palatinatûs Ravenfis nondum exacto
anno cum fratre Demetrio carceris ærumnis confectus satis concessit.
Sigismundus autem Rex, ne tam gloriosum trophæum sibi à morte eri-
peretur, extrui in suburbano Varaviz, quod Cracoviensè nuncupa-
tur, sphæricæ figuræ sacellum, in eoquè utrumquè tumulari voluit,
additâ in testimonium suæ felicitatis tabulâ marmoreâ, quæ inscriptum
miserorum fratrum casum apud posteros perennaret. Per subsecutam
tamen inter Uladislaum Regem, & Magnum Ducem Michaelèm Fe-
dorowicz anno 1634. pacem licuit Moschis eorundem ossa in Moscho-
viam avehere, & Michaeli marmor illud, ipsi per Adamum Kisielium
Castellanum Kyoviensè ab Uladislaò transmissum, cum suâ epigraphæ
sepelire. At dum Uladislaus cunctantis parentis consilio ab implendâ
tam iniquâ conditione meritò abhorrentis, sive pro se sceptrum illud
affectantis, Moschuam ad Regnum capessendum se conferre diù deli-
berat, Moschovitzæ moræ pertaxi Michaelèm Theodori Mikitowicz Ro-
manow Metropolitæ tum Rostoviensis, & deinde Patriarchæ filium,
à Borisso Hoduno in monasterium Ipathianum primo ab urbe Castrono-
viâ lapide cum genitrice Marthâ Juanovâ olim relegatum, ibiquè jugiter
ætatem agentem, anno 1613. sibi elegerunt. Grave itaque bellum inter
utrumquè electum exarsit, quod per varios inconstantis Martis even-
tus

rus protractum anno tandem 1634. pace mutatum fuit, Michaële per Uladislai abdicationem in pacificā Regni possessione perseverante, Huic autem IV. Idus Julij anno 1645. ætatis suæ undequingagesimum agentis improvisā morte correpto successit Alexius filius sedecim annorum adolescens, altero statim ab illius obitu die solertiā Chyronis sui coronatus.

Si concedamus, eò nobiliora esse flumina, quò ab occultiori fonte promanant, idemquē de familijs iudicium esse velimus, quarum originem nesciri antiquitatis indicium sit, Romanoviam gentem nobilissimam esse, fateamur, necesse est. Exquisivi diutiùs de ejus stemmate; sed in obscuro versanti, Moschovitis cunctis ejus ignoracionem cum homine extero affectantibus, nullus unquam paulò illustrioris cognicionis radius, saltem fulguralis, affulsit. Libenter equidem assentior, quòd Theodorus filius Joannis ultimus ex antiquorum Russiæ Ducum per rectam lineam masculam progenie in ferali lecto Theodorum Mikitowicz Romanovium, tanquam propinquum sibi proximiorum, & arctiori necessitudine junctum, in successorem nominaverit. Comptum etenim habeo, Joannem Basilidem, qui tyranni prædicato ab avo suo distinguitur, cum Anastasiā filiā Georgij ex Zachariā Romanovio nati primum matrimonium contraxisse, atquē ex eā Joannem, & Theodorum filios suscepisse. Anastasiā verò fratrem suum Nikitam Præfectum Novogrodiensem patrem Theodori, quem consobrinus Theodorus successorem sibi designavit, quiquē deinde à Moschoviz Tzare Hoduno timente, ne regnum, quo dignus habitus fuerat, jure cognationis affectaret, post sublatis violentā morte germanos Alexandrum, Basilium, Leonem, & Michaelē in cœnobium Sancti Antonij ad oceanum septentrionalem apud fluvium Syskagum deportatus, invitusquē detonsus, & monasticam profiteri coactus, Filaretus vocatus fuit. Undē tamen brevi in Metropolitam Rostoviensem, & Jaroslaviensem consecratus emeruit: dumquē Moschorum procerum nomine cum collegis Duce Basilio Basilowicz Galicizino, Duce Daniele Juanowicz Miczeskio, & Thomā Ligoroski à secretis legatione apud Regem Poloniæ Sigismundum III. Smolensciam tunc oppugnantemungeretur, persuasurus ei, ut Principem Uladislauum filium in Magnum Moschoviz Ducem electum Mosaiscum ad Moschovitæz fidei juxta pacta professionem quantocius mitteret, ab hoc sub custodijs inde Kamienecam amandatus, & Marieburgi in Prussiā detentus audiit ad Moschorum thronum assumptum proprium filium suum Michaelē, sub quo ad Russiæ Patriarchatum evectus fuit. At dissensio ab affectantibus, quòd is ex prosapiā, & agnatione tyranni fuerit, etenim nec ipse, nec ejus ascendentes titulo Knesiorum, sive Ducum, unquam gavisī sunt, prout ceteri omnes, qui à familiā Magnorum Ducum Moschoviz per agnationis lineam ortum ducunt, adhuc hodiē gaudent, & ad filios suos illum transmittunt. Sanē si Romanovij serenissimo stemmate splenduisent, Moschl ex innatā jactantiā res suas ad sidera usquē extollere soliti non tantum hoc celare nollent; sed potius vel non percontantibus ultro ingererent. Hoc certum, quòd ex hac gente solus nunc cum prole suā Alexius Michaelis filius superfit. Nisi opinari libeat, quòd agnatos habeat Swircios de Romanow (oppidum hoc est ad Kaminczam fluvium in Ducatu Kyovienfi) & Swiertz in Russiā rubrā ab antiquo clarissimos, quorum Theodorus Palatinus Kyovia

Ex quā
familiā
Alexius or-
tus.

vix fuit, plurimiqué deinceps ad hunc usqué diem bellicâ fortitudine excelluere.

Moroso-
vius sit A-
lexij edu-
cator.

Hunc pater puerum ad mores, & artes Moscho Rege dignas instituendum commendaverat Bojaro Borisso Juanowicz Morosow, qui tamen in illâ puerilis animi rasâ tabulâ eas haud potuit depingere imagines, quas ipse in idâ non habebat. Etenim doctrinæ omnis, & eruditionis expertes Moschovitæ unius tantûm ætatis homines sunt. Præterita ignorant penitus omnia, præter ea, quæ suo tempore acciderunt, & hæc intra solam sphæram Moschovitici Regni, cum externorum sint supinè incuriosi. Carentes itaque exemplis, & documentis, quæ sunt politici hominis conspicienda, non adeò longè eorum naturalis prudentiæ lumina prospiciunt. Undè erudire alios ipsi rudes, & providentiæ digito commonstrare ipsædem navigationis vias, portum, & fyrtes nequeunt, quas ipsi non vident. Quod autem scientias exulare à Russiâ suâ tam longâ, & obstinatâ proscriptione Moschovitæ velint, imputandum est primò ipsis Principibus, qui eas cum Licinio tanquam pestem publicam oderunt, verentes, ne subditi cum illis spiritus hauriant libertatis, per quos ad despoticum, quo premuntur, jugum excutiendum insurgant. Spartanorum ad instar eos esse volunt, qui literas ad usum saltem discabant, reliqua omnis disciplina erat, pulchrè parère, labores perferre, in pugnâ vincere. Quod ultimum vix præstabit plebei animus, si nimis exacuata ex scientijs ingenij acie pericula penetrabit. Secundò adscribendum est Ecclesiasticis, qui cognoscentes eas esse Latino traditas sermone, & non posse admitti nisi cum suis præceptoribus, timent, ne per hanc tam amplam portam, si patefiat, ritus Latinus simul ingrediatur, cujus magistri ipsorum, ignorantiam populo deridendam propinent, & dogmatum falsitatem, quibus ejus credulitati illudunt, in apertam protrahant lucem. Ecce terriò ætate provectis proceribus, qui junioribus donorum, quæ ipsi consequi neglexerunt, acquisitionem invident, per quam ipsi à possessione, quam injustè præscriperunt, sapientium justè cadant, & à gerendâ republicâ excludantur.

Moroso-
vij artes.

Callidus tamen Principis institutor Morosovius sceptrum adolescentis manibus nimis grave pro libitu trahens consuetâ gratiosorum cautelâ proceres omnes favore defuncti Tzaris in aulâ prævalidos ad lucrosas nobiliorum provinciarum præfecturas specioso exilio amandavit, substitutis ad aulica munia, qui factio haud dubia ejus essent, cujus beneficio in palatium venissent. Non ex grati affectu animi, hospes enim iste planè ignotus, & peregrinus à Moschovitico pectore numquam admittitur; sed ex cognitione, quod inter sit vitium, inconcussum stare ulmum, cui inniuntur. Sic igitur contradictoribus omnibus amotis, ut Alumni sui animus sibi firmius devinceret, multiplicare nexus statuens, duarum ei filiarum Danilowicz Miloslawski nobilis aulici filiarum formâ impensè laudatâ facillè persuasit, ut ex ips alteram præsumptâ optione duceret. Anno itaque 1647. cum grandiore natu Mariâ, quæ genio suo blandius ariserat, nuptias Alexius celebravit, octiduoqué post Morosovius alteram connubio sibi junxit, factus audaci attentato Domini sui affinis.

Fit Do-
mini sui
affinis.

Uxor, &
liberi Ale-
xij.

Nec habet Alexius, quodd secundariorem uterum in uxore desideret. Etenim, cum ego Anno 1661. Moschuam venissem, præter filium Alexium, sextam jam susceperat filiam, Tatianam, Eudociam, Annam,

Annam, Catherinam, Mariam, & Sophiam appellatas, quarum tamen postrema jam mortem obierat. Cùmquē ibi degerem, ad VI. Non. Junij ejusdem anni alterum illa filium, cui Theodoro nomen, enixa ejus desiderijs plenē satisfecerat. Etenim Alexius cupidus, ut multiplici fulcro spes perpetuandi per subsidia dominationis in posteritate suā Moschoviticum Regnum, quod pluribus munimentis insisteret, & dandi olim vicino Poloniæ juxta spem sibi à Republicā injectam ex lumbis suis Regem sustineretur, magno interni doloris sensu afficiebatur, cū ex utero uxoris toties prægnante masculam expectans prolem, per degeneratum semper in læminam partum frustratum se expectatione suā videbat. Undē eidem, quasi conceptus embryonem effingere in matrice, quomodo in pistrino pistrinx farinæ massam in diversas panis formas, pro libitu posset, serō comæ abscissionem, detrusioneque in monasterium ad exemplum repudiæ à Basilio Salomez intimaverat, nisi jam octavo sæta masculum peperisset. At VII. Id. Junij anno 1662. dum Smolensciæ hæreremus, Theodosiam nonum fecunditatis suæ testem in lucem emisit.

Moschovius verò patrem se quidem, & pluries vidit, at (Numine fortassis ambitionem in eo dominicæ affinitatis vindicante) prole omni suā brevi orbem se luxit. Et vix elapsō à nuptijs suis anno à concitato ob avarē ab eo, & affectis administratam rempublicam populo ad necem expectitus, ægrē ab hoc per exactam à correis poenam nonnihil emolito enixis Tzaris mortem ejus deprecantis precibus lacrymisque donatus evasit. Deinde à podagrica passione, & aquā intercutē lecto affixus, ideoque ab omni ministerio semotus; aurum tamen æquē semper, ac aquam sitiens, tantem, dum ego adhuc Moschuz essem, à potionē decocti telephij à rustico quodam medicastro ei propinatā voce, motu, omnique sensu privatus, ægrē post triduum ad mentem suā reversus, post longam in ferali palcistrā cum morte luctam III. Idus Novemb. animam exhalavit, audituram ab Evangelico exprobatore, hæc omnia, quæ parasti; cujus erunt? Et professō non adeo exigua fuere, ut scriptum ab eo hæredem tam pinguis hæreditatis pœnitere deberet. Etenim post erogatam adhuc eo extremum ducente spiritum ipsius mandato in mendicos, & monasteria maximam signati æris vim, adhuc inestimabilem argenteorum rublorum, solidorum aureorum, dalerorumque Joachimicorum summam, nec non & fundos immensos à binis subditorum myriadibus habitatos in eā nactus fuit.

Moscho-
vij obitus.

Vir est Alexius justā staturā quadratus, vultu placidus, cute candidus, genis rubicundus, subflavis comā, & barbā decorus, viriumque corporis firmitate robustus, quam tamen fractura sit per omnia jam membra circumfusa obesitas, si cum crescente ejus ætate, quæ hodiè trigessimū sextum haud excedit annum, per consueta abdominis augmenta ipsa quoque crescat.

Alexij
corporis.

Animum verò tam præclaris dotibus à naturā efformatum fortis est, ut dolendum sit, quod liberales disciplinæ ad poliendum ab eisdem primo scalp pro ruditer effictam statum haud concurrerint. Mansuetus, & clemens, qui quē magis peccari nollet, quā animam ad vindicanda peccata habeat. Propensione autem suæ si relinquantur, pacificus est. Religionis erroneæ suæ placitis obsequenissimus totā animā pietatem colit. In templis frequens multā cordis devotione

Et animi
forma.

facris interest officijs, & haud rarò in conticinio Davidis ad instar cubile deferens humi prostratus preces vel placando, vel invocando, vel laudando Numini usque ad matutina crepuscula continuat. Quodque mirere, in summâ potestate inter gentes totam à dominis suis servitutem pati affuetas nullius facultatibus, nullius vitæ, nullius honori unquam insidiatus est. Etenim quamvis ab irâ, ut omnes delicati sensus heroes, aliquandò abripiatur; ultra pugnos tamen, & calces numquam se sinit asportari.

Ejusdem
titulus.

Titulus, quo tempore legationis nostræ utebatur, talis erat. Dominus Tzar, & Magnus Dux Alexius Mihalowicz totius Magnæ, Parvæ, & Albæ Russiæ autocrator. Moschoviz, Kyoniz, Voloduniz, Novogardiz, Tzar Casani, Tzar Astracani, Tzar Sibiriz, Dominus Plescoviz, & Magnus Dux Lituaniæ, Smolensciæ, Tveriz, Volinæ, Podoliz, Jugoriz, Permiz, Viatkæ, Bolgariz, &c. Dominus & Magnus Dux Novogardiz inferioris, Czernichoviz, Rezaniz, Polociz, Kosthoviz, Jaroslaviz, Bielosera, Udoriz, Obdoriz, Condiniz, Vitepsciæ, Miltislaviz, omniumque septentrionalium regionum Dominator. Dominus Jueriz, & Tzarum Cartaliniz, ac Grusiniæ, & Cabardiniz regionis, nec non & Principum Circassorum, & Montanorum, ac quam plurimorum aliorum Orientalium, Occidentalium, & Aquilonarium Dominorum, & Regionum per longam atavorum seriem legitimus hæres, Dominus, & Dominator.

Magnus sane titulus; sed cui Moschovitico more inania, non vera, caduca admiscuntur.

Quâ ratione vocetur Dominus.

Dominus sine dubio est, imperat enim omnibus pro more antiquo despoticè. Ejus voluntas lex est cunctis subditis inappellabilis. Ille in omnes, uti Dominus in servos, habet jus pro arbitrio vitæ, & necis. Si ab eo vapulent, si ejus mandato virgis, aut flagris cadantur, ei gratias agunt. Facultatium suarum non se dominos vocant, sed Deum & Tzarem. Pauperes ad templorum limina, vel in compitis mendicantes eleemosynam sibi erogari obsecrant pro amore DEI & Tzaris. Si quis de re aliquâ sibi incompetetâ interrogetur, respondet illicò, hoc me latet; soli DEUS, & Tzar norunt. Breviter: omnes de eo tanquam de Numine loquuntur, multi sentiunt. Libellos supplices, quos ei porrigunt, omnes indifferenter subignant nomine ad diminutivum humiliato, ita ut, si quis Stephanus vocetur, Stephanulus subscribat. Patriarcha autem, ceterique ex clero, ac sanctimoniales addunt Boghomoletz tuoi, vel Boghomolitza tuoia, tuus, vel tua apud Deum precator, vel precatrix. Senatores, cunctique nobiles, & exteræ nationis militares viri, Chlop tuoi, mancipium tuum. Mercatores primæ classis, quos Gosti vocant, Musick tuoi, subditus tuus. Inferioris, & peregrini, Szirota tuoia, Orphanus tuus. Fœminæ nobiles, Rabitza tuoia, servula tua. Rustici, Chersiani tuoi, Christianus tuus. Famuli Senatorum Czeloweck tuoi, Homo tuus. Detur tamen suus veritati locus. Cùm heri potius in servos, quàm patris familias in liberos Moschorum Principum imperium sit, subditi, qui patrem in Tzare suo non agnoscunt, neque filios erga eum se exhibent. Metus itaque ipsæ obedientiam, non filialis reverentia exprimit. Quapropter altero absente, vel remittente, reluctatur altera, & recalcitrat, & quamvis immitis dominus in eorum terga vulgaris etiam cum proceribus flagris sæviat, nihilominus canum ad instar excusso

cusso post verbera dorso, si flagellum tortor amoverit, refractarij esse pergunt, parati animo iterum corpus servili patientiâ flagris subijcere. Turcos, qui similiter in virgâ ferreâ reguntur, vidi ego longè alacriori promptitudine Impetatori suo obtemperantes. Crediderim, quòd obliuata, & contumax Sclavorum natura à rurbulentis epoti quotidie vini adusti vaporibus concitata Moschos calcitrosos reddat. Et è contra, quòd in Turcorum minùs ferâ gente, & ex lege abstemiâ ratio sui compos magis se exferat ad ipsos consulendum, ut hilariter dent, quod vel invitis extorqueretur.

Tzaris titulum Basilius Joannis filius, & alterius parens primus, uti scribit Herbersteinius, assumpsit. Cui ad stipulatus est ejusdem Basilij filius lo Tzaris. Juanus, dum anno 1552. Sigismundi Augusti Regis Poloniæ legatis dixit, à summo Pontifice Clemente, Romanoquè Imperatore Maximiliano parenti suo tributum fuisse. Cùmquè supremus sacrorum in Moschoviâ Antistes alijs ejusdem Regis legatis biennio post literas ejusdem Maximiliani, & Solymani Turcorum tyranni, quibus Basilium Basilides hoc titulo dignati fuerant, ostendisse dicatur, errare videntur ij, qui postquam hæc omnia sinè contradictione narrarunt, asserunt, hunc titulum ab Juano post debellatos Casanenſes primum usurpari cœptum.

De hoc vocabulo monuerunt jamdiu tam ipse Herbersteinius, quàm Gaguinus, nuperquè Olearius linguarum interpretes, ut ab errore consuetæ translationis rescipiscerent, perspicuè demonstrantes, quòd Russico idiomate Tzar non Imperatorem, ut ipsi vertere solent; sed Regem significet, dum ipsi Moschovitz à sacrâ paginâ Sclavonicâ linguâ loquente, Regibusquè semper Tzaris nomen tribuente edocti, cùm de Romanorum Imperatore & Domino suo unico orationis contextu loquuntur, hunc Tzarem, illum Cæsarem, ut ego pluries audij, notabili differentiâ appellent. Ipseque Magnus Dux se non Russorum, non Moschorum Tzarem; sed vel indistinctè Tzarem, vel distinctè Tzarem Casani, Tzarem Astracani, Tzarem Sibiriz vocet, quæ certè nullo modo Imperia nec Regna (Sibiria exceptâ) vocari merentur, cùm præter urbes, undè denominantur, vix aliquot in jurisdictione suâ oppidula numerent. Interpretum tamen aliquot amicâ monitione posthabita vocabulorum voluntariè falsi inversores puniendâ Imperatorij nominis dejectione in incepto pervacaciter pergunt. Si in exteris gentes tanto studio feruntur, ut eas ornare ampullosis titulis velint, & nomen Tzareum, propter affinitatem soni cum Cæsareo aliquid supra Regium augustius spirare credunt, Principes earum Tzares dicant, non Imperatores. Sic in falsi crimen non impingent, & adulationi suæ facient satis. Optarem tamen, ut semel Cartalinæ, & Gruslinæ Regularum, quos noster Tzar in suis titulis Tzares appellat, personas, & ditiones oculis usarent, persuasus etenim vivo, quòd videntibus intra monuosos Georgiz fines tot Tzares Moschis, vel Persis, vel Turcis tributarios longè ab omni principali splendore vicam multarum rerum indigam vivere, Tzaris nomen vilesceret adeò, ut illud in Imperatorium vertere imposterum erubescerent.

Magni Ducis titulum Volodimirus Suatoslai filius nothus prior usurpavit, & ad posteros transmisit.

Alexius nomen est inter mihi compertos à Ruricho descendentes in Russiâ Dominos inusitatum, ac planè peregrinum. Adorant Moscho.

Magni Ducis titulus.

De nomine Alexij.

Moschovitæ Alexium Metropolitam Kyoviensem Joannis Danilowicz Moschorum Principis tempore natum, circa annum 1364. consecratum, & quarto decimo post anno regnante in Russiâ Joanne Juano-wicz vitâ sanctum, cujus anniversarium diem III. Kal. Octobris, corporis verò Moschuam translationem XIII. Idus Maij perquam solenniter celebrant. Consuluit iste popularibus suis, ut posthabito contra Tartaros Crimenses bello pacem potiùs ab ijs certâ aliquâ annuâ pensione redimerent. Consilijquæ sui executor ab horum Chamo Berde-gereio pacem Russis suis emit.

Mihalowicz est nomen paternum juxta superiùs indicatum Moschovitarum morem proprio additum.

Cur di-
catur Mi-
halowicz.
Russiæ
extensio.

Russiæ nomen latissimè patet, comprehendit enim quicquid à montibus Sarmaticis, & fluvio Tyrâ, incolis Nistro, per utramquæ Volyniam ad Boristhenem, & Polocensem agrum ascendendo Polonizæ minori, antiquæ Lituaniz, Livonizquæ conterminum usquæ ad Finnicum sinum protenditur, & quicquid inde à Carelijs, & Lappo-nibus, Oceanoquæ septentrionali longo finitimæ Scythiæ tractu ad Tar-taros Nagaienses, Volgacenses, & Præcopenfes excurrit. Sub mag-næ autem appellatione comprehendunt Moschovitæ tractum illum, qui intra Livonizæ, albi maris, Tartarorum, & Boristhenis limites continetur, & sub nomine Moschovitæ vulgò venit. Sub parvæ Bratsla-viensis, Podoliensis, Haliciensis, Sanocensis, Præmisliensis, Leopoliensis, Belzensis cum Chelmenis, Volyniensis, & Kyovien-sis inter Scytharum deserta, Borysthenem, Pripietium, & Veprum, fluvios, Poloniam minorem, & juga Carpathia ditiones. Sub albæ verò inter Pripetij, Borysthenis, & Dunæ fluenta Novogrodekum, Min-scum, Micislaviam, Smolensciam, Vitepsciam, & Polociam cum suis ditionibus. Quæ omnia Russorum quidem juris olim fuere; sed per bellorum casus Polonorum, & Lituanorum fortunæ, & fortitudini varijs deinde temporibus cesserunt.

Primus, qui se totius Russiæ Monarcham scripsit, Magnus ille Joannes Basilij cæci filius in literis suis ad Alexandrum Lituaniz Ma-gnum Ducem anno 1492. datis fuit, qui excusso Tartarico duorum, cum dimidio seculorum jugo, suoquæ Magnæ Novogardiz imposto, ac ejectis ex avicis ditionibus quamplurimis ex agnatis Ducibus majorem Russiæ partem sub imperio suo conjunxit. Hunc titulum succes-sores postmodum usurparunt semper, & precisè ejus nepos Juanus in literis suis ad Senatum Polonizæ anno 1572. post mortem Sigismundi Augusti. Verùm distinctè magnæ, parvæ, & albæ autocratorem, sive conservatorem, præter Alexium, nemo.

Moscho-
via.

Quòd Moschovia inter titulos præmittatur, non antiquitati, sed dignitati tribuendum venit. Postquàm enim Daniel Alexandrowicz duodecimus juxta eos, quibus ego sum usus, Moschorum annales à Ruricho per rectam dominantium lineam successor Ducalem sedem, è Volodimir urbe Moschuam commodissimo consilio transportasset, ibi semper fixa permansit, majoribus in dies ornamentis augustior red-dita. Imò & ipsa urbs nomen à fluvio per sinum suum à Tverensi regione decurrente mutuatum universæ Russiæ, cunctisquæ populis eam incolentibus tanto applausu communicavit, ut ea multis ab hinc retrò lustris Molchovia, hi verò Moschovitæ communi in orbe vo-cabulo vulgò appellentur. Ipsi tamen præsto nomine, sive à Russis fratre,

fratre, aut nepote Lechi Polonorum Ducis primi: sive à vetustissimo oppido Rusi sexaginta à Novogardià magnà verstitis posito: sive à capillorum subflavo colore, qui Sclavonico idiomate Rusi dicitur: sive à populis Roxolanis: sive ab antiquo vocabulo Rossicia, dispersionem, vel disseminationem indicante, assumpto, novi vel ignari, vel contemptores, Russos se semper appellant. Provincia quidem Moschoviz sub intemperie aëris frigus, & æstus per excessum haud rarò alternantis agrum propter vicissitudines nimiz siccitatis, & humiditatis in arenoso suo solo facili segetes enecantis haud fertilem, & fines non adeò amplios habet; sed, quòd nulla intrà eos vivat, præter lepores, fera, nulla mellificet apis, pace eorum, qui hoc scripserunt, haud concedam. Quicquid enim olim fuerit, nunc sanè & vulpibus, & lupis, & ursis, apibusquè & melle abundat. Fabulas autem illas de animantibus propter frigus in eà minime cornutis, ac de equabus sterilibus contrarius cum alijs pluribus de visu testis explodo. Sed nec admittenda est illorum assertio, qui regionis illius Cœlum adeò salubre esse scripserunt, ut nullo unquam ad clavum contra pestem, figendum dictatore, prout olim sæpius Roma, opus habuerit, cum nulla ibi unquam sievierit. Quia ab annalibus Moschorum rescilicet tradentibus, quòd anno 6930. Christi 1421. dominante Basilio Demetrowicz, & sexto deinceps elapso sub eisdem liberi Basilij primordijs pestilencia eam tam graviter afflixerit, ut exindè, quasi universa Russorum naturalis constitutio debilitata fuerit, eorum paucissimi seculare vivant annum, ad quem tamen antea plurimi multos insuper addere vivendo soliti fuissent. Anno autem 7109. Christi 1600. & per biennium subsecutum Borisso Hoduno principante grassantis in Russià pestis tanta fuit Moschuzæ sievitia, ut inquilinis serè omnibus eam exhauserit. Annoquè 1654. & sequenti imperante præfenti Alexio ab eadem lue septingentis utriusquè sexus millibus assumptis eam tantum non evacuaverit. Urbs Moschua amplissima olim, & populosissima fuit; sed multoties fortuita passa incendia, & anno Mundi 7079. Christi 1575. die 24. Maij à Tartaris Præcopensibus, atquè anno 1611. à Polonis omninò exulta, nunc intra angustiore undeviginti verslarum ambitum à longè minori, eoquè maiorem partem Likuano, & Polono in captivitatem abducto, incolitur habitatore. Imò eum, singulæ in eà ædes, ut à quamplurimis ante me observatum fuit, spatiosas areas, & atria comprehendant, multisquè earum adjacent hortu, & pomaria: Cùmque præter plura identidem interjacentia haud exigua prata, innumera (serè dixerim) templa, & sacella ijs sint intermixta, eam non continet populi multitudinem, quam nonnulli amplitudinis ejus specie decepti sunt opinati. Arcem habet, cui Kremelinæ nomen, Magnorum Ducum sedem mediocri urbe haud minorem, muro à Joanne exoculati Basilij filio primùm circumdatam, & jam per meliora augmenta additâ fossâ longè munitiorem. Tanta autem Moschuzæ est rerum omnium ad vitæ necessitatem, commoditatem, & luxum, & quidem honesto parabilium pretio, affluentia, ut nullæ orbis plagæ aut clementius cœlum, aut fecundiorum agrum, aut ditiora terræ viscera, aut industriores hominum genios debeat invidere. Licet enim à quocumquè mari quàm longissimè ablit, multorum tamen beneficio fluminum cum remotissimis provincijs opulentissimo commercio communicat.

R.

Kyovi-

De urbe
Moscho-
vâ.

Kyovia.

Kyoviam manuscripti Russorum annales asserunt urbem esse post magnam Novogardiam in Russiâ universâ ceteris omnibus antiquiorem. Narrant enim, quod Kyeu, Istock, & Koriw fratres ex Poloniâ egressi in monte ad dextram Borijithenis oram confederint. Kyeu in ipso vertice, Istock in eâ parte, quæ ab eo Sokowica vocata fuit, & Koriw in alterâ, cui inde Korowicz nomen. Cùmquæ eos electionis minimè pœniteret, urbem condiderint à majore natu sine augurio, sine fraticidio, solâ ætatis vrecundiâ operante, Kyoviam denominatam. Hanc Olechus Kurichi sobrinus, ejusquæ filij Igoris tutor infesto exercitu, antiquas ejus in Novogrodienses injurias ulturus, aggressus, secundâ usus fortunâ occupavit, constituitquæ totius Russiæ metropolim. Quâ tamen prærogativâ nothus Volodimirus Igoris nepos eam privavit, dum Voldomiriam urbem à se ad Clefiam amnem conditam eâ donavit. Ejus filius Jaroslaus, postquam à Boleslao Chobri Poloniæ Duce anno 1009. acie victus eam. exuli, & exuto fratri suo Suatopolcho restituere adactus fuisset, per impium hujus fraticidium ejusdem possessionem denuò arripuens, quamvis ab eodem Boleslao ingenti ad Bugum prælio decimo post anno superatus eidem se tributarium fecisset, eam ampliatam vallo circumdedit. Et nihilominus anno 1070. Polonus Boleslaus audax devicto ejus Duce Sevaldo eam ad deditionem coegit, Iásiao in eâ regnare jussit. At malo suo fato, renovato enim Hannibalis apud Capuam. successu urbis delicijs, & voluptatibus ipse, & exercitus corrupti, & enervati pœnitendam sibi victoriam suam reddiderunt. Qui verò sub Poloniæ obsequio deinceps in Ducatu successerunt, mutuis sese infidijs invicem appetentes alternâ extrusione à Ducali se exturbare solio numquam cessarunt, donec Rostislao Mistislai filio eidem incubante Batus Tartarorum Rex anno à Mundo creato 6748. à redempto verò 1299. in Russiam torrentis ad instar impetum faciens urbem Kyoviam funditus deletam solo æquaret. Sedato deinceps aliquomodo sævæ hujus procellæ impetu Russi locum consentientibus Scythijs Bati successibus sub tributo rursus incoluerunt. Gediminus verò Magnus Dux Lituaniæ anno 1320. devicto ingenti pugná, qui rerum ibi tunc potiebatur, Stanislao, eoque exturbato, urbem, totamquæ ad Czerekassios usquæ ditionem adeptus, Ducatum illum in provinciam redegit, quam Mindopho Hollano Duci administrandam commisit. Anno 1390. cùm Volodimirus Olgerdi Magni Ducis Lituaniæ primogenitus Ducatum hunc possideret, eum decreto fratris Jagellonis jam tunc Poloniæ Regis communi fratri Casimiro Skirgelloni cedere damnavit. & acquiescere detrectans, anno 1395. à Vitoldo triennio ante Magno Lituaniæ Duce renunciato armis expulsus cum filio suo Olelkone, sive Alexandro, fuit, & Skirgellone haud diù post monachi cujusdam scelere per venenatam potionem sublati idem Vitoldus ex Ducatu provinciam iterum fecit, & Joannis Algimundi Ducis Hollanensis administrationi concessit. Anno autem 1416. dum Jagello nuptias cum Elisabethâ Pileciâ Sanoci celebraret, Ediga Tamerlanis Præfectus innumerabili Tartarorum exercitu urbem Kyoviam obruens eam sædè adeò vastavit, ut numquam ampliùs pristinum suum splendorem recuperaverit. Novis nihilominus apud fluvium in radice montis excitatis ædibus tertio reparata proprios habuit Principes. Etenim anno 1421. Andreæ Juanowicz Druki Ducis Kyovienfis filia Zonca, posita

Ita Sophia dicta, Jagelloni nupsit. Anno 1435. Joannes Volodimiriz Kyovienſis à Michaele Sigismundi Magni Ducis Lituaniæ filio in pugna captus, ab hoc occiſus ſcribitur. Cumquẽ ſeptennio elapſo idem Michaele eam Alexandro Duce exacto occupaffet, à Caſimiro Jagellonide Poloniæ Rege eſectus malè partam juſto poſſeſſori reddere invitè debuic. Quo anno 1455. mortuo idem Caſimirus eam filijs ejus Simoni & Michaele ademir; ſed ita, ut eam ſoli Simoni cum toto Ducatu ſiduciario jure permetteret. Et anno 1471. licet is moriens filium Baſilium reliquiſſet, expuncto Ducis titulo provinciam tertio fecit Martino Gaſtoldo commiſſam. Ita magnus ille Ducatus, quem cuncti Ruſſiæ Duces ſuſpicere conſueverant, amplumquẽ terrarum ſpatium in parvâ Ruſſiâ ambibat, in Palatinatum degeneravit. In hoc ſpaciorum ortus, agreſtis olim circa Kyoviam gentis, quæ in Borjſthenis deſerta dulcedine prædæ ex Tartaris cum liberis, armentisquẽ ibidem vagari conſuectis agendæ illecta tranſmigravit, ac deinde plurimum concuſſu nobilium, vel exulum, vel prædonum aucta Sigismundi Regis ſenioris ævo clareſcere incipiens, meruit poſtea à Stephano Bathoreo urbe Trechymiroviâ quinquaginta infra paſſuum millibus donari. Undè felici audaciâ Tartaros undiquẽ ſubmovens Boryſthenis inſulas occupavit, præcipuamquẽ earum Tomakowkam ſemper retinuit ferocioribus eam inſidentibus, & multitudine, quæ in dies creſcit, per diſſuſa in Volyniam uſquẽ oppida latè diſperſa. Apud hæc inſulas Boryſthenes inter aſpera, deruptaque rupium ſcîpiis ex alto deſectus cataſtarum, Polonis Poroſi dictarum, quas ſuperavit, nomen Coſacis relinquit, ita ut cùm, quod ultra eſt Za Poroſi dicatur, ij etiam Zaporovienſes denominentur. Vocantur tamen etiam aliquando Niſovienſes, ſumpto ex depreſſiore illâ terrâ, & ulteriore Volyniâ, quas inhabitant, & promiſcuo nomine Niſ appellant, vocabulo. Gens hæc, dum injurias ſuas contra dominos nimis impotenter in ſua terga ſævientes ulciſcitur: Dum Ducum ſuorum Juani Podkowæ à Stephano Rege Leopoli, Pauluki ab Uladiſlao IV. Varſaviæ violatâ utrobiquẽ fide publicâ capitis ſupplicio affectorum indignam mortem: Dum Bogdano Chmielnicio contumeliam in uxore, & filio à Czaplincio magni Coronæ vexilliferi Konieſpolſcij vices gerente irrogatam vindicat, Poloniam ſtrenuâ conſtantia, & ſelicibus armis adegit, ut in ſui favorem vindicias ſecundùm libertatem daret. Cùm nothus Volodimirus Kyovix Dux Chriſtianæ militiæ nomen dare decreviſſet, & Baſilium Imperatorem Conſtantinopolitanum in ſucceſſorem de ſacro fonte ſibi elegiſſet, Nicolaus Chryſobergus Conſtantinopolitanus Patriarcha Michaelem, ut jam dixi, natione Græcum metropolitam Kyovix conſtituit, ut eum, ejuſquẽ ſubditos ſacris undis ablueret. Exindè alius poſt alium plures in Metropoliâ ſucceſſere, nunc ex unitis, nunc ex ſchiſmaticis, prout dominantium zelus hinc, aut illinc efferveſcebat. Hos inter eminuerunt, conſecratus circa annum 1374. Alexius Ruſſus, de quo (ſi ſamæ rerum ſtandum eſt) fertur, quòd ob ſuam celebrem ſanctitatem ab Amurathe Turco evocatus ejus filia cœcæ viſum à Deo precibus ſuis impetravit: Iſidorus Bulgarus, qui Concilio Tridentino interfuit, unioni ſubſcripſit, & promotus in Romanæ Eccleſiæ Cardinalem, renunciatusquẽ Legatus à latere ſummi Pontificis, anno 1440. unionem per Ruſſicas diſtiones promulgavit: Et Jonas Moſchus ſchiſmaticus circa annum 1520. qui

De Coſacis.

qui apud schismaticos suos sanctitatis opinione supra omnes effertur. Postquam verò Uladislaus IV. Cofacis indulgit, ut schismaticum Metropolitam à Constantinopolitano Patriarchâ electum unito ejectione Kyoviam introducerent, is Vilnæ meliora tempora à Dei benignitate expectat. Visuntur ibi in Monasterio Pieczerscensi subterraneæ cryptæ, quas affecta Antonius illò ex monte Atho profectus sub Ias-lao Magno Duce fodere coepit. Plura in ijs jacent integra adhuc corpora, quæ Russi pro sanctis venerantur, nulla tamen Ecclesiæ Romanæ, sed nec Græcæ, approbatione. Inter hæc unum Divæ Barbaræ martyris esse priscâ freti traditione Kyovienfes asserunt.

Volodi-
miriæ Du-
catus.

Volodimiræ inter Occam, & Volgam Ducatus uberrimâ glebâ, urbequæ agnomine commendatur. Hanc nothus Volodimirus, post baptismum Basilii, apud fluvium Clesinam, qui sexaginta inde ver-
stis navium patiens Occæ conjungitur, ædificavit, & ligneo castro munitam Magnorum Russiæ Ducum sedem esse, reliâ Kyoviâ, voluit. Sed ejus atnepotis pronepos Daniel decreto tandem intercessit, Moschuam eidem urbem substituens. Illa autem à Tartaris sub Baro Rege vastata magnitudinis suæ misera inditia sola nunc magna rudera ostendit. Adjacet huic Ducatui Muromensis Principatus, à Jaroslai Magni Russorum Ducis per filium Suaroslauum descendentibus olim hæreditario jure possessus; sed nunc dirutâ urbis suæ à Tartaris, & Russis promiscuè habitæ arce Moschoviticum cum reliquâ Russiâ sceptrum adorans. Ab hac per Occam ascendendo oppidum Cassimogrodia assurgit, à Tzare Hoduno Tartaro Regulo fiduciario jure concessum, quod ejus filius nuper apud Moschos sacro tinctus lavacro possidet, & cantulus dynasta augusto Tzaris prædicato appellatur. Eant nunc adulatores gnatores, & si placet, etiam hunc Imperato-
rem vocent.

Novo-
gardix
Magnæ
Ducatus.

Novogardix Magnæ Ducatus Rurichi quondam portio verè magnus olim fuit, quippe qui ad Livoniam, Finlandiam, Sueciam, & Norvegiam usque excurreret. Nomen habet ab amplâ suâ metropoli, omnium in Russiâ urbium juxta annalium assertionem antiquissimâ, à Slavis Danubianis eò commigratis bis mille passibus à lacu Ilmenio, qui Chesinam fluvium, Russis Lowat, exceptum, navigabilem deinde, & piscosissimum; sed mutato in Wolkow nomine, è sinu suo ad eam interfluendam emittit, ædificatâ. Hanc Alexander Vitoldus Magnus Dux Lituaniæ anno 1414. diù oppugnatam ad annum sibi tributum pendendum, prædictosque à se accipiendum adegit; Simone Algimundo Holsano Duce ex tunc eidem imposito. Cùmque quartodecimo post anno recalitraret, contumacem ad obsequium denuò reduxit, in quo florentissima perseveravit, usque dum Moschorum Dux verè Magnus Joannes Basilij cæci filius eam septennali Marte subactam. Casimiro III. Polonorum Regi, & Magno Lituaniæ Duci anno 1477. eriperet, & omnis in eam juris abdicationem successoris Alexandro genero suo anno postmodum 1493. exprimeret. At anno 1611. patuit, quòd magnæ moles, si semel ruerint, vel à proprio oppressæ pondere, resurgere deinceps nequeant. Etenim Jacobus de la Garde copiarum auxilium à Carolo IX. Sueco in Russiam contra nepotis Sigismundi III. Poloniæ Regis conatus submissarum ductor Moschorum Sallacis irritatus eam per unicam strenui assultus impressionem ab exigua suâ quinque ;

quinque millium bellatorum manu factam vi expugnavit. Sedes est Metropolitæ inter Russicos primarij.

Ejus ditionis fuit arx Juanogrodia, ab eodem Joanne, & non, ut aliqui autumant, à Tyranno ejusdem nepote, ad fluvium Nervam anno 1495. ex secto lapide exstructa. Jamma, Coporium, & Oreschakum, sive Noteburgum in Ingridi, quæ omnia vel ab ipso Carolo, vel ab ejus filio Gustavo Adolpho Martis violentiâ Moschis crepta, cum Kexholmia in Careliâ, eidem Carolo à Basilio Suisco ob submissa sibi ab illo contra Polonos auxilia dono datâ, per pacificam inter eundem Gustavum Adolphum, & Michatlem Fedorowicz Magnum. Moschovix Ducem anno 1617. Stolboviciensem transactionem, à puero Sueciæ Rege Carolo XI. & Tzare Alexio Mihalowicz anno 1661. & sequenti confirmatam, in Suecorum dominium stabilito per novum. titulum armorum jure transferunt.

Fuit à Volochda provincia, à flumine eam interfluente nomen. Volochda, sortita, difficillimi ob crebras paludes, & densas sylvas accessûs, ideoque tutissimam in metropoli suâ ad Suchanam fluvium à firmissimæ munitionis castro protectâ Principibus suis reconditi thesauri custodiam promittens, & Archiepiscopo ceteris prælato sedem præbens.

Fuit Ustiuga, ab ostio Jugæ fluminis denominata, ubi castrum. Ustiuga. eum Oppido Ustiugâ nunc paulò superiùs reedificatum olim assurgebat.

Et tandem Duina fuit, ampla cum Colmogoriâ, & Vagæ fluminis populoso tractu provincia, quæ propter agri sterilitatem haud multos olim incolas recensens, nunc ob commoditatem celeberrimi sui Michaelis Archangeli emporij habitatoribus æquè, ac mercimonijs floret. Nomen habet à fluvio Duinâ, qui eam interluit, & suum à Suchanæ, & Jugæ confluxu derivat, cum vox Duina Russico idiomate duo exprimat. Oritur Suchana ex lacu Koinski ditionis Volochdiensis, flumenque Volochdam quadraginta infra hujus nominis urbem passuum millia influens ejus nomen suffocat, & alienis opibus locuples malè partas divitias patrimonio suo permixtas tanquam proprias ultra quinquies centena millia passuum, oppida Suchkum, Totnam, Browlenskum, Bobroweskum, & Strelnam post se relinquendo, aliosque vulgares amnes excipiendo, orientem versus deducit. Vix tamen Ustiugam Oppidum præterfluxit, cum in Jugam ex adverso fluentem incidens talionis poenâ mulctatur. Etenim confusus inter se undis nomen ambo amittunt, ita ut ex binis fluvij jam unus Duinæ nomine indigitatus rectâ Septemtriones versus se evolvar, atque ex itinere copiosissimis Permianæ, Witzogdæ, Vagæ, & Pinegi humoribus quinquies centenis per frequentes in utraqûe ripâ populosos pagos, perque oppida Duinam, Jempsam, Colmogoriam, & Michaelis Archangeli sanum ventis emensis unius semper Domini subditus sinum subeat Granicum. Vacuo tamen vix unquam dorso, etenim crebrâ gravatus vecturâ nunc elaborata bovum, nunc elaboranda alium tergora, nunc cannabim, nunc resinam, nunc lini semina, nunc sebum, nunc ceram, nunc confectum apud Volgam ex beluginz, accipenseris, aliorumque piscium ovis icarij, nunc tiliæ, fraxini, ulmi, & salicis ad sullonicam, & saponariam artem cluvellatos cineres, & nunc urforum, vulpium, luporum, lyncium, apereolorum, multellarum alpinarum, sylvestrium, & scythicarum, aliorumque animalium

Je'no-grodia.

Jamma

Coporium.

Noteburgum.

Volochda.

Ustiuga.

Duina provincia.

Duina fluvius.

malium pelles Batavis, & Anglis eò quocannis statò ætatis tempore navigantibus desert. Qui ijs omnibus cum lapide speculari ex rupibus ad ejus ripam exciso, & oleo ex phocarum aruinâ cocto, vel ex præcedenti permutationis compacto, vel præsentì emptionis conventionè receptis, Moschis vicissim tradunt allata ex Italiâ, Galliâ, Hispaniâ, Britannîâ, Belgio, & Orientalibus plagis omnis generis aromata, zacharum, crocum, sale conditos halesces, malvaticum, Hispanicum, & Gallicum ex mediterraneo, & Oceano vinum: uniuscujusque coloris, & generis pannos: Batavica lintea, specula, cultellos, enses, fistulas, tormenta manualia & muralia: æs, plumbum, stannum; telas sericeas, rafas, holofericas, scutulatas, undulatas, auro, argenteoque intextas: tibialia lanea, xilina, sericea: aurum in fila ductum: margaritas, uniones, adamantes, pyropos, smaragdos, sapphyros, chrysolitos, amethystos, topatrys: auri tandem, argenti; signatâ vim maximam. Quæ omnia adversò flumine Volochdam usq; delata trahis tandem per hyemales nives ostidui itinere Moschdam invehuntur.

Caspium.

Casänenfè Tartarorum olim Regnum nomen duxit ab urbe suâ metropoli, hæcquæ à fluvio Kafanskâ, à quo flexuoso ambitur sinu. Conditores habuit Præcopenfès ex Tauriciâ fugitivos Basilio Basilowicz in Magnâ Russiâ imperitante. Eam Basilius Juanowicz adeptus, ut Reges à se acciperet. Rebelle deinde ingenti belli mole prælit, sed non oppressit. At anno 7061. Christi 1552. ejus filius Joannes eam post semestrem obsidionem vi expugnatam Moschorum sceptro superbas unâ cum Ceremissiis suis submittere cervices coegit. Cui tamen, quasi injuriam compensaturus, vicinam Bulgariam sibi, quòd parère indocilis subindè rebellaret, exosam, ut jugum ferre doceret, postmodum subdidit, eamquæ Metropolitanâ, qui in ipsâ resideat, constituto decoravit.

Astracuum.

Astracanense Regnum aduenas Volgæ aquas lato alveo excipiens, & in mare Caspium per plura divortia deducens Tartarorum ex Nagaïensi cœtu per longam Regum seriem verus patrimonium fuit, quod ab ijs Joannes Basilides cum urbe Astracano celeberrimo totius regionis ad lxxviam Volgæ ripam sexaginta ab Hircano mari passuum. millibus emporio anno 1554. Kal. Augusti per vim extorsit, Tartarisquæ omnibus ab urbe ejectis eam lapideo priùs muro muniens Russico dumtaxat habitatore implevit, & Archiepiscopali sede honoravit. Affluit optimo ex lacubus sale, ex Volgâ piscibus, ex juncis, & virgultis avibus, solumquæ habet non fructuum dumtaxat; sed etiam vini haud insuavis ferax, quod in Moschoviam, tanquam sine ullâ mixturâ sincerum, ad sanorum in sacrificijs usum emittit.

Siberia.

Siberia à seniore priùs Joanne Basilide tributaria facta, & deindè à juniore subacta amplissima regio est, misero innocentium æquæ ac nocentium relegatorum exilio infamis, quæ finitimos Tartarorum Duces singulatim carpendo, sibi quæ in dies vectigales faciendo, erraticos limites suos populabundis huc illuc excursionibus ad lmaum usquæ (si Moschi vera narrant) prolatos etiam ultrâ transtulisset, nisi nuperi conatûs ejus audaciam Mars adversus repressisset. Metropolis ejus est Tobolia, à Moschovitis juxta ipsâ Irtschij amnis Toboliz illabentis ostia in montis edito ædificata, & ligneo sepimento sub præsidio adnexi lignei castrì circumdata, Archiepiscopatus dignitate, monachorumquæ cœnobio honestata, quam soli incolunt Moschi, ceteris advenis

venis omnibus in subditum ad ripam Toboliæ oppidum amandatis. Confluunt eò statim anni tempestatibus undiquaque ex Regnis suis mercaturæ gratiâ Tartari, qui tamen merces suas nullo pacto pro pecuniâ distrahere volunt; sed tantum pro alijs ex Archangeli fano adductis permutare. Ditionis Toboliensis est Tumenium magnum quaternis & sexagenis à Tobolia Austrum versùs versis intra ligneas septa apud fluvium agnominem exurgens oppidum à solis Moschis habitatum, cum Tartari ædieulis suis trans flumen positos contenti esse debeant. Est & Virchaturia, ligneum oppidum amplitudine Tumenio paulò minus, ab eo ducentis & vicenis pariter ad meridiem passuum millibus in rupe apud Turam fluvium, qui deinde à Toboliâ absorbetur, conditum. Inter hoc, & Tumenium altissimi assurgunt montes cedris frequentissimi, undè ingens ex hoc amplissimo Regno pretiosissimarum omnis generis pellium Magnus Dux tributum quotannis exigit. Indigenæ sunt Tartari, idololatæ, proprio loquentes idiomate, panis usûs usque ad hæc tempora nescij. Non quòd ager à frigore, ut quidam scribit, segetes ad maturitatem perducere prohibeatur; sed consuetudine populis illarum regionum ferè communi, qui ferinâ carne, piscibusque, quorum ibi copia ingens, contenti panis negligunt usum. Moschorum certè coloniz illò transmigraæ, relegati, milites, ac Præfecti agros naturâ suâ, & præsertim apud Tumenium, feracissimos ad usum suum colunt, creditumque ijs semen cum pinguisimo supra fidem senore suo tempore maturum metunt. Eorum potus est cervisia, kuvas, & vinum adustum. Hydromeli carent, quia nullæ ibi apes. Nec vini sunt curiosi, cum tamen facillimè ex albi maris sinu illò possit importari.

Dominium Plescovienſe trini illi Varegi, sive Vagrii fratres Rurichus, Sinaus, & Truvorus haud possidere; sed Principes, quos liber ille populus à vicinis ad libitum assumebat. Horum Rochwologum Vargum, sive Vagrium, nothus Volodimirus Rurichi pronepos ob negatas sibi filiz Rochmidæ nuptias bello petito unâ cum duobus filijs interemit, & amatam invictis genialibus Dijs reluctantem in matrimonium sibi copulavit. Urbs deinde, quæ nunc Archiepiscopi sedes, anno 1241. à Livoniensibus capta, perquæ Alexandrum Jaroslai filium Magnum Moschoviz Ducem auxiliarijs Scytharum armis haud multò post in pristinam vindicata libertatem à legibus suis sub patrocinio electorum à se Ducum à civico magistratu protectis custodita, candidis moribus, & innocuâ libertate felicissimè floruit. Cui tranquillitati Magnus Dux Lituaniz Vitoldus anno 1414. intercessit, diurnâ namque oppugnatione eam ad deditionem coegit, & tributo imposito Georgij Ducis Nossæ administrationi commisit, ac duodecimo exacto anno refractariam ingenti pecuniâ multavit. At anno 1509. à necessariâ quorundam sacerdotum conspiratione Basilio Joannis filio prodita, & ab hoc civibus suis in exilium pulsâ exuta, in corruptissimos advenarum Moschorum subintrantium mores pessimè degeneravit. Hæc lapideis quadripartito opere interjectis mœnibus munita anno 1581. Stephani Regis Poloniz, & anno 1614. Gustavi Adolphi Regis Sueciæ conatus elusit. Sola tamen non est, quæ nunc, ut Piasceus perperam scripsit, in totâ Moschicâ ditione, præter sedem Ducalem Moschoviam, & Smolensciam, muro sit latericio cincta, etenim præter Boctissoviam arcem sesquimillari à Mosaisco dextroriorum distantem è muro, sa-

Plescovia.

Piasceus error.

ro, saxilique fabricatam, anno 1617. à Litvano Chodkievicio irritò conatu invasam, Columnam ad Occam, & Novogardiam inferiorem turritis ambas ex lapide mœnibus circumdatas, præterque Casani arcem simili muro septam, & urbem Astracanensem à Joanne Basilide crassissimis lapideis mœnibus firmatam, occurrunt nobis Novogardiæ Magnæ, Tulæ, Mosaisci, & Vologdæ castra lapideo partim, partim craillo & alto latericio muro munita.

Lituanis.

Lituania ad instar Nemeni; sive Chrononis sui varias in decursu absorbendo aquas incrementis ab exiguis profecta initijs successu temporis ad maximam excrevit amplitudinem. Etenim à finu Curonienſi inter Prussiam, & Samogitiam aduerso Chronone se exſerens, licet properante ad finem decimo ſeculo, & principante in eâ Italo Palzomone ex gente Columnâ in fortunam Kyovienſis Volodimiri Suatoflawicz magnâ ſui concuſſione libertatiſque jacturâ impeggerit, brevi tamen poſt eluctata ſub Palzomonis liberis Borco, Cunone, ſeu Cunafſo, atque Sperâ excitatis in ipſo conſinio Juriz, & Nemeni Jurborco, & quâ hunc Vilis ſubit, Caunâ, ac in lacu inter Niewiazam, Swlentam, & Tzerwentam amnes Sperâ, atque dein ſub Kierno Cunafſi filio Kiernoviâ ad Viliam per longa luſtra Lituanorum poſtmodum. Ducum ſede, nutans novæ molis ædificium robuſtè adeo firmavit, ut per mutua inter Ruſſiæ ex Jarostao Kyovienſi Duces fraterna odia ulterius gliſcens, Braſlaviam ducibus eodem Kierno, & Gimbuto ſatribus occupaverit, ſemperque retinuerit. Hanc quidem audaciam. Romanus Micislai Volodimiri atnepotis filius, cûm Ducatum Halicienſem, quo avus à Pannonijs exutus fuerat, Leſki albi Cracoviz Ducis beneficio anno 1198. recepiſſet, adeò non tulit, ut tertio decimo oriente ſeculo pluries victor vindicaverit, Lituanis haud minimâ ditionis acquiſitiſque parte mulctatis, & in verba ſua ſub villi tributo jurare adactis. Sed poſt ejuſdem elapſo luſtro ad Zawickwoſtum eadem ſuccellorum ambitio privatas diſcordias vel in propriam perniciem revocas Ziwiundo, & Montwiloni Gimbuti filijs animos reddidit, ut populares ſuos à ſervitute ſubducerent. Erdivilum itaque Montwilonis hlium ſelecto milite ſpectatiſque bello ducibus inſtructum in Ruſſiam anno 1217. emiſerunt, qui Novogrodeko priùs inſtaurato, ac permunito, Grodnam, Breſtiam, Drohyczinum, & quicquid inter Viliam, & Pripetium fluvios comprehenditur, occupavit, & præſidijs impoſitis firmavit. Biennio poſt Mingailo ejus filius Novogrodekî Dux Polociam libertate tunc fruentem, & ad vicinorum injuriam abutentem expugnatam oppreſſit. Anno autem ſequenti hujus filius Skirmundus Piuſco, ac Turoviâ, nec multis interjectis menſibus, proſtigato, interſectoque Baſactaſo Scytharum ultra Volgam Rege, Mozyro, Starodubo, Czernicoviâ, totaque planè Severiâ ab illo detentâ potitus eſt. Sic auctijs Lituaniz rebus ejus Princeps Ringoldus Gimbuti filius titulum Magni Ducis primus aſſumpſit. Cujus apud vicinos invidia acre contra eundem bellum concitavit, quod ſuſo Suatolai Kyovienſis Ducis, & fœderatorum exercitu feliciter conſecit, novo titulo ſuo fortiter aſſerto. Quem deinceps exaltavit filius ejus Mendogus, ſive Mindanus, qui præſcriptis ſibi à Magiſtro equitum. Livoniæ Andræ de Stuckland paciſ conditionibus coaſto obſequio deſerens ſacris undis in campis Novogrodenſibus per Culmenſem, & Rigenſem Antiliſtes anno 1252. ablatus, ab eoque auctoritate Inno-

centij

centij IV. Romani Pontificis in Regem Lituaniz Romanz sedis beneficiarium inauguratus Regiam dignitatem in successores transmississet, ni mox deposita, quã se ob metum induerat, larvã Christianam religionem palam ejurasset. Nam ulciscente injuriam suam Numine brevi ipse, & ejus filij Ruclius, & Repicus suorum conjuratione obruti interiere. Per multos deinde annos Lituania à Livoniz & Prussiz crucigeris incurfionibus, & regionum vastationibus exercita eos vicissim, alternis agrorum populationibus, & vicorum pagorumquẽ incendijs nihil unquam de audaciã remittens exercuit. Principesquẽ ejus mutuis se insidijs appetierunt. At Gediminus annõ 1319. biennale otium per pactas cum illis inducias sibi faciens odia, & arma in Russos convertit, & sub ipsis Volodimirz mœnibus cum Volodimiro ejus Duce congressus cum acie victum prostravit, urbemquẽ cum provinciã adeptus est. Dein fugato Luceorienfi Leone hanc etiam suam fecit, Volyniamquẽ universam Lituaniz adjiciens Præfectis tradidit custodiendam. Vix autem transactã hyeme Kyovienfem ditionem aggressus totam cum metropoli urbe expulso Stanislao Duce subegit. Moxquẽ eodem victoriarum cursu Branskum Romano, & Pereslaviam Olego Ducibus extorquens Lituaniz terminos Putivulum usquẽ protulit. Trocos porro haud procul Kiernoviã: &, quã amnis Vilna Viliz, seu Neridj, illabitur, binis arcibus munitam Vilnam excitavit. Olgerdus verò ejus filius anno 1331. cælis ingenti clade ad Siniavodam Præcopensibus Tartaris Podoliam ab ipsẽdem post Batianam irruptionem infessam, sibi vendicavit. At secuto statim anno Moschuam urbem cum infesto exercitu advolans, dum ageretur ipse Dominicz resurrectioni sacer dies, in eam ingressus Magnum Ducem Demetrium Juanowicz sibi supplicem adexit, ut inter alias pacis condiciones Lituaniz fines Mosailcum usquẽ, & ad Ugram fluvium proferentur. Anno autem 1386. filius ejus Jagello Cracoviz XVI. Kalendas Martij Christianis initiatus mysterijs, & Uladislau appellatus Hedwigim Ludovici Regis filiam Guilhelmo Austriaco à vivente patre consentientibus ultro Regni proceribus jamdiũ desponsam, ideoquẽ ad has nuptias coactam potius, quàm persuasam sibi in uxorem copulavit, accepto in dotem Poloniz Regno, & dato vicissim in donationem propter nuptias Magno Ducatu Lituaniz cum Samogitiã, ceterisquẽ provincijs, quæ sub ejus erant imperio. Fratrem tamen suum Casimirum Skirgellonem Magnum Lituaniz Ducem in obsequio suo futurum renunciavit. Sed is ignavus, ebriosus, violentus brevĩ suis despiciatui, & odio fuit. Ita ut Vitoldus patruelis ei rebellaret, & Marianorum equitum armis adjutus eum anno 1390. adegerit, ut Ducatu Kyoviensi contentus reliqua ipsi cederet tanquam Jagellonis beneficium possidenda. In comitijs autem Hrodensibus anno 1413. decretum fuit, ut post Vitoldi obitum Magnus Lituaniz Ducatus Poloniz Regno semper conjunctus permaneret, & æquato nobilitatis jure eum solum Principem agnosceret, quem ei Jagello dedisset. Vitoldo itaquẽ anno 1430. ad VI. Kalendas Novembris Trocis improbe defuncto Jagello fratrem suum Boleslaum Suidrigellonem Magnum Lituaniz Ducem esse voluit. Cui expulso Vitoldi frater Sigismundus se substituit. Qui anno 1440. die palmarum nefarij à suis Trocis è vivis expunctus locum fecit Jagellonis tertio filio Casimiro. Is autem post sexies septem annos moriens filio suo Alexandro, cui anno 1506. ad XIV. Kalendas Septembris Vilnz ob-

eunti suffectus ibidem ad XIII. Kalendas Novembris frater Sigismundus fuit, qui cum adhuc vivens Vilnæ pariter XV. Kalendas Novemb. anno 1529. filio suo Sigismundo Augusto tradidit, à quo anno 1569. in Comitibus Lublinensibus Poloniæ Regno, cui Kyoviam, Volyniam, & Podlachiam cessit, agglutinarus tandem tenaciter fuit. Ex hoc amplissimæ magnitudinis Ducatu nuper ab Alexio armis occupato Vitepscia, Polocia, Smolenscia, & Severia adhuc ab eo detentantur.

Smolenscia Ducatus.

Smolenscensis Ducatus, ut manuscripti Russorum annales affirmant, ab Olecho Rurichi Sobrino, dum Igoris tutorem ageret, Slavis Kriwitzijs ereptus, à Primo Volodimiro Stanislao filio suo inter duodecim anrepaultimo, & deinde à Jaroslao ejusdem Volodimirifilio liberorum suorum natu minimo Venceslao in portionem hæreditariam assignatus fuit, cui successit filius Borissus. Sed hoc improle inortuo ab ejus patruele Volodimiro Monomacho, sub quo Russiæ ditiones omnes in unum denud corpus coaluerunt, Micislao octavo filio suo fuit attributus, qui cum in Georgium Hlebi atneporis sui abnepotem transmisit. Is à Vitoldo in prælio, in quo pater Suatoslaus occubuit, captus Principatum amisit, Hlebo ejus fratri à victore concessum, & eodem adhuc anno contumaci astu ademptum, ac in provinciam Lituaniz convertum. Quem cum anno 1403. focerit sui Ducis Rezanensis instigatione, & auxiliariis armis Georgius iterum occupasset, ulciscente Numine crudelitatem, quâ in omnes sævierat, Vitoldi illo cum validis copiis illic accurrentis vi cedere debuit, ipse Moschuum, juxta eorundem annalium fidem, ad Basilium Demetrowicz cum filio suo Theodoro confugiens: vel, ut Poloniarum rerum scriptores memoriz consignarunt, in Hungariam profugus Sigismundi Regis miles in pugna cadens. Secundo deinde supra septimum lustrum volvente anno oppidani Smolenscenses rebelli manu arce potiti accitum è vicino Drohobus Ducem Andream Demetrowicz ei præfecerunt. Et mox eo repudiato cum Ducis titulo Georgium Linguenium à Casimiro Jagellonide Magno Lituaniz Duce è vestigio expulsum. Exinde semper cum Ducatu universo Lituanis paruit, qui exeunte decimo quinto redempti orbis seculo, binisque post consecutis annis eam ab acri Moschorum Principis Demetrii Magni Joannis filij oppugnatione ter subsivè instauratâ egregiè propugnarunt. Verumtamen anno 1514. regnante in Polonia Primo Sigismundo Basilii Demetrii frater operâ Michaëlis Linczkij ex Russicis Severiz Ducibus descendens ad se transfugæ eam recuperavit, à posteris deinde suis vel contra conatus ferocientis post casum ad Kropiwnam Celadinum Constantini Ostrogij strenuè semper conservatam, donec anno 1611. die 13. Junij alius Sigismundus electionem filij sui Uladislai in Moschoviz Tzarem propugnans eandem vi expugnatam à Lituanis rursus accipere leges coegit. Nequè deinceps post tentatam anno 1616. & 1633. à Michaële Fedorowicz Magno Duce irritis votis & armis ejus oppugnationem pax inter ipsos Uladislaum, & Michaëlem coalescere potuit, nisi hic quicquid juris ad eam habere posset Lituaniz in perpetuum cederet, titulôquè Ducis Smolenscensis se abdicaret. His tamen omnibus susdequè habitis Alexius confirmans, pacem non commodam haud diuturnam esse posse, anno 1654. temporifidiatus, dum servili rebellium Cosacorum tumultu Polonia urgeretur, munissimâ Smolenscensi arce per ignavam Philippi Casimiri Obukowiczij Palatini

Palatini traditionem, quam ei, apostata Albërtus Golimont pincerna Lidenfis avaritiæ impulsu proditoriè persuasit, brevi oppugnatione IV. Nonas Octobris potius Ducatum totum, ejusquë titulum postliminio retraxit.

Tuveriam urbem nunc Archiepiscopi sedem Jaroslaus Sevolodicz Magnus Moschorum Dux post vastationem à Bato Tartarorum Rege Russiæ illatam Novogardiâ Magnâ, quò se receperat, Moschuam re-dux è conspectu Tuverzæ annis fluvio Volgæ se miscantis ædificavit, castroquë ligneo ad ripas congregientis Tuverzæ fauces excitato munijt, eamquë dimidiâ Tuverzakij oppidi parte, & amplâ ditione dotatam Jaroslao novem filiorum suorum penultimo cum titulo Magni Ducis attribuit. Ab eo tempore Ducatus ille proprijs legibus, & monetâ utens inter Russicos omnes florentissimus fuit, cujus Ducum pro sapia in diversis nunc privatis Ducibus avitâ hæreditate spoliatis, & mutatis nominibus adhuc vivit. Verumtamen Joannes cœci Basilij oculata proles ductâ Mariâ Borissij Magni Ducis Tuverensis filia ejus fratrem Michælem per septimam generationem à Jaroslao descendentem eo exiit. Qui anno 1486. ad Casimirum Jagellonis filium Vilnz agentem confugit. Exindè Ducatus Moschoriticis dominis subactus flaccescere incipiens, per insculta deindè Russorum intestina bella nunc à Polonis, nunc à Suecis se invicem extrudendibus pessumdatum, ægrè modò spretas aliquas obsolete gloriæ suæ reliquias ostendere potest. Aded volubili rotâ etiam urbes & Regna per inconstantes vicissitudines à summo ad imum fortuna vertit.

Volyniæ in ulteriorem, & citeriorem divisæ latissimam, & fertilissimam provinciam à Tyrangitis, sive Tyris, olim habitatam, ac multorum deindè Ducum nobilissimam sedem amplissimos Cremencensem, & Luceorensem districtus comprehendentem anno 1319. Lituaniz Gedimianus adjunxit. Etenim tunc sub ipsis Volodomiriz urbis muris Volodimiro Russo, ejus Duce in pugnâ acriter præliante interempto, & eodem plaudentis fortunæ impetu Leonæ Luceoriz Principe in Severiam abacto utramquë urbem cum ditionibus subegit, præsidijquë ac Præfectis Lituanis commendavit. Et quamvis Magnus Casimirus Poloniz Rex anno 1349. universam ferè provinciam armis occupasset: & anno 1365. urbem Volodimiriam Kyestuto Gedimini filio cum libertate extorsisset, is tamen hanc fugâ, illam armis brevi recuperavit. Controversa itaquë provinciz hujus possessio alternante vicissitudines Marte nunc apud Polonos, nunc apud Lituanos fuit. Etenim anno 1437. Lituanus Suidrigelo Uladislo, cui à clade suâ Varnensij nomen, supplex ei Luceoriam cum magnâ Volyniz parte cessit, isquë eam illius æmulo Sigismundo attribuit post ejusdem mortem ad Regnum recasuram. Impletâquë conditione Casimirus Jagellonides Uladislai in Regno successor patrum suum Suidrigelonem eâ rusus donavit. Quæ anno demum 1596. per unionem Lituaniz cum Poloniâ illius cessione huic accrevit. Regionem hanc Alexius immisso numerosissimo Moschorum suorum examine infestis incurSIONibus longè, latequë prædatus est. Sed anno 1660. amisso septuaginta milium bellatorum sub Basilij Borissowicz Tzeremetow ductu propè Lubartoviam exercitu illatæ vastationis pœnas luit.

Podolia ferocissimæ supra fidem glebæ regio, marmoribus, & alabastro abundans, quam inhabitaverunt olim Bastarnarum pars Peucini, à

Tuveria.

Volynia.

Podolia.

Sarmatis deinde egressi, & tandem à Polonis, ut ipsi asserunt, vestigalia facta, dein à Bato Scythâ subacta diu sub jugo Præcopensum Tartarorum postmodum gemuit. Olgerdus Gedimini filius Magnus Dux Lituaniæ anno 1331. cæsis immani clade ad Siniavodam Katlubako Sultano, Kaczybeyo Gisteoyo, & Dimeytero Sultano eos inde fortiter ejecit, nepotesque suos ex Coriatho fratre Alexandrum, Constantinum, Theodorum, & Georgium cum validissimis prædijs, in fide tamen ac potestate suâ interposito jurejurando futuros, provinciæ imposuit. Sed anno 1339. cum Theodorus totius regionis possessionem solus nactus patrii imperium refractarius aspernaretur, is celerillatâ vi universam cepit, & in provinciam redactam Gastoldi Palatini fidei concedidit. Eam Jagello Rex Poloniæ fratri suo Boleslao Suidrigeloni, prævio Vitoldi, ut Lituanî auctores tradunt, consensu; ut verò Poloni, eo irrequisito attribuit. A quâ tamen anno 1404. per Polonos exactus, cum confugisset in Prussiam, meruit eâ à fratre denuo post biennium exuli. Attamen post Vitoldi obitum Magnus Dux Lituaniæ renunciatus eam ab eodem rursus obtinuit; sed restituendam post sua facta Poloniæ, ni prius aliâ ratione Poloni & Lituanî de eâ inter se convenissent. Quâ etiam lege in Sigismundum Magnum Lituaniæ Ducem dicitur postmodum transivisse. Juris itaque semper controversi fuit à Lituaniis tanquam propria pluries petita, à Polonis toties negata, donec tandem confusus per consummatam sub Sigismundo Augusto anno 1569. Poloniæ, & Lituaniæ unionem juribus eidem uni utriusque domino pacatè obsequi disceret. In eâ rupi imposita suspicatur urbs Camenecia, quam aliqui præscam esse Clepidavam volunt, situ magis, quam munitionibus conspicua.

Jugoria. Jugoria, sive Jugra, aut Juhra, regio est hand magnæ amplitudinis Sibirix adiacens, cujus incolæ Tartari duram, & agrestem vitam ducentes Moschorum dominium à tempore Senioris Joannis Basilidis pretiosarum tributo pellum agnoscunt. Ab illâ prodixisse olim gentem, quæ cæsis ac funditus deletis Avaris atque Hunnis Daciâ, Pannonijs, Noricoque ab ipsâ possessis potita per multa virtutis bellicæ specimina Orbi terrarum gloriosissime innotuit, nonnulli argumento esse ajunt sermonis identitatem, cujus rei libentissimè Moschuz experimentum capere voluissent, si alicujus ex illâ regione hominis copiam sæpius expetitam habere potuissent. Hoc tantummodò ab homine Germano, qui in Sibiriam relegatus in Jugoriam aliquandò excurrere debuit, audivi, quod Jugri proprio utantur idiomate à Sibiriensibus Tartaris minime intellecto, quodque his oris habitudine præsent, cum nec magno, ut illi, capite, nec compressâ facie deformentur.

Permia. Permia è contra magnæ provinciæ amplitudinis est; sed à crebris paludibus & fluminibus impeditæ. Peramplam habet apud Vischoram fluvium sui nominis urbem Archiepiscopatu insignem, cujus curam, & titulum Volochedensis gerit. Proprio loquitur idiomate, & proprijs scribit characteribus ipsi olim à Stephano Episcopo suo traditis, pellum tributum Moscho Tzari pendere & ipsâ à seniore Joanne Basilde adaçta.

Viatka. Viatka Tartarorum olim ampla provinciæ pluribus oppidis culta, à Basilio Juanowicz devicta, & egressis antiquis Dominis Moschoviticum jugum subire coacta illud numquam ampliùs exiit; sed suorum aspreolorum, sive sciurorum Ponticorum, tributo quoannis coluit.

Paludi.

paludibus, nemoribusque sœda est, & intricata; sed melle, feris, piceis, ex quibus panis usu neglecto contenta vivit, apprime dives.

Bolgaria regio ultra Volgam inter fluvios Kamam, & Samaram. Bolgaria. Jaikum, olim Rhymnum, versùs extensa ab amplâ urbe suâ nomen ducit. Hanc à Tartarorum Rege Bato anno 1235. occupatam possederunt Kalmuki, donec Basilius Demetrowicz Magnus Moschorum. Dux anno 1398. ipsèdè martiali vi expulsis eam Russicæ ditionis accessionem faceret. Sed cùm frequenter rebellaret, ejus abnepos Joannes Basilowicz eam Casanensis Regni à se devicti jurisdictioni in contumaciæ pœnam subjecit. Jamque in vicum degenerata ab ipsis Kalmukis, Mordwinis, & Russis promiscuè incolitur.

Novogrodiz, sive Novæ urbis, inferioris Ducatus agri fertilitate, rerumque abundantia cum Volodimirensi lite adhuc indecisâ contendit. Urbem, quæ nomen ei dedit, Basilius Juanowicz anno 1509. ad ipsa Occæ amnis Volgæ illabentis ostia ædificavit. Cincta est turris ex lapide mœnibus, protegiturque à castro pariter ex lapide in rupe exstructo. Ad fluvium verò Suram, qui Casanensè ab eâ Regnum disternat, Wasilogrodia ab eodem Basilio anno 1523. condita affurgit.

Czernikoviensis Ducis titulum contra leges pacis inter Uladislaum Regem Poloniæ, & Michaëlem Fedorowicz parentem suum anno 1634. sanctæ, quomodo & ipsum Ducatum Alexius usurpat. Provincia hæc in amplissimo olim à Borysthene ad rudera castri Mscenek arcium & oppidorum frequentia conspicuo Severiæ Ducatu comprehensa, nunc sub Palatinatus titulo cum comprehendens à Jaroslao Volodimiricz quinto Moschorum Magno Duce Suatoslao filio suo tertio genito in hæredes transmittenda priùs concessa fuit, qui multorum in Russiâ Ducalium nominum auctores existerunt. Cùm tamen eam Russis exturbatis Scythæ occupassent, eandem ipsi Skirmundus Novogrodek in Lituaniâ Dux fuso, trucidatoque Ballaklaio Ultravolgensium Tartarorum Regulo totam detraxit, liberisque suis Lubarto, & Pissimundo distribuit. Horum verò posteris expulsis Demetrius Juanowicz Magnus Moschorum Dux eâ Georgium, & Andream filios suos donavit; donatione tamen brevi per Olgerdum Magnum Lituaniæ Ducem inofficiosâ in parte redditâ, cùm illum ex illatâ Scythiis immani clade superbientem improvise Moschum usque adventu ita terruit, ut Lituaniæ terminos ad Ugram flumen, & Mosaiscū usque proferri per indecoras pacis conditiones pateretur. Olgerdus itaque Demetrii filios Lituaniæ vestigales reddens filio suo Demetrio Korybutio Novogrodiam similiter Lituaniæ tributariam cum titulo Ducis Severiæ attribuit. Quam ei frater Jagello juramento fidelitatis ab ejus legatis accepto confirmavit. Sed, cùm deinde tributum Vitoldo solvere renueret, victus acie, & captus libertatem suam perpetuâ provinciæ cessione redemit, cui Theodorus Sangusko præfatus fuit. Nihilominus Andreas Vigundus spoliati Demetrii frater Starodubum deinceps in eâ obtinuit, & post eum frater Boleslaus Suidrigelo, qui ejus arce, pluribusque alijs exstis primariam Severiæ urbem Novogrodekum Moscho Basilio prodidit, & in Moschoviam, aufugit. Regnante autem in Poloniâ Jagellonis filio Casimiro Michael Sigismundi Magni Ducis Lituaniæ filius Dux Starodubi, & Branski renunciatus fuit; sed rebellans Kyoviam Moschorum auxilijs occupavit. A quâ ejectus, reliquisque exutus in Moschoviam profugus in-

pane Eucharistico venenum sumpsit. Post casum verò Magnæ Novogardæ aliqui ex Severiæ Ducibus ab Alexandro Poloniæ Rege ad Joannem Basilowicz Moschorum Monarcham ejus focerum transfugerunt. Cumquæ is postmodum generi sui exercitum à Constantino Duce Oïtrogio ductum anno 1499. ad fluentum Wiedrusam profligasset, reliquæ Severiæ Duces, qui in Alexandri perfliterant obedientiâ, victori se tradiderunt; sed inausito exitu, nam hujus filius Basilius omnibus Severiensibus Principibus inter se prius, ut colliderentur, commissis familiari sibi fictæ in ipsdẽ perfidiæ commento ditionibus suis exutis tandem se substituit. Cùm verò tragicæ illæ Demetriorum fabulæ in Russico theatro agerentur, per quas novis semper peripetij scenæ toties mutata apparuerunt, Sigismundus III. Poloniæ Rex universo potitus Ducatu per inducias anno 1618. cum Tzare Michaële Fedorowicz stabilitas in ejus possessione perseveravit. Cum quæ ejus filius, & successor Uladislau per pacem cum eodem dominium etiam cum titulo Poloniæ cessum consolidavit. Verumtamen hunc contractum, Alexius deindẽ acinace rescidit, totumquæ Ducatum ad se retraxit.

Rezaniam.

Rezanensis inter Occam, & Tanaim Ducatus tellure tam feraci, tam piscosis aquis, tam populosis, sive feras, sive aves, five apes consideres, sylvis dives est, ut Rezanensibus, Strubensibus, Tullensibus, Corsirensibus, Odolowensibus, & Vorocinensibus Principibus, quorum aliquot adhuc vana nomina apud eorum descendentes in Russia audiuntur, intra terminos suos libero scepro partitos populos regentibus, antequam à nefariâ ejusdem Basilij tyrannide sictis criminibus falsò insinulati opprimerentur, abundè sufficeret. Metropolim habet Rezaniam Archiepiscopi sedem, amplam olim urbem; sed post vastationem à Tartaris Crimenensibus anno 1568. ei illatam in pagum diminutam, ex cujus ruderibus Pereslavia Rezanensis quadraginta ab ea veritas exstructa. In hoc Ducatu apud fluvium Bogdanum Borissus Hodunus Tzar Borissam ad nominis sui famam anno 1598. condidit. Ultra Tullam versùs Tauricam Cherfonnefum immensè excurrunt inculti campi arboribus æquæ ac habitatoribus vacui, planequæ solitarij, nisi ab innumerâ onagrorum multitudine habitarentur, qui capti sylvestrem suam morositatem tam obstinatè retinent, ut mori malint, quàm cicurari. Fluit in hoc Ducatu Tanais, à Russis Don nuncupatus, qui antiquis Asiam inter, & Europam limes fuit, & rectè, si eo dumtaxat, donec post paludem Meotim adverso amne ad ejus flexum, oppidumquæ Tuïam pervenias, utare, & inde eo relicto per transversum jugum Perowlock, Tumenium, & Obij, olim Carambucis, fluminis oram ad Tartaricum usquæ Oceanum, & antiquæ Celticæ promontorium Lytarmîn, nunc Obium nuncupatum, procurras. Fluvius iste omnes, qui ejus originem à Riphæis, qui Obij sunt, montibus derivarunt, mendacij arguens ex ingenti Odoio lacu, populis Juanowosero, nobis autem Joannis lacu dicto, profluit, & cursum in ortum directo propè rudera vetustî oppidi Donch primum navium patiens factus Volgam versùs, quasi ei se conjuncturus, oppidum interim Lechi in coitione Mezij contingens, & dein Soranum flumen admittens, tendit. Verùm ad viginti veritas inter arenosum ad Volgam Srelnæ montem, & oppidum Zarizam illi jam appropinquans, velut pœnitundine ductus, cursum ab ortu æstivo in occasum reflectit, eumquæ quinquies septem veritas Tuïam prætersuendo parallelæ

Tanais
fluvius.

rallelo passu comitatus, recta demum in occasum sinuoso cubito conversus omnino deferit, fluminibusque Schamenâ, sive Sosnâ, Herodoto Hyrge, minori è Severiâ Tanai, Samarâque, & Sargâ insimul confluentibus haultis majore vi, ac mole undans agens post viginti dierum iter Exapolim, Naubarim, Magnum ad minorem Tanaim, Trajectum, sive Welikiprewos, Achas, & Afophum, prisco nomine Tanas urbem à Genuensibus olim possessam, & Thracio tyranno nunc vectigalem, præterlapsus putri lacui, sive Meoti, nunc Teme-rindz, paludi aquarum suarum vel filiz, vel alumnæ insinuatus immoritur. Sed immori non est visus, antequam Mahometes expugnata Constantinopoli Capham, nobilissimam apud Bosphorum Cymerium in peninsulâ ab ipsius quondam possessoribus Tauris gente Scythicâ Tauricâ dictâ Genuenium coloniam, anno 1475. violenter eis per Machmutum Purpuratum extorqueret, & Tartaros ex Javolgensibus ortos totius Cherionnesi dominos pacem cum ipsidem, & amicitiam mutuâ pactione colentes ad pacta libertati detrahentia adigeret: ejusdemque ex Bajazeto filio nepos Selymus devicto Mechmeto Gereyo Chamo reliquis ad Gazariæ litora oppidis vi illatâ potiretur. Concurrebant enim undique ad celeberrimum illud Theodosiæ rerum omnium venalium forum mercatores, quorum numerum non modicum ex Russicis provincijs Tanais deferebat.

Polocz in Albâ Russiâ ad Dunam Ducatus conditorem suum sitememoratum Olechum agnoscit. Iloslaus, sive Viseslaus primi Volodimiri Russorum Magni Ducis secundogenitus eum Rochwologdo Plefcoviensium Principi cum vitâ, & filiâ Kochmidâ à parente suo extortum in partem hæreditariam obtinuit, & in genus suum ad abnepotes usque transmisit. Sed, cum hi per varia bella omnes ferro absumpti defecissent, & iusto DEL judicio eorum postremus Rochwologdus appellaretur, Polocienses hortatu Antistitis sui rempublicam ipsi lectis ad hoc ex suo numero triginta administrarunt, donec Mingailo, sive Michaël, Erdivili ex gente Palæmoniadæ filius Novogrodekî in Lituaniâ Dux eos acie victos, & libertate multatos cum ditione totâ sibi subderet, & in secundogenitum suum Ginwilonem eodem anno hominem exuens transmitteret. Huic successit filius Borissus Borisoviz ad Berezinam fluvium conditor, qui lustrico sacramento primus inter Lituanos Principes initiatus in ipso ætatis flore lucis, & Principatus usuram amisit. Successorem habuit Basilium Rech-woldum, hic filium Hlebum, qui ætate immaturâ improlis mortuus. Polocenses denuò suæ reddidit libertati; sed brevi. Etenim vix ex-acto lustro Cieuciwilo, qui postmodum sacra Christiana professus Theophili nomen assumpsit, Mendogi Lituavorum Regis ex fratre nepos ad dominici jugi patientiam eos rursûs adegit. Verum hoc à sanguineo Troynato Magno Lituaniæ Duce anno 1264. per scelus oppresso urbs Polocia per immisum ab eodem exercitum occupata Lituaniæ cum universâ ditione in provinciam accessit. Hanc Dauman-dus exilium apud Plefcovienses gravatè tolerans urbe à Russis proditâ potitus Troideni fratri Magno Lituaniæ Duci anno 1281. armatus eripuit, & per subsecutæ reconciliationis pacta aliquot dumtaxat mensibus retinuit. Etenim sequenti statim anno à monacho nepoce Rimundo, sive Lauro, aut Laurentio, qui paternæ necis ultor sponso ad tempus cucullo in fratricidam armatus insurrexerat, fortuito inter præli-

Polocia.

præli-

proeliandum è vivis expunctus, & malè partè provincià exutus fuit. Quæ, etiã postmodum ab Andrèa Vigundo Jagellonis jam Poloniæ Regis fratre intercepta; brevi tamen à Vitoldo Jagellonis auspicijs recuperata Lituanici juris ad annum usquè 1564. semper permansit. Circa finem autem anni 1563. Junior Joannes Basilides ingenti instructus exercitu Polociæ urbi appropinquans præfidiarios omni prompti subsidij spe destitutos ita terruit, ut non ultra XV. Kalendas Martij ejus deditionem distulerint. Verum anno 1579. Rex Poloniæ Stephanus eam fortiter oppugnans defensoribus quantumvis strenuis ultimo Augusti mensis die extorsit, Lituanicquè iterum dato Palatino submisit. A quâ tandem Alexius anno 1654 circa Junij finem eam connivente ex conspiratione supremo Magni Ducatus Lituanicæ exercituum Duce Jano Radzivilio avulsit. Alluitur à fluvij Dunâ, & Polotâ: propugnaculis, & arce egregiè munitur; pedoquè Archiepiscopi Rustici ricus sub obedientiâ Romani Pontificis splendescit. Nunc tamen schismaticum ab Alexio intrusum cum servitute tolerare cogitur. Ibi Stephanus Rex Collegium Patribus Societatis JESU excitavit.

Rosthovia. Rosthovicæ Ducatus antiquissimus est, in cujus urbe agnomine à Tartaro Bato olim destructâ Metropolita residet. Ducatus iste cum, urbibus Pereaslaviâ, & Uglitzâ, quæ peculiarem quondam constituebant Principatum, cumquè nundinarum frequentiâ non minus, ac Novogardenium fugâ servorum notâ Chloppigrodiâ altero ex Magnorum Ducum liberis juxta antiquam consuetudinem adhuc attribueretur, nisi eam jamdiu bini Joannes avus & nepos eorumdem stirpe sublata antiquassent.

Jaroslavia. Jaroslavicæ Ducatus ab amplâ ejusdem nominis ad Volgam urbe, cujus titulo Metropolita Rosthoviensis insignitur, ejusquè lignèâ arce nomen trahit, eademquè cum Rosthoviensi sorte & Ducatum in Moschoviâ secundogenitorum olim portio, & ejusdem Joannis Basilij cœci filij oblati falsis criminibus infantium oppressoris rapina deinceps fuit.

Bieloiefero. Bieloiefero antiquissimus Russorum Ducatus Sinau ex ternis Wagrijis fratribus olim sorte concessus fuit. Nomen suum ab albo lacu ducit, in quo munitissimum, lociquè naturâ terè inexpugnabile ejusdem nominis oppidum cum arce fidele Moschovicæ Dominis thesaurorum præbet reconditorium, & si vis hostilis ingruat, tutum latibulum.

Udoria. Udoria, quæ & Obdoria, regio ob fabulosum aureæ antè idolum nota est. Huic fluvius Obbi, olim Carambucis, ex lacu Kitaisko emergens, perquè eam decurrens octuaginta alicubi in latitudine passuum millia extensus nomen fecit. Populi cum circumvicinis longè ab omni cultu vivunt. Ferinâ carne vescuntur, & pellibus Magno Moschorum Duci tributa persolvunt.

Condinia. Condinia, sive Condora, Obdoræ vicina regio est sylvis & fluminibus oblita, cujus indigenæ vago lare venantes victum sibi ex occisarum carne ferarum, & tributum Moscho Tzari ex earundem pellibus parant.

Vitepskia. Vitepskiæ Ducatus pars est Albæ Russiæ. Primaria ejus urbs Vitepskia cum arce ad Dunam fluvium à Vikindo Mendogi Lituanorum Regis ex fratre nepote anno 1240. Russis extorta suos habuit deindè Duces Lituanicæ vectigales, donec Olgerdus Magnus Dux Lituanicæ ductâ Mariâ ejusdem Ducatûs hærede, in cujus gratiam Christo nomen dedisse fertur, ejus possessionem cum dominio consolidaret.

Anno .

Anno 1396. à Boleslao Suidrigelone capta longâ debuit à Vitoldo oppugnatione recuperari. Eam tamen idem Suidrigelo anno 1413. æmulum in Lituanîâ Sigismundum impugnans denuò expugnavit, Holstunquè Ducem ei præfectum impotentirâ ex editâ rupe in subjectum flumen præcipitem egit. Sed à Sigismundo postea retracta diuturnâ sub Lituanico dominatu pace fruens anno 1655. per longam obsidionem viribus, & viris exhausta Moschis se dedit, inspectantibus, quasi ad actum tam solennem vocatis testibus, Lituanicis copiis à supremo exercituum duce Jano Radzivillo submissis cum freno mandati, ne se inscio cum hoste configerent. Ibi Alexander Gosiæus Palatinus Smolenscensis Collegium Patribus Societatis JESU ex Moschicis manubijs à fundamentis excitaverat. Et ibi Episcopus Russi ritus cum Ecclesiâ Romanâ communicans federe consueverat, quamvis à multis incoletur schismaticis, qui anno 1622. Josaphatum Episcopum, & Archiepiscopum simul Polociensem odio religionis efferati martyrio affecerunt, cujus corpus Polneiz in cathedrali Sanctæ Sophiæ templo aservatur. Vitepsia verò jure civitatis exindè multata in pagum redacta fuit, solâ arce Regiâ cum jurisdictione relicta.

Micislaviensis Ducatus Borystheni & Prepetio fluminibus adjacet. Micislavia
Eum Simon Linguenius Jagellonis frater ad descendentes suos transmittendum obtinuit. Cùmquè metropolim ejus Micislaviam Suatolaus Smolenscensis obsideret, à Vitoldo casus occubuit. Anno 1432. Simonis filius Georgius pro patruo Boleslao Suidrigelone contra ejus patruelem Sigismundum Magnum Lituaniz Ducem ad Osmianam infelicitè pugnans libertate, ac patrimonio à victore multatus longas in carcere Trocensi malè assertarum partium poenas luit. Cujus frater Jaroslaus tertio post anno, dum easdem partes armatus propugnât, à Michatle Sigismundi filio in prælio captus hujus mandato occisus fuit. At Sigismundi à conjuratis anno 1440. Trocis nefariè sublatis successor Calimirus Jagellonis filius Georgium pristina restituit libertati. Qui maleficium pro beneficio rependens Ducatum Smolenscensem à rebellibus subditis acceptum Calimiro reddere recusavit, donec inde vi armata ab eo expelleretur, tam elementem nihilominus victorem expertus, ut patrimonij sui possessionem ejus postmodum dono recuperaverit, & filio suo Joanni post sua fata reliquerit. Hujus natus Michael, cùm arcem Micislaviensem à Moschis anno 1500. sub auspicijs Principis sui Joannis Basilowicz senioris oppugnatam strenuè tutatus esset, eandem tamen ejusdem filio Basilio cum toto Ducatu anno 1508. alterius Michaelis, nempe Klinskij transfugæ, vestigia sectatus inconsulto dedecore prodidit. Per Demetrianas verò turbas à Polonis iterum occupata, & per pacem cum Michaele Fedorowicz retenta, per bellum cum ejusdem filio Alexio amissa fuit. Et anno 1660. à Moscho Palatino Smolenscensi Duce Juano Borisschwicz Repnino à frequenti ejus rebellione irritato incendio deleta.

Omniùm verò septentrionalium regionum dominatorem se scribere elatæ nimis jactantiæ est. Præter eas tamen, quibus titulos suos Alexius auct, aliæ etiam in borealibus plagis Moschos Tzares Dominos suos esse tributo profitentur.

Et primò Lucomoria inter Sibiriam, & lacum Kitaiskum extensa Lucomoria
regio, montibus aspera, sylvisquè densa, de cujus incolis fabulantur riamotiosi, quòd singulis annis ingruente hyeme hyrundinum ad instar ab

intenso frigore omni vitali actione priventur, cui deinceps à placida supervenientis veris temperie restituantur.

Petzora.

De hierofalchis.

Secundò Petzora longissimi ad Sarmatica Cronij, sive glacialis, maris litora tractûs regio à magno eam alluente flumine denominata, pretiosis pellibus, nigerrimis præsertim zebellinis circa cedros in vicinis admirandæ altitudinis montibus, quos incolæ Kamny poyas, idest, lapideum cingulum, appellant, excrecentes frequentissimis abundans. Et hierofalchos accerrimos ardearum hostes à Russis Kretzet nuncupatos, aves audaciâ, & mole corporis inter ceteros falcones præcellentes; sed vitæ vix quadriennalis, Tzarex voluptati ad aucupium, & venationem emittens. Harum unam collegæ mei curiositas videre, ejusquæ imaginem penicillo effingi desiderans copiam sibi ejus fieri à commissarijs nostris repetitâ sapius per integrum semestrem instantiâ efflagitaverat, quæ, quamvis semper promitteretur, numquam tamen producebatur. Tandem, cum desiderium ejus per longas moras defatigatum ad elanguisset, ut parum abesset, quin oblitio ejus in animum induceretur, ecce, ipsâ Russicorum Bacchanaliorum die, dominicâ, scilicet, in quinquagesimâ, personarum spectaculum nobis improvisò exhibetur. Nobilis enim commissarius noster nobis cum aliquot convivis mensæ adhuc accumbentibus superveniens, gravitatem, quasi de re maximè seriâ nobiscum acturus, affectans, jubet, ut inde ad interiorius conclave nostrum ipsum audituri nos recipiamus. In illud post nos illuc successerunt pretiosis ex vestiario Magni Ducis amicti tunicae supremæ apud eum aucupij curator, atque sex accipitrarii sustinentes singuli dextrâ à chyrothecis auro recenter fimbriatis proteclâ singulos hierofalchos novis ex veile Attalicâ galerulis petafatos, ac longo aureo funiculo in lævo crure compeditos, quorum dignioris, qui herodius guttatis pennis candidus erat, dextrum circumdabat aureus annulus pyropum includens magnitudinis excellentis. Tunc commissarius deposito pileolo, extractâquæ è sinu suo chartulâ in volumen complicatâ tenorem legationis suæ ex eâ nobis instantibus exposuit. Quod videlicet, Magnus Dominus, & Tzar Alexius Mihalowicz (omnes ejus titulos per extensum de more recitavit) precepto desiderio nostro videndi aliquam ex suis avibus Kretzet sex nobis ob amorem, quo charissimum fratrem suum Leopoldum Romanorum Cæsarem prosequitur, visendas mittebat. Commoverat risum tam inanis solennis illius apparatus functio, animusquæ à jucundo illo ventosæ ostentationis spectaculo titillatus in cachinnos erupisset, nisi à reverentiâ ejusdem exhibitori à gravitate legatorum debitâ cohibitus excitatos motus compevisset. Serio itaque vultu, verbisque ampullosis erga legatum, commissarium conversi alites impensè laudavimus, & quasi in eorundem magnitudinis admirationem rapere inur percontati fuimus, ubi terrarum nidificarent? ille autem Harpocratis digitum, ne secretum Domini effutiret, labijs superimponens tantum siccè respondit, quod in regionibus Magni Domini. Peractis itaque gratijs pro eâ, quâ singulariter æstimabili nos honorare Magnus Dux dignatus fuerat, fabulæ actoribus modo eis gratiori, muneribus, nempe, plausimus, eosquæ dimisimus.

Tertiò Samosedarum, sive gentium se invicem comedentium ab Oleario luculenter descriptarum Petzora: continerminus diluctius pretiosas pelles Tzareo gazophylacio contribuens.

Et

Et quartò tandem ille terræ cubitus, qui in Oceano aquilonari sub ipsâ propemodum arcto curvatus mari albo sinum præbet, quemque Lappones incolunt in tria divisâ territoria Moscho hi, Norvego illi, ceteri Sueco sceptto obsequentes. Gens seta, sylvestris, & rudis, quam licet vicini mansuêfacere jamdiù conentur, numquam tamen cicutare potuerunt.

Jueria, sive Iberia, quæ Georgia, sive Tuscico nomine Gurgi-
stania nunc dicitur, ad Zephyrum Mengreliam, olim Colchidem: ad Eurum Sirvaniam, olim Mediam Atropatiam: ad Boream Caucasas rupes, veterisque Albanie, quam nunc Circassi incolunt, partem: ad Austrum verò Armeniam majorem, sive Turcomaniam attingit. Plures habuit quondam Regulos Chitilianis sacris à tempore nascentis Ecclesiæ (prout Ruskida Regina, ejusque natus David anno 1240. ad Gregorium IX. summum Pontificem scripserunt) initiatos. Sed à dissiminationis ab Eutiche de unicâ post unionem in Christo naturâ erroribus à Jacobo Baradeo Syto deindè acerrimè propugnatis seductos, ideoque Jacobitas nuncupatos. Bello hi superiori seculo inter Turcorum Imperatores Selymum, Solimanum, & Amurathem hujus nominis tertium, & Persarum Reges Imaelem, Tamasum, ac Machometem Hodabendum atrocissimo exorto, sæpiusque relumpto divisis studiis his, vel illis, majorem tamen partem Persis, quibus tributa pendebant, adhæserunt. Totque ex eis, ut parti, cui se addixerant, per gratiora fidelitatis obsequia se probarent, ad Mahometicam superstitionem infami apostasiâ transfugerunt, ut modò inter Georgianos Principes vix unus aut alter superint, qui fidem Christo servatori promissam, servavertint. Hi præter Gori, Grim, Caiham, Somka, aliâque oppidula, possidebant Tiflim, olim Jur, urbem diù à Turcis, multâ licet sanguinis antiqûe profusione pertinaciter infestam, quam alluit Cyrus, ab incolis Chiut vocitatus, qui ex montibus Armeniæ delapsus ipsam interfecando Georgiam per Sirvaniam prope urbem Ciavat Araxem, à quo in mare Caspium deducitur, influit. Hos Cartalinios, & Grusinos Tzares Moschi vocant. Cùmque superioribus annis à Persarum Rege, cujus sunt vectigales, cujusque sub signo monetam suam ferire tenentur, gravibus supra tributariorum patientiam, premerentur oneribus, Moschovitici Tzaris in Circassiâ sibi collimitanci patrocinium implorant, cujus beneficio per amicam legationem Persico Regi commendati respirare aliquantisper sibi sunt visi. At anno 1654. eorum ditionem immisiss ille Kumukis, qui à Ponto Euxino illuc olim profecti occupatos inter eandem, & Mediam Atropatiam procurrentes ab Armeniâ montes inhabitant, sedè depopulatam militè devastavit. Quapropter David Temrasciowick, qui ad regiminis clavum tum ibi sedebat, filium suum Nicolaum in Russiam ad Alexium propterea jussit, patroni ab eo officia contra Persicam violentiam exacturum. Is politico transfugio spirituale insuper adnectens, ut Alexio placeret, abdicatione patriæ religionis ritu Russicum voluit amplectari. Ab illo tamen Lituaniam tunc bello impetente nihil aliud impetrare valuit, quàm sacerdotes quamplurimos, qui plebem in illis ditionibus Russico ritu DEUM adorare docerent, & proceres Mahometanum religionem Persico profitentes ad Chritianam convertere conarentur. Quæ omnia in perniciem impetrantis cessete. Etenim irritatus inde Persarum Rex ditiones illas armatus invasit, captoque Alexan-

Alexandro Davidis germano, qui post hujus mortem eas absente nepote Nicolao moderabatur, eoquē in Persidem abducto, huic reditum in eas adeo interclusit, ut nunc protoparentis ad instar ab hortis Edenis ejecti in urbe Terki statione fixa amissum Principatum multis feræ penititudinis suspirijs contempletur. Cū verò genus suum hi Principes ad Davidem Hebreorum Regem vanâ jactantiâ referant, ideoquē Reges audire velint, Tzaris prædicato donati à Moscho libenter fuerunt, ut strepitosi tituli honos in se redundet, dum per imaginariè acquisitum in eos advocatiæ jus Tzarum Tzar vocari gessit. Hinc patet, quàm nullo jure Alexis Iverix, & Tzarum Cartalinix, & Grusinix, quomodo etiam Cabardinix regionis, quæ à Cabardinensi Tartarorum hordâ, sive cœtu, habitata Meotium incumbens Turcorum tyrannidi subest, dominum se scribat.

Circassii. Circassorum verò Principum jure meritò, non quidem illorum, qui Ponti Euxini inter Phasidis, & Meotidis aquas accolæ Christiano tincti baptismo, hocquē abjurato, & Mahometico cultro circumcissi Ægyptiorum seminarium Mamalucorum quondam exitirè; Sed eorum, qui genere Scythæ circumcissionem, & idololatriam mixtim simul admittentes inter desertum Nagaicum, & flumen Bistrum, Ptolemæo Gerrum, præscam Albaniam à Caspij maris litore ad Caucasæos usque rupes incolunt, & sub auspicijs Theodori Ivanowicz à Cosacis Altræ canensibus Maris vi adaçti fuerunt, ut Moschis primariâ urbe sua Terki cederent, ipsiquē in vicis, & oppidulis dispersi eosdem Domini nos tributo, & obedientiâ, veneratione.

Montani. Veruntamen minùs veraciter Montanorum Principum dominum se jactat, etenim populi illi à Persis Lesgi, ab Oleario verò Dageltani, sive Montani appellati, qui, ut is asserit, genere Tartari, & fortassis ex Ijs, qui Georgiam circa annum 1240. invaserunt; Sed, ut alii auctores passim posteris tradiderunt, Georgiani, religione verò Mahometani asperrimum montem à Turcis Brus dictum incolunt, ditionemquē suam ab urbe inter angustias Caucasii cum maris Hircanæ litore coeuntis ab Alexandro Magno exstructâ, conditorisquē nomine diù; sed dein à sui arçitudine situs Derbentho, & Turcico vocabulo Demircapi, quod ferream Portam sonat, vocatâ usquē ad Circassorum Terki extendunt, plenâ ibi libertate sub plurium dynastiarum gentilium suorum administratione, & supremâ Schemcalis, sive Lumenij sui inspectione fruuntur. Et Petigorienses, seu Quinquemontani Cabardæ contermini præscæ Colchidis incolæ Ottomanicam Lunam subditâ veneratione adorant.

Bielakia. Postrema autem titulorum generalis clausula nequaquam otiosa profectò est, præter enim eas, quas innuimus, regiones, & gentes alias Alexis possidet, & regit, inter quas præcipuè numerantur Bielsklæ Ducatus Biellæ urbe cum castro inter vastissimas sylvas ad fluvium Opscham sitâ nobilis, cujus Princeps Basilius non meliori; ac vicini Severiensis, fide; sed nec dispari fato à Jagellonis liberis ad Magnum Moschovix Ducem Joannem Basiliij cæci filium transfugit. Etenim, hujus natus Basilius trinam ejusdem prolem Principatu deinceps injurius exiit.

Reschovia. Reschovix latis finibus Ducatus urbibus Rosowâ Demetrij, Woloko, Toropecio, & Weliki Luko Stephani Poloniæ Regis olim trophæo, & alborum venatione leporum celebris.

Et Sus-

Et Susdaliensis cum urbe Archiepiscopi sede, & arce inter Rosth. v.iam & Volodimiriam Ducatus, quem Jaroslaus Sevolodicz Moscho- rum Magnus Dux, antequam à Tartaris venenato convivio adhibitus vitæ suæ periodum in Ecclesiæ Romanæ obsequio, cui se operâ Joannis de Plano Carpino Ordinis Prædicatorum paulò ante addixerat, clauderet, Andream undecim liberorum suorum sexto attribuit. Ab hoc originem duxerunt per Basilium Basilij ejus abnepotis pronepotem Duces Suiskij Scopinorum auctores, quorum tandem descendens Basilius truncato tragico Demetrio Tzareum sceptrum tragicus & ipse actor invasit. Attamen posteritas Susdaliensis unâ cum vicinis Galicinis à Magno Moschoviz Duce Demetrio Donskoi descendentibus Principatibus suis expulsa vidit eos ab avidissimo alienarum ditionum helluone seniore Joanne Basilowicz Magno Moschoviz Duce devoratos.

SUSDALIA.

Senatum, quem in arduis Regni negotiis consulerent, Magni Duces semper præstito habuere; sed eorum plurimi tantum ad amoliendam à se perperam factorum invidiam ejusdem sententiam in speciem exquirere consueverunt. Quorum vestigijs Alexius egregie insitit omnia suo Marte administrans, vel potius administrare se putans, à gratiosis enim suis obfessus, & deceptus rerum faciem aut omnino non, aut ab eorundem præstigijs larvatum videt. Constat autem ejus senatus, cum Moschoviz degerem, ex Bojaris bis tredecim, Oculnicis ter decem, Dumni - Duoraulis septem, omnibus ex nobilitate ei assidentibus, & tribus Dumni - Diakis ex populari ordine assidentibus.

Magni Ducis senatus.

Divisa est inter eosdem arbitraria ejus dispositione cura omnis quorumcumque negotiorum Regni cum ad publicum statum, tum ad privatum subditorum pertinentium. Etenim, cum ter undecim constituti sint Moschoviz principales Magistratus, quas Pricazas vocant, ad quas tanquam ad primas instantias suas juxta distributionis præscriptum omnia sive iustitiam, sive ærarium, sive bellum concernentia deferantur, earum singulis, aliquando & pluribus, unus ex ipsidem præest, qui summâ cum auctoritate subiectas suæ jurisdictioni causas dignoscit, desuperque decernit majori vel minori patrimonij sui augmento, prout ipse magis, vel minus favoris sui auctionator fuerit. Sic Tzar, qui vim omnem Principatus sibi servat, imaginem ejus aliquam cum Senatu suo communicatam illi præbet, postulata populorum ad disquisitionem Senatorum mittendo. In singulis autem Pricazis scilicet munere funguntur singuli Diaki, ex quibus aliquem semper legatis suis ad externos Principes collegam Magnus Dux adjungere solet.

Et Magistratus.

Gratioforum apud eum non est diuturnitas, non tantum communi cujuscumque Aulæ vitio, per quod horum status in rerum humanarum lubrico semper nutans ad quemcumque vel levem impulsu, facile prolabitur; sed etiam quia illi homines sunt nullius virtutis roborati fundamentis, quibus dominicæ gratiæ moles innixa eorum sulta meritis perennet.

Ac gratiosi.

Præcellerat inter omnes nuper defunctus Morosovius ejus pueritæ educator, nam, licet, post populi in eum seditionem visus fuisset potentia excidisse, vim tamen magis in amicitia Principis, quam speciem, retinens, in animo ejus semper validus gratiæ jacturam nunquam passus fuerat. Cujus veritatis plurima experimenta, à quo domi ab assidua valetudine sua detinebatur, ei capere licuit. Quamvis enim

De Morosovio.

enim civilibus abscesserat muneribus, in corpore tamen effeto vigeat vis animi, consilij; undè sæpius ab illo clanculum visitabatur, & super gravioribus negotijs confulebatur, homo judicio naturali, & longo rerum usu ad gerendam rempublicam aptus, si immodicè habendi cupiditati modum imponere scivisset. Sed certiora sinceri erga eum amoris sui documenta Alexius edidit, cum in extremâ vitæ ejus periodo eum, quamvis sensûs omnis & cognitionis expertem, quotidie nihilominus, sterili licet officio, nihilquè promerituro invisere non desistit: & defuncto, dum humaretur, ipse quoquè, haud inferius majestatem suâ ratus, si palam lamentaretur, in templo voluit cum ceteris parentare.

De Tzaris focero. Jam itaque offert se nobis Bojarus Iliā Danilowicz Miloslawski Tzaris focer. Is è stercore pauperrimæ, ideoquè despiciatissimæ suæ

è grege nobilitatis erectus, & ad summum honorum in Moschoviâ fastigium repentinò ludentis fortunæ impulsu erectus maximam apud Tyarem potentiam, quia focer, adeptus est. Non est tamen, quod se talem jactet, Moschorum enim Principes, Melchisedech ad instar, sinè patre, sinè matre, sinè genealogiâ esse volunt. Cùmquè Alexius, ac, quod magis est, ipsa ejusdem filia Tzarissâ eum alloquuntur, Iliam semper, non focerum, non patrem, appellant. Sed nequè gratiâ ullâ apud generum pollet, capillorum, & barbæ vellicatione, pugnorumquè impactione ab eo non semel exceptus. Cùm post calos exeunte autumno anno 1661. à Lituanis in Polociensi agro Kovanskium, & Nasciokinum de adventu eò Poloni Regis cum numerofo exercitu famâ invalesceret, & simul de discrimine Pereaslaviæ apud Circasios acriter à Cofacis oppugnatæ nuncius referret, ad IV. Idus Novembris, Senatum Alexius coegit, eumquè, quâ viâ, quibusquè viribus obviam tot imminetibus hostibus eundum esset, consuluit. Iliā, qui haud longè ab eo sedebat, Domine, inquit, constitue me legionum tuarum Ducem, & ego brevi Polonum Regem captivum tibi adducam. Fastidivit Tzar insanam vanissimi Thraſonis jactantiam, & effervescente ab indignatione bile, Tunc, fili meretricis, respondit, tantam artis militaris periciam tibi arrogas? Ecquando in Martis palæstra te exercitasti? Enumera, quæſo, præclara militiæ tuæ facinora, undè ab ijs spem concipere possimus, te promissa præstaturum. Abi delire senex in malam crucem. Et assurgens, impactâ prius in ejus genam sonori bombi alapâ, ejus barbam vellicando, siccine addidit, nequam homo, audes mihi nugis tuis illudere? Faceſſe hinc ocyus. Et hoc dicens calcibus impetum extra conclave abegit, pectusquè ostio ipse post eum obdidit. Hæc, quamvis acerba, serviliter pro dominatione Iliæ devorat, & struthionis stomacho concoquit, modò potentiam retineat, perquam carò auctionatam insatiabili avaritiæ suæ ingluviei longâ egestate accensæ novam semper escam subministrat. Et ramen capularis senex multo minori viatico indiget, ut ad fatalis itineris sui metam, quam ferè jam attingit, pervenire queat, & prole masculâ orbis ad solas filias hæreditatem suam (flumen nimirum ad mare) transmittere debebit. Sed ita comparata est corruptissima Moschovitarum natura. Avaritiam in pectore non pro hospite; sed pro aborigine habent, eamquè, tanquam ignem olim Vestales, subministrato continuè alimento non solummodo nutriunt; sed per ipsam alimoniam in dies augescere gaudent.

Alter gratiâ domini pollens numeratur Theodorus Michalowiecz Erri-

Ertſchew jam indè à puero Tzarei lecti ſtrator, ideoquè in omnia familiaria jura aſſuetus, nunc verò Ocolnicius, & Tzareæ Aulæ, quomodò & omnibus in univerſo Moſchovítico Dominio monetarijs officiis Præſectus. Ex hujus tamen muneris exercitio gravi apud aliquos invidia laborat, cùm auctor eudendæ æræ monetæ, quæ cum maximo omnium detrimento auream, & argenteam à commercijs penitus eliminavit, haud injuriâ credatur, undè novit DELLIS, quodnam eum à populo naturâ ſuâ ſeditioſo ſatum adhuc maneat. Interim Domini aurâ validus pericula ſpernit, & aſinam Moſchorum Indolem optimè noſcens eos ad onus ferendum verberibus pellit. Sed prudentiâ ſuâ, quâ vix quadragenarius plurimos inter ſenes excellit, ſuſtem ſat commodè adhuc abſcondit.

Poſt hunc meritò adnumerandus venit Ocolnicius Bogdanus Matheowicz Hicrow tertius ex Tzareis ad nobiliſcū conferendum deputatus, quem bello, domiquè probatum haud parvi facere Alexius pluribus in eum collatis favoribus oſtendit.

Nec prætereundus Dux Georgius Juanowicz Romodanowski Tzari à cubiculis, eumquè per aviam ſuam maternam tertio cognationis gradu attingens. Cùm hoc ingenij magis, quam judicij expediti vi aliquâ prædito ſerequè coſtaneo depoſito interdum Majeſtatis ſuperſcilio familiaris Alexius converſatur. Iſte autem hucusquè prudenter graruloſus non artemonem favoris vento expandit; ſed eum dolone modèſtè excipit, ut nequè in altum invidiæ pelagus ſeratur, undè in liam potentis anxium illidat, nec litorali neglectæ conditionis arenæ ſemper adhæreat. Munera verò, cùm pauper ſit, & paupertatem præcipuum malorum credat, avidiuſculè inſectatur.

Fuit, cùm Nicon Patriarcha Tzari acceptiſſimus apud eum omnipotens videretur; ſed ab ingruente aulci ſati vi dejectus jam à ſexennio in cœnobio Jeruſalem dicto, à ſe quadraginta ab urbe Moſchua verſtas, & trecentos tantum ab altero monialium condito paſſus abſconditus, abjectâ quidem reſurgendi ſpe; ſed generoſo erectus animo, jacet. De caſu ejus diverſi diverſa loquuntur. Veriſimilius adſcribitur nimis indulgentiæ, quâ genio ſuo novarum rerum cupido obſcundabat, undè Moſchoviam bello Polonico ab inſtigatione ſua implicitam Suecico inſuper præcipiti conſilio involverit. Et aperti Moſchue in exterminium Moſchoviticæ ignorantie Latinæ, & Græcæ linguæ Gymnaſijs, ſemotiſquè è templorum parietibus altari obverſis, quæ dependebant, ſacris particularium hominum imaginibus, ne ab adorantibus eas cernuo de more corpore indecorè illud poſthaberetur acriterquè utroquè ſexu increpito ob uſurpatas riru Turcico purificationis ergo frequentiſſimas lotiones, ſuſpicioſis Moſchovitarum animis, & præſcæ conſuetudinis tenacibus haud obſcura conceptæ in religionis dogmatibus innovationis indicia cumulaverit. Propter quæ omnia omnibus exoſus, & ad exilium communibus votis expetitus patrociniū nullum invenerit in favore Alexij, cujus animum ſenſim ab alienaverant factis in longum odijs uxor, & ſocer illi ob privatas cauſas inſenſi. Ab iſtis autem gratioſis ſuis reliquiſquè primariis miniſtris ita bonus Alexius obſidetur, ut aditus ad eum nemini pateat. Iſpi verò oppreſſorum clamores, Regni neceſſitates, ſiniſtros exercituum caſus vel omninò eum celent, vel larvâ ſuis intentionibus accommodâ perſonatos ei repræſentent.

De Theodoro Michalowitz Ertſchew

De Bogdano Matheowicz Hicrow.

De Duce Georgio Ivanowicz Romodanowski.

De Nicone Patriarcha.

Auli.

De Tzareis Aulæ re natalium illustratâ magnificentiam affectatæ Tzareæ dignitatis ostentat. Ejus aulam quotidie ante meridiem frequentare proceres omnes eum veneraturi tenentur. Ad eam incisor, qui abaco simul præfectus est, nobiles à cubiculis, pincernæ, dapiferi, reliquaque nobilium obligatorum turba, quasi formicæ ad granarium suum,

Et Tzareis mensa, concurrunt, muneri quisque suo satisfacturi. Mensæ solus Tzar accumbit multo epularum apparatu utens. Aquâ fermentatâ, ut plurimum, sicim fedat. Calicem tamen Hispanico plenum mero ad ito. machi solatium exhaurit. Uxor, & filius, quamvis decennis, tantò minùs sorores & filiz, nec apud eum discumbunt unquam, nec filiz ejus (quo venerationis plus insit) alieno conspectui obijciuntur. Inter milenos Aulæ ministros unum ægrè audies, qui alterutrum semel se vidisse veraciter profiteatur. Cùmque semel Tzarissa ægra decumberet, accersitum medicum dubiâ per obnubilatas sipario fenestras luce admitti in cubiculum voluit, ne oculis ejus usurparetur, arteriamque subtilissimo processum velo ei præbuit explorandam, ne nudo ejus contactu dextra sua temeraretur. Si aeris captandi gratiâ exire libeat, juxta anni tempestatem operâ rhedâ, aut trahâ abscondita vehitur. Putares quatuor à te triumphantes Camillos spectari, si adeò multijugis albis equis junctam illius Jovis, aut Solis æmulâ thensam videre daretur. Templo verò dum se infert, per ambulacra à palatio in illud usque undique clausa, ne sortè prophana per transcutium exauguretur aspectu, incedit, sphericâ feriatis diebus, aut simpliciter festivis obumbrante umbellâ à subsequenti nobili virgine supra ejus verticem ex supposito tereti ligneo fulcro suspensâ. At solennioribus, quando tempora coronâ cingit, oblongâ à quaternis elatâ, sub quâ mediis inter eam & præeuntes Tzareas forores ejus utriusque sexûs liberi ab altrice quisque suâ post alumni mortem monasterio dicatâ, donec justè adoleverint, portantur. Antecedunt eam semper aliquot ex nobili gynæceo virgines, quæ sole absente funalia præferunt, & cum ijs, si defunctorum manibus parentare in animo sit, vidua ex primoribus aliqua feralia ex melle, frumento, ficibus, & zacharo, kutiat nuncupata, argenteo inclusâ vasculo ad sepulchra exerto brachio ferens. Nec vidua Anna Theodori Michalowicz Tzareæ aulæ Præfecti soror, eodem & ipsa apud dominam, sub nomine tamen dapum, quas incidit, ministrans, munere fungens, ab ejus unquam sequela abest.

De Tzareis prom-
ptuarijs &
cellis vi-
narijs.

Promptuaria Tzareæ Aulæ omnibus, quæ Amalthea è sæcundato cornu suo ad mortalium lautitias effundere fingitur, refertissima: & vinariz cellæ non tantum Cretici, Hispanici, Gallici, Rhenani, & Altracani vini dolijs, sed etiam cervisiz, multigenique mulsi, & vini sublimati cadis cumulatim interpositâ æstivo tempore glacie aggestis semper repleti in rationibus dispensatoris Tzareorum redituum magni stant. Etenim non solum quotidiano numerosissimæ turbæ aulicæ alimento sufficere debent. Sed etiam frequentissimis procerum convivijs, qui Alexij facilitate abutenres eo infcio, nemineque hoc ad eum deferre audente, promi sibi assatim ad convivas suos salaribus prandijs excipiendos à promocondo, & cellarij custode petunt, imò potius pro imperio subeunt.

Reditus Magni Ducis Moschoviz non solum, quomodo cellariorum

terorum in Orbe Principum, constant ex peculiaribus Principatus prædijs, & fundis: ex agrorum decumis, & agricolarum censibus: ex portorijs, & vectigalibus: ex sale, & ferrifodinis: ex collectis, atque tributis; sed insuper ex cellis, in quibus Tzaris Hoduni invento ejus cervisia, medones, & crematum vinum ad publicum usum per ministros suos venalla sub gravissimo ceteris omnibus, ne talia vendere audeant, interdicto exponuntur. Quæ omnes latè extenso per cuncta totius Russiæ suæ oppida monopolio eidem soli lucrum ingens ex divenditis liquoribus quotannis important. Sed nequæ exiguum capit ex mercaturâ, quam per emissarios, & subministros emptionis, & venditionis inveterato apud Magnos Duces usu exercet. Prostant Moschuz in ejus gazophylacio vulgò venales pretiosæ omnis generis pelles, quas ei quotannis aquilonares provinciæ suæ definito singulæ numero; sed universæ ferè indefinito tributi nomine pendunt. Et in publico foro vendunt lanij bubulam, vervecinam, & suillam: propolæquæ mulierculæ poma, & nutes avellanas, & lineas telas, quas rationis Magni Ducis esse tam apertâ professione clamant, ut pertranscuntes, quasi hoc carmine fatilius pelliciendos, ad emendum Tzaris carnes, Tzaris poma, Tzaris telam invitent. In emendo verò maximâ præ alijs mercatoribus pretij vilitate gaudet, quisquis enim Moschum mercem importat, profiteri eas apud telonio præfectos ab iisdem æstimandas tenetur, neminiquæ indicare, donec Tzat declaraverit, utrum eas emere in animo habeat. Quod si velit, nullus admittitur licitator.

Si aliquid tamen exploratè de ejus redditibus asserere auderem, temeritatis notâ meritis inurerer. Nulla in orbe natio res suas tanto studio occultit, ac Moschovitica: nulla tam obnoxia suspicionibus vivit: nulla tam magnificè de suâ potentiâ, opibusquæ mentiri est assueta. Si itaque homo exterius Moschovitam de ijs interroget, is vel ex metâ ignoratione, vel ex affectatâ propter suspicionem, quòd Regni arcana explorare proditoria mente velis, vel ex inani jactantia aut penitus nihil, aut hyperbolicè de iisdem respondebit. Germani verò mercatores de Michaelis Archangeli fani porgorio, de Moschuz vectigali comperti aliquid dicere possunt, de ceteris redditibus nihil. Conijcere itaque de ijs magis, quàm certo assequi, licebit ex magnitudine expensarum, quibus sufficiens ejus ærarium numquam exhauritur.

Ætenim Immensis, quos innuimus, Aulæ suæ sumptibus addit Tzar non leve corollarium suppeditando omnibus pricazarum Diakis, sive ab actis magistrarum, eorumquæ à concipiendis epistolis, & amanuensibus: tribus artis medicæ, quos ferè numquam consultit, professoribus: pluribus, quorum praxis numquam periculum facit, spagiricis, & pharmacopolis: quamplurimis diversarum artium mechanicis, quos ex varijs Eutopæ regionibus accitis non parvo impendio in Moschoviam educi jussit: ac tredecim diversarum linguarum primarijs cum sexaginta secundarijs Idiotis Interpretibus annuam liberali manu mercedem.

In legatis autem externorum Principum excipiendis, & alendis, inque suis ad eos emittendis multum infumit. Frequentes enim legationes à Romanorum Imperatoribus: à Poloniæ, Angliæ, Daniæ, Succiæ, & Persarum Regibus: à Tartaris Præcopensibus, & Nagaiensibus:

De redditibus Magni Ducis.

Cellas omnes in cunctis ditionibus suis Tzar occupat.

Mercaturamque exercet.

De Tzaris sumptibus.

sibus: ac nonnunquam à Turcorum tyranno, nec non ab ipso Tzare ad hos ultrò citroque commeant, omnibusque Magnus Dux de vecturis, & alimentis per ditiones suas sufficienter (nisi commissariorum, & subministrorum rapacitas hospitalitatis liberalitatem per sexcentas concussiones in suum commodum interverteret) prospicit.

De stipendijs militibus in pedibus.

At vorago, quæ immani semper rictu hians omnes ferè ararum divitias absorbet, stipendia sunt militaria, quæ sive pacis, sive belli tempore æquè semper erogantur. Continuè enim quadraginta milia prætorianorum militum, quos Strelltzius Moschi appellant, Tzar sub signis habet, quorum partem tertiam pro corporis sui custodia, reliquis in limitaneis præsidijs dispersitis, quocunque proficisci juvat, circumducit. Eorum tribunis, & centurionibus pro stipendijs sunt redditus, quos ex bonis à Tzare quasi in temporaneam fiduciam ad usum assignatis percipiunt, supra quos liberalitate jam per longum usum ferè in debitum degenerante singulis annis vestibus, ac pecuniâ ab eo donantur. Singuli autem centuriones binos habent subdelegatos, quorum unusquisque quinquaginta militibus præest: decem decuriones: & viginti, quorum singuli quatuor gregarios mediato regunt imperio. Subcenturionibus numerat Tzar quotannis in singulos octo rublos, decurionibus septem, subdecurionibus sex, gregarijs autem militibus quinquè. Unicuique verò æqualiter (subcenturiones si excipias, quibus bini adduntur) viginti avenæ, & secalis modios insuper distribuit, quorum pretium infra octodecim rublos consistere solet. Cunctis etiam semel de panno pro singulis legionibus unicolore prospicit, ex quo ipsi emptis additamentis sibi togam conficiant, retradendam tamen vel à causarijs rude donatis, vel à mortui hæredibus vestiarj præfecto ad successorum usum, nisi fortè defuncti viduæ precibus eam Tzar largiatur. Ijs tamen, qui ad ejus custodiam, & præsertim in expeditionibus, pro tempore excubant, haud infrequenter panis, obsonij, & fermentati fontis congiaria præbentur: Imò & omnibus nonnunquam donativa, quorum unum trini viritim rubli in celebritate nati, dum Moschuz essem, ejus filij Theodori distributum fuisse scio.

Et in equites erogari solitis.

His pedibus addendi sunt equites, quorum tamen nunc per paucæ legiones Tzaris stipendia merent in provinciarum limitibus ad reprimendum improvisas turbulentorum vicinorum incursiones collocatæ, unicâ semper in statione apud eum per vices consistente. Unaquæque autem constare ex sua institutione deberet bis mille in undecim turmas distributis equitibus, quibus officarij juxta morem Germanorum, & exteri ferè omnes, nunc præponuntur. Menstruum autem adventilij tribuni stipendium, nisi expressa pacta consuetudini derogent, est rublorum quadraginta, vicedubium duode viginti, supremi vigiliarum præfecti sedecim, turmæ, præfecti tredecim, vicepræfecti octo, & signiferi septem. Ceteris verò minoribus officarijs, qui omnes Moschi sunt, persolvuntur æquè ac equitibus, annuatim in singulos rubli quinquaginta, supererogatis tamen, si contra hostem educantur, binis ad Viennensem mensuram vini distillati urnis, tribus farinæ triticæ modijs, unico frumenticiæ, quinquè lardi lateribus, & quater viginti piscium vento exsiccatorum pondo.

De alijs pedibus.

Si verò belli vel inferendi, vel sustinendi onus sibi incumbere præsen-

præsentat, pedites alios volones purgamenta utbium suarum ad tympani pulsuum nullo alio præter spem prædæ authoramento accurrentes congruo necessitati numero Tzar authorat, quos exotico vocabulo ad differentiam Strelitziorum soldados appellat, moreque nostro in legiones sub exteris ductoribus distribuit. Tribuno autem rublos triginta, vicetribuno quindecim, supremo vigiliarum præfecto quatuordecim, centurioni undecim, subcenturioni octo, & vexillifero quinque cum dimidio menstruatim persolvit. Gregario vero militi, & cuilibet ex inferioribus officiarijs æqualiter sex copicorum diarium subministrat.

Hæc stipendia tam exactâ promptitudine suo quoque tempore numerari consueverunt, ut, si primâ statim post elapsum mensem, vel annum die aliquis ex stipendiarijs coram xarrij militaris præfecto suum recepturus non comparuerit, ab hoc postea statim ei usque ad ædes habitationis suæ integrum transmittatur. Si quis ex ijs in acie fortiter pugnando ceciderit, uxori ejus, donec ad secunda vota transierit, & liberis, donec adoleverint, de honestis Tzar prospicit alimentis. Captos vero ab hoste lytro persoluto redimit, conjugibus eorum interea dimidiatum stipendium, reliquum ijs, cum postliminio reversi fuerint, persolvens.

Hinc factum, ut ex Germaniâ, Bataviâ, Angliâ, Scotiâ, alijsque regionibus quamplurimi Tzari militaturi Moschuam confluerint, ita ut anno 1662. præter binos militiæ legatos, binosque generales vigiliarum præfectos, super centum exterae nationis tribunorum nomina, plura vicetribunorum, plurima summorum vigiliarum præfectorum, & innumera ferè dixerim centurionum, & signiferorum, albo suo inscripta legere potuerit. Quibus omnibus, etiam pacis tempore, oïa numerare stipendia non gravatur, ut ingruente bello improvisò eos semper præsto habeat. Novi tamen inter eos quamplurimos, quos summè poeniteat defectis paternis lacibus, posthabitaque liberâ inter populares suos militiâ falsâ spe lucri labyrinthum intrasse. Etenim pactis, quibus quasi Ariadnæ filo confisi sibi post definitum à se militiæ tempus dimissionem caverunt, astutè Tzar illudit, largitione hunc, alterum prece, tertium promotione, imò, si libeat, relegatione in flexuosis inextricabilium callium mœandris detinendo, omnibusque eam indecoram viris militaribus prædicando, dum bellum ardet, vel timetur. Quo timore, cum vastum Moschorum imperium bellicosus, & quietis impatientibus populis ferè undique cinctum, ab eorumque invidia, atque odio circumfessum, numquam vacuum esse possit, miseri numquam dimittuntur. Sed & alia, & quidem gravissima, poenitudinis causa eos affligebat, quam accipe.

Moneta, quæ in Russiâ Moschoviticâ ab antiquo ad usum communem cuditur, nummus est argenteus oblongus, copicus vocatus, quorum quatuor cum sexaginta dalero Imperiali, ejus materiâ continent, æquilibrium faciunt. Altera est cuprea denga, quarum quatuor unius copichi pretium usuali æstimatione adæquant. Sed hæc in commercium non veniunt, & rarè admodum per forum olitorium plebis manibus teruntur. Terni copichi altinum, deni grivnam centeni verò rublum imaginariè constituunt. Merciorum autem occasione ab advenis mercatoribus in Moschoviam importantur argentei

Extranei
plurimi
Tzari militantes,

Et ferè
nunquam
dimittuntur,

De Ras-
sæ moneta,

quæ in æ-
ream de-
generavit.

gentei daleri Joachimici, & solidi aurei, quos in Germaniâ ducatos appellamus, & hi quidem centenis, illi quinquagenis copichis æstimantur. Quin imò haud rarò ante hæc contigisse percepi, ut aureum ad minutiores rei familiaris exigentias supplendas permutare volenti quatuor tantum supra decies novem, ægrè verò sex numerarentur. Cum autem necessarii ad incepta bella Polonicum, & Suecicum prosequenda sumptibus ærarium suum Alexius impar experiretur, persuaderi sibi facile passus fuit, ut æreos copichos feriri mandaret æquali cum argenteis æstimatione ab omnibus mutuo commercio accipiendos. Ex erogatis itaque ad coemendum cuprum centum & sexaginta copichis centenos ex eo rublos in monetarijs officinis suis culos sibi comparavit. Unde eadem expensâ, quâ prius uni, jam sexagenis, & supra stipendia persolvit. Nequæ ea per monetæ deteriorationem diminuta quisquam sensit, donec hæc promiscuè cum meliori finè ullâ æstimationis differentiâ ab omnibus inoffensè admittebatur. Attamen cum Aula hæc commoditate haud contenta, avida insuper aurum omne, & argentum ad se attrahendi homines subornaret, qui aureos, & argenteos nummos pro cupreis, quos eis subministrabat, maximo addito collybo commutarent, animadvertens populus, quòd illa monetam suam parvi faceret, minoris ipse fecit, ita ut unicum ducatum decem æreis rublis tandem redimeret. Hinc necessariò consecuta est mercatoribus merces suas, rusticisque fruges cum ceteris cibarijs decuplo supra consuetum cariores indicantibus, maxima rerum omnium difficultas, quæ stipendiariorum docuit, quàm curti familiæ necessitatibus facti essent illi copichi, qui quamvis argenteis tantò pretij intervallo inferiores, ipsis tamen haud majori, ac illi antea, numero erogabantur. Ideoque in ipsorum animos inauspicati sui in Moschoviam transitus penitentiam, sed feram, induxit.

Ufvenit omnibus Principibus, ut in pœnam protacti diù belli paupertate mulctentur. Alexius verò, dum bella gessit, ab ære mediante se redemit. Illud enim per omnes provincias suas latè spargendo ingentem auri argentique signati thesaurum per submissos homines coemptum congestit, quem reconditum nequæ extremæ necessitatis vis in lucem extrahere potis erit. Interea subditi omnes ad metallum, sed æreum, damnati non solum eo, quod in monetarijs domini sui officinis publicè percuntur, & per integrum lustrum, à quo cudi coeptum fuerat, ad ducenties centies mille rublos jam ascenderat, gravatur; sed alio insuper, quod ab exteris regionibus ingentis lucri gratiâ, ut fama fert, clam in Moschoviam invehitur, & ab ipsis Moschovitis ubicunque adulterino signo feritur. Solus Ilia Danilowicz rublos sexies vigesies mille ex eo sibi cudi curaverat. Et mense Decembri anno 1667. Moschuz quadringenti æreorum copiorum clandestini cutores in vinculis detinebantur. Cum autem rustici, imò & ipsi nobiles pagos & prædia sua inhabitantes usu à majoribus suis accepto pecullum suum in agris & sylvis sub terram defodere consueverint, si quando necessitate, aut curiositate exigente defossam æs effodere ipsis contigit, serè totum ab ætugine propter telluris humiditatem contractâ erosum, nullique amplius usui aptum cum gemitu invenerunt. Verebatur itaque semper, dum Moschuz à negocijs detineremur, ne populus, alioqui propensione sua ad seditiones

ditiones semper paratus, desperatione adactus tumultum aliquem, haud levi manu sedandum concitaret. Præsertim cum tantâ premeretur annonæ caritate, ut triticum bis septuplicato pretio emere deberet, ceteraque res cibaria & vestiaria impenso veniret. Unde aliqui jam in minas contra senatores prorumperent, quas pro tunc compescebat severa ab opulento mercatore de ijs prolatis convicto exacta per manus & linguæ abscissionem pœna.

Accedebat cædium belli à biennio tum parùm prosperi, per quod provinciæ colonis ad nova semper legionum supplementa exhauriebantur, & equestris ordo ob innumeros nobiles vel morte consumptos, vel captivitate maceratos, vel longis expeditionibus attritos rarefcebat. Caret enim Mofchovia alleviatione illâ, quâ plurima Regna gaudent, quæ conducto ad bella gerenda externo milite incolis suis parcent. Omnes Magni Ducis exercitus ex provinciis ejus constant, demptis, quos jam innuimus, peregrinis officariis, qui alienæ dominationi, & religioni sanguinem commodant.

Et hic meriti aliquis mirabitur, quòd Mofchovitica gens exteram superbâ morositate nausifacere assueta advenarum imperio obedire non detrectet. Vis hæc est exploratæ virtutis, quam in gentili suo haud invenit. Cum enim concives sibi invicem sint apprime notum, numquam alter alteri, quem scit æquè, ac se, imbellem, æquè expertum concedit. Adventitio verò militi, quia ab opinione strenuitatis commendatur, tanquam homini jussu supra se posito sine murmure paret.

Confueverant olim Magni Mofchoviæ Duces equitatum dumtaxat in hostes armare, nunc verò longè diversâ Alexius utitur militari ratione. Expertus enim, quòd plùs penès peditem roboris sit, peditatùs ex prætorianis, & collectis voluntariis bombardâ manuali, ense, vel acinace, & lunatâ securi armatis maximam manum in aciem educit. His addit longè minorem numero equitatum ex nobilibus ratione beneficiorum obligatis, & pauculis ex Regnis Casani, & Astracani Tartaris coactum, rotatis sclopis, & minoribus titulis, falcatisquè gladiis, inter quos aliquot ferreo thorace, & galeâ muniuntur, instructum. Nec defunt ei quamplurimi, Alexandri Macedonis dimicharum ad instar, amphibij generis milites defultorij equites dragoni apud nos vulgò appellati, qui serè omnes ex inferioris subfellij nobilibus Sinboiarski vocatis constant. Nec bellicorum tormentorum ingens apparatus, quorum tamen usus propter Mofchorum, qui libratores agunt, imperitiam haud magno hostes detrimento solet afficere. Dux unicus exercitui, quantumvis magno, præficitur, cui legati nulli adjunguntur; sed aliquot assident, consilium, non autem operam suam, ei probaturi. Ab ipso expeditionis initio disponit ille, quæ legiones dextrum, quæ lævum cornu, quæ primum, quæ postremum agmen constituent, & sic deinde numquam mutato ordine ad finem usquè proceditur.

Pedites in acie sub ductore strenuo statariâ pugnâ egregiè dimicant, dammodò carragine vallentur, aut portabili vallo suo ex transversis tigillis, ex quibus præacutæ fudes undiquaquè, lanceolæ verò acuminato veru munitæ in fronte prominent, compacto sepiantur, ita ut præfidenter hostem occurrentem excipere queant. Nam si tutum receptum haud videant, igaavè pavidè aufugiunt.

Δ α

Equi.

Tzar milites suos omnes gregarios ex provinciis suis conquirat.

Cur milites Mofchi exterris parere non recusent.

Quomodo exercitus suos Tzar constit.

Pedites Mofchi sunt strenui.

Non ita Equites verò numquam paria edunt militaris virtutis specimina, nobiles enim hoc nomine indigni adigi nequeunt, ut saltem semel in hostilia agmina scolorum explosione impressionem facere tentent: aut si ex ijs aliquot paulò audaces peregrinorum ductu eosquè procurrant, nisi hostem subito fugaverint, fugiunt, peditatu ab ejusdem arbitrio captivitatis, vel necis legem subituro turpiter deserto.

De exercitibus Ducis.

Exercitus nulli Duci, nisi Moscho, creduntur, in quibus eligendis non belli usu præstantia; sed præcipue claritas spectatur. Perinde ac si illustres avi ac parentes unà cum sanguine virtutem, fortitudinem, ac experientiam in filios & nepotes necessitatè transfunderent. Cùm itaque humana ingenia ita comparata sint, ut eò laborem, ac periculum impendant suum, undè emolumentum, atquè honorem sperent, hæcquè subtrahit spe studia eorum langueant, factum est, ut per hæc bella, si cuiuspiam Imperatorum alicujus momenti fortuna fuit; cùm tamen mens, & ratio non dominarentur, nullius aut prudentia, aut bellicarum artium scientia per sortia aliqua facinora enituerit. Etenim majorum gentium homines summum magistratum adepti, eo, quem sibi tanquam dignitati suæ debitum arrogant, perfuntoriè funguntur. Minorum verò à spe eundem adipiscendi exclusi, pars sufficere putant, si muneris quisquè suo faciant satis, & pars ob dolorem clausi virtuti suæ ad eum aditùs etiam infra debitum sustentandi incumbens sibi onus spontè torpent. Longè consultius Imperio suo provisum eunt Ottomanici Reges, qui duces ex virtute sumunt, eamquè, ac fortitudinem in quocumquè ex emicuerint, præmijs afficiunt, & ad suprema militiæ, & palatii munia extollunt. Habent quidem Moschi in exercitu haud paucos peregrinæ gentis Chiliarchas, sed cùm ij, paucis exceptis, ex inferioribus apud nos vix calcatis gradibus, dum in Moschoviam transeunt, intermedios alios ordinatæ militiæ repentino saltu transilientes, ad eminentem tribuni evadant, docere illos artem imperandi nequeunt, quam ipsi non didicerunt. Et illi ex innatâ superbiâ moneri ab istis dedignantes consilijs eorum interdum prudentibus haud auscultant, donec eò errantes devenerint, undè pedem ampliùs referre non licet. Tunc in extremâ perturbatione, & summâ rerum trepidatione serâ animi flexibilitate consilia ab iisdem haud amplius profutura exquirunt, & exercitus irremediabiliter pereuntis administrationem ijs ultrò metu consternati concedunt. Hinc toties ab hoste Moschicæ copiæ deletæ: Hinc strages à Gauanski frequenter perpeffixæ: Hinc Trubetzkoi in Severiâ ingens clades: Hinc Tzeremetew in ulteriori Volyniâ, totiusquè septuaginta millium exercitus ignominiosa captivitas: Hinc ipse Tzaris ante Rigam inconsultus conatus.

Moschi milites in campo aperto non adeò valent.

Perpendatur belli ab eo sive Lituanicæ, sive Livonicæ illati processus, & apparebit, Moschos aliquid præstisse viros, dum hinc à perduelle Cosacco jam fatigatus Polonus, & illinc Suecus potentia non suâ vi; sed rebellium, & patriæ proditorum nixâ, ideoquè fluxâ mutuis odijs se invicem distinentes ad propugnandas provincias suas nusquam comparerent. Sed statim ac pace inter eosdem coalitâ respirare Poloni potuerit, maximis Moschovitæ ab ijs affecti cladibus, quamvis per inhonorem cum Suecis præcipitatem pacificationem, hostis illius onus à dorso suo excussissent, huic soli tamen impares adeò

adeo fuere, ut his damnis reparandis, cum Moschoviz oppida exhausta jam volonibus essent, pluraque eorum cum ipsa Moschuâ pestis faviens hominibus ferè evacuasset, ad colonorum defectus recurrere necesse fuisset, quorum tot tamen desertis castris ad lares suos redabant, ut numquam iustus exercitus hosti opponi potuerit.

Libenter tamen huic veritati assentior, quod gens Moschovitica in arcibus, & oppidis propugnandis multa strenuitatis experimenta dederit, laboris enim, caloris, algoris, & inediz patientissima vitæ incommodis corpore, & animo ab ipsis Incunabulis occaluit. Cumque se muro septam videt, præsidenter pugnat: Verumtamen neque distiteri volo, aliquandò à me dubitatum, an eisdem constantia, & successu nostræ gentis, & artis oppugnationem sustineret.

Ut in arcibus, & oppidis inclusi.

Remora interim, quæ commissionis nostræ stiterat cursum, in dies pertinacior ad duodecimam usque lunam Moschuz nos immobiles affixit, ubi continuæ nostræ domi inclusionis tædia, & solitudo amaro nobis documento fuerunt, penè nihil apud Moschos inter pacis legatos, & belli ligatos, interesse. Quin imò penaciori illos carcere affligi omni literarum commercio intercepto. Petita sæpius Moschuz à nobis etiam scripto facultas ad nostrum Augustissimum Imperatorem scribendi fuit; sed numquam impetrata. Et si quæ literæ ad nos datæ ex Germaniâ afferrebantur, à tortore Almasio vim passæ creditum sibi secretum prius prodere cogebantur, & deinde ejusdem manibus translataz indignè peribant. Cumque semel Curlandiz Dux obvium huic fraudi fè facere credens literas ad nos ab Imperatore diligentiz suæ commendatas Præfecto Duneburgi à Moschis infessi Moschuam promovendas per expressum exactâ ab eo earumdem acceptarum scriptâ confessione transmississet, tantum non attigit, ad quem collimaverat, scopum, ut magis aberraverit. Nam à procuratâ tam diligenter certâ in manus nostras literarum traditione arcani aliquid in ijs contineri Moschi suspicati eas maximo curiositatis ardore violarunt, & silentio suppresserunt. Utque in posterum haud patcheret, cum Idibus Martijs anni 1662. in palatio cum deputatis conferremus, ultro hi nobis dixerunt, à Præfecto Duneburgi scriptum ad Magnum Ducem fuisse, quodd ipse in Novem: tunc proximè elapso Cæsareas ad nos directas literas à Curlandiz Duce accepisset, easque ob Lituanorum ex agro circumjacente prædas tunc agentium excursiones apud se ad Decembrem usque asservasset. Cumque easdem tunc per vias haud usitatas misisset, tabellio nihilominus in eorundem manus incidisset. Erat nobis indignissimi facti veritas perspicuè nota; sed cum eam in os deputatorum ingerere relatorem prodere fuisset, à tali hostimento abhorrentes, & ulterioribus notitijs viam intersepire nolentes injuriam tacendo devoravimus. Quod etiam repetere deinde Smolensciæ eadem nos jussit convenientia, quando literas à nobis ad Cæsareum in Polonia legatum exaratas, & Tzareo legato Duci Odojowski eidem transmittendas creditas ab eo Moschuam Magno Duci missas fuisse comperimus. Quod Odojowski occultum credens, & prævenire volens suspicionem, quam à notitiâ non traditæ à cursore legato Cæsareo epistolæ conceperit tandem eramus, eam à Cancellario Lituaniz Paczio cursori ablatam, ultro eâ narratione, dum Smolensciâ abiremus, nobiscum mentitus est. Tam accuratè fallax, & mendax esse satagebat.

Negatur à Moschis auctori ad Imperatorem rationem scribendi facultas.

Hujusque ad eum literæ interceptantur.

Ægrotaverat Moschuz Gollievius, conclamatumque apud Moschos

Liberatur
à captivi-
tate sua
Gosievius.

sfchos ex relatione medici eidem faventis de ejus vicâ fuerat ; quare verentes , ne mors eum gratuito sibi eriperet , anteveniendum rati , ne animam sine pretio efflaret , persuasos se facillè dederunt , ut quod dudum agebatur , sub promissione liberos juxta Regis oblationem impetrandi itatim , ac in Lituaniam venisset , quinque nominatim ex primoribus Moschorum apud Polonos captivorum eum dimitterent . Quem consequi excluso omni temporis intervallo debebat notus Nasciokinus , ultimam manum apud Regem tanquam Tzareus legatus impositurus ijs , quæ clam inter eundem Gosievium , & Tzareos miniitros Ducem Georgium Dolgoruki , Aulæquæ Præfectum Ertischew , inò & ipsum Tzarem , de pace , ejusquæ conditionibus , deque ejus filio in successorem Joannis Casimiri eligendo acta fuerant . Quasi obliti fuissent Moschi , aut penitus ignorarent , parem spem cecidisse icriticam , quando ipsorum Magnus Dux Joannes Basilides senior Joannem Hlebowicz captivum suum in libertatem emisit sub promissione ejusdem allaborandi , ut post Sigismundi Augusti obitum filius suus in Regem Poloniz eligeretur .

In Festo
Divi Alex-
xij die
Tzar Au-
thori epu-
lum præ-
beri jubet.
De Mo-
schorum
nominibus

Interim recurrente VI. Kalendas Aprilis memoriæ Divi Alexij Romani dicatâ die epulum nobis in nostro hospitio Tzar , qui eum auctorem nominis sui veneratur , more solenni præberi voluit . Consequenter enim Moschovitz diem nominis , quo quisquæ gaudet appellari , commensationibus & perpotatione totum comburere . Obnoxia autem superstitionibus gens nequæ in nominibus suâ caret . Etenim quomodo olim cerimoniarum arcana sanxerant , quominus nomen Romæ Latinum enunciaretur , undè tam graves Valcrius Soranus ejus evulgationis pœnas luere debuit , ita Moschorum plurimi non illo , quod cuiquæ in baptismo inditum fuit , nomine vocantur ; sed eo , quod alteri suppressio genitricis substituere verentes , ne eo publicato ad maleficia in perniciem appellati veneficæ abutantur . Sic Duces Georgius , & Petrus Dolgoruki germani , sic Cancellarius Almasius , non Georgius , non Petrus , non Almasius , sed Sawon , sed Cyrus , sed Jerofius in baptismo nuncupati fuere .

Processio
Moscho-
rum in die
palmarum

Sexto dehinc die memoria apud Moschos quammaximè celebris triumphalis humanati DEI in Regiam Judæorum urbem ingressus re-
colebatur . Processerat itaquæ de more extra Kremelinam arcem in vicinum templum , cui sanctæ cruci in Hierusalem titulus , antecedentibus post labara , & sacras imagines à clero prælatas Aulæ primoribus Alexius temporibus aurâ coronâ gemmis interstinctâ redimitis , binisquæ Palatinis proceribus ejus brachia utrinquæ sustentantibus innixus . In ejus sequelam nonnulli in candidis itolis iverant Pontifices galeris ex albâ Attalicâ telâ formatis , margaritisquæ à phrygione scitè ornatis capita procegentes . Indè exacto horæ quadrante ad locum , qui è conspectu portæ arcis formam dimidiati exhibens circuli à viculo inferiore per connexam sectorum lapidum seriem usquæ ad superiorem latissimi ante arcem pomerij superficiem æqualis affurgit , eodem ordine profectus fuerat . Ibi stando in ipsâ humilitatis affectatione superbè fastuosus subtratas pretiosissimas mustelarum Scythicarum exuvias calcans , accitis paulò post ad se uno eodemquæ tempore Dumni-Diako , sive Regni Cancellario Hilarione Lapoukino , & alio quodam gregario Diako , illum ad nos è tectò aliquantum è regione edico tanquam ex Orchestrà prospectantes de bonâ

bonâ valetudine suo nomine percontatum ablegavit: alteri verò simile munus erga Suecicos legatos (quibus præsentibus iusjurandum pro observantiâ concordatæ in Livoniâ inter se & eorum Regem pacis duabus antè septimanis per osculum, perquæ imagines testes interposuerat) è pegmate haud procul à nobis subitatio opere ad eum usum erecto tunc conspicientes explendum inunxit. Interea, postquam nescio quæ poporum grex murmurasset, à simulari foceri sui obsequio coronâ reverenter exutus legenti Archipopo memoriæ proditum à Matthæo in primo & vigesimo Evangelij sui capite Salvatoris asinæ insidentis in urbem Sion ingressum aurem præbuit devotè attentam. Lectione absolutâ crucem à Sarkienâ Metropolitâ exulantis tunc Patriarchæ vices obeunte ori admotam demissâ reverentiâ, ejusquæ deinde dextram ex usu ostentatæ ad perstringendum pietatis fulgore plebis animos erga sacros Antislites Christianæ humillationis deosculatus coronam denuò à focero vertici impositam assumpsit. Metropolitâ autem jumentum à duobus ex ministris Ecclesiasticis Christi discipulos representantibus ex castello adductum interim conscenderat, eiquæ fornicarum more infederat, cruce numquam è manibus depositâ. Frœni lora Tzar arripens pecudem in arcem cum sessore super pannum, quo procedenti via sensim sternebatur, lentâ gravitate deduxit, concinentibus sacris mystis, & reliquorum choro per ingeminatas antiphonas pluries repetitum Judæorum Hofanna, & prætorianis militibus per totum forum utrinquæ distributis frontibus solo applicatis mysteriorum humillimè venerantibus. Nec caruimus hæc die consuetis à Tzare lautijs.

Ad VIII. Kalendas Maij ducti in arcem ad conferendum cum deputatis fuimus, qui Tzareum hoc nostræ expeditionis decretum ex chartâ de more nobis legerunt. Proficisceremur secundum desiderium nostrum Smolensciam nostrî ibi munere functuri, suoquæ tempore ad Clementissimum Dominum nostrum per ditiones Polonicas redituri. Daturum nobis Tzarem lteras responsum suum quoad omnia à nobis proposita continentes. Et quia sacram Cæsaream Majestatem tanquam fratrem suum dilectissimum præ alijs omnibus vellet honorare, non se convivio, honore cum omnibus Cæsareis legatis in eorumdem dimissione consuequæ vulgato, nos adhibiturum; sed peculiari favore nemini antea unquam exhibito profecuturum ad familiarem conversationem in ipsâ habitationis suæ penitiora conclavia illâ ipsâ hocâ nos admittendo.

Ascendimus itaque in superiorem palatij contignationem ad Tzarem per scalas & ambulacra ab utrinquæ stantium nitidè armorum, spissâ serie custodita & continuo peristromate undequaquæ tam diligenter operata, ut nec pavimenti, nec parietum, nec fornices, aut laquearj pars minima nuda conspiceretur. Ipse in secundo habitatio- nis suæ satis spatioso & lapideo fornice victo conclavi à quamplurimis accensis cereis illuminato, ac aulæis Belgicis, Persicisquæ tapetij circumquaquæ vestito superbissimæ sellæ in angulo apud fenestram de more collocatæ gentili tectus pilcolo margaritis gemmisquæ rigente, ac eburneum scipionem preciosissimæ magnitudinis adamantibus orna- ta dextrâ tenens insidebat, sedentibus ab ejus sinistro latere super scamnis ex proceribus haud paucis.

Postquam cum reveriti essemus, & nos super scamnum è conspe- cta suo propè alteram fenestram parieti adhærens considerare jussisset,

B b

dequæ

Delect.
tur Author
ad conse-
rentiam
cum Tza-
reis depu-
tatis, à
quibus ex-
peditionis
suæ decre-
tum audit.

Excipitur
cum Col-
lega à
Tzare ad
familiâr
conversa-
tionem.

dequē salutē nostrā à stante apud nos Cancellario Lapoukin interrogari curasset, è sede exurgens, & super scabello eidem gradus ad instar affixo stans depositis pileolo, & baculo, acceptaque à porrigente pincernā maximā chrystallinā paterā multo liquore impletā propinavit mihi salutē Sacre Cæsareæ Majestatis sui amantissimi fratris addito voto in hæc verba, DEUS concedat, ut nos Magni Domini de inimicis nostris triumphare possimus, quam terno haultu exsiccavit. Tum resumpto pileo resedit, mihiquē maximum inautati argenti scyphum meto plenum manu suā porrexit, idemquē mox erga collegam meum fecit. Imò & erga tres ex nostris familiaribus, quos veniā datā nobiscum introduxeramus. His ex haultis quinque insuper unum post aliud pocula diversorum liquorum, ipse tamen haud ampliùs bibens nobis haurienda eodem ordine & modo dedit. Quæ omnia ordinatim pro ejus incolumitate, filij primogeniti, junioris, totius ejusdem familiæ, & pro felici bonæ pacis successu successivè ebibimus. Hoc postremum ille audiens votum dixit, hoc foret magnum opus. His expletis abivimus cum hæc observatione, quòd pocillatores, qui scyphos nobis à Tzare tradendos in conclave inferebant, tectò semper capite intrarent, & adstarent, etiam dum illos ei porrigerent, quamvis magnates omnes detecti federent. Cùm autem pocula ab ebibentibus expectarent, caput aperirent, illisque resumptis hoc denuò ad abitum operirent.

Admit-
tantur au-
thor, &
Collega à
Tzare pro
ultimā ex-
peditione.
eisd; epu-
lum præ-
betur.

Et dein-
de donaria
mittitur.

Postero die ad publicam admissionem in eundem locum, & cum iisdem formis in secundā nobiscum usitatis introducti coram Alexio fuimus. Postquam Cancellarius apud nos stans decretum expeditionis nostræ legisset, exurgens ille è folio injunxit nobis, ut venientes ad Sacram Cæsaream Majestatem fratrem suum charissimum Eam nomine suo peramanter salutaremus. Liceras postmodum ad eundem suas nobis consignavit, & ad osculum dextræ admissos dimisit. Eodemquē die in nostris ædibus epulum nobis cum solenni in omnibus apparatu præbicum ejus mandato fuit.

Quatriduo post quadringentis me varij pretij spolijs zebellinis, & collegam meum ter octuaginta in munerum à nobis ei oblatorum pensionem, additis insuper mihi quatuor, & collegæ duobus in considerationem nuperæ nostræ familiaris computationis donavit. Cum quibus ducenta etiam inter domesticos nostros distribuenda similiter transmisit.

Discedunt
Moschuà
De Mos-
isco.

Pridiè nonas Maij Moschuà discedentes, octavo Idus septuaginta versis emensis Mosaiscum venimus. Oppidum est ligneum sub firmā lapideæ arcis protectione à Demetrio Ivanowicz Magno Moschorum Duce Andreæ filio olim attributum; sed haud longo post tempore ejus nepoti Joanni ab alio Joanne Basilij cæci filio Moschorum Monarchâ ereptum, & ab ejus nato Basilio ob diversicolorum leporum venationem frequentatum, sesquimensis olim spatio ab Uladislao Rege, & magno illo Chodkievicio frustra oppugnatum. Regitur à Palatino suo Moschovix provincix membro.

Et Wief-
ma.

Ad quintum Idus ejusdem Maij post centum, & triginta continuæ sylvæ, quam unicus dumtaxat pagus Tzarowe Zamiesce à solitudine vindicat, versas Wiefnam intravimus. Oppidum ædificijs in collibus leniter editis pagatim dissipatis constans ligneum est. Castrum habet sex lateritijs munitum turribus, quatum tamen in-
terca-

tercapedines vicinum dedit nemus. Subest eidem cum Mosaisco sub peculiari Palatino suo provinciae; cum tamen olim suos habuisset Duces. Etenim anno 1435. Michael Leonis filius Wiefmæ Dux pugnans pro Boleslao Swidrigelone contra Sigismundum Magnum Lituanæ Ducem ab hujus filio Michaelæ captus ab illo interficitur.

Alterâ die quintodecimus à Wiefmâ lapis binos nobis in conspectum cippos, sive terræ tumulos dedit, Moschos inter & Lituanos ab Uladisla IV. Poloniæ Rege apud rivum Polanowka per pacem cum Michaelæ Fedorowicz Russorum Magno Duce anno 1634. in pago Diwilinâ sancitam erectos utrinque terminos. At sequenti in pagum Blogowestine venimus, ibique pernoctavimus.

Hic fluvium Dnieperum, à priscis Geographis Borysthenem dictum, primum vidimus. Fons ejus juxta pagum Dnyepersko in sylva Volkonskia quinquaginta à Volgæ origine veritas distat. Ex eo lento passu procedens Wiefmâ non adeo procul præterfluit, dum que oppida, & urbes Drohobusum, Smolensciam, Dubrownam, Orszam, Kopisum, Szkloviam, Mohiloviam, Brakalaboviam, Bichoviamque in alvei fundo magis, quam in superficie rapidus præterlabitur, fluentia Choranum, Mzeriam, Orzankam, & Baranum in se recipit. Sed rursus reflexu cursu Rogoczoviam, Rezeczicam, Cholmieziam, Loïowagoram, Lubeczam, Nawosiam, Kyoviam, Trethymiroviam à Stephano Rege Cosacis attributam, Kaniowiam, Circassios, ac post catadupas, ubi per rupium & saxorum gradatim prærupta delabitur, Kudacum à Konietzpołskio anno 1637. conditum, Simimaiokum, juxtaque Rogutkiermen, Teginkam, & è regione Tartarorum Ostankirmen, Turcorumque Oczakoviam, olim Olbiopolim, & Miletopolim stringit, tanto ab admittis per hoc decursus sui spatium annibus Druco, Bobofrâ, Berezinâ, Wio-dracyâ, Sosziâ, Brahino, Pripetio, Repino, Dziefnâ, Stuhâ, Iczycâ, Trubiece, Rosso, Supoio, Sulâ, Horolo, Plezolo, Worstlo, Tazmino, Orelo, Samarâ, Konskawodâ, priscis Panticape, Ingulecn, & in ipsis suis faucibus Bugo, vel Hyppani aquarum incremento, ut post mille millenos ab ortu suo passus per sinum Carcinium latissimo ostio in Pontum Euxinum illabendo aliud in mare majus haud minus mare effundere videatur. Et effunderet etiam distribuendas in adjacentes Ponto provincias, inque Thraciam, & Græciam liberali commercio Russicas opes, nisi Tartarorum latrocinia, & nocentior latronibus Turcus mercatoribus abstinendi ab illâ viâ necessitatem imposuissent. Verumtamen, quia alpinis, & Scythicis mustelis carere nec Græcus luxus, nec Turcica superbia volunt, per Thraciam, Moesiam inferiorem, Bessarabiam, Romanorum sub Flacco coloniam, Podoliam, & Borysthenis accolæ Circassios Græcos mercatores in Moschoviam cum pyropis, saphyris, & caprinis ex Ancyrâ pannis cymatilibus, seu undulatis emittunt, ut inde vel permutatione, vel pecuniâ utriusque arbitrariam æstimationem adimplente pro inductis mercibus cupitas pelles educant.

Prædie Idus Maij Drohobusum in ditione Smolenscensi æquali inter Wiefmam, & Smolensciam nonaginta veritarum distantia per montis declive ad lævam Borysthenis ripam decurrens oppidum cum castro asserum palorumque lorica permunito, olim Jeremix Jaroslai primi Tuvetiz Magni Ducis ex filio Michaelæ per nepotem Constanti-

Borysthe-
nis descri-
ptio.

Drohobus-
sum.

stantinum pronepotis ejusque descendendum hæreditariam portionem, inveci sumus, & ad XIV. Kal. Junij per vias semper negligentissime munitas, ac propter discontinuos truncos curribus asperas Smolensciam in Albâ Russiâ pervenimus.

Smolen-
scia.

Dividebatur olim Smolenscia in urbem, & arcem, quas sublicio ponte à Hieronymo Ciechanowicz Judice suo terrestri junctas perstruxit Borysthenes. Nunc urbe totâ, quæ octonis millibus ædium constabat, & anno 1609. dum à Sigismundo III. invaderetur, ab ipsismet incolis incensa fuit, deletâ arx sola stat, quæ à supinis vallibus ad colles per ardua, & prærupta declivia montis, ubi Magni Alexandri aras olim stetit Vapovius tradit, assurgens lævæ Borysthenis ripæ imminet. Circumdatur muro duodenis geometricis pedibus crasso, qui à terrâ è scælo lapide ter septem, ac insuper duodeviginta ex lateribus dominantibus Magno Duce Theodoro Ivanowicz, ejusque successore Borisso Hoduno constructus exurgit, à duodequadraginta turribus spatio passuum ter mille justo intervallo dispositis protectus. Vallo tamen nullo, fossâ nullâ ejus aditu hostis arceatur. Agger duntaxat; sed non continuus, in pomærio interiori, ut propugnatoribus à dirutis machinarum, aut cuniculorum violentiâ moribus per oppugnantium impressionem summotis refugium ad novam defensionem præbeat, cit excitatus. Intra hunc ambitum, rarè admodum sunt domus magnas singulæ arcas comprehendentes, & quamplurimæ haud modicos hortos, quare infrequenter habitatur. Habuit institutum à Rege Poloniæ Sigismundo III. & ab Urbano VIII. Pontifice sub ejusdem filio Uladislaw IV. confirmatum, orthodoxæ Latinæ fidei Episcopum, & Græcæ cum Ecclesiâ Romanâ communicantem Archiepiscopum, quibus ejusdem Russici schismatis Archipræfulem Alexius suffecit. Præter autem Abbatiam & coenobium sanctimonialium ordinis Sancti Basilij Magni sub Romanæ Ecclesiæ subjectione habuit etiam Collegium Societatis JESU, Conventusque ordinis prædicatorum, & Ordinis Minorum de observantiâ à Sigismundo III. fundatos. Plurimi enim ibi fuere Romanæ religioni additi, quorum partem haud minimam contra fidem transactionis in traditione arcis utrinque stipulatæ seu minis terrores, seu promissis oneratos, seu apertâ vi præhenso iterato baptismo sacra profecti sua consilio, & operâ Alberti Golimontij DÊI, & patris proditoris Moschovitæ coegerunt. Reliquos, qui ab inconcussâ constantissimæ Catholicæ religionis petrâ nullo actu, nullâ vi deturbari potuerunt, templis, sacerdotibus, & sacramentis carere jusserunt, sperantes, quod tandem misceretur oves pastoribus destituta extracaulam sanctuarij sui, quod in prytænum conversum vident, errare adactæ ad luporum lustra divertere debeant. Quas omnes injurias à quodlibet alio sub quibuscumque pactis deditio oppido neutiquam abstulerunt. Turcorum tyrannus omnes quidem religiones infra Mahometanam suam habet, Romanæ tamen æquæ, ac Græcæ hominibus sacrorum suorum publicum concedit exercitium. Peram, seu Galatam, Genuensium quondam coloniam à Constantini urbe angusto Bosphori Thracij emissario sinu canali nuncupato discretam binis ante seculis à Mahomete subactam, præteritis alijs quam plurimis sub Ottomanico dominatu eadem libertate frucentibus, unicum, hujus veritatis testem produco. Ibi, qui sanctissimorum Patriarcharum

Catholici
contra pa-
ctâ ad Mo-
schovita
sacra tran-
sire co-
guntur.

TurciGa-
lathæ Ca-
tholicos
tolerant.

rum

rum Ignatii, Dominici, & Francisci sive laxiori sive strictiori observantia instituta sectantur, palam & publice patentibus templorum foribus concurrentibus quotidie catholicis sine ulla interpellatione Divina peragunt solenniter officia. At Moschovitz vix oppidum aut urbem aliquam patefactis à credulorum civium deditione portis ingrediantur, cum pacta quaecumque, & qualicumque roborata jurejurando fusque deque habentes exemplò quicquid catholicam fidero spirat, extinguunt. Viderint itaque Catholici illi, qui Russis contra Catholicos stipendia faciunt, quomodo tam improbe militie rationem Divino sine Judici reddiduri. Nequaquam enim futile illud quorundam admittetur subterfugium, quod per talia bella de regione, non religione primario certetur, cetera autem mala secundario, & præter intentionem eveniant, ideoque ipsi in ijs culpa vacent. Erudiri etenim à confirmata pluribus rempestatibus experientia poterunt, quod mala illa connexitate adeò inseparabili primarie intentioni in Moschovitice bellis consequantur, ut quocumque infesta signa Marte propicio Molchi inferant, & illa simul semper continuè importent. Interea, dum illis DEUS meliorem dabit mentem, laudanda erit ejus erga pusillum gregem suum Catholicum bonitas, quandoquidem Moschorum intellectum per ipsius felicitatis caliginosum, splendorem adeò occæcat, ut non videant, transitum à summâ libertate ad summam servitutem nullo interjecto medio sine maximâ violentiâ fieri minime posse, violentiæ autem diurnitatem numquam aptari. Tyrannis abijs in Lituanos exercita horum animos ita abalienavit, fideque dimovit, ut tanto eos odio ex provincijs suis ejecerint, quanto in eas favore admiserant.

At Moschovitz nullibi,

Consultatur Catholicis, ne Moschovitz contra Catholicos militem.

Patientia interim miseræ Moschovitice plebis vilitatem æreæ monetæ in summâ annonæ caritate sufficere sibi ad tolerandam inopiam suam minime posse amaro experimento comperiens in furorem versa insanam Moschus concitavit seditionem, quæ, uti fieri assuet in omnibus duce carentibus, auctoribus suis exitio fuit. Pridie Nonas Augusti anni 1662. ex duodeviginti ultimæ sæcæ millibus conjuratis pars dimidia solis cultris armati Alexium sexto ab urbe lapide ruri agentem adierunt, & juxta morem vulgi nobilitati, & potentie semper infensi prolatis innumeris contra ejus focerum Iliam Danilowicz Miloslawski avunculum Simonem Lukianowicz Streschnew, Aulæ Præfectum Fedorom Mihalowicz Ertischew, Bogdanum Mattheowicz Hitrow, & Joannem Andrewicz Miloslawski querelis superbarum aurium, contumeliosi oris, concussionis, peculatus, & prodicionis eos ad mortem depoposcerunt. Alexius pridie ejus diei de hæc conspiratione secretò præmonitus confiderans, nascentia mala facile opprimi posse, & boni medici ad instar vitiosas partes sanare malens, quàm rescare, paraverat mellea verba, ut infantium amaritudinem educaret, iramque emolliret. At, si incipiens adhuc, & nondum adulta seditio melioribus consilijs non flecteretur, ne, dum malum inveterascit, robustius fieret, etiam vindeæ ferrum acuerat, ut radicibus illud præcideret perennaces in sua contumacia puniendo. Respondit itaque illis, inique flagitari, ut accusari accusatorum iræ ad exitium dederentur. Esse se omnium Dominum: Inquisitum in reos, & in criminis compertos sine ulla personarum discretione pro modo culpæ severe animadversurum. Uxo-

Moschenis plebis propter monetam seditio.

remque suam, & filium præsentem hujus suæ promissionis Ijs obtulit vades. Illi verò ex his verbis formidinem in Alexio arguentes, ideoquæ majoribus animis insolescentes, nequæ contumeliosis in Tzarissam verbis abstinere. Excanduit irâ Alexius, & ad prætorianos, aulicosquæ suos conversus, liberate me ab his canibus, inquit. Confestimquæ illi in seditiosos irruentes serè omnes trucidarunt. Non periere tamen omninò inulti, cùm prætorianorum haud paucos cultris per desperatam audaciam in pectus adaçtis sibi in ioferias immolaverint. Ter mille, qui in subsidium suorum ex composito armati successerant, cùm cæcos eos suâ spe citiùs invenissent, ad tutiora consilia conversi projectis armis ante Tzarem prostrati mortem, quam promeriti essent, deprecati, ut in Sibiriam relegarentur, à placatâ jam per aliorum poenam Alexij irâ obtinuerunt. Moschuz deindè in foris, & compitis erecta patibula quingentos ex ijs, qui ibidem ad ditionum diripiendas domos remanserant, exceperunt.

Quæ gra-
viter puni-
tur.

Discedunt
author &
Collega
Smolens-
cia.

Tandem ad octavum Nonas Septembris abire decrevimus, & abnuentibus Moschis vehicula nobis concedere propter metum, ne à Lituanis retinerentur, naves conscendimus. Prono itaque Borysthenis Dubrownam, oppidum Palatinatûs olim Micislavienlis, nunc verò Vitepscentis octuaginta à Smolensciâ passuum millia in utraqûe fluvij ripâ multâ ædium frequentiâ olim assurgens, nunc per bellum Moschoviticum cum magnâ Domini sui Georgij Caroli Hlebowicz à Montivido filio Gedimini Magni Lituaniz Ducis ultimi virilis sexûs descendens rei familiaris jacturâ miserè vastatum, priùs præterveçti fuimus. Orizam deindè Palatinatûs Vitepscentis vigineti mille indè passus, quâ Orszanka amnis Borysthenem subit, & è regione utriquæ pariter fluminis orâ incumbens oppidum pridè Idus Septembris appulimus.

Autho-
ris cubicu-
larius in
Borysthe-
ne submer-
gitur.

Adhuc tamen leucâ indè aberamus, cùm tristissimum oculis meis se obtulit spectaculum. Adolescens, quem haud ita pridem ex ephæbis emancipatum sub liberiori ad cubiculum disciplinâ admiseram, videns cymbulam ex cavâ arbore secus navim meam à remige actam, desiderium concepit, in eam se conferendi, ut per Borysthenem. huc illuc animi gratiâ vagare posset. Et, ut erat mente subitaneis obnoxia impetibus, illicò evocato remige in eam è prorâ meâ profiliit. Studebant consocij ejus mei familiares sanis monitis revocare evidentè periclitantem; sed miser, quem fata premebant instantia, stultè deridebat prudenter monentes. Cùm, ecce, vertitur cymbula, & infelicem cum remige in flumen effundit. Apprehendit uterquæ naturâ dictante infidum ligoum spurantes salutem à periculi sui causâ. Cùm autem uterquæ in illud ascendere contenderent, ter verum eos toties excussit. Interea infelicis adolescentis vestes, quibus juxta prævalentem apud juvenculos Gallicum morem & colligatis, & succinctis erat indutus, aquâ opplere pondere suo deorsum secum miserum detraxerunt à nemine unquam amplius visum. Remex, qui vix indusio, & feminalibus aliquatenus tectus faciliùs ab undis sustentabatur, cymbulam ab altero jam liberam solus arripiens, eamquæ pro libitu versans, brevi nisu in eâ ita se aptavit, ut extensus exerto tantum capite extra aquam, quâ inundabatur, à secundo fluminis cursu deferri se sineret, donec ab alijs nostris supervenientibus navibus susciperetur.

Stræ

Seratum erat ad Orszam flumen ligneo humilibus navibus in-
nixo ponte solis piscatorijs cymbulis pervio, cujus præfectus obvis
nobis appellentibus eques factus intentâ in navigia nostra clavâ unita-
bundus inhibuit, ne exscenderemus.

Ad Ors-
zam pro-
hibetur
author ex-
scensu.

Cùm tamen iste sit locus, per quem ex Ducatu Smolenscensi in
Lituaniam proficiscentes relictis navibus terrâ iter per Odrusios Va-
povij campos arripere consueverunt, misso Alexandro Woiski Bicho-
vie Clericorum Regularium Divi Augustini Præposito, quem à capti-
vitate Moschovitica nostrâ intercessione liberatum ad suos reduccha-
mus, petimus à Vicepræfecto Kozariski, ut equos, & vehicula ad
iter terrâ prosequendum nobis ibi conducere liceret. Quodd rotundè
negavit. Nequè ante crastini meridiem exotari potuit, ut saltem transi-
tum navibus nostris ultetiùs descensutis patefacto ponte concederet.

Kopisum eâ die sole occidente venimus, oppidum ligneum.
Palatinatûs Micislaviensis ligneo septo turribus munito vallatum, li-
gneâquè arce in edito colle mediâ protectum quindecim ab Orszâ pas-
suum millibus in levâ flumino ripâ ædificatum, & ad Principem Bog-
gislaum Radivilum spectans.

Itaque
præterve-
nitur.

Postero bis decem millibus emensis Zkloviam venimus, nobile
Palatinatûs Polocensis in dextrâ fluminis ripâ oppidum, ligneum &
ipsum probequè munitum cum toto suo comitatu post obitum Alex-
andri Chodkievitij ejus ex filiâ nepotem Sieniaviu Dominum agno-
scens. Quamvis autem hic Præfectum Andream Dzierzanowski lon-
gè humaniorem experti fuimus; transitum tamen terrâ à timente,
ne sibi Polono à Lituanis vitio verteretur, quod contra Orszanum
exemplum nos admisisset, impetrare haud valuimus.

Sed ne-
què Zklo-
vie ex-
scensus
concedi-
tur.

Descendimus itaque, Bichoviam priùs arcem ligneam lævæ Bo-
rysthenis ripæ in Palatinatu Polocensi adjacentem prætervecti, cursu
viginti millium Mohiloviam Vitepscensis Palatinatus urbem; sed libere
Regiam, tot ostia pulsaturi, donec unum nobis patuisset. Hic, post-
quam biduo ripæ hæsissemus, urbis senatus hospitio nos ulterius
prohibere erubuit. Introsusceptis itaque quâ, & quò liberet, proficisci
petimist.

At bene
Mohilo-
viam.

Nomen Mohilowi, quo sepultura stirpis alicujus significatur, diù
in editâ Borysthenis dextrâ ripâ raucæ admodum sânx fuit. At Albæ
Russiæ mercatores opportunitate loci allecti eò commigrantes fixis de-
indè domicilijs frequentes ad eò centum ab hinc retrò annis eum in-
coluerunt, ut ampli eadem formam fecerint emporij per universas Rus-
sias celeberrimi. Christianam fidem Græco ritu schismaticè profite-
tur, licet bina catholici Romani templa habuerit: parochiale nimi-
rùm à Moschis dirutum, cui nunc parochi sui canonici Michaëlis Ob-
rinski curâ sacellum, dum meliora succedant tempora, vidimus sub-
stitutum: aliudquè Carmelitarum ab ipsè Moschovitis omnino evet-
sum, ejus situs ab unico ejusdem ordinis sacerdote nunc insidetur,
ne ejus possessio, quasi animo derelicta, civiliter amittatur. Patres So-
cietatis JESU collegium hic nullum unquam habuerunt, & Alexander
Gosievius suum illis Vitepsciæ, non, ut Plascius erroneè scribit, Mo-
hilovix, exstruxit. Anno 1654. ad XVI. Kalendas Septembris cum
octo mille extra & intra ambitum suum vallo propugnaculis, & fossâ
egregiè munitum, tormentisque instructum ædes numeraret, irruenti
in Lituaniam conjuncto Cossacis Zaporovianis Magno Moschorum Duci

De Mo-
hilovia.

Alexio

Alexio legitimum Dominum suum Poloniæ Regem à fortunâ tunc desertum deferens spontaneâ deditione se tradidit, sperans sortem sub protectione gentis eadem sacra colentis meliorem. Frustrata deinde spe suâ infeliciter didicit, subditis usul non esse dominorum mutationes. Cùm igitur à Moschis per bonam fortunam dementatis pessumdatam, diminutam, & in deterius lapsum se diù luxisset, deteris desperationis manu inutilibus lachrymis vindices spiritus assumens ad III. Idus Februarij anni 1661. conjuratione factâ circa nonam matutinam ad æris campani pulsus nongentos & sexaginta præfidiarios Moschos, dum centum & quinquaginta per tumultum elabebantur, trucidavit, sequè in libertatem vindicavit. Nunc duplici proditione superba recuperata suæ civitatis jura tantâ impotentia tuetur, ut, quamvis catholici suam etiam Senatûs partem obtineant, Regem suum vix in superiorem dignetur agnoscere, præsidium certè ejus recuset, solis civibus suis, qui quatuor millium ad arma ferenda idoneorum, numerum etiamnum explent, moenium portarumque custodiam concedens. Ceterum gens rudis, fallax, & à Moschorum moribus (si immodicam libertatis suæ curam dempleris) sicut ceteri Russi, parum abhorrens. Oeconomia est hic mensæ Regiæ quotannis pacis tempore centum millia thalerorum subministrare solita, cujus utilissimam administrationem Rex Gosiëvio postliminio redeunti concesserat.

Discedunt
author &
Collega
Mohilovi-
viâ.

Ex pagis huic œconomix subditis jumenta & plostella, quæ nos & impedimenta nostra Vilnam usquè veherent, impensò precio conduximus.

De Bori-
soviâ.

Ad V. Kalendas Octobris nobis Mohiloviâ discedentibus, & ad Pontum Axenum magis nobis axenum & inhospitale Borysthenem. decurrentem relinquētibz ad VI. Nonas ejusdem Borisovia Palatinatus Minscensis à conditore suo Polociæ Duce Ginvilonis Novogrodekî Ducis filio nomen sortita, passusquè sexies viginti mille à Mohiloviâ discreta se in conspectum dedit. Binis constat arcibus ad lævam Berezina ripam, cujus undæ à confluyente Schâ adjutæ eas interfliunt & circumdant. Nulla in ipsæ ædes præter miseram Præfecti habitationem cum Sacello Græcis sacris destinata. Moschi eas anno 1655. mense Julio vi expugnarunt, & eodem mense; sed post septennium, per lentam obsidionem fame macerati eas Lituanis reddere debuerunt. Oppidum tamen, quod ipsæ adiacebat, totum deletum est. Hic ante sublicium pontem, quo paludosus Scha superatur, moram sitis longam trahere debulimus, priusquàm Præfecto persuaderemus, ut per eum ad marginem Berezinae fluvij, quem aliqui priscorum esse Borysthenem argumentis parum stringentibus ducti suspicantur, nos transire permitteret.

Fluvius
Berezina.

Ibi pernoctantes fluvium postremo die lintre trafecimus. Ortum is suum haud longè à pago Doxice Borissoviensis districtus ducens, ingentem prius paludem secans, parvumquè in eâ hauriens rivum. Borisoviam alluit. Receptis inde fluentis Bobro, Swisloczâ, Wolcznâ, Bobriciâ, Predwinâ, Uszâ, Olhâ, Zerdzia, & Swieco Howolium. præterfluens inter Striesnam & Rzeczicam Borysthenem influit.

De Oppi-
do Minsco

Tertio Nonas Octobris septuaginta nemorosæ solitudinis passuum millibus emensis Minscum Palatinatûs sui metropolim, urbem collibus imposam & fluento imminenti supremo totius Lituanix tribunali post

post Vilnam cum Novogrodeko alternando singulis triennijs decoratam venimus, & desolationem ei à Moschis illatam trifidibus oculis hausimus. Basiliani uniti, Dominicani, Bernardini, Sanctimoniales diruta claustra sua & templa suffragantibus piorum largitionibus ibi jam reparare occurrerant. Et Patres Societatis JESU ad jacienda Collegij ibidem instituendi fundamenta se instruebant.

Ad tertium Idus Octobris decies & sexagesies mille passus vecti multis per laboriosum hoc iter incommodis affecti sæpius in sylvis & solitudinibus per Moschoviticam vastationem factis sub dio aeris & latronum injurijs opportuni pernoctantes invisi ubicumque & despecti Vilnam, vel Vilnæ potiùs bustum, attigimus.

Degebant ibi tunc plurimi ex Magni Ducatus Lituanie proceribus, & præsertim ij, quibus commissum à Rege, & Republica fuerat, ut sub directione ducis campestris Gosiëvij exercitum, qui ob notas Orbi causas secessionem fecerat, ac exuta contra fas disciplinæ debitâ Ducibus suis obedientiâ, ipsique repudiatis Zeronscium substituerat, stipendia sua protervè efflagitans ad antiquum obsequium reducere opportunis medijs conarentur. Hi obviam nobis ad quadringentos extra urbem passus emisserunt Albertum Constantium Ciechanowicium Præfectum Osnianensem militum tribunum, ac exercitui federato à consilijs, qui numero procerum ac nobilium comitatu stipatus in honorem Cæsaris nos humaniter excepit, & in factâ nobis priùs obviâ supremi Thesauratij, & ducis campestris Gosiëvij rhedâ nobiscum sedens nos in hospitium introduxit.

Alluit hanc urbem Vilnâ haud magni lacûs à fontibus Berezina non adeò distici parva soboles; sed haultis Dewinosij, Serwoczæ, Uzlaæ, Naraczæ, Osmianzquæ humoribus jam grandior exiguum apud eam amnem Vilnam, undè nomen habet, abripiens, cumquæ cum Vakâ, Brazalâ, & Swientâ amne Lituanie sacro in Nemenum apud Caunam deferens. Ejus conditor Gediminus Magnus Lituanie Dux fuisse traditur, qui anno 1305. collibus apud confluentes Vilnâ & Vilnam binas arces, alteram inferiùs ad montis radices Vilnâ fluvio cinctam, superiùs alteram in ipso jugo imposuit, quibus deinde tantus ædium, numerus à mercatoribus undiquaque eo convenientibus excitaturum accessit, ut dignam fecerit, quæ inter magnas urbes connumeraretur, & Palatino Castellanoquæ constitutis in metropolim non solum Lituanie suæ; sed etiam totius Magni Ducatus evaderet, adeptâ suffragij ferendi in electione Regum potestate. Jagello, postquam baptismi undis renatus fuisset, circa annum 1387. eam episcopatu à se donato decoravit, cujus jurisdictioni Palatinatus Vilnensis, Trocensis, Novogrodenensis, Polocensis, Vitepskensis, Minscensis, & pars magna Podoliæ, & Polesiæ subsunt, cujusquæ suffraganeus est Episcopus Metonenfis, qui ex Collegio canonicorum Cathedralis Ecclesiæ eligi solet. Anno 1706. muro, non undique, incuriosius septa, immensisquæ in dies aucta suburbij Spartanz civitatis ad instar magis civium robori ad hostiles imperus amolendos, quam munitionum firmitati fidere voluisse videtur. Quod, quamvis contemptum hostium à nonemine spirare dicatur, magno tamen eidem bis à Moschis oppressæ, direptæ, exultæ, vastatæ stetit. Et tutius incolumitati suæ consuluisse, prudentiùsquæ hostem contempsisse vilâ fuisset, si secura minùs, & munita magis esse voluisset. Etenim Moschi non tantum anno 1610. eam interceptam

Author
& Collegâ
extra Vil-
nam à Li-
tuanis ex-
cipiuntur.

De Urbe
Vilnâ.

directionibus & incendijs sædè deformarunt; sed recenter anno 1655. ad VIII. Idus Augusti post levem aliquam in campo cum exigua Lituanorum manu, quæ cum ducentis hostium millibus congregi nondetrectaverat, conflictationem miserandam morte suo vicina pericula supinâ præfidentia negligentem, & à Palatino suo Jano Duce Radzivilio, eoquæ magni Ducatus Lituanie supremo exercituum duce desertam obruerunt, & usquæ ad tertium Nonas Decembris anni 1661. proprijs suis cathenis compeditam sevâ captivitate oppresserunt. Hoc autem tempore, quo miseræ incubuerunt, tot cadibus, stupris, rapinis, sacrilegijs, ruinis, & incendijs eam afflixerunt, ut nunc Vilnam in Vilnâ quærens deploranda solum efferrati furoris vestigia in ejus vastatione, cineribus, & parietinis reperiat. Quicquid ædium sive sacrarum, sive prophanarum ex ablegnis compactum truncis stabat, supposito à Mosehis igne in favillas evolavit. Lapidea ædificia, quibus tota ferè interior urbs constabat, solos nunc parietes denigratos accephalosquæ conservant. Cetera sævi victoris facies absumplerunt. Quibus autem Vulcanus pepercit, petulca injuriosi hospitis non ignovit insolentia. Cathedrale templum Jagellonis Christiani opus: Patrum Societatis JESU Collegium Valeriani Suszkowski Protasiewicz XIV. episcopi Vilnensis curâ pastorali attributo parochiali Sancti Joannis templo excitatum, & ejus immediate Successoris Georgij Radivilij postmodum Cardinalis collationibus auctum, atquæ Academiæ prærogativâ ex concessione Stephani Regis Kalendas Aprilis 1579. & confirmatione Gregorij XIII. Pontificis ad tertium Kalendas Novembris ejusdem anni gaudens: Eorumdem domus cum probationis sub titulo Sancti Ignatii Stephani Regis, tum professæ sancto Casimiro dicata Caroli Ferdinandi Poloniz Principis munificentia extructæ: Elegans ad Divi Francisci Patrum Franciscanorum juxta strictiorem regulæ reductionem viventium cœnobium: Aliorum præcepta Divi Francisci exactè observantium ad templum Beatæ Mariæ Virginis in arenis claustrum: Patrum Divi Dominici instituta sectantium duplex ad Sancti Spiritus, atque SS. Philippi & Jacobi conventus: Charum ægrotis sub curâ fratrum Beati Joannis de DEO successorum & titulo S. Crucis nosocomion: Basilianorum Græco ritu, sed in Romanæ Ecclesiæ unionem in templo Sanctissimæ Trinitatis Divinum cultum exercentium asclereterium: Duo ad S. Georgium, & ad omnes Sanctos Ordinis Beatæ Virginis de Monte Carmelo monasteria: Canonicorum Regularium S. Augustini sub titulo Principum Apostolorum claustra: Conventus Canonicorum Regularium Crucigerorum de pœnitentia BB. Martyrum in suburbio Zarzeczano, ibidemquæ monialium tertiz regulæ S. Francisci sacratæ ædes: Vestalium austeram Seraphicæ Virginis Claræ ad Sanctum Michaellem, Terefiz ad S. Josephum vitæ normam imitantium septa: Nec non & sub regulâ Magni Basilij ad SS. Trinitatis, & non minoris Benedicti ad S. Catherinæ Sanctimonialium claustræ cum suis quæquæ templis vel diruta, vel incensa, vel malleis & securibus per oltium de industriâ comminuta attestantur, quàm canino odio Romanæ Catholicæ fidei professores Moschovitæ prosequantur. Quod ut magis comprobarent, Russorum schismaticorum templum intactum reliquerunt, & cum eo aliud Patrum Carmelitarum ad amussim Terefianam viventium, eo quod illis ob vicinitatis commoditatem attributum ab Alexio fuerat. Sigismundi III. Campana & aliz

aliæ ceteræ, ijs exceptis, quæ in Russici templi turri pulsantur, fuscæ aut avetæ triste reliquerunt sacris silentium. Sancti Casimiri Jagellonis ex secundo filio Casimiro nepotis corpus in Cathedrali templo recondi solitum Mofchovitz effodere necquicquam sperarunt, Catholicorum enim pietas illud, antea ab ejusdem Ecclesiæ custode Georgio Bialozorio nunc à Cathedrâ Episcopali Smolenscensi ad Vilnensem translato asportatum, Rosinam avexerat. Sed nec Lutheranorum pepercerunt fano, nec Calvinianorum delubro, quod in prenam sagittarum ab his in Angelorum simulachra fronti Ecclesiæ Sancti Michaelis imposita protervè enussarum publico comitiorum & Uladislai IV. decreto anno 1640. juxta patrias leges ab urbe proscriptum tunc in suburbium translatum, jam fuerat.

Die tertio, quam Vilnam veneramus, Palatinus Sapieha solennissimo nos convivio adhibuit, & postridie ejus diei Gofievius.

Cùm verò inconsulto nostro Augustissimo Domino Viennam reverti nobis non liceret, cursorem nostris & Regionum Commissariorum commeatûs literis munitum ad eundem expedivimus.

Hujus reditum dum Vilnæ præstolamur, die quodam nobilis nescio quis fœderati Lituanici exercitus à consilijs potu madidus ad sedes nostras, ut nos adiret, quamvis nobis planè ignotus, accedens, cùm propter justum merum, ne in aliquam absurditatem juxta tunc corruptum regionis morem prorumperet, non admitteretur, sexcentis nos familiamque nostram spacio integræ horæ verbis contumeliosis (me tamen incio, & nihil horum audiente) aspersit, eductoque ter Scythico gladio suo mortem illi ex famulis nostris interminatus fuit, quem priorem in plateâ offendisset. Postero verò die duo ejusdem collegæ nos convenerunt, & pœnitentis nominè commissorum veniam ebrietati condonandam petierunt, quam ei hand gravatè concessimus, cùm notum nobis esset, consuevisse tunc temporis in illâ, quam effœnis feditiosi militis licentia in mores induxerat, corruptione homines illos omnia sibi in temulentia licita facere, modò postea sobrij pœnitudinem facti peritâ veniâ ostentarent.

Conceperant interim vinculati (ut vocari gaudebant) maximam contra Gofievium, & quem sibi ipsi in secessione suâ elegerant ducem Zeronscium indignationem ob famæ accusationem, quâ culpæ dabatur Gofievio, quòd in captivitate suâ apud Molchos cum ijsdem egisset, ut numerantes non modicam pecuniarum quantitatem Ducatus Smolenscensem, & Severientem per pacis finè aliquo sequestro faciendæ leges in perpetuum possidendos retinerent, ijsque ipsum Palatinali dignitate ornatum præponerent. Quod indubitatum tum credebant, cùm nos alieno (ut putabant) tempore è Mofchoviâ exiisse viderent, & advenientem statim post nos emissum audirent legatum Mofchicum Naskiokinum telam in Aula regîa texturum, quam Gofievius orfus esset. Cujus contractus is interim pro arrhâ transitum illis cum septuaginta navibus per fluvium Dunam Rigam versùs literis à se & Zeronscio ad suas partes per corruptelam (ut ajebant) attracto subsignatis concessisset. Homines itaque militares ad iram suâ sponte proni contra utrumque tanquam partium defensores, & transfugas, patriæque proditores ad vindictam ferebantur. Aliquâ tamen verecundiâ alterius senatoriæ, & alterius ducis sui dignitati se obstrictos adhuc sentientes ab inferendâ illis vi sibi temperabant. Verùm enim verò increbrescente super hæc rumore, quòd

Ad Palatinum Sapiehâ prius, & ad Gofievium deinde auctor & Collega convivæ accedunt.

Temerarium nobilia cujusdam Lituanici factum.

Gosievius,
& Zeron-
scius Vilna
abducun-
tur.

ambo cum Aulâ regiâ conspirassent ad acciendos hinc Suecos, & il-
line cum Cosacis Tartaros, per quorum armatam operam ipsi vel ad
antiquam retraherentur obedientiam, vel contumaciae suae poenas
luerent, cohibere ulterius tumultuantes in animo iracundiae motus,
ne ad ultionem prorumperent, nequiverunt. Ad VIII. Kalendas De-
cembris horâ octavâ matutinâ mandato Kotowij Zeronscio substituti
nobilis Hlewinski cum quingentis equicibus Vilnam ingressus Gos-
ievium domo suâ, Zeronscium è templo Carmelitarum artonicâ ci-
vitate abduxit. Mandaverat ei Kotovius, ut utrumquë, si captu-
re repugnassent, quò minore spe veniae cresceret apud exercitum
vinculum fœderis, occideret. Cùm verò neuter resistisset, non ac-
quievit ille suggerentibus, ut illâ adhuc die in viâ interimerentur.
Sed misso ad Kotovium tunc cum exercitu populatore terræ, quam
à populationibus vindicare debuisset, Volpæ incubantem executionis
sux nuncio consulere eum placuit, quid de ipsdẽ ulterius statui vel-
let. Interim lento itinere, ne afflictâ tunc Gosievij valetudo durioris
vestigationis incommodo concuteretur, Volpam versùs progrediebatur.

Tertio Kalendas Decembris cùm præmisso citatori equonm.
gressu robustiori Zeronscio Gosievium Ostriniam deduxisset, ecce vi-
det obequitantem cum sequaci equitum turmâ nobilem Nowaszins-
ki, qui ab equo desiliens, & ad rhedam, in quâ Gosievius cum pa-
tre suo spiritali P. Samuele Kuderowio Societatis Jesu sedebat, ac-
cedens, Domine Thesaurarie (inquit) decretum est immutabile to-
tius exercitus, ne amplius vivas. Percussus ferali decretoriae vocis
sonu Gosievius illic de rhedâ disiluit, & in illâ interceptæ subito men-
tis confusione impos ratiocinandi collum quasi spiculatori protinus
porrigendum denudans respondit funesto huncio, & quid peccavi
ego unquam in exercitum, ut morte culpam luere debeam? Edatur
crimen, cuius reus sio. Si illud patefactâ calumniâ non diluero, fan-
guine meritò eluam. Ego Regni Senator, & Regius Commissarius nul-
lius tribunalis jurisdictioni, nisi generalis Ordinum Convētus, obno-
xius iudicis incompetentiâ hic non excipio. Ad leges Regni, ad
comitia non provoco. Statuite me coram exercitu. Iudici non
meo innocentiae meae conscius ultrò me subijcio. Sed posteaquam
accusatores audijt, audiat & accusatum. Nisi fecerit, famæ suæ ma-
lè consultum ibit, etenim, quem tanquam fontem iustè punitum.
credi vult, inauditum, indefensum occidendo innotentem declara-
bit. Fui & ego olim dux vestre, & nec lixam, nec calonem (taceo
melioris notæ commilitonem) quamvis manifestum sceleris, inaudi-
tum unquam condemnavi. Et tu, Nowaszinski, hujus veritatis ap-
primè gnarus permittes, imò facies, ut ego Vir Senatorius republi-
cæ tot nominibus benè meritis nullius culpæ conscius tam iniquè à
calumniâ strangulatus mutus inteream?

Plura dicturus erat, nisi à Nowaszinski interruptus fuisset, qui
injunctæ sibi executionis necessitatem, nisi ejus in se fatum derivare
maluisset, ostendens, ad ferendam promptè sortem, quæ mutari non
posset, eum hortabatur. Tunc ille; Ergò mutari hoc non potest?
Non (dixit alter) Testor DEUM (tunc subdidit Gosievius) & oc-
cides omnes, quod innocens peream. Patriæ meae debitam fidem, &
amorem servavi. Quicquid operatus sum, in ejus utilitatem juxta
bonam mentem meam redundarurum fuisset, nisi exercitus certam

fructus

Intima
tur Gos-
evio mors.
Ejus ora-
tio.

fructus brevi nascitur spem inconfultâ hâc mei nece corrumpere. Non obstitam ultrâ urgentibus fatis. Malè decretam immeritus subito mortem. Tantum permittite, quæso, ut depositâ prius apud aures sacerdotis erratorum meorum confessione reconciliatam Numini animam reddam.

Cùm annuisset Nowaszinski, seducto ille haud longè sacerdoti inter suspiria dolentis animi commissâ ab humanâ fragilitate narrans conscientiam expiavit. Sed, cùm jam noctesceret, & ad imponendum pietati suæ finem pluries interpellatus in eliciendis cordis obpœnitudinem commissorum dolore affecti adibus perseveraret, Nowaszinski tandem ulterioris moræ impatiens ad sacerdotem conversus terminatus est ei indiscretum cum Gosiewio casum, nisi ab eo se protinus separaret. Paululum itaque is necessariò abscēssit, & Nowaszinski admotâ ad Gosiewij caput fistulâ ferreâ ejus tempora globis trajecit, dum eodem momento aliquot ex equitibus sclopos suos in eundem explodentibus cadens jam ejus corpus terebrent.

Confessionem auriculari emittit.

Inde globis perfossus occubuit.

Cadaver famulis ejus concessum Vilnam ab ipsdē evectum diu in templo S. Casimiri apud domum professam Patrum Societatis JESU expositum documento insipientibus fuit, quàm lubrico solo pes humane prudentiæ insitat. Etenim homo naris alias sagacissimæ, quamvis pluries à benevolis suis monitus de exercitus contra se irâ & machinationibus, maluit tamen dignitati suæ & patrijs legibus confidendo in loco violentiæ opportuno incustoditus persistere, quàm reputando irreverentis tunc exlegis militis irritatam à malevolis suis ferociam moraliter evidenti vitæ suæ periculo aliò transmigrans se subducere.

Cadaver ejus in templo S. Casimiri expositur.

Zeronscius Dubni matutino ejusdem diei tempore Persicis gladijs concisus tragicæ hinc fabulæ sanguine suo præluserat.

Zeronscius conciditur.

Cùm deinde rescivissemus, cursorem nostrum ab excurrentibus Polonici foederati exercitus equitibus interceptum, ablatisque equis, armis, vestibus, nummis, & literis à recto itinere suo Wolboriam ad mareschallum Widerski abductum fuisse, ibique contra jura gentium captivum detineri. Et interea facinorosus quidam supremi Samogitiæ Capitanei Georgij Caroli Hlebowicz familiaris hospitium nostrum præmeditato consilio ingressus, postpositâ reverentiâ legatorum characteri ex usu universò orbi communi debitâ, ostiarium crudeliter occidisset, ejusque maritum quatuordecim insidiis vulneribus prostrasset: Ipsaq; urbs in evidenti directionis discrimine ab exercitus concussionē quotidie versaretur, periculosum nimis putavimus, diutius morari inter gentes, quæ tunc omnibus conculcatis juribus solo inconfultâ ferociz suæ impetu serebantur, undè abire decrevimus.

Facinorosus quidam ostiarium ædiû in quibus author, & Collegas hospitium habebant, trucidat.

Habitant in campis circa Vilnam, & præsertim ad Vakæ amnis ripas Tartari, progenies illorum, quos ex Transvolgensibus, & Nagaiensibus hordis Olgerdus ex proceribus Lituaniz anno 1397. sub auspicijs Magni Ducis Vitoldi eorum acie ultrâ Tanaim profligatâ captivos adduxit. Mahometanæ superstitionis, quam per manus male traditam pejus continuò retinent, libero in Mesequitis suis perfacerdotes à Crimensibus identidem suppeditatos exercitio gaudent. Nullâ tamen nobilitatem prærogativâ, quin imò ordinariam Arcibus præfectorum jurisdictionem civili subjectione agnoscunt. Eorum plures militantes; sed tabellarij, vel equorum suorum locatoris munere, quod lucrosè exercent, haud neglecto. Trahis igitur triginta ab his mercede conductis, cùm equites aliquot pro tuiori ad limites us-

Conductis itaque à Tartariis equis Vilnâ discedunt.

quē conductu tam à Regijs commissarijs, quàm ab exercitûs fœderati cum plenâ facultate deputato nequaquam petissemus, ad VI. Idus Februarij paulô ante meridiem Prussiam versus iter arripuimus.

Et eodem die nobili Marcinshi eos injuriosus aggredditur.

Nec benè ultrâ decem millia passuum illud emensî eramus, cùm nobilis Lituanus Stephanus Marcinski exercitûs vinculati miles Caunam ad signum suum contendens trahâ similiter vectus cum binis famulis celeriori cursu nos assecutus, non solum characteris nostri; sed etiam receptæ in regione illâ inter pares consuetudinis superbè contemptor, imperiosè petijt, ut de viâ omnes decederemus, quò ipse posset præterire. Ego, qui postremus in rhedâ meâ undiquaque extrinsecus clausâ, & trahæ super impositâ solus sedebam, responderi illi per proximum mihi cubicularium meum Polonici Idiomatis haud imperitum curavi, quod peteret, à triginta trahis sine maximâ incommoditate præstari non posse. Ipse potiùs, qui unicâ utebatur, faciliori flexu per viam, quæ ampla, & plana ad utrumque latus patebat juxta morem regionis suo arbitratu pergeret. His ille auditis quasi furijs actus de trahâ desiliens evaginato falcato gladio per mille contumelias pedisequum, qui ad meam sustentandam destinatus secus illam erat, primum impetijt, qui utpotè inermis eam circumfaliendo offensæ se subducebat. Tunc cubicularius, ut furiosi insanum compelleret impetum, cum urbano modico gladiolo occurrens, paulisper cum eo digladiatus, si par animo, ac atms impar, vulneratum in utràque manu, & præsertim in lævâ cum perpetuo dehinc usûs detrimento se sensit. Alter ex famulis meis abaci custos, qui omninò inermis, sed lacertosus harpen è militis manu evellere voti sui jam ierè compos conabatur, ab altero ex famulis ejus tribus in capite ictibus cæsa percussus desistere ab incepto coactus fuit. Mollibus interea verbis designare ego, quippe qui è rhedâ exterius clausâ prodire nequirem, infansientis furorem tentabam, sed irritis votis. Quin imò ille convitia reddens ferream fistulam in pectus meum direxit, sinè dubio explosurus, ni à famulis suis indè fuisset abductus. Hæc omnia prudenti lenitate in alieno solo tunc violentiæ obnoxio inter injuriosi commilitonum turmas eodem, quo nos ibamus, itinere ad pinguiora hyberna in Samogitiam contententes tolerabamus, nec vindictam ullam, quantumvis facilem, de ijs fumere in animo habebamus. At furiosa bellua cùm vidisset nos substitisse, ut saucijs vulnera ligarentur, in nos denuò districto suo falcato ense, exertoque brachio movens, quamvis videret famulitium nostrum jam armatum, paratumque vim vi repellere, nihilominus æstro percitus obviis irruit tantâ ferociâ, ut non omnes ejus furorem evasuri viderentur, nisi necessariâ uterentur defensione eum prosternendo. Quod factum fuit.

Ipse tamen tandem occiditur.

Magnis deinde itineribus diu noctuque continuò properantes pridie Idus Februarij matutino tempore per Caunam, & Jurburgum ad amnem Swientam, Lituaniam inter & Prussiam limitem, post emensâ ter novem maximas leucas præstantibus fidelissimam, nobis operam Tartaris pervenimus. Et exindè inoffenso semper pede, evitatâ tamen Poloniâ à fœderatis infestâ, per Prussiam, Pomeraniam, Marchiam Brandenburgicam, Silesiam, Moraviam, & Austriam Viennæ ipsâ Divo Josepho dicatâ die anno 1667.

nos reddimus.

**STATUTA
MOSCHOVITICA.**

1913
100000



STATUTA MOSCHOVITICA.



Nno à creatione mundi 7156. die 16. Julij Dominus Tzar, & Magnus Dux Alexius Michaelowicz totius Russiæ Autoerator vigesimo ætatis suæ anno, regiminis verò sui tertio. Consilio inito cum Patre suo spirituali Sanctissimo Josepho Moschoviz, & totius Russiæ Patriarchâ, cumquæ Metropolitæ, & Episcopis, omniquæ sacrâ synodo, mandavit Bojaris suis, Ocolnicijs, & Consiliarijs, ut quæ in actis Apostolorum, & Sanctorum Patrum, ac in libris Græ-

corum Imperatorum castrensibus ad politicum regimen pertinentia scripta invenerint, describant, & cum ijs antecessorum Magnorum, Dominorum Tzarum, & Magnorum Ducum Russiæ, nec non Magni Ducis Michaelis Fedorowicz mandata, Bojarorumquæ ad Regia, & civilia negotia spectantia statuta conferant, & concordent. Ubi verò supradictæ constitutiones deficere inventæ fuerint, novis compositis ipsi suppleant, ut cunctis Moschovitici Domini hominibus, sine ullâ prorsus supremi, vel imi status differentiâ, jus, & Justitia æqualiter administraretur.

Describendarum autem supradictarum constitutionum cura delegata fuit Bojaris Knesio Nikitæ Juanowicz Odojowski, & Knesio Simeoni Batilowicz Prozorowski, & Ocolnizio Knesio Theodoro Fedorowicz Volkonski, Diakisquæ, seu scribis Gabrieli Leontiou, & Theodoro Grybojedow.

Ad hæc autem perficienda consilio patris sui Spiritualis Sanctissimi Josephi Moschoviz, & totius Russiæ Patriarchæ, & approbatione Bojarorum mandavit Dominus, ut eligerentur ex singulis Stolnicorum, sive Tzarex mensæ ministrantium, Strapeciorum, sive Facialium, & culinæ procuratorum, Dworantinorum, sive Nobilium Moschoviz, Zilciorum, sive nunciorum huc illuc ad quodecunque Tzaris mandatum currentium, corporibus bini, totidemquæ ex statibus, similiter ex quarumcunque majorum civitatum (Novogradia exceptâ) nobilibus, & nobilium filijs bini. Ex Novogradia autem quinquagesimus quisquæ, & ex minorum urbium singulis unus. Ex Gollis, sive mercatoribus majoribus, trini, ex mercatoribus panni bini, & ex quacunque plebe, pago, villâ, & suburbio Tzareo unus. Probi omnes, & prudentes, qui communicatis consilijs statuta juxta Tzareum suum mandatum,

F f

& sino-

& synodi consilium condant, futura in posterum omnibus inviolabilia.

Obedientes igitur Domini Tzaris, & totius Russiæ Magni Ducis Alexij Michaelowicz mandato Bojarus Kneſius Nikita Juſanowicz Odowski, & ſocij, deſcripſas ex Sanctorum Apoſtolorum, & Patrũ actis, ac ex urbium, Græcorumquæ Regũ legibus, & ex antecessorum Magnorum Dominorum vetuſtis judiciorum libris, nec non ex decretis piæ memoriæ Magni Domini Tzaris, & totius Russiæ Magni Ducis Michaelis Fedorowicz conſtitutiones cum novis in ſupplementum deficientium antiquarum ex Bojarorum conſilio additis ei obtulerunt. Qui Dominus Tzar, & Magnus Dux Alexius Michaelowicz totius Russiæ Autocrator hoc eodem anno die 3. Octobris cum Patre ſuo ſpirituale Sanctiſſimo Joſepho Moſchoviz, & totius Russiæ Patriarcha, Metropolitæ, Archiepiſcopis, & Epiſcopo, Bojariſquæ ſuis, Ocolnicijs, & Conſiliarijs eas lectas audivit, reliquiſquæ omnibus ad hoc ex Moſchovia, alijsquæ civitatibus electis legi poſtmodum juſſit, mandavitquæ, ut de paragrapho in paragraphum deſcriptas ſubſcriptione ſua confirmarent Sanctiſſimus Joſephus Moſchoviz, & totius Russiæ Patriarcha, Metropolitæ, Archiepiſcopi, Epiſcopus, Abbates, Priores, & univerſa ſacra ſynodus, Bojari, Ocolnicij, Conſiliarij, & electi Nobiles, filij Nobiliũ, mercatores majores, & minores, & cives Moſchovitici Domini, omniumquæ civitatum Russiæ ditionis.

Poſt horum verò ſubſcriptionem ut deſcriberentur in libro à Diakis Gabriele Leontiou, & Theodoro Guybojedou ſubſignando, ut typis impreſſus ad ſingulas per univerſam Russiam civitates, & Cellarias mittatur pro earum in poſterum norma.

Quibus omnibus antediſti omnes paruerunt, inde liber iſte ab altero ex Diakis ſubſcripto deſumptus, & impreſſus fuit.

Dum autem hæc ſtatuta juxta Domini Tzaris, & totius Russiæ Magni Ducis Alexij Michaelowicz mandatum Deputatis Ruſſici Domini in Palatio examinum legerentur, ejuſdem Tzaris mandato ſedebat cum ijs Bojarus Kneſius Georgius Alexiowicz Dolgorukoi.

C A P U T PRIMUM.

De Blaſphemis & turbatoribus Eccleſiæ.

1. Si quis, cujuſcunque religionis ille fuerit, blaſphemias in Dominum Deum, & Salvatorem noſtrum JESUM Chriſtum, ſive in Beatiſſimam & Caſtiſſimam DEI Genitricem ſemper Virginem Mariam Imperatricem noſtram, ſive in honorificam crucem, ſive in Sanctos DEI ſervitores protuliſſe, facta diligenti inquisitione, inventus fuerit, ignominioſa morte pleſtatur.

2. Si quis in Eccleſiam DEI tempore Divini Sacrificij animo Divinum turbandi officium irreverenter irruerit, capiat, diſtrictèquæ ſuper delicto inquiratur, reus inventus ſine ulla miſericordia moriatur.

3. Si quis tempore ſacrificij incruenti, vel Divini Officij in Eccleſiam DEI ingreſſus, Patriarcham, ſeu Metropolitam, ſeu Archiepiſcopum, ſeu Epiſcopum, ſeu Abbatem, ſeu Priorem, ſeu aliquem ex eccleſiaſticis con-

contumeliosis affecerit verbis, ita ut Divinus cantus turbetur, hocquē Tzari fuerit delatum, veritate comperā, infamis ille publicā pœnā moriatur.

4. Si quis aliquem in Templo DEI occiderit, post inquisitionem reus repertus, & ipse moriatur.

5. Quodd si vulneraverit tantum, & non lethaliter, Knutis sine misericordiā publicē cæsus, pœnā insuper menstrui carceris puniatur, solvatquē vulnerato curationis expensas, & biszestiam in duplo.

6. Si verò percusserit quis aliquem in Templo sine vulnere, cædatur virgis, & solvat percusso biszestiam.

7. Si autem non percusserit, sed verbis contumeliosis affecerit, menstrui carceris pœnam luat, solvatquē contumeliam passo biszestiam, ut reliqui pœnā ejus terribi à tali petulantia in Ecclesia DEI sibi temperent.

8. Nemini autem liceat in Ecclesia tempore Divini cantus Domino Tzari & Magno Duci totius Russiæ Alexio Michaelowicz, & Magno Domino Sanctissimo Josepho, Moschovix, & totius Russiæ Patriarchæ, & Metropolitanis, & Archiepiscopis, & Episcopo, ulliquē alij de ullis negotijs suis supplices libellos dare, ne Divinus cantus turbetur. Templum enim erectum est ad orandum, & decet Orthodoxos Christianos in Ecclesia DEI cum tremore orare, & non terrena cogitare.

9. Quodd si quis timoris DEI oblitus huic Tzarco mandato contraverit, cædatur Knutis, & in carcerem, ad arbitrium Tzaris retinendus, tradatur.

C A P U T II.

De reverentia erga Tzare[m] exhibendā, & de ipsius incolumitate procurandā.

1. **S**I quis contra Tzaris incolumitatem aliquid moliri delatus de crimine convictus fuerit, capite plectatur.

2. Si quis ad invadendum Moschoviticum Imperium rebellem militum manum armaverit, vel Tzaris hostes literis coluerit, eosquē juverit ad illum ditionibus suis exuendum, vel aliquid aliud simile commiserit, delatus, crimine probato, pœna mortis puniatur.

3. Et si aliquis hosti Tzaræ Majestatis arcem perfidē tradiderit, vel extraneos in eam dolosē admiserit, veritate deprehensa, morte afficiatur.

4. Si quis ex præmeditato dolo civitatem, aut domos incendit, quandoquē captus fuerit, post probatam in eo incendij culpam, comburatur & ipse sine ulla misericordia.

5. Rebelle[m] verò, & perfidorum bona Tzaris fisco cedant.

6. Uxoresquē eorum, & liberi, si consij criminis fuerint, etiam pœnā mortis afficiantur.

7. Si verò reperiatur, quodd uxor mariti, vel filius patris sui crimi-

criminis conscius non fuerit, non perimantur, nec ulla illis poena irrogetur; imò ex delinquentis facultatibus de alimentis juxta Tzaris beneplacitum ijs propiciatur.

8. Et si quis ante suam rebellionem liberos emancipasset, hique seorsim à patre vixissent, neque paterai criminis conscij fuissent, bona eorum fisco non addicantur.

9. Et si post alicujus rebellionem remanerent in Russia pater, vel mater, vel germani, aut non germani fratres, vel patruus, vel aliquis alius consanguineus, qui cum rebelle habitationis, & bonorum communionem habuerint, dilictè inquirendum erit, an perfidie illius conscij fuerint, nec ne: si culpabiles deprehendantur, poenam morte luant, bona autem eorum omnia fisco applicentur.

10. Quòd si innocentes inveniuntur, nulla poenà mulctentur, nec bona ab eis auferantur.

11. Si aliquis ob rebellionem extorris Tzaris gratià patrie restituitur, non idè erit restitutus antiquis bonis suis jam fisco additis, sed servire de novo debet, ut nova sibi à Tzare concedantur.

12. Si quis alicui crimen læsæ Majestatis objecerit, sed testibus carens non probaverit, neque ullum ejus indicium fecerit, ob tantum scelus causa juxta Tzaris arbitrium secundum æquitatem judicetur.

13. Si servi, aut subditi dominos suos de aliquo contra Tzaris personam, aut statum molimine detulerint, nihilquè probaverint, tali denunciationi nulla fides adhibeatur, sed illi Knutis cæsi dominis suis restituantur.

14. Si aliqui cujuscunque statûs homines aliquam contra Tzarem conspirationem instituerint, & postmodum hoc negent cavillando, quòd non de illo sermo fuerit, vel excusent, quòd ex ebrietate talia verba effucierint, Knutis cadantur, & dominis suis deinde retradantur.

15. Si quis rebellem in via sibi obvium occiderit, vel captum ad Tzarem adduxerit, moriatur perfidus, & ejus adductor, vel occisori donet Tzar ex bonis rebellis ad arbitrium suum.

16. Si quis crimen læsæ Majestatis absenti objecerit, citetur accusatus, & statuatur contra accusatorem, fiatquè stricta super crimine objecto inquisitio, & post eam procedatur juxta supra scripta.

17. Si quis aliquem de crimine læsæ Majestatis accusaverit, nihil autem probaverit; imò appareat, quòd illum calumniosè detulerit, puniatur eadem poenà, quâ puniendus fuisset accusatus, si crimen contra eum probatum fuisset.

18. Si quis Moschovitici Dominij homo, cujuscunque conditionis ille fuerit, noticiam quocunque modo habuerit de aliquâ contra Tzarem conjuratione, aut molimine, hoc statim Domino Tzari, & Magno totius Russiæ Duci Alexio Michaelowicz, seu ipsius Bojaris, sive propinquioribus ministris, & in civitatibus, & arcibus Vainodis, & Præfectis denunciet.

19. Quòd si neglexisse delatus fuerit, compertâ veritate, morte afficiatur sine ulla remissione.

20. Nemo vim per conjurationes, aut seditiones contra Tzaream Majestatem, & ipsius Bojaros, Ocolnicos, Consiliarios, & milites

nistros, inque civitatibus, & castris contra Præfectos, & Prætores intentet, neminemque ex ijs injurijs afficiat, aut percutiat.

21. Contra facientes verò poenâ mortis irremissibiliter puniantur.

22. Si autem alicujus urbis, aut castrî Præfectus, aut Prætor aliquos cujuscunque conditionis homines, datis ad Tzarem literis, accusaverit de intentatâ sibi ab eis per conjurationes, & seditiones vi, & morte. Accusati verò hoc negaverint adducentes, se tantum ad illos negotiorum causâ ivisse. Si hoc verum esse compertum fuerit, absolvantur. Præfecti verò, & prætores, qui illos calumniati fuerint, Tzaris arbitrio emendentur.

C A P U T III.

De Aula Tzaris, ut in ea nulla sit petulantia, & contentio.

1. **S**I quis coram Tzareâ Majestate in Tzarea ejus aula, sive palatij, posthabita reverentiâ ei debitâ, aliquem verbis injurijs affecerit, hic autem eum de injuria postulaverit, veritate compertâ, injuriâs conijciatur in carcerem per duas hebdomadas cæteris in exemplum, & injuriato bissestium solvat.

2. Si quis in Tzaris aula rixatus, adversarium pugno percusserit, capiatur, & si per inquisitionem nocens inuentus fuerit, luat poenam menstrui carceris, & percusso bissestium solvat; sed si percusserit usque ad sanguinis effusionem, solvat in duplo, & sex septimanis carcere maceretur.

3. Si quis coram Tzareâ Majestate ferrum contra aliquem evaginaverit, eumque vulneraverit, moriatur hic, vel non, ille æquè ultimo supplicio afficiatur, & ex ejus bonis solvantur occisi debita.

4. Quod si evaginaverit quidem ferrum, sed non vulneraverit, nec percusserit, manus ei amputetur.

5. Si quis verò in aula Tzaris, sed non coram eo, arma contra aliquem evaginaverit, sed non vulneraverit, poenam trimestris carceris luat, si verò vulneraverit, solvat vulnerato bissestium in duplo, & vades statuatur, qui spondeant, eum ex arce infcio Tzare non egressurum, usque dum vulneratus sanetur, vel moriatur. Si convalescerit, vulneranti manus amputetur, si mortuus fuerit, moriatur & occisor.

6. Nemo in aula Tzareæ Majestatis sive Moschæ, sive alibi, etiam in itinere, sine ejus licentiâ scēpos, vel alia quælibet tormenta explodat, aut ex arcubus sagittas emittat, neque cum talibus armis in eam intrare præsumat; quod si contra hanc prohibitionem jaculando aliquem occiderit, seu vulneraverit, poenam mortis & ipse subeat.

7. Sed si tantum in Tzaream aulam ingressus cum prædictis armis fuerit, neminiq̃ vulnus, aut mortem cum ijs intulerit, nihilominus virgis, vel knutis cædatur, & per hebdomadam in carcerem conijciatur.

G g

8. Nemo

8. Nemo in pagis ad Tzarem pertinentibus sine ejus licentia piscari audeat, contraveniens pecuniâ, aut aliâ pro Tzaris arbitrio poenâ mulctetur.

9. Si quis in aula Tzarex Majestatis furtum commiserit, primâ vice knutis cedatur. Secundâ vice denuò knutis verberetur, & insuper per semestre in carceribus ipsdem knutis singulis tribus diebus juxta morem cædatur. Tertiâ autem vice amputetur ei manus, ut cæteri discant in aula Tzarea non furari.

CAPUT IV.

De adulterantibus literas, & sigilla Tzaris.

1. **S**I quis Tzaris literas sinxerit, aut in veris aliquid mutaverit, sine ejusdem Tzaris præscitu, & consilio Bojarorum, Consiliariorum, Cancellariorum, & Cancellitarum, aut eas subsignaverit, aut Tzaris sigillum falsificaverit, re verâ compertâ, ultimo supplicio afficiatur.

2. Si quis à Tzaris literis, vel ab alijs cancellariæ scriptis avulsa sigilla alijs literis falsificatis affixerit: vel falsò composuerit literas, seu aliqua scripta: vel Cancellariæ scripta sine Tzaris præscitu, & licentiâ renovaverit, morte afficiatur, ejusque scriptis nulla fides adhibeatur.

3. Si quis post falsificatas literas moriatur, consanguinei verò ejus, aut officiales vigore illarum à Tzare aliquid supplices petierint, inquiratur, undè, & quomodo eas habuerint? & an falsificatas tuisse noverint? quod si ex inquisitione resultaverit, vel ipsimet falsi fuerint, quòd eas falsas fuisse sciverint, & nihilominus penes se ad procuranda sua cominoda retinuerint, moriantur. Si verò contrarium constet, nempe, quòd de earum falsitate nullam habuerint scientiam, nullâ poenâ afficiantur, tantummodo nulla illis literis fides præstetur.

CAPUT V.

De adulterantibus monetam, vel aurum, vel argentum.

1. **S**I quis cujuscunque generis pecuniam falsam fecerit, vel si monetarius aliquis vel æs, vel plumbum, vel stannum monetæ cudendæ iminiscuerit, & per hoc Tzaris thesaurum detrimento affecerit, per insusum in ejus guttur plumbum moriatur.

2. Si auri, vel argenti faber accepto ab aliquo auro, vel argento ad opus aliquod elaborandum, æs, plumbum, seu stannum iminiscuerit, re verâ compertâ, knutis cædatur, & damnum passis satisfaciatur.

CAPUT VI.

De literis commeatus accipiendis ab ijs, qui in exterarum provincias proficisci voluerint.

1. **S**I quis vel mercimonij, vel cujuscunque negocij gratiâ ex Moschoviticis ditionibus ad alias, quæ pacem cum his colant, proficisci voluerit, literas dimissoriales à Tzare supplex petat, vel in Provincijs à Præfecto suo, qui eas illi sine morâ dare teneatur, sine ijs autem nullo modo discedat.

2. Quod si Præfecti tales literas petentibus dare detrectaverint, ita ut hi per moram damnum aliquod patiantur, si Tzari supplicabunt, & rem sic se habere probatum fuerit, Præfecti illi magnam Tzaris indignationem incurrunt, & supplicantibus damnum passum in duplo refarcire tenebuntur.

3. Si quis autem sine literis dimissorialibus in exterarum Provincias profectus, & in Moschoviam reversus, delatus fuerit, quod proditio-nem, vel aliquod aliud malum patraturus protectionem illam instituerit, fiat super hoc stricta inquisitio, & crimine probato, morte afficiatur.

4. Sed si apparuerit, quod non ob maleficium, sed ob mercaturam sine literis dimissorialibus profecti fuerint, fiat eis inhibitio, ne in posterum hoc amplius audeant, & cedantur knutis alijs in exemplum.

5. Illis verò, qui bona vel in Lituania, vel in Germania Moschoviz conterminâ possident, non imputerur in culpam, quod sine literis dimissorialibus sive ipsi, sive ipsorum subditi & famuli per confinia Litanorum, vel Germanorum eant.

6. Quod si quis in confinijs bona possidens perfidiam aliquam inter servos, & subditos suos cognoverit, deserat hoc statim Tzari, vel Præfectis civitatum, famulosque illos, & subditos ad eos adducat. Præfecti autem districtè in eos inquirent, & Tzarem de omnibus certiores per literas suas faciant, retentis in carceribus delatis usque ad ejus declarationem.

CAPUT VII.

De servitio cujuscunque status militaris Moschovitici Dominij.

1. **C**um Polonis, Litanis, & Germanis, & alijs universis provincijs habet Tzar, & Magnus Dux totius Russiæ Alexius Michaelowicz æternam pacem, & quietem perfectam. Si verò Moschoviticum Dominium bellum alicui inferre quandoque decreverit, vel Tzar de injuria aliqua inimicum suum ulcisci voluerit, ideoque contra illum Bojaros, & Præfectos suos cum militibus cujuscunque status se accingere, ipsique stipendium erogari jusserit, pecunia colligatur juxta belli qualitatem ex Dominio Moschovitico.

2. Mo-

2. Moneantur autem per Tzareas literas Præfæcti Provinciarum, & civitatum, quo tempore, & ad quem locum milites convenire debebunt, hique eò proficisci jubeantur sine ulla contradictione. Nemini autem sive in professione, sive in statione vim, aut damnum inferant, victumque pro se, & pabulum pro equis sine solutione non accipiant.

3. Volentibus verò vel pro se, vel pro equis aliquid emere, omnia æquo pretio ab omnibus vendantur. Ex campis autem frumentum, & ex pratis clausis fœnum milites non accipiant, nullumque ab eis ullibi damnum ulli detur.

4. Quando prata clausa non sunt, poterunt milites in professione sua in ijs esse sine solutione. Si verò clausa fuerint, non licebit: Quinquè tamen passus à via intra pratum stare licet: sed non ultra, neque fœnum secare, aut herbas destruere, aut equos pascere. Prata autem pro festo Sanctæ Trinitatis claudi debent.

5. Teneantur omnes militibus ad castra proficiscentibus victum pro eis, & pabulum pro equis vendere, & quidem iusto pretio, nihilque ab eis injuitè accipere.

6. Similiter si ad castra proficiscentes damnum alicui intulerint, veritate compertâ, castigentur juxta facti gravitatem, damnum autem passo illud refarciant.

7. Videntes verò militibus victum, vel pabulum caro supra æquum pretio, castigentur & ipsi, & quod plus acceperint, reddant.

8. Miles, qui munia sua secundum constitutionem obire potest, si non dimissus ex castris aufugerit, primâ vice knutis cædatur, & ex possessione ejus auferantur jugera quinquaginta, ex reliqua autem possessione solvat pro singulis centum jugeribus rublum unum. Si autem secundo fugerit, & secundo knutis cædatur, totaque possessione ab eo ablata distribuatur.

9. Si exterus, aut aliquis alius stipendiarius, seu strelitzius, seu Cöfacus, seu donatarius pro alio militans ex castris aufugerit, si capiatur, cædatur knutis, ac dato custode ad castra remittatur, tantum verò stipendij ab eo, servata juxta uniuscujusque conditionem æquitate auferatur, quantum per illud tempus, quo à castris absuit, meritis fuisset. Pro donatario autem, qui non potuerit ex fuga retrahi, exigantur ab ejus principali viginti rubli.

10. Bojari, & Palatini infæcio Tzare nulli militum dimissionem muneribus corrupti concedant.

11. Si contrafecerint, corrigantur ad arbitrium Tzaris.

12. Quodd si aliquis de corruptela eos Tzari falsò detulerit, re compertâ, severè & ipse Tzaris arbitrio corrigatur.

13. Si miles aliquis in expeditione existens, rei suæ familiaris desolationem, vel servorum fugam, vel gravem aliquam necessitatem causatus, dimissionem petierit, teneantur Bojari, & Palatini inquirere apud Nobiles, & filios Nobilium, aliosque milites de veritate causæ adductæ, eaque compertâ, acceptisque à testibus super eâ literis eorum manu subscriptis, illum ad aliquod tempus dimittant.

14. Si tamen adventare hostem fama fuerit, nemo, etiam adductâ urgentissimâ causâ, dimittatur.

15. Tribunis autem, sive alijs legitimis officialibus non liceat sine Tzaris

Tzaris licentia, & Palatini scientiâ ulli legionis suæ militi dimissionem concedere.

16. Contravenientes coram reliquis militibus virgis cædantur, & in carcerem conjiciantur cæteris in exemplum.

17. Si miles aliquis senectam, aut vulnera, aut ægritudinem causatus rude donari petierit, paratus substituere filium, sive fratrem, sive patruelem, sive nepotem, non possessionatum militiæ idoneum, & nulli functioni erga Tzarem obligatum, compareat ille in arce Moschuz, ut visitetur, inventaque veritate suæ inhabilitatis, accipiat ab eo substitutus secundum præscriptas condiciones cum suo militari apparatu, & victu, modò minor annorum octodecim non fuerit, & ille inter emeritos censeatur.

18. Quodd si nec filios, nec fratres, nec patruels, nec nepotes loco sui substituendos habuerit, accipiat ejus servus, sive pecunia juxta modum bonorum, quæ possidet. Sed si visitatus, ad militiam ulteriorem habilis judicatus fuerit, ipse, & non substitutus, ad castra mittatur.

19. Si quis Tzari militans ex pugna fugisse à Palatino Tzari delatus fuerit, dimidia bonorum ejus pars sisco Tzareo addicatur, & ipse Knucis sine misericordia cædatur.

20. Si quis miles ad hostium castra dolo malo transiisse, secretaque exercitus eis revelasse delatus fuerit, veritate per inquisitionem compertâ, è regione castrorum hostilium patibulo suspensus moriatur, omniaque ejus bona sisco Tzareo applicentur.

21. Si alicui militanti defecerit victus, vel equi pabulum, hæcque in foro carò vendantur, & ille paupertate pressus ea emere nequeat, ad ejus supplices preces constituatur juxta Tzaris mandatum, & Palatini discretionem panis, & pabuli vilius pretium, mittatque Palatinus Pristavum aliquem ad illos, qui supra necessitatem familiæ suæ ijs abundant, ut, quod eis superest, militibus mediante constituti prætij solutione concedant. Ab eis autem, qui supra necessitatem familiæ suæ non habuerint, nihil accipere licebit. Infcio verò Palatino, & sine Pristavo accipere ab aliquo aliquid nemo præsumat, habitationes ejus non spoliât, hortum non destruat, nec incendat, & segetibus in agris datâ operâ detrimentum non inferat.

22. Quodd si quis contraveniisse delatus fuerit, & inquisitione factâ compertum fuerit, quodd ab aliquo victum, vel pabulum per vim extorserit, vel eum spoliaverit, aut domum ejus, vel hortum vastaverit, aliudvè illi damnum intulerit, omnia in duplo rependat.

23. Pro ædificatione verò domorum, & castrorum liceat militibus ligna in sylvis possessionatorum excindere, modò in prohibita nemora non intrent, nullumque lignum ad vendendum auferant.

24. Si aliquis miles, aut quivis alius ad sua negotia proficiens, equos suos in campis frugibus paverit, vel eas ad hospitium asportaverit, exigatur ab eo sine ulla mora damni dati pretium in duplo juxta æstimationem, ut supra dictum est, faciendam, & corrigatur insuper secundum æquitatem.

25. Quodd si miles aliquis sufficienti victu, & pabulo pro se, & equis instructus, emere nihilominus ea secundum constitutum, ut

H h

supra,

supra, pretium ab aliquo voluerit, non vendantur. Si verò emerit, solvat in duplo pretium venditori cæteris in exemplum.

26. Si quis alicujus militis equos in campis dispersos, & palantes invenerit, teneatur eos ad castra adducere coram Palatino, vel eo absente coram iudicibus castrensibus, vel alijs officialibus statuendos, ut domino suo reddantur, qui pro singulis decem copicos adductori dare tenebitur. Ubicunque autem aliquid aliud à milite aliquo deperditum repertum fuerit, illicò ad Palatinum adferatur, vel ad iudices, aut officiales sine aliqua remunerationis spe.

27. Quòd si aliquis equum, vel alia à milite deperdita inveniens, ea, ut superius dictum est, non præsentaverit, & de hoc accusatus fuerit, veritate compertâ, auferantur ab ipso, & domino tradantur.

28. Si quis alicui in castris arma furto abstulerit, percutiatur knutis, & arma domino suo reddantur.

29. Si verò equum abstulerit, amputetur illi manus.

30. Si aliquis miles proficiscendo ad castra, vel ex ijs, latrocinari cœperit, commiseritque homicidium, vel mulieri vim intulerit, vel segetes secuerit, aut ex stagnis pisces violenter rapuerit, sive aliquo alio damno aliquem affecerit, accusatus, & delicto probato, pro homicidio, vel vi mulieri illatâ poenâ mortis afficiatur; pro alijs verò criminibus puniatur juxta eorum qualitatem, & omnia per vim ablata damnum passis solvat in duplo. Quòd si per inquisitionem delictum plenè probari nequeat, suppleatur per juramentum.

31. Si quis autem militem super his falsò accusaverit, veritate comperta eandem subeat poenam, quâ miles nocens repertus afficiendus fuisset.

32. Si miles in professione sua ad castra, vel ex ijs diverterit apud aliquem, cum quo inimicitias exercet, & ex animo deliberato cum eo rixatus fuerit, si eum occiderit, aut vulneraverit, probato delicto pro homicidio mortis poenâ afficiatur. Si verò pugno tantum extra mortem, & vulnus eum percusserit, aut verbali injuriâ affecerit, aut spoliaverit, veritate compertâ, puniatur juxta qualitatem delicti, & percusso, vel injuriâ affecto, vel spoliato in duplo pro spolio, & bissestiâ solvat.

CAPUT VIII

De redimendis captivis.

A Singulis domibus civium, vel quorumcunque incolarum in quacunque totius Moschovitici Dominij civitate, suburbio, vel terrâ ei annexâ, nec non & subditorum Patriarchæ, Metropolitanarum, Archiepiscoporum, Episcoporum, Monasteriorum exigantur quotannis pro redemptione captivorum quatuor copichi. Duo verò ex quacunque domo in pagis, & villis Tzaris, & possessionatorum, & patrimoniatorum. Ex singulis autem militum itrediziorum, Kosacorum, libratorum, portæ custodum & aliorum similium domibus unicus tantum. Quæ contributio afferatur ad Legatorum Cancellariam collecta secundum novam constitutionem,

nionem, abolito more antiquo, ut nemo ab hac solvenda immunis eat, quoniam talis redemptio communis eleemosyna vocatur, & pijsimum Tzarem, omnesque Orthodoxos Christianos magna à DEO merces manet, sicut dixit Sanctus Enoch, date aurum, & argentum propter fratrem, & redimite eum, & à DEO centuplum accipietis. Et Apostolus non tantum argentum, sed & animam jubet ponere pro fratre, nemo enim charitatem majorem habuerit, quam ut ponat quis animam suam pro fratre suo. Et propter ista Christi verba dignum pijsimis Tzaribus, & omnibus Orthodoxis Christianis opus est non solum captivos redimere; sed & animam suam ponere pro ipsis, & mercedem sibi centuplam promereri.

2. Pro redemptione autem nobilis alicujus, aut filij nobilis in pugna, vel legatione à Turcis, aut Schythis capti solvantur ex singulis bonorum eorum centenis jugeribus rubli viginti.

3. Si verò non in pugna, aut legatione captus fuerit, quinque.

4. Pro unoquoque strelitzio Moschoviensi rubli quadraginta.

5. Pro cæteris ex civitatibus limitaneis, & pro Cosacis rubli viginti quinque.

6. Pro singulis civibus rubli viginti.

7. Pro singulis agricolis, & Bojarorum subditis quindecim.

CAPUT IX.

De vectigalibus per aquas & pontes.

1. **N**ullus publicanorum in locis, quæ jus exigendi vectigal habent, sive ad Tzarem, Patriarcham, Metropolitam, Archiepiscopos, Episcopum, Monasteria, Bojaros, Ocolnicos, Consiliarios, cubicularios, sive ad alios cujuscunque status & conditionis homines etiam advenas spectent, audeat aliquid vectigalis nomine exigere à Nobilibus, filijs Nobilium, alienigenis, & militibus quibuscunque, aut ab eorum famulis, & curribus, aut à tabellarijs ad Tzaris negocia missis.

2. Contra facientes verò, si fuerint delati, veritate comperta etiam per juramentum, reddant exactam pecuniam in triplo, & insuper knutis cedantur.

3. Si à militum famulis, vel alicujus domini subditis illo absente, victualia (non tamen ad vendendum) portarentur, & publicanus aliquis ab eis in trajectu fluvij, vel pontis vectigal exegerit, hocque illi cum juramento affirmaverint, solvat illis publicanus exactum in triplo. Quod si insuper addiderint, se fuisse ab eo percussos, vel spoliatos, fiat inquisitio, & juxta facti veritatem puniatur.

4. Si aliquis Moschoviticus Dominij homo, & districtum nobilis, vel nobilis filius, vel advena mercatores cum mercibus sibi associatos per telonia, fluvios, & pontes secum transire sine vectigalis solutione fecerit, percutiatur knutis, & exigatur ab eo vectigal in triplo, publicano, cui fraudem fecerit, tradendum.

5. Si aliquis mercatorum cujuscunque conditionis apud publicanos se militem esse profiteatur, re comperta knutis cedatur, & solvat

solvat Tzari rublos quinque Molchuz, vel in illo loco, ubi contra eum facta fuerit accusatio.

6. In officio juratorum, ubi pecunia congregatur, in tabernis, telonijs, trajectibus, & pontibus, qui in civitatibus, districtibus, & Tzaris villis, ac pagis sunt, solis civibus ministris esse liceat.

7. Nemini tempore hyemis in civitatibus, & Tzaris pagis & villis, ac in Patriarchæ, Metropolitanarum, Archiepiscoporum, & Monasteriorum bonis, inque Bojarorum, Ocolniciorum, & Nobilium, cujuscunque conditionis, & districtus patrimonij, & possessionibus circa pontes propter vectigal glaciem secare liceat. Contravenientes exdantur knutis, & solvant multam ad arbitrium Tzaris.

8. Milites nullibi in pagis, & villis pro hospitio aliquid alicui solvere teneantur. Quod Molchuz per plures dies proclamandum erit, mittendæque ad alias civitates Tzaris literæ, ut hoc similiter strictè prohibeant.

9. Nemo in pagis, villis, aut civitatibus, sive ad pontes, sive ad fluvios, sive in nundionis novum imponere vectigal sub ullo prætextu audeat; sed antiqua tantum exigantur.

10. Si quis autem sine mandato propter suum commodum aliquid imposuerit, hoc cedat Tzari.

11. Quod si quis ab antiquo in suis possessionibus præviâ licentiâ pontes, vel in fluvij naves habuerit, teneatur vias parare, pontesque & naves ipse suis expensis facere, & reparare, ne transeuntes moram, aut damnum aliquod patiantur.

12. Si quis verò possessionatus, sive patrimoniatu in patrimonij, & possessionibus suis circa pontes, & fluvios vectigal exegerit, pontes verò, & naves commodè reficere neglexerit, ita ut ibi militum equi submergantur, vel ex luto exire nequeant, & vel ipsi, vel alij, quicunque fuerint, in vicualibus, mercibus, vel alijs quibuscunque rebus damnum patiantur, teneatur hæc damna eis reficere, factâ ei, & cæteris alijs admonitione, ut in posterum pontes, & naves aptent, ne transeuntibus detrimentum aliquod oriatur.

13. Si administratores, & jurati, sive vectigalis redemptores alicubi in locis ad Tzarem pertinentibus pontes, & naves reficere neglexerint, ita ut aliquis transiens moram, aut damnum inde sentiat, teneantur damna juxta æstimationem faciendam ei reficere. Mandeturque ipsis serîo, ut in posterum muneri suo satisfaciant.

14. Si quis possessionatus, aut patrimoniatu antiquas molendinorum vias sive submergens, sive arans, fundo suo adjunxerit, teneatur novam in suo fundo viam facere, per quam æqualiter commodè, ac per antiquas, qui illac transire debebunt, ire possint.

15. Longiores autem & peiores antiquis si fecerint, adstringantur omnino ad eas juxta antiquarum commoditatem reformare.

16. Si apud aliquem possessionatum nullus unquam fuerit pons, via autem sit lutosâ, ideoque supplex petat, ut sibi concedatur facultas, viam, pontes, & similia ad transeuntium commoditatem, sternendi, & ædificandi, & pro expensis vectigal ab illis exigendi ad formam cæterorum, factâ loci revisione, si vera narravit, petita licentiâ ei concedatur.

17. In fluvij navigabilibus nova molendina, aut pontes non extruantur, ne navium iter retardetur.

18. Aut

18. Aut si exstruentur, aptetur in ejus medio porta, per quam transire naves possint. In sepimentis autem ab antiquo in fluminibus ad piscationem factis relinquatur pro navium transitu foramen. Occulta autem in aulis nemo faciat, ne naves detineantur, & nullum ad ea vectigal exigat.

19. Si quis autem sine Tzaris licentia vectigal ad pontes de novo erexerit, vel molendina exstruxerit, submersâ antiquâ viâ, tam ista, quam illi omninò destruantur.

20. Quod si quis molendinorum ædificator supplex à Tzare petierit, ut ea non destruantur, concedatur, sed cum præcepto, ut in antiquis vls ad transeuntium commodum pontes reficiat, nihilquæ ab ullo pro transitu exigat.

21. Sed si quis vectigal ad pontium, & navium transitum exigere consueverit, deinde verò neutrum illorum habuerit, si querela contra eum data fuerit, & justificata, destruantur omninò molendina, & sepimenta ab eo erecta, ne milites, aut quivis alius inde moram, aut damnum patiantur.

CAPVT X.

De Judiciis

1. **M**andat Dominus Tzar, & totius Russiæ Magnus Dux Alexius Michaelowicz Bojaris, Ocolnicijs, consiliarijs, Cancellarijs, & omnibus Prætoribus, & Judicibus, ut jus, & justiciam cunctis Moschovitici Dominij, tam indigenis, quam advenis, à maximo usque ad minimum, semotis amicitia, & odij affectibus, æquâ lance administrent, posthabitoque erga potentiores respectu oppressos ab eis liberent.

2. Contentiosa negotia, quæ in Cancellarijs ob aliquam causam judicari nequeunt, per oblatum Domino Tzari, & totius Russiæ Magno Duci Alexio Michaelowicz supplicem libellum ad Bojarorum, Ocolniciorum, & Consiliarium judicium transferantur, qui in Palatio sedendo juxta Tzaris decretum in omnibus negotijs justiciam cunctis administrent.

3. Si judex ab accusatore, vel ab accusato suspectus apud Tzarem allegabitur, detur ei alius Judex primo remoto.

4. Sed si talis allegatio fiat post litem in causa sententiam, fidem non inveniatur, & negotia de Cancellaria in Cancellariam non transferantur, ne partes longiori judicio fatigentur.

5. Si quis Bojarus, sive Ocolnicius, sive Consiliarius, sive cancellarius, sive quicumque alius judex muneribus, vel affectu aliquo corruptus innocentem tanquam reum condemnaverit, vel reum quasi innocentem absolverit, veritate compertâ, parti aggravatæ damnum ab ea ob ejus injustam sententiam passum in triplo, & Tzari, quantum in muneribus accepit, tantundem decies multiplicatum solvat. Insuperque, si Bojarus, vel Ocolnicius, vel Consiliarius fuerit, officio, & dignitate exuatur, reliqui autem judices per civitatem circumducti knuto credantur, officioque priventur.

6. Et in civitatibus Provinciarum Diachi, seu secretarij, ceterique omnes judicijs prepositi pro tali crimine eadem poenā pleantur.

7. Si quis Judicem accusaverit, quoddam injustam sententiam protulerit ob munera ab ejus fratre, sive filio, sive consanguineo, sive famulo eidem tradenda accepta, Bojari inquirent districte super negotio, confrontatis accusatore, & accusato, & investigando, an munera fuerint accepta? & an mandato accusati? & examinent, an sententia contra æquitatem lata sit? & his verificatis, puniatur accusatus, ut superius scriptum est.

8. Quoddam si munera quidem accepta, sed infcio iudice, cadatur, qui ea accepit, knuto sine misericordia, solvatque Tzari munera accepta in triplo, & conijciatur in carcerem ad hujus arbitrium.

9. Si quis verò iudicem de corruptela falsò accusaverit, & ille sententiam ad æquitatis normam protulerit, calumniator cadatur knuto sine misericordia, & solvat innocenti büzestiam in triplo, tradaturque in carcerem ad arbitrium Tzaris.

10. Si aliquis Bojarus, seu Ocolnicius, seu Consiliarius, seu Cancellarius sive alius quicumque ex ignorantia perperam judicaverit, non ex malitia, & hoc verum esse constiterit, ordinabit Tzar, quid cum eo faciendum. Interim Bojari negotium ad finem perducent, quoddam si præstare aliquà de causa non poterunt, instituitur denudò à capite iudicium.

11. Processus iudiciorum scribant Cancellistæ sine lituris, & additionibus, ipsque absolutis accusator, & accusatus manu sua subscribant; pro nescientibus verò literas pingere subfignent alij eorum confidentes. Ex hoc authographo describat Cancellista copiam, quam Cancellarius collatione factà subfignabit. Authographum autem Cancellista penes se ad finem usque causæ retinebit, quâ finitâ, apud acta iudiciorum reponet, ibi semper ad futuras contentiones dirimendas remanendum.

12. Si aliquis Cancellarius muneribus corruptus, vel ob amicitiam, vel inimicitiam jusserit Cancellistam mutare in aliquo substantiam processûs à partibus jam subfignati, & Cancellista obediens, veritate compertâ, Cancellarius per forum, & plateas civitatis circumductus knuto cadatur, & officio privetur. Cancellistæ verò manus amputetur, & rescribatur processus secundum veritatem priorem, & sententia desuper iusta feratur.

13. Si quis Cancellistam suspectum allegabit, quasi parti suæ contrariæ addictum, illique secreta revelantem, processus causæ ab eo ad alium Cancellistam transferatur. Quoddam si processus iste denudò ad primum Cancellistam favore Cancellarij redierit, vel hic dolo usus illum ex Cancellaria extulerit, ita ut apud eum extra arcem, sive in domo reperiat, veritate compertâ, quoddam hoc cum scitu Cancellarij factum fuerit, solvat hic parti læsæ damnum, & Tzari multam, & insuper ipse, & cancellista knutis cadantur, & officijs priventur, ad ea numquam amplius admittendi.

14. Si quis de supradicto crimine cancellistam falsò accusaverit, Bojari verò, & Ocolnicij, & Cancellarij, alijque iudices eum, rejecerint, ideoque ille ad Tzarem recurrens, aut Bojarum aliquem,
aut

aut Ocolnicium, aut Cancellarium, aut Cancellistam mendaciter detulerit, veritate compertâ, pro injuria Bojari, Ocolnicij, & Cancellarij, & pro falsâ accusatione cædatur knuto, & pro injuria Cancellistæ virgis.

15. Si aliquis Judex accusatus fuerit de protracto ob sua commoda litis sine, veritate compertâ, puniatur ad arbitrium Tzaris, & jubeatur htem sine mora dirimere, ne partibus ex dilatione damnum sequatur.

16. Si Cancellarius aliquis, aut Cancellista muneribus corruptus alteram partium longâ morâ detinuerit, delatus, & reus reperi- tus, teneatur solvere moram passo viginti copicos in singulos dies, ab illo, ex quo lis incepta, usquë ad illum, quo accusatus ipse fuit, computandos, insuperquë Cancellarius virgis, Cancellista autem, knutis cædatur.

17. Quod si partes ex negligentia sua moræ causam dederint, Cancellarios verò, aut Cancellistas de mora falsò detulerint, veritate compertâ, hi absolvantur, delatores autem puniantur eadem pœnâ, quæ superius contra Cancellarios, & Cancellistas scripta est.

18. Si quis aliquem coram judicë calumniosè de debito convenerit, veritate compertâ, teneatur solvere convento decem copicos in singulos dies numerandos ab illo, quo eum primò convenit, usquë ad illum, quo sententiâ mediante lis finem accepit, ut ab hoc exemplo calumniatores deterreantur.

19. Si quis creditor à debitore suo coram Judice convento aliquid supra debitum petierit, veritate compertâ solvat debitor, quod verè debet, creditor verò illud, quod plus debito petijt, solvat Tzari in triplo cæteris in exemplum.

20. Quicquid autem super aliquo negotio justiciam sibi administrari voluerit, primas instantias suas nullo modo prætereat, sed supplices libellos suos Bojaris, Ocolnicijs, Consiliarijs, vel alijs officialibus cancellariæ ad negocia, quæ ille propositurus est, deputatæ porrigat, & si super ijs jus sibi non fiat, tunc ad Tzarem recurrat, & in supplici suo libello narret, se à Cancellaria justiciam obtinere non potuisse. Si quis verò præteritâ primâ Cancellariæ instantiâ rectâ Tzari libellum supplicem porrexerit, virgis cædatur, aut, si supremæ conditionis homo erit, carcere per hebdomadam maceretur in aliorum exemplum.

21. Si post conclusum in causa actor documenta nova sive à Cancellario subscripta, sive non, actionem suam impinguando produxerit, petens eorum rationem haberi, non recipiuntur, sed liti finis juxta jam acta & probata imponatur.

22. Nullus Judex, postquam fuerit conclusum in causa, aliquid favore, aut odio processui addat, aut detrahat, cumquë neutrà partium colludat, nullaquë ab ijs documenta ampliùs recipiat. Quod si actor, vel reus aliquid per probationes corroborare obtulerit, interrogetur, ubi suas probationes habeat. Et si responderit, eas Moschuæ apud se esse, mandetur ei, ut quantò citius producat. Sed si aliud petendas esse affirmaverit, concedatur ei tempus eas adferendi ad arbitrium Tzaris. Cancellistæ autem mandetur, ut acta super lite in mensâ ad confirmationem sine dilatione ponat, ne judicia prolongentur. Causæ autem, quæ per paratas in proximo inquisitiones, probationes,

bationes, & juramentum definiri possunt, sine mora decidantur. Sed si ob probationes à Provincijs petendas necesse fuerit, literas Tzaris ad Palatinos, & Prætores dare, sine ulla mora transmittantur, præcepto eis facto, ut & ipsi, quicquid per inquisitionem invenerint, citò remittant. Quæ remiserint autem, quam citissimè describantur, sententiæque sine dilatione desuper proferatur, ne partes ob moram damno afficiantur.

23. Si contigerit, ut ab aliqua Cancellaria, cui secundum Tzaris decretum præest Bojarus, sive Ocolnicus, sive Consiliarius cum alijs tribus, vel quatuor adfessoribus, aliquis eorum, vel plures ob ægritudinem, vel aliam urgentem causam, vel ob missionem absint, ad partium instantiam nihilominus in causis procedatur ab ijs, qui præsentés erunt, usque ad sententiam, cui ipsi subscribant soli cum additione causæ, ob quam unus, aut alter sociorum absens fuerit.

24. Quod si quis adfessorum, non propter morbum, aut aliam aliam urgentem causam, sed procerum negotijs voluntariè occupatus, Cancellariam frequentare per aliquot dies neglexerit, corrigatur poenà à Tzare arbitrandà, cum expresso mandato, ut muneris suo vacet, ne ob iudicis defectum partes damnosam moram patiantur.

25. Die dominica iudicia sileant, nullusque iudicium in Cancellarijs fideat, nullaque negotia, exceptis urgentibus Tzaris, tractentur. Quod observandum erit.

In die Nativitatis Christi.

In die Epiphaniarum, & alijs Domini festivitibus.

In hebdomada, quæ carnibus exulantibus lactaria tantum comeduntur.

In prima hebdomada Quadragesimæ.

In hebdomada sancta ante diem Paschæ.

Septem diebus post Paschæ.

In anniversario die natali Domini Tzaris, & totius Russiæ Magni Ducis Alexij Michælowicz, & ejus orthodoxæ fidei Tzarissæ, & Magnæ Ducissæ Mariæ Ilianz, & ipsorum piissimæ proles.

26. Singulis diebus Sabbathi Orthodoxi Christiani tribus horis ante vesperras officinas claudant, & à mercatura & alijs operibus omnibus desistant. Dominicis verò non aperiuntur, nemoque mercaturæ, exceptis, quæ ad victum humanum, & equorum pabulum pertinent, aut labori vacet. Quod observetur in singulis Domini festis. In diebus verò, quibus publicè cum imaginibus, & crucibus per civitatem prodeunt supplicationes, nemo mercaturam exerceat, aut officinas aperiat, quoadusque processio in Cathedralē Ecclesiā reversa non fuerit.

27. Si Bojarus, vel Ocolnicus, vel Consiliarius verbis contumeliosis Patriarcham assēcerit, veritate compertā, tradatur Patriarchæ.

28. Si verò vel Metropolitam, vel Archiepiscopum, vel Episcopum, solvat Metropolitæ quadringentos rublos, Archiepiscopo trecentos, Episcopo ducentos, quod si quis solvendo non erit, tradatur Antistiti injuriato.

29. Sed si Abbatem, sive Priorem, sive alium quemcunque Ecclesiasticum, solvat bissestium ad arbitrium Tzaris.

30. Si Stolnikus, sive Strepzius, sive Nobilis Moschoviticus, sive Mercator, sive Diakus, sive filius Nobilis ex districtibus, sive adventa, sive aulæ

aulæ famulus, Patriarcham, sive Metropolitam, sive Archiepiscopum, sive Episcopum, sive Abbatem, Priorem, Superiorem, Thesaurarium, vel aliquem Ecclesiastici Ordinis ministrum injuriâ verbali affecterit, veritate compertâ, pro Patriarcha virgis cædatur, pro Metropolita verò, Archiepiscopo, & Episcopo conjiciatur in carcerem.

31. Quod si aliquem ex supranominatis verbis injuriosis exceperit mercator panni, seu ex plebe, & suburbij rusticus, sive Strelitzius, sive Cofacus, aut aliquis alius cujuscunque conditionis, pro Patriarcha corrigatur publicè virgis, & tradatur in carcerem ad mensem.

Pro Metropolita virgis cædatur, & in carceres per quattuordecim dies conjiciatur.

Pro Archiepiscopo verò, & Episcopo virgis cædatur, & poenam carceris triduo luat.

Cenobitis verò injuriâ affectis solvat injurius, ut infra, nempe.

32. Abbati vivificæ Trinitatis Sergij Monasterij rublos centum. Procuratori octuaginta. Thesaurario septuaginta singulis patribus ex consilio quadraginta.

33. Ex Woldimirienſi Nativitatis Christi monasterio Abbati novaginta rublos. Procuratori 70. Thesaurario 60. singulis patribus à consilio 20.

34. Miraculorum Monasterij Abbati 80. rublos. Procuratori sexaginta. Thesaurario 50. singulis patribus à consilio 20.

35. Salvatoris Monasterij, quod de novo conditum, Abbati 70. rublos. Procuratori 50. Thesaurario 50. singulis patribus à consilio 10.

36. Ex Magna Novogardia, & Georgij Monasterio Abbati 70. rublos. Procuratori 50. Thesaurario 40. singulis patribus à consilio 20.

37. Simeonis Monasterij Abbati 60. rublos. Procuratori 50. Thesaurario 40. singulis patribus à consilio 20.

38. Ex Suiaſco Nativitatis B. Virginis monasterio Abbati 60. rublos. Procuratori 40. Thesaurario 35. singulis patribus à consilio quindecim.

39. Ex Andronij Monasterio Abbati 60. rublos. Procuratori quadraginta. Thesaurario 35. singulis patribus à consilio 15.

40. Ex Varano Transfigurationis Monasterio Abbati 60. rublos. Procuratori 40. Thesaurario 30. singulis patribus à consilio 15.

41. Ex Hostroma Ipacensis monasterij Abbati 60. rublos. Procuratori 40. Thesaurario 30. singulis patribus à consilio 15.

42. Ex inferiori Novogardia Pecorienſis monasterij Abbati 50. rublos. Procuratori 35. Thesaurario 20. singulis patribus à consilio quindecim.

43. Ex Novogardia Phutinenſis monasterij Abbati 50. rublos. Procuratori 30. Thesaurario 20. singulis patribus à consilio 15.

44. Ex Bleſoſero Cyrilli monasterij Priori 50. rublos. Procuratori triginta. Thesaurario 30. singulis patribus à consilio 15.

45. Ex Pereaslaw Horicenis monasterij Abbati 50. rublos. Procuratori 30. Thesaurario 20. singulis patribus à consilio 15.

46. Ex Moſaiſtensi monasterio Abbati 45. rublos. Procuratori 25. Thesaurario 15. singulis patribus à consilio 10.

47. Ex Roſtoro Epiphaniarum monasterio Abbati 40. rublos. Procuratori 20. Thesaurario 15. singulis patribus à consilio 10.

K k

48. Ex

48. Ex Høstroma Epiphaniarum monasterij Priori 40. rublos. Procuratori 20. Thefaurario 15. singulis patribus à consilio 10.
49. Ex Epiphaniarum monasterio extra officinas Priori 40. rublos. Procuratori 20. Thefaurario 15. singulis patribus à consilio decem.
50. Ex Inznamioka monasterij S. Barbarę Priori 35. rublos. Procuratori 20. Thefaurario 10. singulis patribus à consilio 5.
51. Ex Jaroslavia Salvatoris monasterio Abbati 30. rublos. Procuratori 20. Thefaurario 10. singulis patribus à consilio 5.
52. Ex Borowsko Pafnutij Monasterio Priori 30. rublos. Procuratori 20. Thefaurario 10.
53. Ex Vologdamsko Josefhi monasterio Priori 50. rublos. Procuratori 30. Thefaurario 20.
54. Ex Susdali Salvatoris monasterio Abbati 30. rublos. Procuratori 20. Thefaurario 10.
55. Ex Magna Novogrodia Antonij monasterio Priori 30. rublos. Procuratori 20. Thefaurario 10.
56. Ex Pskow Pecorensi Abbati 30. Procuratori 20. Thefaurario decem.
57. Ex Selowceensi monasterio Priori 30. rublos. Procuratori 20. Thefaurario 10.
58. Ex Sunza flavarum aquarum monasterio, Priori 30. rublos. Procuratori 20. Thefaurario 10.
59. Ex Rezano Salvatoris monasterio Abbati 25. rublos. Procuratori 20. Thefaurario 10.
60. Ex Magna Novogrodia Tichuinenfi Priori 25. rublos. Procuratori 20. Thefaurario 10.
61. Ex Wologda Kamenensis monasterij Abbati 20. rublos. Procuratori 15. Thefaurario 10.
62. Ex Tweria Virorum monasterio Abbati 20. rublos. Procuratori quindecim. Thefaurario 10.
63. Ex Wologdamsko Vormicensis monasterij Abbati 30. rublos. Procuratori 15. Thefaurario 10.
64. Ex Pereaslaw extra sylvam Danielis monasterio Abbati 20. rublos. Procuratori 15. Thefaurario 10.
65. Ex Bielojofero Ferapontoviensfi Priori 20. rublos. Procuratori quindecim. Thefaurario 10.
66. Ex Rostoviensfi Iſtyc Boryſi & Chlebi monasterio Priori 20. rublos. Procuratori 15. Thefaurario 10.
67. Ex Refano Solocinenfi Abbati 20. rublos. Procuratori 15. Thefaurario 10.
68. Ex Wologda Prilaccenfi Priori 20. rublos. Procuratori 15. Thefaurario 10.
69. Ex Altrachano Trinitatis Abbati 20. rublos. Procuratori quindecim. Thefaurario 10.
70. Ex Magna Novogrodia Spiritus Sancti Priori 20. rublos. Procuratori 15. Thefaurario 10.
71. Ex Magna Novogrodia Wrazkenfi Priori 20. rublos. Procuratori quindecim. Thefaurario 10.
72. Ex Wenigorod Storozewienfi Priori 20. rublos. Procuratori quindecim. Thefaurario 10.

73. Ex Wologda Sancti Pauli monasterio Priori 20. rublos. Procuratori 15. Thefaulario 10.
74. Ex Wologda Glarinensi monasterio Priori 20. rublos. Procuratori quindecim. Thefaulario 10.
75. Ex Kasino Kollazinenſi monasterio Priori 20. rublos. Procuratori 15. Thefaulario 10.
76. Ex Wologda Cornelij monasterio Priori 20. rublos. Procuratori quindecim. Thefaulario 10.
77. Ex Pereaslaw extra ſylvam Nikitenſi monasterio Priori 20. rublos. Procuratori 15. Thefaulario 10.
78. Ex Mozaysko Woloockomenſi Priori 15. rublos. Procuratori decem. Thefaulario 8.
79. Ex Vhrlefinenſi Priori 15. rublos. Procuratori 10. Thefaulario ſeptem.
80. Exaltationis S. Crucis quod in arbata Priori 15. rublos. Procuratori 10. Thefaulario 7.
81. Monasteriorum autem in regiſtro non ſcriptorum Abbatibus ſingulis 10. rublos. Prioribus 8. Procuratoribus & Theſaurariis ſex.
82. Ordinariis verò cujuſcunque monasterij monachis rublos 5.
83. Si aliquis Metropoliſta, ſive Archiepiſcopus, ſive Epico-
pus, ſive Abbas, ſive Prior, ſive Procurator, ſive Theſaurarius, ſive
ordinarius Monachus verbis contumelioſis aſſecerit Bojarum,
Ocolnicium, Conſiliarium, mercatorem, ſive alium quemque homi-
nem, veritate compertâ, ſolvat unicuique ex majoribus injuria aſ-
ſectio biſſeltiam juxta ejus qualitatē ſecundum Tzaris declaratio-
nem. Mercatoribus verò, & cæteris inferioris ordinis hominibus
juxta declarationes Inferiſis adnotandas.
84. Quod ſi aliquis Abbas, ſeu Prior, Procurator, Theſaura-
rius, ſive ordinarius Monachus ſolvendo non erit, ordinariam pecu-
nam virgarum, vel colli ferro incluſi ſubeat, quoadusque injuriâ aſ-
ſectum placaverit.
85. Si quis Protopopum, ſive Protodiaconum, ſive Popum, ſive
Diaconum verbali injuriâ aſſecerit, veritate compertâ, ſolvat
biſſeltiam, ut infra, nempe, Majoris Eccleſiæ Cathedralis Caſtiſſimæ
DEI Genitricis Protopopo 50. rublos. Protodiacono 40. Janitoribus,
& Sacriſtis ſingulis 30. Popis 25. Diaconis 15. Annunciationis Pro-
topopo Tzaris Patris ſpirituali 100. rublos, janitoribus, Popis & Dia-
conis juxta ſtipendium unicuique eorum à Tzare in pecunia conſtitu-
tum. Quod obſervandum erit cum omnibus & ſingulis Protopo-
pis, Protodiaconis, & Popis aliarum Eccleſiarum Cathedralium.
86. Popis verò & Diaconis Parochialium Eccleſiarum qui an-
nuale ſtipendium conſtitutum non habent, ſolvatur pro biſſeltia di-
midium ſummæ conſtitutæ pro Popis ſupremæ Eccleſiæ Cathedra-
lis Moſchuz.
87. Protopopis, Protodiaconis, Popis, & Diaconis Eccleſiæ Cathedra-
lis in civitatibus ſolvatur biſſeltia juxta eorum annuale ſtipendium.
88. In Parochialibus verò Eccleſiis Popis, & Diaconis, qui
ſtipendium conſtitutum non habent, dimidium ſummæ Protopopis,
& Protodiaconis conſtitutæ.
89. Et in diſtrictibus paganis ſine poſſeſſione Popis 5. rublos.
90. Si

90. Si exortâ inter Bojaros, & Ocolnicos, & Conſiliarios contentionem, unus alterum verbis contumelioſis affecerit, veritate compertâ, ſolvat biſzeſtiam ad Tzaris arbitrium.

91. Si aliquis Stolnichus, ſive Strepze, ſive Nobilis Moſchoviticus, ſive mercator, ſive Diachus, ſive Zilzi, ſive nobilis alterius diſtrictus, ſive advena, ſive ſamulus aulicus Bojarum, ſive Ocolnicium, ſive Conſiliarium verbali affecerit injuriâ, ſolvat injuriam paſſo biſzeſtiam juxta ordinationem, quod ſi in ære non habeat. knutis cædatur.

92. Si verò injuria aliquem ſupradictorum afficiens erit-mercator panni, ſive ex plebe homo, ſive Strelitzius, ſive Coſacus, ſive ſamulus alicujus monaſterij, vel Bojari, ſive alius cujuſcunque conditionis homo, veritate compertâ, pereutiatut knutis, & in carceres per duas hebdomadas conijciatur.

93. Et ſi quis cujuſcunque conditionis homo contumeliâ affecerit Stolnikum, ſive Strepzium, ſive nobilem Moſchoviticum, ſive Diakum, ſive Zilzium, ſive alterius diſtrictus nobilem, ſive advenam, ſive ſamulum aulicum, ſive Cancelliſtam, ſive alterius cujuſcunque ſtatûs hominem, veritate compertâ, ſolvat injuriato biſzeſtiam.

94. Si quis injurius fuerit in honoratos homines navigantes, vel in mercatores majoris, vel mediocris, vel minoris conditionis, in ærarij miniſtros, in plebejos cujuſcunque conditionis, in paganos Tzaris ſubditos, in ſamulos Bojarorum, & diverſorum & minorum ſubditos, ſive in liberos homines, veritate compertâ, ſolvat pro biſzeſtiâ, ut infra nempe.

Mercatoribus navium, qui mercantur ſuper navi 100. rublos.

Mercatoribus gravioribus 50.

Mercatoribus inferioris conditionis ex majoribus officiis 20. Ex mediocribus 15. Ex minoribus 10.

Mercatoribus panni majoribus 15. mediocribus 10. minoribus 5.

Ærarij miniſtris 5.

Plebeijs majoris conditionis 7. mediocris 6. minoris 5.

Veſtoribus 5. agricolis, ſubditis Tzaris in aulæ pagis unum rublum.

Si quis Tzaris paganos, & ruſticos percufferit, ijsquæ vel oculum eruerit, vel manum, vel pedem fregerit, vel aliud vulnus, aut tumorem fecerit, ſolvat vulnerato decem rublos; ſi autem percufferit ſine vulnere, duos. Bojarorum ſamulis quinque rublos. Operarijs, ſamulis monaſterij, & poſſeſſionatorum ſubditis pro biſzeſtia, & percuffione ſolvat, juxta ordinationem factam circa ſubditos aulæ Tzareæ, & ſui juris hominibus rublum unum.

95. Si quis cujuſcunque conditionis verbali injuriâ affecerit, Patriarchæ, Metropolitæ, Archiepiſcopi, Epiſcopi Cancellarios, & filios nobilium, ſive alterius conditionis ſubditos, ſolvat pro biſzeſtia, ut infra, nempe.

Patriarchæ Cancellarijs juxta ipſorum annum ſtipendium.

Filijs nobilium primæ conditionis 15. rublos. Secundæ 10. Tertiæ quinque.

Coquo 2. Piſtori 2. Aurigæ 1.

Cantoribus Patriarchæ primæ conditionis 7. Secundæ 5.

Vice-Cantoribus majoribus rublos 5. Minoribus 3.

Metro-

Metropolitaram, Archiepiscoporum, Episcoporum, filijs Nobilium primæ conditionis rublos 10. Secundæ 7. Tertiæ 5. Cantoribus 3. Vice-Cantoribus 2.

Coquo, Pistori, Aurigæ, singulis unum rublum.

96. Si quis verbali injuriâ affecerit monasteriorum causidicos, solvat pro biszestia, ut sequitur.

Monasterij Trinitatis apud Sergium Causidico 15. rublos. Nativitatis monasterij in Wlodomiria, miraculorum monasterij Salvatoris, monasterij novi, Georgij monasterij in Magna Novogrodia, Simeonis monasterij causidicis 10. Aliorum verò monasteriorum 5. Ordinarijs servitoribus primæ conditionis 4. Secundæ 3. Pueris 1.

97. Monialibus in monasterio manentibus 5. rublos, extra monasterium verò 3.

98. Cantoribus Ecclesiasticis 3. vel 2. Janitoribus 2. Mulieribus, quæ panem conficiunt ad consecrationem in missa 3.

99. Quod si quis contumeliosis verbis affecerit sceminam conjugatam, vel virginem, vel alicujus filium nondum possessionatum, solvat pro biszestia nuptæ injuriæ affectæ, quod solvi deberet marito, in duplo. Virgini, quod solvi deberet patri, in quadruplo: Filio, quod solvi deberet patri, pro medietate.

100. Si quis aliquem de injuria postulaverit, scribat in libello, ad quantam summam biszestia sibi solvenda ascendat, ni fecerit, Cancellarius libello non subscribat.

101. Si accusatus juxta citationem sibi factam fidejussores dederit de se sistendo coram judice, & auditâ accusatione nihil responderit, si in ea fuit expressa biszellæ summa, illico teneatur accusatori eam solvere.

102. Sed si idem nihil responderit, quia in ea biszellæ summa non fuit expressa, non erit condemnandus, sed mandandum accusatori, ut eam exprimat.

103. Si quis contra aliquem per libellum, & citationem unicam tantum actionem intentaverit, comparentem verò accusatum, & ad illam respondentem pro altera insuper conveniat, audiatur, neque liceat accusato subterfugere judicium sub prætextu, quòd hanc citatus non fuerit, ideoquæ talis ejus responsio pro juridica ad acta non admittatur.

104. Si quis autem citaverit aliquem coram judice super una actione, de eaque sola contra eum egerit, & tamen in libello accusationis plus vel minus scripserit, & accusatus contra eum produxerit registrum, nempe copiam authenticam suæ obligationis, ex qua ad minus eum obligatum esse appareat, actor fiat reus.

105. Partes autem coram judice ad mandatum comparentes clamoribus, & oburgationibus abstineant, nullaque verba injuriosa & infamatoria invicem proferant, sed & neque inter se contendant. Quod si quis alterum coram judice verbis injuriosis affecerit, judicis respectu carceris penam per hebdomadam luat, & solvat injuriam passo biszelliam secundum ejus statum. Si percusserit pugno sine vulnere, solvat percusso illam in duplo. Si cultrum, aut alia qualiacunque evaginaverit arma, sed vulnera non intulerit, virgis cedatur. Si vulneraverit, knutis. Si vulneratus ex vulnere deinceps, vel statim ibi ante judicem mortuus fuerit, penam mortis &

ipse subeat sine ulla misericordia, & ex ejus bonis solvantur omnia debita occisi, de quibus per scripturam constiterit, reliqua autem minime. Quod si occisor aufugerit, quodocunque capietur, morte mulctetur. Sed si quis coram iudice armis ab adversario impetratus ob necessariam sui defensionem eum vulneraverit, vel occiderit, poena mortis non afficiatur.

106. Si quis ad Cancellariam ob quancunque causam accedens iudicem verbis contumeliosis affecerit, comperta veritate, ob violatam debitam Tzari reverentiam cadatur knutis, vel virgis ad hujus arbitrium, solvatque judici biszestiam. Si illum percusserit, sive vulneraverit, manus ei amputetur, & solvat illi biszestiam in duplo. Si vero illum etiam extra Cancellariam occiderit, moriatur & ipse, & solvantur ex ejus bonis omnia debita iudicis occisi, de quibus per scripturam constiterit. Si autem aufugerit, perquiratur, & quodocunque captus fuerit, poena mortis ei irrogetur.

107. Quod si iudex illum Tzari falso detulerit, veritate comperta, poenam eandem luat, quam luere debuisset accusatus, si veraciter delatus fuisset.

108. Si partes concorditer renunciando termino à jure constituto per scripturam manus subscriptione signatam à iudice petant aliter sibi assignari, intra hunc omnino coram illo comparere debent, quod si altera facere neglexerit, pro rea habeatur. Postquam autem ex ijs una tales supplices obtulerit preces, ijsque in Cancellaria subscripserit, si altera tempore assignato non compareat, condemnanda erit, exceptis tamen negotijs scripto firmatis. Quod si alterutra partium intra tempus assignatum infirmabitur, ita ut comparere personaliter coram iudice nequeat, aliquem sibi fidum nomine mittat, partes sibi incumbentes adimpleturum. Quod si non fecerit, erit culpabilis. Nihilominus si adduxerit, se omnino carere homine, quem sui loco mittat, cum nullum habeat, aut consanguineum, aut famulum, mittatur ad eum probus Cancellista, qui inquiret de veritate excusationis, & ea comperta, detur agro tempus ad comparendum, cum convalescit.

109. Si reus conventus intra terminum citationis coram iudice, actor vero neque septimanam post terminum elapsam comparuerit, hic, si alias actiones, præter jam signatas, habuerit, super ijs in prenam contumacie suæ non audiatur. Sed si intra, vel post terminum filium, vel consanguineum, vel quemcunque alium miserit, excusans ob morbum, vel aliquod aliud impedimentum absentiam suam, admittatur ad agendum, quem miserit. Si vero ægritudinem causatus, & hominis, quem mittat, defectum, supplex petierit terminum prorogari, visitetur, & veritate in utraque excusatione comperta, citeatur denuo reus ad comparendum, quando actor convalescit, huiusque actionis rati omnino habeatur. Quod si ægritudo per longas moras adhuc non cederet, remittatur reus ad sua, quoadusque actor eum denuo citari iussit.

110. Si actor intra hebdomadam post terminum citationis reo factæ in iudicio non egerit, & reus illius contumaciam accusaverit, ejusque scriptura, & cancellistæ testificatio fuerint signatæ, cessatur actio, nullaque super ea sententiâ feratur, reus autem dato scripto liberetur.

111. Si reus conventus datis per scripturam fidejussoribus, intra hebdomadam à tempore, quo illi fidejusserunt, in judicio non comparuerit, & actor ejus contumaciam accusaverit, condemnetur ille juxta actoris petitionem, & promissionem fidejussorum, ne ali- cui liceat processum retardare. Sed si fidejussores scripto non dedit, per simplicem citationem non erit condemnandus. Notetur autem in actis tempus factæ à fidejussoribus pro reo scripturæ, ut semper appareat, quando scripta ab illis fuerit.

112. Si actor, vel reus contra promissionem in judicio factam non discedendi Moschuà usque ad decisionem causæ, discesserit, & de hoc discessu pars altera eum accusaverit, si vel fidejussores ejus, vel filius, vel famulus comparebit, asserens, eum alterà, vel tercià die adventurum, hocque scripto à se subsignato promittet, non cul- petur absens ob discessum, si comparuerit intra triduum, sed si non, comparuerit, culpetur.

113. Super actionibus in judicium introductis, sed ob occu- pationem sive actoris, sive rei in servitijs Tzaris in aliud tempus di- latis, si uterque Moschuà discesserit, nihilominus procedatur, fiat- que eis postmodum intimatio assignati temporis. Quod si eorum alteruter intra terminum non comparuerit, non idem tam cito con- demnetur; sed detur notitia eorum fidejussoribus de tempore eis præstituto, exiganturque ab eis sportulæ Tzari debitæ. Quod si etiam fidejussores Moschuà discesserint, mittatur Pristavus, qui de eis inquirat, inventosque Moschuam deducat. Interim autem, quo- adusque comparuerint, solvant parti adverfæ singulis diebus decem copicos pro itinere. In causa autem secundum acta, & probata ju- stitia administretur, nemoque propter determinata tempora extra ju- dicio condemnatur.

114. Si reus conventus citatus ad comparandum fidejussores dederit, qui scriptò apud Cancellariam sponponderint, eum ad judi- cium tempore ad respondendum constituto venturum, ipse verò eo tempore nec comparuerit, nec aliquem pro se miserit, & actor apud Tzarem contumaciam ejus accusaverit, non idem condemnatur; sed dentur actori citatoris Tzaris literæ, teneaturque reus ei refundere, quicquid pro illis, & sigillo erogaverit, & rublos tres pro expensis itineris in singulos menses.

115. Quod si reus neque post hanc iteratam citationem ad re- spondendum comparuerit, neminemque miserit, scriptura autem, fidejussionis pro eo à fidejussoribus præstitutæ missa fuerit, non idem adhuc condemnatur, sed citetur denuò per aliam Tzaris literam, cum præcepto, ut solvat expensas literarum, & sigilli, & tres ru- blos pro expensis itineris in singulos menses. Quod si ad hanc al- teram Tzaris literam nec comparuerit, nec miserit, & literæ fide- jussionis pro eo missæ fuerint, condemnetur juxta actoris petitionem sine ulteriori processu in poenam suæ contumaciæ cum mandato, ut debitum vel ab ipso, vel à fidejussoribus exigatur.

116. Si quis autem per literas citatus Moschuam venerit, & in judicio tempore assignato, sive ante illud comparuerit, & actor sup- plex petierit, ut de juribus suis ante tempus assignatum cognosca- tur, concedatur, & justitia secundum æquitatem administretur. Quod si in causæ processu altera partium non expectatà ejus desi-
nitione,

nitione, Moschuâ discesserit, condemnetur, ita ut si actor fuerit, perdat omnem actionem suam tam contra ream, quam contra ejus fidejussores: si reus fuerit, solvant ejus debitum, & Tzari sportulas, decimanquē earum partem iudicibus ipsius fidejussores.

117. Si quis post primam citationem nec comparuerit, nec miserit, literæ verò fidejussionis ab eo prælitæ missæ fuerint, detur alia citatoria litera cum mandato, ut exigantur ab eo pro scriptura, & sigillo solutio, & rubli tres pro itinere & victu actoris in singulos menses. Et si post secundam citationem nec per se, nec per alium comparuerit, & literæ fidejussionis pro eo missæ fuerint, adhuc detur & tertia citatoria, exigaturquē ab eo quantum pro altera. Quod si adhuc non per se, nec per alium comparuerit, literæquē fidejussionis missæ fuerint, condemnatur ad solvendum actori petatum debitum in pœnam contumaciæ, & exactio fiat vel ab ipso, vel ab ejus fidejussoribus.

118. Si quis post trinam citationem ad respondendum non comparuerit Tzaris missionibus impeditus, non imputetur ei in culpam, sed commissione expletâ comparere tenebitur tempore determinato post secundam citationem, & actori citationis literarum expensas refundere. Quod si comparere neglexerit, neminemquē loco sui miserit, & actor ejus contumaciam accusaverit, perquiratur, & actori expensas suas absquē alia judicij solennitate persolvat.

119. Si Palatinus aliquis scripserit Tzari, inveniri in sua civitate aliquem, qui obstinatè contumax fidejussores dare nolit, referbatur Palatino, ut per congregatos ex districtu Strelitzios, & satellites sufficientes eum capi curet, & in carcerem adduci, & ab eo exigat expensas Strelitzijs, & satellitibus pro opera impensis solvendas. Deinde eum post acceptos fidejussores Moschuam mittat. Cùm autem in Cancellaria comparuerit, pro inobedientia virgis cedatur, solvatquē actori expensas omnes, prout superius scriptum est, feraturquē contra eum sententia juxta libellum.

120. Si aliquis reus conventus per trinas Tzaris literas citatus, adhuc tamen obstinatè contumax in civitate districtus sui fidejussores non obtulerit, hocquē Palatinus datis suis ad Tzarem literis, quibus subscripserint illi, qui ad illum citandum missi fuerunt, & alij per hos expressè vocati, attelsetur, mittatur Moschuâ Pristavus, qui eum illò ducat, ibiquē sine ulla figura judicij solvat actori debitum & Pristavo itineris expensas.

121. Si partes post introductam coràm judice causam concordiam inter se inierint, præsentent, in Cancellaria concordie scripturam à se subsignatam. Quod si facere neglexerint, judicesquē resciverint, eos Moschuâ non soluto erga Tzarem sportularum debito abivisse, hoc ab eorum fidejussoribus exigant.

122. Quod si & ipsi fidejussores abiverint, illud ab eorum famulis, vel subditis in loco domicilij per Pristavum Moschuâ eò expressè missum unâ cum itineris ejus expensis exigatur.

123. Pristavi autem Cancellariorum teneantur ab utraquē parte, actoris, scilicet, & rei conventi, fidejussores exigere, qui spondeant, quod illi Moschuâ ante judicij finem sine licentiâ non abibunt, & hoc per scripturam, quam terciâ post datum actionis libellum die teneantur præsentare Cancellario, ab eo subsignandam, & deinde

deinde Cancellistæ processûs actuario tradendam. Quodd si hic Pristavum Cancellario detulerit ob non præsentatas apud acta in tempore sponsonis literas, veritate compertâ, virgis cadatur Pristavus sine misericordia, addito mandato, ut adhuc illâ eadem die eas præsentet. Si autem hoc non præstiterit, mandetur alio Pristavo executio, prior verò privetur officio sine restitutionis spe. Quodd si negligentiam Pristavi in præsentandis tempestivè fidejussionis literis Cancellistâ Cancellario non indicaverit, partes verò Moschuâ non datis sponforibus discesserint, exigatur debitum ab utraqûe pro sportulis Tzari à negligente Pristavo, & silence Cancellistâ, isti verò, quod solverint, à partibus repetant, mittendo ad eorum domicilij locum Pristavos cum Tzaris literis, qui eas cogant datis ibi fidejussoribus Moschuam se conferre. Cùm autem hæc Moschuz erunt, exigatur ab illis quicquid à Pristavo, & Cancellistâ solutum fuerit ipsis restituendum. Sed si post actionem reus conventus non datis fidejussoribus Moschuâ abierit, actore ibi remanente, liberetur & ite. Interim autem debitum pro sportulis Tzari à reo solvant Pristavus, & Cancellistâ, qui neglexerunt ab eo sponsores accipere, recepturi postmodum illud ab eo, cùm eum invenerint, ad quem perquirendum, mittantur cùm Tzaris literis, & temporis assignatione. Si verò cum Moschuz in judicio non statuerint, solvant actori debitam à reo convento summam.

124. Bojari, Ocolnicij, Consiliarij, omnesquæ cuiuscunque conditionis homines, tam Moschuz, quàm in districtibus: (exceptis Strelitzijs, & subditis pagorum Tzareæ Aulae possessionatorum, & patrimoniorum) teneantur solvere Tzareo ærario in quacunquæ actione decem copicos pro singulis rublis, qui in actione veniunt. Judicibus verò viginti semel tantum pro quacunquæ summa. Sed in actione falsificatæ membranæ, & via illatæ in duplo. De qua autem vi illatâ intelligendum sit, inferius scribetur.

125. Et quia sportulæ judiciorum ab antiquo concessæ fuerunt ijs, qui Tzaris tentoria custodiunt, & ejus aulae serviunt, danda illis erit earum quota juxta taxam antiquam, reliquum autem in Tzareum ærarium inferendum.

126. Strelitzij tam Moschuenfes, quàm ceteri, in actionibus usquæ ad duodecim rublos nihil solvant. Et si rei fuerint, nequæ usquæ ad centum. Si verò agant pro summa duodecim rublos excedente, vel contra eos agatur supra centum, exigantur pro actione intentatâ decem copichi in singulos rublos, pro judicibus verò viginti, ut supra semel tantum. Quodd si aliquis non Strelitzius contra Strelitzium pro rublis centum agens per probationes, vel per juramentum ex actore reus fiat, ita ut sportularum solutio ei incumbat, Strelitzius autem cum eo transigat suscepto in se onere satisfaciendi pro sportulis sub fiducia exemptionis sibi per Tzareum privilegium concessæ, tali casu eas ipse omnino solvat in poenam fraudis, quâ alterum ab earum solutione eximere voluerat. Filij, fratres, & consanguinei Strelitziorum, qui cum illis in eadem domo indivisi vivunt, eodem, quo illi, exemptionis à sportularum solutione privilegio gaudeant.

127. Sportulæ in ærarium Tzaris in integro inferantur nunquam amplius eas solventibus reddendæ, & supplices ab eis super earum restitutione libelli non recipiantur, nec sublegantur.

128. In singulis Cancellarijs liber sit manu Cancellarij signatus, in quo Cancellista actiones omnes eodem tempore, quo judicium finietur, registrent, ut constet, quis à quo quid petebat, ideoque quid pro sportulis exigendum.

129. Cancellista verò, qui hoc non fecerit animo celandi sportularum debitum, hocque in suum commodum convertendi, veritate quocunque modo compertà, ante Cancellariam coram pluribus cadatur knuto, sportulæ autem exigantur ab illo, qui ad earum solutionem tenetur. Quod si denuò Cancellista tale crimen commiserit, per forum, & plateas civitatis circumductus percutiatur knutis, privetur officio, & in exilium mittatur ad alia loca, præstiturus ibi ea servitia, quibus erit idoneus.

130. Si aliquis Palatinus, aut Prætor, aut judex in civitatibus introductam coram se actionem indecisam adhuc Moschuam transmiserit decidendam, scripturam autem sponsonis fidejussorum pro partibus non miserit, & alterutra partium Moschuam se confrens, supplex à Tzare petierit decisionem causæ, hæcque consequatur, unde necesse sit sportulas exigere, debitumque à reo convento actori; ille autem, à quo exigendæ erunt, Moschuz non fuerit, rescribendum erit judici illi, qui causam coram se introductam Moschuam remisit, ut fidejussionis instrumentum etiam mittat. Interim autem usquequò illud Moschuam pervenerit, exigit à iudice negligente ille, qui moram patitur, singulis diebus decem copicos pro victu, & itinere.

131. Quod si judex rescribat, literas fidejussionis in iudicio coram se incepto non fuisse acceptas, vel quòd non extent, qui moram patitur, exigit ab illo damnum, & expensas, ut superius statutum est.

132. Si aliquis per sententiam ad solvendum aliquid condemnatus, moriatur, nullà factà super debito cum creditore suo transactione, exigatur debitum ab ejus hæredibus.

133. Si quis Tzari exponens, divitem aliquem possessionatum, cujuscunque gradus ille fuerit, sibi mortem comminatum fuisse, supplex petat, concedi sibi literas inhibitorias sub aliqua pœna minanti transmittendas, ut ab executione minarum suarum cohibeatur, concedantur, interminando illi, ut sub pœna quinque vel sex millium rublorum, vel supra, supplicem non offendat, hæcque literæ minanti tradantur. Si verò is contra hanc inhibitionem per se, vel per alium illum occiderit, veritate compertà, mandatarius, & mandans ultimo supplicio afficiantur sine ulla misericordia. Ex bonis autem mandantis, vel per se occidentis exigatur pœna in literis Tzaris inhibitorijs ei comminata, ejusque pars duplida in ærarium Tzaris inferatur, reliqua autem uxori, vel filijs, vel consanguineis, qui occisorem de homicidio postulerint, tradatur. Quod si non occiderit, sed vulneraverit tantum, solvat vulnerato bisestiam secundam ejus conditionem, ejusque damna juxta probationem de ijs faciendam, insuperque integram pœnam sibi in literis inhibitorijs comminatam dividendam, ut supra. Si autem occisor, sive vulnerans non habuerit in bonis tantum, ut integram pœnam solvere possit, accipiantur omnia ipsius bona, possessiones, & patrimonialia, distribuanturque, ut supra. Quod si ista omnia summam pœnæ in literis in-

ris inhibitorijs ei comminatæ adhuc non adæquent, quod decet, luat in corpore, ideoquæ cædatur sine misericordia, non hæc intentione, ut inde pecunia ab eo extorqueri possit; sed ut cæteris statuatur exemplum terroris. Quod si is, qui literas inhibitorias obtinuit, commiserit contra illum, qui ei minatus fuerat, aliquid ex supradictis, puniatur eadem pœnâ, quæ superius contra minantem constituta est.

134. Si verò utriusquæ famuli alicubi sive in nundinis, sive in popina, inscijs dominis convenientes, inter se rixati fuerint, etiam usquæ ad vulnera, & mortem dominis, non imputetur in culpam, sed teneantur super famulis suis judicialiter inquirere, ut condignâ pœnâ affici possint.

135. Si quis possessione, aut patrimonio carens, sive advena stipendiarius mortem alicui præsentî, vel absenti minatus fuerit, post accusationem fiat inquisitio, & veritate compertâ, pœnam prius trimestris carceris luat, & deinde scripto suâ manu subscripto promittat accusatori suo, quod in posterum ei non nocebit. Quod si contravererit illum occidendo, pœnâ mortis erimen luat. Sed si quis de intentatis sibi minis aliquem accusaverit, in probatione antem defecerit, inquiretur contra ipsum, an falsò alium deculerit? & juxta probata contra eum procedatur.

136. Si quis aliquem de percussione, & spoliatione accusaverit, accusatus autem primam confessus, alteram inficias ierit, solvat accusatori bisestiam juxta ejus stipendium in duplo, & Tzari quicquid desuper mandaverit. De spoliatione verò cognoscatur, & iustitia secundum acta, & probata administretur. Si verò spoliationem fateatur, percussionem autem neget, exigatur ab eo pro spolio juxta libellum accusatoris, & huic spoliato tradatur. De percussione verò agatur, feraturquæ desuper sententia secundum iustitiam. In cunctis actionibus duplicis criminis, in quibus accusatus alterum falsus, alterum negaverit, exigatur ab eo pœna pro admissio, & pro altero secundum iustitiæ ordinem procedatur.

137. Actor teneatur libellum petitionis suæ tradere Cancellario manu suâ subscriptum. Is verò, cum illi subscribet, curet enim in libro Cancellariæ describi, & deinde tradat Pristavo, qui cum eo reum citandum in civitate conveniat, ab eoquæ fidejussores accipiat, assignato ad comparandum tempore. Si verò citandum in civitate obvium habere non potuerit, ad ejus habitationem se conferat, ibiquæ similiter fidejussores ab eo exigat.

138. Quod si reus nequæ domi copiam sui facere velit, Pristavus, assumptis secum aliquot socijs, ad ejus fores per biduum, vel triduum vigilet, cùmquæ eum, vel ejus famulum domo exeuntem viderit, captivum in Cancellariam adducat coràm iudicibus, qui eum, ad præstandum fidejussores adstringant.

139. Quod si, dum Pristavus illum, vel famulum ejus captum ad arcem deduct, vel ad fidejussores dandum adigere tentat, caprus elabatur, protestetur statim Pristavus de hoc coràm præsentibus scripto, cui & ipsi cum eo subscribant, & illud iudicibus in Cancellaria præsentet, qui vocatis ad se testibus veritatem facti ad eis perquirant, compertâquæ, quod verè captus è manibus Pristavi se eripuerit, destinent illic Cancellistam, qui Pristavo associatus, assum-

assumptisque secum satellitibus necessarijs, ad domum fugâ elapsi se conferat, eiquê citationem legat, exprobratquê illi fugam suam à Pristavo, & non datos fidejussores, adigatquê illum, ut eos det, aliter non dimittat. Quòd si fidejussores non habuerit, nequê in arcem. iaverit, aut aliquem loco sui miserit, sed à Pristavo denuò se prorsipiens, in patrimonia, seu possessiones suas se receperit, capiantur ejus famuli, & ad prestandum fidejussores adstringantur, qui spondeant, quòd dominum suum statuent in Cancellaria pro tempore assignato juxta ordinationem faciendam. Eis autem tempus ad comparandum assignetur, intra quod si dominus eorum comparuerit, audiat super actoris petitione, sed propter fugam, & inobedientiam refractariam suam contra Tzaris mandatum per hebdomadam in carceribus knuto cædatur, solvatquê actori pro expensis & itinere in singulos dies elapsos post tempus primæ citationis, exclusâ ultimâ septimanâ, in qua ipse Moschuz comparuit, decem copicos.

140. Veruntamen si famuli ad Cancellariam à Pristavo adducti fidejussores pro domino suo dare nequeant, detineantur ibi, quoadusquê is compareat. Quòd si actorem defatigandi gratiâ comparere diù distulerit, & hic supplex petierit, ut ad illius possessionem, sive patrimonium Pristavus mittatur, fiat, mandeturquê Pristavo, ut cum secum Moschuam ad respondendum sub fidejussione adducat. Moschuz autem cum fuerit, luat pœnam inobedientiæ suæ ad Tzaris arbitrium, & super actoris libello procedatur, sententiæquê ad justitiæ normam proferatur, solvatquê sine ullâ figura judicii actori pro expensis, & itinere in singulos dies, computandos ab illo, quo subscripta fuerit citatio, usquê ad tempus, quo ipse Moschuam adductus fuit, exclusâ ultimâ hebdomadâ, decem copicos, adducendi verò pro itinere sicut erit ordinatum.

141. Sed si reus iste à Pristavo se absconderit, sive inobediens fuerit, adducat Pristavus loco illius servum, vel subditum acceptis fidejussionis literis. Si verò nec servum, nec subditos reus habuerit, referat hoc Pristavus Cancellariæ per scriptum manu suâ subsignatum, mittantquê judices, alium Pristavum cum Tzareis literis ad Palatinum illius civitatis, ubi inobediens delitescit, cum mandato, ut Strelitzios, & satellites necessarios Pristavo ad inobedientem capiendum adjungat. Quem captum Moschuam Pristavus adducat, ibi pro contumacia sua virgis cædatur, solvatquê statim sine ullâ figura judicii actori expensas pro victu, & itinere juxta ordinationem, & adductori suo itineris expensas. Super actione autem contra eum intentatâ procedatur, & sententia ad justitiæ amussim proferatur. Quòd si tertio se inobedientem, & contumacem præstiterit, procedatur cum eo, ut suprà, & adductus Moschuam solvat omnes, ut suprà, expensas, & virgis cæsus conjiciatur in carceres, in quibus per mensem juxta morem knutis cædatur.

142. Quòd si ad accusatoris instantiam in aliquam civitatem, sive districtum cum inhibitorijs Tzaris, aut pro quolibet alio negotio literis, vel judice mandante ad aliquem Moschuz citandum, & ad judicium adducendum, aut aliquid aliud agendum Pristavus, aut filius nobilis missus fuerit. Isquê, ad quem mittitur, eum per se, vel per famulos, aut subditos suos perculserit, aut literas ab eo creptas laceraverit, veritate compettâ, cædatur knutis, & pœnam insuper,

super trimestris carceris subeat, solvatque percusso bissestium in duplo. Et si Pristavus secum socios habuerit, hique pariter cum ipso vapulaverint, solvat his etiam bissestium, & expensas in duplo, insuperque damna, si aliqua se esse passos, probaverint. Quod si aut Pristavum, aut ex socijs aliquem occiderit, morte puniatur, solvanturque ex bonis ejus omnia occisi debita, de quibus per scripturam constiterit. Si autem ejus famuli, aut subditi eo ablente Pristavum, vel ejus socios percusserint, aut injuriâ aliquâ affecerint, Pristavus autem, vel socij ejus dominum solum, & non ejus famulos, aut subditos accusaverint, ille autem respondeat, se nihil de his scire, inquirator, & si ejus famuli, aut subditi rei inventi fuerint, cadantur knutis, & solvant Pristavo, & ejus socijs damna, quæ passi fuerint secundum probationem in duplo.

143. Quodd si Pristavus, & satellites hominem, ad quem missi fuerant, de percussione, injuriâ, & inobedienciâ falsò detulerint, veritate compertâ, percutiantur knuto omnes; satellites verò solvant singuli binos rublos Tzareo ærario in aliorum exemplum.

144. Pristavus citans aliquem in civitate habeat pro sua mercede quinque copicos, & si extra civitatem ad alium quemcunque locum mittetur, decem tam ab actore, quàm à reo. Mus autem, nullo modo audeat exigere, nihilquæ à fidejussoribus accipiat. Citet autem ad judicium utramque partem sine ullo favore.

145. In castris Pristavus pro mercede alicujus citationis unicum copicum accipiat. Si verò ex castris ad aliquem locum mittetur, habeat ab actore pro singulis miliaribus unicum copicum.

146. Si Pristavus ob munera, vel amicitiam reum ad judicium citare distulerit, aut majorem operæ suæ mercedem, quàm supra præstiturum sit, exegerit, delatus, veritate compertâ, virgis egregiè cadatur, quodque plus accepit, reddat delatori. Quod si talia iterum, vel teritiò commiserit, cadatur knutis, & privetur officio suo.

147. In omnibus Cancellarijs sint Pristavi, teneanturque dare fidejussores, qui spondeant, quod in Tzaris negotijs nullas fraudes faciant, partibus damnum nullum creabunt, captosque ex Cancellaria, aut domo sine licentia non dimittent, nec ulla munera ad eos liberos accipient.

148. Pro itinere centum millium passuum accipiat Pristavus: dimidium rublum. Si verò iter erit longius, vel brevius, ad hujus taxæ ratam. Si ab utraque parte ad inquirendam veritatem mittetur, dimidium ab actore, reliquum verò taxæ à reo accipiat. Finitâ autem per sententiam causâ, qui succubuerit, refundat victori solum ab eo Pristavo. Literas autem citatorias, & inhibitorias porrent ipsi Pristavi, fidejussoresque ipsi accipiant, vel eorum fideles socij, famulos verò suos ad hæc præstanda nullo modo mittant. Sed nec ipsi, nec eorum socij aliquid à fidejussoribus accipiant. In eam civitatem, ubi Pristavus aliquis est, cum literis inhibitorijs, & citatorijs alius Pristavus non eat, nec socios suos mittat. Quos verò socios habent, cancellistis aperiat, ut in libro scribantur, ne deinceps confocios suos negare possit. Si Pristavus, aut ejus socij damno aliquem affecerint, veritate compertâ, exigatur hoc ab omnibus confocijs, & detur damnum passio. Ille autem, qui damnum

N n

dedit,

dedit, percutiatur knutis, tradaturque in carceres ad tempus à Tzare ordinandum, & sine consocijs Pristavi per se nihil faciant.

149. Si quis de injuria postulaverit Bojaro, Ocolnicos, Consiliarios, Stolnicos, vel alios cujuscunque status homines, sive eorum famulos, postulati verò fuerint tunc temporis in præfecturis civitatum (exceptis præfectis Astracani, Sibirix, & Tercki, & his, qui fuerint occupati in servicio Tzaris in castris, sive in Legatione, sive in aliqua missione, propter quam Tzar ex sua clementia ei aliud in causis judicialibus tempus constituet) procedatur in causa sine dilatione, mandeturque, ut respondeant pro absentibus fratres, vel filij, vel consanguinei, vel famuli eorum Moschuz præsentis, vel amici, quibus ipsi super hoc mandatum dederint, neque ob eorum, servitium excusentur à respondendo, quia non est castrense. Sed si quis actionem injuriarum intentaverit contra Palatinos, & alios Præfectos, & milites in Regno Astracani, in Sibiria, & Tercki, sive in castris in limitibus, sive alibi existentes, differatur judicium usque ad eorum post finita eis à Tzare demandata negocia reditum. Si inter milites aliquid controversiæ, vel injuriæ oriatur in castris, judicentur à Palatinis castrensis, sive à judicibus ab his constitutis. Sed si actio intentetur de re facta ab aliquo, antequam ad castra se constitueret, non procedatur super ea in castris, sed assignetur tempus non currendum, antequam servitium Tzaris finitum non fuerit.

150. Palatini, Præsides, & judices civitatum, si à civibus, sive districtis incolis, munera acceperint, eosque damno aliquo, aut injuriâ attulerint, postulati super hoc, & veritate compertâ, restituant, quicquid acceperunt, & insuper solvant pro pœna Tzari quicquid mandaverit.

151. Si aliqui Stolnikus, Strepsius, vel Nobilis Moschuenfis fuerit in judicio per sententiam condemnatus, exigantur ab eo omnia per sententiam constituta, deturque executio in scriptis, sivejussorsequè desuper accipiantur. Quod si condemnati pro executionemittere servos suos detrectaverint, eò quod rejectam habeant, sibi ob militarem expeditionem concessam, ipsi autem expeditioni personaliter non interfuerint, sed vel servos suos, vel fratres, vel consanguineos, vel filios miserint, manentes ipsi Moschuz, vel in villis, rejectâ non attentâ, ad solutionem debiti erga actorem adstringantur.

152. Et si aliqui ex districtibus nobiles in expeditione non fuerint, sed substitutis filijs, sive fratribus, sive consanguineis, sive à se mercede conductis hominibus, ipsi Moschuz, vel alibi negocijs suis vacaverint, exigatur ab eis, quicquid actor petijt, sine dilatione.

153. Nemini literæ à judice non subscriptæ ad civitates concedantur, eò quod per eas multis injuriæ, & damna oriantur: Si quæ autem præteritis annis alicui datæ fuerint, irritentur, & repetitæ apud aliquem, accipiantur, & Tzari transmittantur ad illam Cancellariam, ex quâ fuerunt expeditæ.

154. Si quis actor succubuerit in causa absoluto per judicem, vel hoc per juramentum se purgante, vel cum eo ante latam sententiam transegerit, deinde eundem super ea petitione de novo in jus vocaverit, rejiciatur ejus libellus, & ipse virgis cadatur pro sua

sua pœna, & aliorum exemplo, solvatquæ parti adverſe pro expenſis victûs, & itineris decem copicos in ſingulos dies, numerandos ab illa, in qua poſt citationem fidejuſſores pro ipſo ſpoſponderint.

155. Fidejuſſores, qui pro principali eos fallente ſolvere debuerunt actori debitum, & Tzari pœnam pecuniariam, habeant ſuum contra eum regreſſum, exigantquæ ab illo non tantum quicquid ſolverint, ſed & expenſas pro victu, & itinere ad rationem. trium rublorum in ſingulos meſes, & damna, quæ paſſi fuerint, juxta eorum juſtificationem, & judicis declarationem.

156. Si aliquis ex diſtrictibus, cujuſcunquæ conditionis ille fuerit, poſt acceptam citationem miſerit Moſchuam ad reſpondendum actori vel filios ſuos, vel fratres, vel conſanguineos, vel ſervulos; Ipſe autem Moſchuam non venerit, ſed domi remaſerit: introductâ autem actione neceſſe fuerit ratione proceſſûs ſuper aliqua re inquirere in civitate illa, in qua non poſſeſſionatus, ſive patrimoniatuſ moratur, remittatur ad illam, ubi ſuas poſſeſſiones, & patrimonium habet, ſive Moſchuam, interim tamen, qui ab eo miſſi fuerunt ad reſpondendum, Moſchuâ ſine licentia non abeant, quouſquæ judicium per ſententiam finitum non erit. Quod ſi diſceſerint, eorum principalis condemnatur.

157. Si filij, vel fratres, vel conſanguinei, vel amici, vel ſervi multi inceperint pro aliquo agere, vel reſpondere, Moſchuâ uſque ad finem cauſe non diſcedant; & ſi ob ejus proceſſum contingat ſuper aliqua re in aliqua civitate inquirere, principales, qui judicij non inſeruerunt, in illam civitatem non intrent, aliò verò ire eis liceat.

158. Si actor pro quinquaginta rublis agens Stolnicos, ſive Strapzios, ſive nobiles Moſchuenſes, & aliarum civitatum, ſive alios cujuſcunquæ conditionis homines decem in teſtes nominaverit, & reus conventus eos recuſaverit, vel è contra, reſectis hiſ controverſiſ audiantur teſtes, & juxta eorum dictâ ſententia ſeratur.

159. Quod ſi alterutra partium in lite de viginti rublis decem ex mercatoribus panni, aut civibus, aut alterius inferioris conditionis hominibus, in teſtes nominaverit, audiendi erunt, & juxta eorum dictâ ſententia proferenda.

160. Si verò teſtes ſupra dicti à reo convento adducti dictis ſuis ejus exceptioni non ſuſfragaverint, vel diſcordes inter ſe fuerint, vel ignoranceſ ſuper interrogationibus adduxerint, condemnentur.

161. Si actor aliquis cujuſcunquæ conditionis multos univerſim teſtes ſine eorum ſpecificatione nominum examinari petierit, reus verò hoc recuſaverit, vel è contra; non audiat, ſed mittatur ſtatim ad eos examinandum. Omnes verò, & ſinguli ſecundum ſtatutum, & conditionem ſuam dictâ ſua corroborare tenebuntur. Archimandritæ, Priores, & Monachi juxta conſuetudinem conditionis Monachicæ. Protopopi, Popi, & Diakoni juxta Eccleſiaſtici ſtatus morem. Nobiles quicunquæ & plebei, cunctique Ruſſi per Domini Tzariſ nomen, & totius Ruſſiæ Magni Ducis Alexij Michadowicz jurabunt. Kneſij, Myrzæ, Tartari, Ceremiſſæ, Mordvæ, ceterique Pagani juxta ſidei ſuæ conſuetudinem. Interrogentur verò ſinguli ſeparatim nemine præſente, præter actorem, qui eorum dictâ tunc ſcribenda procuret. Si teſtes Rutheni fuerint, dictis ſuis manu ſua ſubſcri-

subscribant, eorumque patres spirituales. Si Litvani, aut Germani, & ipsi dicta sua manu sua subscribunt, seu aliquis alius ad eorum instantiam pro eis. Si Tartari, aut ex cæteris Paganis literas pingere scientes etiam dicta sua manu sua subscribunt, nescientes verò scribere sua tantum signa faciant. Dicta autem testium scribant ipsi examinatores, sed nobilium examina seorsum ab alijs eorum famulorum, & subditorum scribantur, ne isti cum illis subscribant. Quod si reus exceperit contra aliquos testes, eosque scripto expresse-rit dicendo eos non esse examinandos, quia actoris filij, vel consanguinei, vel amici sint, non credatur huic exceptioni, sed omnes examinentur, monendo eos de veritate dicenda sine ullo affectu timoris, odij, vel amoris, & interminando eis Tzaris indignationem, severamque vindictam, si contraverint. Caveantque examinatores, ne per aliquam cum producente eos collusionem testes falsum deponant. Quod si fieri animadverterint, vel testes ad interrogata aut nihil, aut non explicitè responderint, faciant de hoc Tzarem literis suis, quæ illorum nomina scripta contineant, certiores. Si verò ipsi examinatores ob munera, vel amicitiam, vel odium munci sibi demandato fideliter non satisfecerint: vel de collusionem testium Tzari scribere neglexerint, hocque ei aliunde innoverit, magnam hujus indignationem incurrent, magnamque subire poenam debent. Si autem testes aliquot ad actoris, aliquot ad rei favorem deposuerint, attendatur eorum pluralitas, ita ut ille obtineat, qui plures inter illos pro se dicentes habuerit.

162. Quod si pars, quæ in causa succubuerit, appellationis libellum Tzari porrexerit, asserens testes plures numero contra veritatem, minores verò secundum illam deposuisse, feligantur ex utroque testium numero de singulis centenis, juxta suam quique conditionem, aut civium, aut militum, aut aulae famulorum, aut aliorum quorumcunque principales duco: aut si ad centenarium unius conditionis numerum non ascenderint, unus: & interrogentur singulatim strictissimâ inquisitione ad eruendam veritatem, unde appareat, quænam illorum pars mendaciter testificata fuerit. Et si appellans per suum minorem testium numerum appellati majorem numerum veracibus dictis superaverit, istorumque mendacium probaverit, tunc solvant illi Tzari pro poena, ut sequitur. Singuli Archimandrite rublos quinquaginta. Priores, & Procuratores quadraginta. Thesaurarii, Vicarii & Patres consilij triginta. Ordinarii Monachi quinque. Servitores Majorum Monasteriorum viginti. Minorum autem quinque. Protopopi quadraginta. Protodiaconi triginta. Popi viginti. Diaconi & Cantores Ecclesiastici decem. Stolniki, Strepziji, Nobiles Moschuenfes, & districtum, aliique nobilis conditionis, omnesque illi, qui interrogati de veritate dicenda respondere oblinatè detrectaverint, solvant singuli 30. rublos. Decuriones civium 20. Cives, & alij inferioris conditionis 10. Subditi unum. Et ex illis postrema hujus conditionis, qui ex numero testium fuerunt, accipiantur præsides villarum, & principales subditi, & ex ijs decimus quisque knutis cadatur. Archimandrite verò, Priores, Popi, & Diaconi, qui falso testificati fuerint, remittantur ad Patriarcham, Metropolitam, Archiepiscopos, & Episcopos ordinarios suos pro punitione. Solvantque testes, qui mentiti fuerint, parti

parti per eorum mendacium læsæ damna omnia, quæ passa fuerit, & expensas, quas fecerit. Et si torturæ aliquis pro eorum mendacio subiectus fuerit, huic insuper solvant biszestiam in quadruplo.

163. Quod si appellans per minorem suum testium numerum in secundo examine majorem non vicerit, sed æqualis tantum in probationibus evaserit, ita ut inter se contententes provocent ad torturas, concedatur. Quod si per torturam aliqua partium probaverit alterius mendacium, exigatur ab hac poena pro Tzare, datâ punitione, ut supra scriptum est, & insuper biszestia pro torturatis in quadruplo, & sententia feratur in iudicio causæ principalis juxta testificationem horum, qui in tortura pervicerunt.

164. Si quis in aliqua causâ interrogatus de veritate dicenda negaverit, se de interrogatis noticiam habere, adsint autem testes qui probent, eum de illis scire, solvat pro tali mendacio poenam Tzari, & corrigatur juxta superius scripta.

165. Sed si nullus adsit contrarius testis, admittatur professio suæ ignorationis.

166. Si testis in depositione sua sibi contrarius deprehensus fuerit, corrigatur, sicut dispositum est superius de testibus mentientibus.

167. Si actor, & reus communes testes nominaverint, mittatur ad eorum dicta audienda. Sed si post horum examen alterutra partium alios universim sumptos testes examinari petat, rejiciatur, ne damnum, & expensæ adversæ parti inde enascantur.

168. Si partes in aliquo ex propositis in libello in iudicio confenserint, & postmodum in eodem alios insuper testes producere prætendant, non audiantur, sed sententia proferatur juxta eorum priorem consensum.

169. Si partes communi consensu ad trium à se nominatorum testium dicta se referant, & in examine eorum unus mentiat, reliqui verbò duo contestes eum de mendacio convincant, credatur hisce duobus, tertio rejecto.

170. Si communis utriusque partis testis muneribus, vel quolibet alio depravatus affectu mandata DEI transgrediendo in examine mentitus fuerit, pars autem læsa eum super hoc accusaverit, veritate compertâ, cedatur knutis sine misericordia, & parti læsæ impensas solvat.

171. Sed si ejus accusator non probaverit, eum fuisse mentitum, solvat ei biszestiam, & cedatur knutis sine misericordia in aliorum exemplum.

172. Testimonium illius, qui dixerit, se ab alijs illud, quod asserit, audivisse, & nullam aliam scientiæ suæ rationem reddiderit, non admittatur.

173. Si testes à partibus producti Bojatorum famuli, vel subditi, vel mulieres fuerint, examinentur in omnibus per juramentum ante imaginem DEI ad hoc, ut veritatem dicant, quomodo ante Divini iudicii tribunal starent.

174. Si quis mancipium suum sive masculum, sive feminam quacunquē de causa manumiserit, non possit manumissus contra eum, vel ejus filios, nequē pro eo, vel ejus filio testimonium ferre.

175. Si actor ad fundandam actionem suam petat plures testes, examinari universim sumptos, sine alicujus nominis specificatione,

& reus non contradixerit; sed postea ducs, vel tres ex illis, vel decem, vel viginti tantum specificatis eorum nominibus, examinari velit, rejiciatur, & procedatur secundum petitionem actoris, cui non contradixit.

176. Si actor patrem, vel matrem rei, vel hic actoris pro testibus vocaverit, non rejiciantur, sed juxta eorum depositionem sententia feratur.

177. Testimonium autem uxoris rei pro actore, vel actoris pro reo non admittatur.

178. Si quis egerit contra Bojari famulum referens se ad ejus testimonium, famulus autem pro se & Domino suo respondere voluerit, vel e contra, Bojari non interrogentur, sed causa secundum justitiam finiatur.

179. Si quis contra aliquem actionem minimi momenti, prout spoliationis unius, vel alterius rubli, injuste, & false intentaverit, & ad probandam intentionem suam aliquem infimæ conditionis hominem in testem produxerit, accusatus vero, ne testes falsitatis peccatum committant, in eos consentiens, quasi reus petitam ab accusatore summam ei solverit: & iste ex successu audacior factus non recedendo à judicio aliam contra illum majoris momenti actionem per novum libellum instituerit, nominando eosdem, quos antea in prima actione produxerat, testes; Accusatus vero in hac secunda in hos non consenserit, quomodo consenserat in prima, admittatur illius exceptio, & procedatur in causa juxta dictamina justitiæ.

180. Si actor, & reus communi consensu aliquos in testes nominaverint, & deinceps non recedendo à judicio eorum alteruter eos repudiare voluerit cum instantia, ut alij examinentur, non audiat, sed causa juxta dicta testium, in quos communiter partes consenserunt, finiatur.

181. Si actor, & reus communi consensu aliquos in testis nominaverint, quorum dictis stare se velle dixerint, & post biduum, vel triduum, vel post hebdomadam exorta fuerit inter easdem partes nova aliqua lis, pro cujus decisione eosdem, qui supra, testes altera nominaverit, altera autem rejecerit, asserens aliquam sibi cum eis inimicitiam intercedere, non admittantur hi testes ad hanc secundam actionem, sed bene ad primam, cujus processus secundum eorum dicta finiendus erit.

182. Si quis cum aliquo ex mera malicia colluserit, petiturum se ab aliquo in judicio summam aliquam, dummodò collusor testimonio suo petitionem corroboret. Dum autem reus conventus amicos ad fidejubendum pro se requirit, actor ei hunc collusorem suum submiserit, ut pro eo spondeat. Deinde hunc eundem in testem adfundendam intentionem suam nominaverit, reus vero collusionem ei objecerit petens, ut ab eo super ea inquiratur, ipse autem eam confessus fuerit, non condemnetur reus, sed causa secundum justitiam dirimatur.

183. Si quis plures homines unâ simul injuriâ affecerit, unus autem horum solus cum pro parte sua coram iudice postulaverit, socij vero injuriati, quia absentes, hoc non fecerint, audiat ille, eique justitia administretur, usquequò ab accusato, si condemnabitur, partem sibi debitam exigit. Reliquis reservatum sit jus agendi ad eorum libitum.

184. Si

184. Si quis actionem de injuriâ in solidum intentet contra plures sive fratres, sive possessionatos in simul cohabitantes, unusquë ex accusatis, antequam tempus comparendi coram judice venerit, cum eo transegerit, reliqui verò transigere recusaverint, non idèò condemnentur, sed fiat processus in causâ, & juxta acta, & probata sententia feratur.

185. Si minorennis, vel vidua, vel virgo ab aliquo conveniatur, hæcquë ad respondendum non sit habilis, famulos autem, aut subditos, qui pro ipsâ respondeant, non habeat, sed tancum consanguineos, at absentes, ideoquë petat, prorogari sibi terminum ad respondendum, usquequë illi Moschuum se conferre possint, concedatur dilatio juxta ejus petitionem; sed fidejussores det, qui spondeant, quòd tempore assignato statuent illos, qui pro ea respondere debent sine ulla dilatione. Quòd si eos non statuet intra terminum, condemnnetur.

186. Si quis oblitus timoris DEI, & juramenti Tzari præstiti ex proprio motu sine alicujus instigatione aliquem de percussione, & spolio falsò accusaverit, antequam verò coram judice ambo compareant, pretium aliquod non magni momenti datum ab accusato ad redimendam vexam per transactionem acceperit, & ab accusatione recesserit, veritate compertâ, solvat pro pœna Tzari rublos quinque, innocenti verò accusato in duplo, quicquid ab eo acceperit, & insuper ante Cancellariam coram multis knuto sine misericordia cædatur, conjiciaturquë in carceres ad arbitrium Tzaris.

187. Quòd si secundò hoc crimen idem commiserit, solvat Tzari decem rublos, accusato damna in duplo, cædatur knutis, ut supra, ducaturquë ad carceres, ut supra, sed dum ducitur, percutiatur knutis sine misericordia.

188. Et si tertio idem peccaverit crimen, solvat Tzari viginti rublos, accusato damna in duplo. Percutiatur knuto ante Cancellariam, & per forum, & tradatur in carcerem ad arbitrium Tzaris, & nullum deinceps ei judicium in ulla actione detur.

189. Si quis euscunque conditionis homo libellum contra aliquem obtulerit, petendo ab eo pecunias vel mutuum, vel per depositum, vel alio quocunque modo datas, nullamquë produxerit præten- si sui debitoris scripturam, nullamquë aliam probationem, nullus Pri- stavius ad citandum mittatur, nullumquë contra prætensum debito- rem judicium detur.

190. Sed si miles aliquis in servitijs Tzaris existens in aliqua civitate hospitium apud aliquem habuerit, ab eoque in judicio petat aliquid à se apud illum tunc temporis depositum, scripturâ autem depositarij careat, nihilominus audiat, quia milites solent victualia, & arma sua depositare apud illos, qui ipsis in civitatibus hospitium præbent, & aliquando improvisâ Tzaris ad celerem aliquam expeditionem evocatione correpti, ea apud hos relinquere coguntur, & si per inquisitionem, & probationes res petite recuperari à depositario poterunt, restituantur actori; sed si probationes deficiant, recurratur ad juramentum accusato deferendum.

191. Quòd si miles falsò hanc actionem contra aliquem proposuerit, veritate compertâ, cædatur knutis sine misericordia.

192. Exceptis verò militibus, cum in servitijs Tzaris Moschuz;

vel

vel in alijs civitatibus hospitio excipiuntur, nemini carenti depositarii scripturâ competat depositi actio, ne detur ansa falsitatibus, & injurijs.

193. Si quis cujuscunque conditionis aliquid alicui artificii ad conficiendum dederit, hic autem negaverit, si hunc ille convenire voluerit, audiatur, & juxta acta, & probata sententia feratur.

194. Si quis aliquid pignoris loco, vel ad conservandum sibi traditum domi habuerit, illud verò vel per incendium perierit, vel fures abstulerint, & eodem casu omnia sua simul ipse amiserit, tenetur hoc indicare vicinis, & curare in Cancellarijs adnotari. Quòd si pignoris, vel rei datæ ad conservandum dominus dederit libellum contra eum asserendo, quòd res suæ tantum perierint, aliter verò omnia salva sint, audiantur ambo, & juxta acta, & probata decisio judicialis fiat.

195. Si quis aliquid alicui ad conservandum dederit inclusum, in arca aliqua, & sigillo signatum, eoque absente depositarius sigillum violaverit, arcamque aperuerit, ille autem hunc convenierit, asserendo aliquid sibi ex deposito deesse, veritate compertâ, reddat depositarius depositum in integro. Si verò contentiones inter ipsos fiat, deveniatur ad juramentum.

196. Si quis alicui pignus aliquod pro pecunia credita, vel ob aliquam aliam causam dederit cum pacto in scriptis, ut, si constituto ad solutionem tempore illud non redemerit, omni jure suo in pignore, & ad pignus cadat, dominiumque omne in eum, cui pignus datum fuit, translatum intelligatur, licitum erit huic pignus vendere, pignoris loco, vel dotis nomine dare.

197. Si quis equum, vel aliquod aliud animal pignoris loco alicui dederit, animal autem ex morbo, non fame, non occisione, vel aliâ aliquâ vi, moriatur, creditor dimidium tantum crediti sui à debitore exigat, reliquum huic cedat. Sed si iste opposuerit creditori, quòd maliciosè circa pignus egerit, audiantur judicialiter, & secundum justitiam causa inter eos decidatur.

198. Si quis cum multis conspirans in alicujus domum latro-num more vi irruerit, eumque, vel uxorem ejus, vel filios, vel famulos occiderit, veritate compertâ, ultimo supplicio afficiatur. Socij verò ejus omnes percutiantur knutis, & mittantur, quòd Tzar mandaverit.

199. Quòd si nec patremfamilias, nec ullum alium occiderint, sed injuria tantum, aut damno affecerint, solvant injuriam, vel damnum passo bissestiam, vel æstimationem in duplo, & omnes knuto cædantur. Sed si vulnera alicui tunc inflixerint, veritate compertâ, amputetur vulneranti manus, & socij percutiantur knutis, & fidejussores statuunt, qui pro ipsis spondeant, quòd in posterum talia amplius non committent, & solvant bissestiam vulnerato in duplo.

200. Si verò is, in cujus domum violenti irruerint, se, & sua necessariò defendendo aliquem ex ijs occiderit, & cadaver occisi ad judicem attulerit, veritate compertâ, nulli poenæ subiaceat.

201. Si quis alicui ansam ad rixam dederit, & in ea à defendente se vulneratus actionem pro vulnere contra eum instituerit, reus verò defensionem sui necessariam contra illum exceperit, veritate compertâ, nullam accusatus subeat poenam, nihilque vulnerato solvat.

202. Si

202. Si quis minatus fuerit alicui præsenti, vel absenti, quod velit ejus domum, vel officinam cum pane incendere, sive aliquid aliud ei damnum inferre, iste, cui alter minatus fuerit, significet vicinis suis illius minas, curetque in Cancellarijs scribi, & inquisitione deluper fieri. Quodd si verum esse contra accusati inficiationem reperiatur, cogatur ad fidejussores dandos, qui pro eo spondeant, quod talia non sit commissurus. Si verò fidejussores dare renuat, cædatur knutis, tradaturque in carcerem, quoadusque eos dederit. Si autem, postquam eos dederit, eveniat, ut accusatoris sui domus, vel officina incendatur, vel ei aliquid aliud damnum ignoti homines inferant, ipse tortura subijciatur, & si reum se incendij, vel damni illati fatebitur, damna omnia ab accusatore passa ei refundat, quod si solvendo non sit, vel aufugerit, unde torqueri nequeat, exigantur ab ejus fidejussoribus. Sed si in tortura persistens negaverit factum, liberetur, torturam verò sibi imputet, & minis, quas inania ter in malis operibus factabundus effutijt.

203. Si quis per chirographum, vel aliquid aliud instrumentum alicui debitor ob paupertatem, Divinâ permissione ab incendio, inundatione, spoliatione, furto, vel alio quocunque fortuito modo causam habentem, fidem suam solvendo liberare nequierit, detur ei dilatio temporis ad arbitrium, modò triennium non excedat, sed teneatur fidejussores opulentos dare, quibus turò credatur, qui spondeant, pro ipso, quodd constituto per dilationem tempore debitum, solvet, nec in alia regna aufugiet. Quodd si constituto tempore creditori debitum non solverit, nec præsens fuerit, solvant ejus fidejussores, & si in aliud Regnum ille fugâ evaserit, perjuri ejus pœnam etiam solvant. Si ante constitutum tempus debitor mortuus fuerit, eo facto uxor ejus creditori debitum mariti solvat, si non habeat unde, solvant eum fidejussores, qui præsentes fuerint.

204. Sed si fidejussores dare nequiverit, tradatur creditori apud eum remansurus, usquequò solverit, vel cum eo transegerit. Si verò nobilis, aut filius nobilis fuerit, non tradatur, sed cædatur virgis super cruribus juxta morem pro executione usque dum solverit.

205. Si autem fidejussores sponderint pro eo, non quodd tempore constituto solvet, sed tantum, quodd comparebit, ante verò temporis terminum debitor mortuus fuerit, in nihilo erga creditorem, tenebuntur.

206. Si quis ab aliquo pecunias, vel aliquid aliud mutuò accipiat perit ad mercandum, & quod accepit, amiserit, vel dissipaverit, & non habeat, unde solvat, tradatur creditori, ut ab eo se redimat.

207. Siquis de vi, quomodocunque illatâ, sive percussione, siâve vulnere, sive damno quocunque in judicio postularus, post inquisitionem, vel verificationem sui delicti, antequam parti lizæ satisfecerit, mortuus fuerit, relictis possessionibus, vel patrimonijs, vel alijs bonis suis uxori, sive filijs, teneantur isti accusatori damna ab accusato data refundere.

208. Si quis possessionatus, sive patrimoniatas, vel ejus famulus, aut subditi equum, vel aliud animal alienum in suis pratis, vel agris frœnum, aut fruges depascens invenerit, teneantur hoc vicinis suis notificare, & ad pecudis dominum mittere cum intimatione, ut ipse ad videndum damnum à pecude in pratis, vel agris factum accedat. Si

accefferit, & damna solverit, reddatur ei animal: si non, tunc damnum passus animal retineat, & de damnis actionem instituat coram iudice, & reus teneatur ea juxta iudicis sententiam illi refundere cum expensis pro animalis pabulo ab eo factis, & solvere insuper Tzari poenam pro vi in duplo.

209. Sed si animal captum incluserit sine pabulo, unde fame moriatur, & ejus dominus eum de hoc postulaverit, re probatâ, solvat domino pretium animalis juxta æstimationem per judicem faciendam. Quodd si probaverit dominus pecudis majus, quàm æstimatum fuerit, pro eo pretium sibi ab aliquo fuisse oblatum, hoc idem ei solvat.

210. Si quis equorum, vel aliorum animalium gregem sine ulla damni passi occasione ex sua, vel aliena possessione in domum suam abegerit, delatus, & veritate compertâ, jubeatur gregem domino suo restituere. Quodd si animal aliquod ex eo vel fame, vel alio modo necaverit, solvat ei ejus æstimationem in duplo, & insuper Tzari pro vi illatâ poenam pariter in duplo.

211. Si quis accusatus fuerit, quodd in alterius agri possessionem invito Domino intrudere se volens, eum tanquam suum se verit, re probatâ, amittat omne factum, quod cedere agri domino integrum debebit. Quodd si ante finem litis putruerit, vel depastum fuerit, sive accusatus illud demessum asportaverit, refundat iste accusatori ejus pretium juxta æstimationem in duplo, & solvat similiter in duplo poenam Tzari.

212. Sed si accusatio falsa fuerit, & seminans, non in alieno, sed suo agro seminaverit, solvat accusator Tzari poenam in duplo.

213. Nemo cujus ager ab extraneo eo invito seminatus fuerit, ex se ejus possessionem sibi vindicet, sed iudicis officium super hoc requirat, ideoquè non fruges ex eo sine judiciali ordinatione asportare, nec destruere, nec in ijs animalia pascere audeat.

214. Si aliquis in possessionibus, vel patrimonijs suis luras habuerit, qui contigua bona possidet, eas inde non expellat, nec occidat, nec auferat. Si contraxerit ipse, vel ex famulis, aut subditis ejus aliquis, accusatus, & re probatâ, solvat earum domino pretium juxta æstimationem faciendam. Quodd si lurae nemine eas expellente ipsæ ex se, derelictâ antiquâ sede, ad aliam aliò transierint, ibiquè multiplicari incœperint, non poterunt ab antiquis dominis repeti, sed pertinebunt ad dominum fundi, ad quem recenter transierunt.

215. Si quis alterius lupulos invito domino auferet, aut hortum destruet, veritate in judicio probatâ, solvat accusatori damnum juxta æstimationem.

216. Si quis aucupij gratiâ decipulas, vel pedicas tetenderit, aut alia quælibet instrumenta aptaverit, aliquis verò malo affectu hæc destruxerit, & aves abegerit, sive eas jam tendiculis, aut alio quolibet modo implicatas abstulerit, aut occiderit, veritate ad instantiam accusatoris compertâ, solvat ei damnum juxta æstimationem faciendam.

217. Pro destructis verò instrumentis, vel pice, aut alio oblitis, seu alio quocunque modo vitiatis, cædatur virgis sine misericordia. Sed si retia ad gallinas sylvestres capiendas, vel tendiculas

diculas furto abstulerit, solvat pro illis tres rublos, pro his verò unum.

218. Si quis accusatus fuerit, quòd arborem pro alveari aptatam maliciosè secuerit, vel combusserit, vel alio aliquo damno assecerit, veritate compertà, solvat pro arbore, in qua erant apes, tres rublos, pro ea, in qua non erant tunc, sed jam fuerant, unum cum dimidio; pro aptata tantum, ad quam nondum apes convenerant vigintiquinque altinos, & pro non aptatà duodecim cum tribus dengis.

219. Siquis illis alveario apes tantum furatus fuerit, solvat rublum cum dimidio damnum passò. Sed si alvearia simul cum apibus ex domestico apiario, aut ex sylvis furto abstulerit, solvat pro singulis alvearijs rublos tres, & insuper credatur knutis. Si verò in alicujus sylva ex composito arborem, in qua alvearia fuerint, secuerit, & mel acceperit, solvat ejus dominis sex rublos.

220. Si aliquis possessionarius, vel patrimoniatu accusatus fuerit de exciso in alieno fundo invito domino nemore, re probatà solvat damnum juxta æstimationem.

221. Si quis accusatus fuerit, quòd poma interdiu invito domino, noctu verò furtim ex alicujus horto abstulerit, solvat damnum accusatori juxta ejus assertionem: Sed si horti arbores resciderit, vel abstulerit, solvat pro quolibet tres rublos.

222. Sed si quis ex alicujus horto violentus, vel furtivus abstulerit fructus, solvat damnum, & corrigatur juxta delictum.

223. Si quis accusatus fuerit, quòd ex præmeditato dolo malo sylvam alicujus incenderit, aut si ab equorum, sive aliorum pecudum pastoribus ob negligentiam in sylva suscitetur incendium, ob quod arbores ad apum labores aptatæ damnum passæ fuerint, vel feræ, & aves inde aufugerint, solvat reus Tzari poenam ad ejus arbitrium; Accusatori verò damna secundum æstimationem. Sed si incendium non ex malitia suscitatum fuerit, nihil ab eo, sive pro Tzare, sive pro accusatore exigatur.

224. Si, dum aliquis in agris suis stramen, aut in pratis fenum comburit, excrecentes flammæ vicinos hortos corripuerint, postulatus, fiat desuper inquisitio, & si compertum fuerit, quòd maliciosè in facto versatus fuerit, accendendo, nempe, stramen, & fenum suum vento flante versus hortos, qui à flammis correpti fuerunt, quos defendere cum posset, neglexerit, solvat damna accusatori juxta æstimationem.

225. Sed si accendit silente vento, & dum arderent stramen, & fenum, is cepit flare, non imputetur ei in culpam, quòd ex mera permissione Divina evenit, incendium.

226. Si in alicujus domo fortuitum incendium vicinas etiam corripuerit, nulla contra illum actio detur.

227. Si quis domum ad habitandum conduxerit sub pacto eam non incendendi, imò ab incendio custodiendi, ex negligentia autem sua incensa fuerit, ejus æstimationem locatori solvere teneatur.

228. Si quis animo deliberato alienam domum incendiderit, re probatà, comburatur.

229. Si quis aliquem de injuria, vel damno sibi ab ejus famulis, vel subditis, qui se absentaverint, illato in judicium vocaverit, hic verò comparens adducat, nescire se, an famuli, vel subditi sui

fui injuriâ, vel damno accusatorem affecerint, & an in suis possessionibus, aut patrimonijs sint; ideoquæ petat tempus sibi concedi ad inquirendum de ijs: concedatur; sed dâcis priûs fidejussoribus, qui spondeant, quoddam de illis inquiret, & tempore constituto in judicium veniet. Si verò non venerit, non ideo condemnabitur, sed fidejussores ejus teneantur eum perquirere, alioquæ dare fidejussores, qui spondeant pro ipsis, quoddam eum brevi statuent ad respondendum. Interim autem, dum eum perquirunt, solvant accusatori decem copicos in singulos dies. Si verò supplices petierint, dari sibi Tzaris literas, vel Pristavum mitti pro eo, fiat, cum assignatione temporis, intra quod ille comparere in judicio teneatur. Exiganturquæ ab eis similiter decem copichi in singulos dies, quoadusque illum coram judice statuerint, quod si intra tempus, ut supra, assignatum eum nondum in judicio statuerint, & alium terminum ad hoc præstandum petierint, concedatur, sed solvant continuò accusatori decem copicos in singulos dies. Si verò nequæ intra secundum hunc terminum ille coram judice comparuerit, condemnatur absque ulteriori processu juxta petitionem accusatoris, cui fidejussores omnia damna refundere teneantur.

230. Possessionati, & patrimoniatu teneantur in villis, & pagis sepes facere, unumquisque vicinorum pro sua dimidia parte, si verò per alicujus sepe in agrum alterius intraverit, ibiquæ fruges damificaverit, solvatur ei damnum ab eo, per cujus sepe animal ingressum fuerit. Qui agros pratis contiguos habuerit, faciat inter ea sepe, quoddam si per hanc, aut ejus, aut vicini alicujus animalia in prata ingressa fuerint, solvant damna, quæ fecerint pratorum domino.

231. Si aliqui possessionati, sive patrimoniatu in Tzaris terris de confinijs disputantes terminos amoverint, re probatâ, in ipsis confinijs, de quibus contendebant, cedantur knucis sine misericordia, tradanturquæ in carcerem ad knucos per hebdomadam, solvantquæ accusatori pro quolibet termino amoto quinque rublos, mandeturquæ eis, ut illos in antiquo loco reponant. Quoddam si talia patrare ausi fuerint subditi alicujus villæ inter se, cedantur & ipsi knucis, & termini in loco antiquo reponantur.

232. Si quis confinia fraudulenter sibi usurpaverit non factis in terra eorum signis, re compertâ, quicquid soli usurpaverit, cedat ejus accusatori, solvatquæ Tzari pœnam pecuniariam, & corrigatur ad hujus arbitrium.

233. Si alicubi inter excrecentes herbas termini occulti non apparuerint, dominusquæ fundi in confinijs perierit eos renovari, mittatur aliquis bonus nobilis, qui præsentibus utrinque possessionatis & patrimoniatu confinia facientibus per vicinos ætate grandævos eos renovet, inscribanturquæ in libro, nec ideo antiqui termini eruantur, aut destruantur; sed relinquantur, ne detur anîa inter confinantes litis & contentionis.

234. Si villarum, & Pagorum ad Tzaris aulam spectantium, rustici confinia cum Patriarchæ, Metropolitanarum, Archiepiscoporum, Episcoporum, Monasteriorum, sive possessionatorum, & patrimoniatorum terris habuerint, interquæ eos lis aliqua de terminis orta fuerit, dirimatur per libros inscriptorum limitum, aliasquæ probationes, & testimonia vicinorum, & seniorum, quos in testes hinc inde partes produxerint.

235. Quoddam

235. Quod si iudicibus de partium iuribus non liquerit, unde desuper sententiam ferre non possint, deveniatur ad juramentum cum pralatione imaginis, & præferat eam is, cui illud deferetur.

236. Si seniores, ad quorum testimonia partes provocaverint, inter se discordes fuerint, ita ut pars eorum pro actore, altera pro reo convento deposuerit, mittatur fors adhibita imagine, & cui illa sauerit, terra, de qua contentio est, assignetur.

237. Si quis possessionatus, sive patrimoniatu in fluvio, cujus utramque ripam ipse possidet, detentionem aquæ facere, & molendinum de novo extruere voluerit, & propè talem aquæ detentionem nulla antiqua aliorum dominorum molendina, nulli agri, nullaquæ prata fuerint, vel si fuerint, ab illa nullum capere detrimentum, aut impedimentum possint, liceat ei molendinum extruere & aquam detinere. Sed si contrarium patuerit, quod, nimirum, ab hac detentione aquæ superiora jam extructa molendina impedimentum sint passura, agrique, & prata damnum, non liceat. Quod si fecerit, & inde damnum aliquod superioribus molendinis, vel agris, vel pratis emergerit, mandetur ei, ut aquam fluere destructis cataractis sinat, & damna data juxta æstimationem faciendam passis refarciat; quod si machina ad aquæ detentionem ab eo extructa, dum destruitur, ab aquæ fluxu ad alicujus ripam adducatur, teneatur eam suis expensis inde amovere, & in posterum nunquam amplius talia facere audeat.

238. Si quis propria apiaria, sive sus piscandi in stagnis, aut scœnum secandi in Tzaris, vel alicujus possessionati, seu patrimoniatu sylvis habuerit, antiquâ possessione sit contentus, nec sectionem scœni ad aliena prata extendat. Quod si, ubi scœnum secabatur, creverit sylva, detur illi alibi intra limites sui juris compensatio. Extra illos autem, nemini liceat alienam sylvam purgare, ut sibi prata faciat, sed si aliqua arbor, in qua suum alveare cum apibus, vel sine habuerit, ceciderit, licitum erit ei alveare suum ex ea secare, equè sylvâ asportare, modò radices, & frondes sylvæ domino relinquat. Ligna autem ex ea auferre, vel sylvam suam vocare nullo modo debet. Et è contrâ sylvæ dominus aliena apiaria, stagna, aut prata sibi usurpare, eaquæ sua dicere non audeat.

239. Si quis sylvam suam purgare voluerit, intactas debet relinquere arbores, quæ aliena alvearia habent, quod si aliquam ex ijs succiderit, vel combusserit, vel aratro læserit, solvat damnum, passio penam, ut superius constitutum fuit.

240. Si quis sylvam suam totam purgans in agros converterit, aliena tamen prata, & stagna nullo modo sibi usurpet, sed transiitum ad ea dominis concedere teneatur, qui tamen cavere debebunt, ne hæc servitute abutantur segetibus, aut scœno damnum inferendo.

241. Si quis alicujus sylvæ dominus in alienis in ea stagnis invito eorum domino piscatus fuerit, aut in pratis scœnum dempsit fuerit, refarciat ei damna secundum æstimationem.

242. Si quis in possessione, vel patrimonio suo sylvas sub certis limitibus possideat, in quibus arbores cum alvearijs ad se pertinentibus juxta librorum inscriptiones fuerint, liceat ei illas totaliter purgare, & in agros mutare, in ijsquæ ad libicum pagos, & villas erigere.

243. Si quis in iudicio ab aliquo domum, sive officinam, sive molendinum, sive aliquod aliud bonum immobile petierit, reus verò conventus ante litis decisionem illud quocunque modo alienaverit, & deinde in causa succubuerit, bonum ab eo alienatum à possessore auferatur, tradaturque auctori, alienans verò pretium rei alienatæ alienatorio restituatur. Sed si auctor non obtinuerit in causa, relinquatur res alienata ei, qui illam soluto pretio ab alienatore habuit.

244. Si quis conventus in iudicio supra scripturam suam, per quam confessus fuerit, se alicui debitorem esse de aliqua pecuniarum summâ sibi mutuò datâ ad purgandum patrimonium suum, lite adhuc pendente mortuus fuerit, deinde verò per sententiam condemnatus, solvent ejus debitum auctori hæredes defuncti, sive uxor, sive filij, sive consanguinei fuerint. Quòd si de debito per scripturam quidem constiterit, attamen super eo creditor debitorem suum nunquam in iudicio convenerit; velit autem post ejus mortem de eo actionem instituere, detur ei citatio contra demortui uxorem, vel filios, aut consanguineos ejus bonorum possessores, & secundum acta, & probata partibus iustitia administretur.

245. Si quis alicui per scripturam debitorem se alicujus magnæ pecuniarum mutuatarum quantitatis sateri voluerit, vel ei de magno aliquo negotio se obligare, signet ipse obligationis chyrographum, cui subscribant tanquam oculati testes, quinque vel sex podiacij fori Moschuz, vel aliarum civitatum, ubi obligatio scribitur, & aliorum testium subscriptio non suffragetur; Si verò obligatio non erit de magna summa, sufficiet trium prædictorum podiaciorum, sed non infra subscriptio. Qui scribere nescit, procuret, ut pater suus spiritualis, vel frater germanus, vel consanguineus, vel aliquis sibi confidens loco sui subscribat. Sed si quis creditor obligationem debitoris scripserit ipse, aut per famulum suum conscribi curaverit, eamque debitor subscripserit, tali obligationi fides adhibeatur, & juxta eam actio detur.

246. Sed si quis in villis & pagis alicui usque ad decem rubios crediderit, aut bonum aliquod locaverit, accipiendo à debitore obligationis scripturam ab eo scriptam, vel saltem subscriptam, etiam si carebit testibus, ei fides adhibeatur.

247. Nescientes verò in pagis, & villis scribere, in hisce minoris summæ obligationibus, eas per ecclesiæ cantores, aut ludimagistros scribi, & per patres suos spirituales, aut alios confidentes suos subscribi curent.

248. Sed obligationes, quæ fuerint scriptæ à popo, seu cantore, aut aliquo alio subdito alicujus possessionati, vel patrimoniatu in domini favorem, nullius sint efficaciæ, nullamque pariant contra obligationem.

249. Contractus verò emptionis, venditionis patrimoniorum, & domorum, pignoris, donationis, & ceteri omnes alicujus momenti per quoscunque ejuscunque conditionis homines scribi debeant Moschuz, vel in civitatibus, adhibitis, ut supra, pro testibus fori podiacijs. In villis verò, & pagis majoris momenti contractus nullus scribatur, præter nuptiarum pacta, testamenta, & mutuum.

250. Si quis intentione furtivâ cum podiacijs fori colludens scripserit aliquam considerabilis summæ erga se obligationem ab ijs tanquam

quam testibus subscriptam, vocatque ad se, vel in alterius domum, aliquo, eum vi ad illam subsignandam adegerit, is, qui vim passus fuerit, illa eadem die manifestet hoc vicinis suis, & Cancellariis iudicibus; in civitatibus vero Palatinis, & Præsidibus in scriptis, supplexque petat, concedi sibi contra violentum in confrontatione iudicium intra triduum, vel quadriduum, vel ad summum hebdomadam. Iudex vero accusatum statim citari curet, & coram accusatore districte examinet, et alterutrum in inquisitione torqueri curet, quem indicia magis urserint. Qui autem tanti criminis reus inventus fuerit, cedatur knutis coram plurimis hominibus sine misericordia in aliorum terrorem, tradaturque in carcerem ad semestre tempus, & accusatori solvat bissestiam. Singulis vero podiacijs fori collusoribus, qui subscripserint tanquam testes obligationi, amputetur manus. Et si qui alij tanquam testes se subscripserint, cedantur knutis per forum, & conijciantur in carceres pro tempore à Tzare arbitrando.

251. Si vero aliquis datà alicui verà obligatione à se in foro tanquam principali, & à podiacijs tanquam testibus subscriptà, animo fallendi creditorem suum iudicis officium contra hunc imploraverit, quasi obligationem à se vi extorserit, producatque ad asserendam calumniam suam testes diversos, citati vero accusatus, & podiacij in confrontatione cum accusatore, ejusque testibus veritatem facti tueantur, ita ut tandem emergat, cedantur omnes, tam accusator, quam ejus testes, coram plurimis hominibus knutis sine misericordia, solvantque accusatis bissestiam. Ipse vero accusator solvat creditor suo debitum secundum obligationis suæ chyrographum, & condemnatur ad knutos in carcere per semestre.

252. Sed si aliquis contra obligationem in foro scriptam manu suâ subscriptam, & à podiacijs fori corroboratam excipere voluerit, eam per vim sibi à creditore extortam fuisse, nisi præceserit præsumptæ istius vis, ut supra mandata apud iudicem manifestatio, & contra vim inferentem accusatio, non audiat, sed condemnatur ad solvendum auctori debitum juxta obligationis suæ tenorem.

253. Si quis aliquem mutui actione producto ejus chyrographo convenerit, hic autem solutionem opponat, de eâ vero in obligationis chyrographo non constet, neque separatam creditoris quantiam ipse producat, vel si producat, non ab eo subscriptam, exceptio ejus non habeat locum, sed solvat integrè chyrographi sui debitum.

254. Nulla autem de mutuo usura exigatur, statuta enim Apostolorum & Sanctorum Patrum hoc vetant.

255. Actio mutui duret ad quindecim annos, ultra eos nulla amplius detur, etiamsi ejus obligationis scriptura aliud promiserit.

256. Quod si in chyrographo mutui scripta fuerit aliqua solutio à debitore facta cum temporis specificatione, tempus quindecim annorum pro reliqua summa adhuc debita incipiat currere à die factæ ultimæ solutionis.

257. Si quis aliquem de mutuo convenerit petens solutionem juxta chyrographi tenorem, terminus autem solutionis nondum expiraverit, sed dictum fuerit in chyrographo, quod datum fuerit ob antecedens debitum, teneatur debitor summam debitam statim solvere sed sine usura. Sed si obligationis scriptura à debitore non subscripta, vel

vel sine diei appositione scripta fuerit, nullius momenti sit, nullumquē desuper iudicium detur.

258. Si quis mutui chyrographum falsum esse exceperit, convincatur autem de mendacio, solvat debitum secundum obligationem suam creditori in duplo. Sed si antequam conclusum sit in causa debitor spontē falsus fuerit, quod injustē contra chyrographum exceptionem falsi opposuerit, solvat tantummodō simplex debitum in gratiam profectū spontē veritatis.

259. Si quis Russis cujuscunque status debitor fuerit, & eodem tempore etiam advenis, & tam illi, quam isti eum coram iudice convenerint, is verò, ut à necessitate solvendi advenæ debitum suum se subtrahat, dixerit, debere se etiam multis Russis, exigatur ab eo primum quod advenæ debet, & deinde quod Russis. Similiter si quis Tzareo fisco aliquid debuerit, & alios multos creditores habuerit, exigatur prius ejus erga Tzareum fisco debitum, & deinde alia reliquorum debitorum.

260. Si nobilis aliquis, aut nobilis filius alicui debitor ad solvendum per iudicem condemnatus fuerit, ipse, vel ejus servus pro summa 100. rublorum stet per mensem ad executionem, si summa debiti infra, vel supra centum rublos fuerit, stet pro ratā. Si verò dilationem supplex petat, concedatur, sed non ultra mensem, ne accusatori fraus fiat.

261. Sed si quis ad executionem stare noluerit, habueritquē unde solvat, post elapsū assignatum mensem fiat æstimatio domūs, & bonorum ejus, solvanturquē debita creditoribus, vel creditores exigant ea ab eorum possessionibus, & patrimonijs ex servis, & subditis.

262. Si quis autem non habeat, unde solvat, ejusquē patrimonium vacuum fuerit, æstimetur patrimonium, deturquē creditori in solutum, quodd si illud accipere renuerit, vendatur plus offerenti, & pretium solvatur creditori. Si verò patrimonium hoc antiquum fuerit, sive pro servitiis remuneratione datum, & illud agnatū ejus avocare voluerint refuso æstimationis pretio, detur eis, & de pretio creditori satis fiat. Si aliquid supererit, detur domino. Sed si aliquid pro integrā creditoris satisfactione defecerit, illud exigat creditor à debitore suo.

263. Si milites cujuscunque status, exceptis minoris conditionis, ex executione non habuerint, unde se redimant, exigatur ab eis, sive eorum servis, debita pecunia sine misericordia, & totaliter tradantur creditoribus, exceptis his filijs nobilibus, qui sunt Præflavi.

264. Si Strelitzij non habuerint, unde pecuniam mutuū acceptam reddant, non tradantur totaliter creditoribus, sed solvantur pro ipsis ex stipendio, quod à Tzaro habent, quatuor rubli singulis annis, ipsi autem usquequod à debitis suis non fuerint liberi, pro solo pane serviant.

265. Kosaci, libratores, alijque inferioris conditionis milites, agricolæ, & quicunque alij, qui non habuerint, unde debita sua solvant, tradantur totaliter creditoribus, donec se redemerint, laborentquē apud illos masculi pro quinque rublis in singulos annos, feminae pro duobus cum dimidio. Creditores verò, quibus tradentur,

tur, dent fidejussores, qui spondeant, quòd eos non occident, nequè eorum valetudini nocebunt, & quod post deletum ab eis per sua servitia debitum eos reddent Cancellariæ.

266. Si verò aliquis sic traditus à creditore suo aufugerit, teneatur hic statim de fuga illius noticiam dare cancellariæ, à qua illum ipse accepit.

267. Si quis delatus fuerit, quòd debitorem sibi traditum occiderit, veritate compertâ, subeat pœnam ad arbitrium Tzaris.

268. Si tributarij diversæ conditionis, & mercatores, aliquè cives statuerint in executione ab hominibus non tributarijs ob pecuniam mutuam positi, & non habuerint, unde solvant, vendantur domus, & officinæ eorum, si quas habent, & de precio satisfiat creditoribus, sed earum venditio, aut datio in solutum non fiat similibus liberis hominibus non tributarijs.

269. Si aliquis cum spolio adductus fuerit in Cancellariam, feratur sententia contra eum secundum ejus demeritum, & spoliū adductum.

270. Si adducentes aliquem in Cancellariam eum Pristavi ad custodiendum tradiderint, donec causa terminetur, hunc autem isti dimiserint, unde adductores ejus eos accusaverint, quòd illum dimiserint, teneantur Pristavi dare fidejussores, qui spondeant pro ipsis cum inscriptione, mandeturquè ipsis, ut illum perquirant, & assignato tempore in Cancellaria statuant. Quod si non præstiterint, exigatur ab ijs & eorum fidejussoribus, unde accusatoribus satisfiat. In fuga autem captivorum Pristavi non subiciantur torturæ. Sed si neque Pristavi, nequè eorum fidejussores solvendo fuerint, tradantur totaliter accusatoribus, ut se redimant, dent tamen isti fidejussores cum sponfione, quòd eis nullatenus nocebunt.

271. Si artifex aliquis adamantem, sive hyacinthum, sive sapphyrum, sive alium aliquem lapidem pretiosum ad purgandum, sive ad sigillum in eo sculpendum acceptum per negligentiam fregerit, aut detrimento aliquo affecerit, solvat ejus pretium juxta æstimationem faciendam.

272. Si quis ab aliquo ad tempus aliquod determinatum vestes commodato, vel sartor materiam ad eas conficiendas acceperit, & mures eas corroserint, vel alio aliquo modo destructæ fuerint, solvat earum æstimationem domino, ijs pro se retentis.

273. Si quis equum alienum, vel aliud aliquid conduxerit, & rem conductam destruxerit, vel aliquo modo læserit, solvat domino ejus pretium juxta æstimationem faciendam per homines ab utraque parte electos, rem autem læsam, vel destructam pro se habeat.

274. Si quis alicui vigilantiam suam ad custodiendum ejus ligna, vel officinam, vel aliquid aliud pro mercede datis fidejussoribus locaverit, ipso autem custodiente aliquid perierit, vel furto ablatum fuerit, solvant ipse, & ejus fidejussores damnum, quòd si solvendo non fuerint, tradantur damnum passototaliter, usquequò se redemerint.

275. Si quis inita cum altero societate cum pecunia, & mercibus aliqùd proficiscens omnibus ijs à latronibus spoliatus fuerit, socius verò eum conveniet, dimidiam suam earum partem petens, verificato latrocinio, & spolio absolvetur à petitione; At si probata fuerit tantum latronum in vaso, sed non spoliatio, tunc teneatur socio suo pro dimidiâ parte petita satisfacere.

R. r

276. Ne-

276. Nemo in vicini sui limitibus ædificet, si secus fecerit, jubeatur quicquid ædificaverit aliò inde transferre.

277. Fornaces, & culinas propè vicini sui parietem nemini exstruere liceat, quòd si fecerit, ad quærelam vicini diruantur, ne aliquod inde damnum vicino oriatur.

278. Nemini liceat ex ædificijs suis eminentibus in inferiora vicini aquam fundere, aut aliquas alias molestias ei facere, rixasquè excitare: quòd si fecerit, ad vicini quærelam jubeatur ædificia sua alta longè ab imis vicini sui traosferre. Si obedire neglexerit, & continuas vicino suo molestias fecerit, diruantur ejus ædificia, ut commoditas ab eo vicinum molestandi subtrahatur.

279. Si quis cum aliquo altercans vocaverit eum meretricis filium, accusator probato per accusatorem contrario solvat ei biszestiam in duplo sine ulla remissione. Quod si per processum constiterit, quòd verè accusator meretricis filius sit, sive legitimus, sive non, rejiciatur ab agendo, cum legitimis patris sui filijs non hæreditet, imò neque per subsequens matrimonium pater ejus possit illum legitimare, nec in possessionibus, & patrimonijs suis hæredem instituire; Sed nothus iste à paternâ hereditate omninò excludatur.

280. Si quis in aliquem canem irritaverit, qui eum momorderit, aut ejus vestes laceraverit, re probatâ, solvat accusatori pro biszestia, vulnere, & damno in duplo. Quòd si accusator alijs probationibus destituatur, deveniatur ad juramentum.

281. Si quis alterius canem datâ operâ occiderit, solvat domino ejus æstimationem. Sed si canem se defendendo manu, non verò sclopeto, occiderit, nulli pœnz obnoxius sit.

282. Si alicujus canis solutus, vel aliquod aliud pecus non inclusum aliquem invaserit, vel in corpore, vel in aliqua alia re detrimento affecerit, re probatâ, solvat dominus canis, vel pecudis accusatori damnum, mandeturquè ei, ut in posterum canem ligatum, pecus suum inclusum custodiat. Quod si facere neglexerit, iterumquè accusatus fuerit, quòd ejus canis, vel pecus damnum alicui intulerit, solvat statim sine ullo processu accusatori damna juxta ejus assertionem, & canis, vel pecus ejus huic tradatur.

283. Si quis aliquem in judicio convenerit pro scrofis, sive equabus, sive vaccis, sive ovibus, sive alijs quibuscunque pecudibus, sive apibus, cum augmento præteritorum aliquot annorum, audiat, & si probaverit, se reo conveato dedisse animalia, condemnatur iste ad hæc ei retradenda, sed sine augmento, imputare enim negligentiz suæ debet, quòd hoc annuatim à reo non exegerit.

284. Si quis aliquem in judicio convenerit pro scæno secto, solvat reus conventus actori probanti pro singulis scæni secti lincis unum altinum.

285. Sed si quis aliquem in judicio convenenerit pro secto scæno per acervos, re probatâ, solvat actori pro quolibet secti scæni acervo unum altinum.

CAPVT XI.

De Subditis.

SI ex pagis, villis, aut prædijs rusticis subditi aufugientes ad villas Patriarchæ, sive Metropolitanarum, sive Archiepiscoporum, sive Episcoporum, sive Monasteriorum, sive Bojarorum, sive Ocolniciorum, sive Consiliariorum, sive ephæborum, sive Stolnikorum, sive aliorum cuiuscunque status, & conditionis possessionatorum, & patrimoniatorum se contulerint, inspiciantur libri terrestres præterito anno à creatione mundi 7154. post Moschuz vastationem patrimoniorum Cancellariæ, alijsquæ traditi, & si in ijs fugitivi isti, vel eorum parentes tanquam Tzaris subditi scripti fuerint, tunc illi, apud quæ se receperint, teneantur sine ulla mora eos ad antiqua sua loca cum uxoribus, & liberis, omnibusquæ bonis suis remittere.

2. Similiter si quis professionatus, aut patrimoniatu in iudicio proposuerit, subditos suos aufugisse, eosquæ in Tzarex aula villis, pagis, aut suburbijs, vel Patriarchæ, Metropolitanarum, Archiepiscoporum, Episcoporum, Monasteriorum, Bojarorum, Ocolniciorum, vel aliorum quorumcunque possessionatorum, & patrimoniatorum, etiam advenarum, bonis degere, inspiciantur supradicti libri, & si in ijs fuerint fugitivi illi, vel eorum parentes tanquam subditi actoris, vel tunc, vel post scripti, retradantur ei sine ulla mora.

3. Retrodatio autem fiat non tantum de ijs, sed etiam de eorum uxoribus, liberis, & omnibus bonis mobilibus. Pro possessione verò horum subditorum quoad præteritos annos usque ad præsentem hanc constitutionem nihil ordinatur. Et si qui ex fugitivis istis filias, aut sorores, aut consanguineas subditis dominorum, ad quos aufugerunt, in matrimonium elocaverint, non imputetur eis in culpam, neque domini teneantur propter istas virgines suos subditos dare, constitutio enim ista ad futura tantum tempora se extendit, non autem ad præterita, quando prohibitum non erat alienis subditis receptum dare, & præsertim cum post conscriptorum supradictorum librorum diem, multa patrimonia, & possessiones dominos mutaverint.

4. Cum verò subditi fugitivi retradentur dominis suis, qui eos receperit, teneatur dare retradenti quitantiam de eis, & eorum bonis specificè ad tollendas in futurum lites. Eam autem in Tzarex aula villis, & pagis dabunt Præfecti. In reliquis aliorum quorumcunque bonis eorum dominus. Scripta autem sit quitantia Moschuz, vel in civitatibus à podiacijs fori, & in pagis, & villis, ubi podiacij fori non sunt, à ludimagistris, vel cantoribus alterius villæ, aut pagi, & subscripta sit manu illius, ad quem retraditi subditi pertinent. Si quis autem literas pingere nesciverit, subliat patrem suum spiritualem, seu aliquem alium confidentem suum, qui subliet. Nemo autem popos suos, aut ludimagistros, aut subditos ad scribendum, vel subliendum adhibeat, ne lis inde aliqua oriri possit.

5. Si in libris supradictis scriptæ fuerint in bonis alicujus possessionati, vel patrimoniatu vacuæ subditorum domus, vel domorum loca, subditi verò, quia jam tunc aufugerant, in ijs scripti non fuerint,

rint, neque de eis usque ad illud conscriptorum librorum tempus actionem ullam dominus in iudicio moverat, nulla ei amplius in posterum in penam tam longi silentij sui competat.

6. Subditi fugitivi, qui ab aliquo per iudicium, vel sponte vigore hujus constitutionis domino retradentur, scribantur in Cancellaria patrimoniorum tanquam hujus, cui retraditi sunt, subditi. Nulli autem à parte Tzaris eos retradendi juxta conscriptum librum, quitantiæ dentur, sed benè ab ijs, apud quos post retraditionem subditi vixerint.

7. Si quis ab aliquo patrimoniale aliquod bonum cum subditis in supradictis libris scriptis post eorum conscriptionem emerit, & ab aliquo postmodum de retradendis sibi aliquot ex ijs in iudicio convectus, per sententiam iudicis ad eos retradendos condemnatus fuerit, habeat pro eis regressum contra venditorem, qui teneatur ei ex alijs patrimonij suis tot, & pares subditos cum similibus eorum, bonis vice evictorum tradere.

8. Sed si quis possessionatus, aut patrimoniatu præteritis annis item cum aliquo de fugitivis subditis habuerit, & super ea ex mandato piaz memoriæ Magni Domini Tzaris, & totius Russiæ Magni Ducis Michaelis Fedorowitz sententia lata fuerit, ut illi apud eos remanerent, ad quos confugerant, vel ita ipsæ partes inter se transsegerunt mediante privata scripturâ, vel confirmato per iudicem ad earum instantiam transactionis instrumento, firma, & rata in posterum sententia, vel transactio sit, neque ullus super eâ ulterius audiat.

9. Si qui homines in descriptis, vel correctis præteritorum annorum 7154. & 7155. libris tanquam alicujus subditi tunc, aut deinceps scripti aufugerint, statim sine ulla mora cum suis uxoris, liberis, fratribus, consanguineis, & nepotibus, cum omnibus bonis, & frugibus ab eo, ad quem confugerint, domino retradantur, nemòque in posterum alienos subditos fugitivos recipiat, multò minis apud se detineat.

10. Si quis post hanc Tzaream constitutionem alienos subditos fugitivos, fratresque eorum, & consanguineos receperit, & penes se habuerit, dominus verò eorum fugitivos apud eum repererit, teneatur eos juxta supradictorum librorum tenorem unâ cum uxoris, liberis, fratribus, consanguineis, & omnibus eorum bonis mobilibus, frugibus, frumento, & farinâ illic sine ulla mora domino retradere, & insuper solvere à tempore, quo post hanc constitutionem ad eum venerint, usque ad diem retraditionis in singulos annos pro singulis Tzari tributum ab ijs debitum, & domino eorum rublos decem.

11. Si quis aliquem de subditis fugitivis in iudicio convenierit, & illi in libris pro neutra partium scripti inveniantur; sed in libris præteritorum annorum 7154. & 7155. pro alterutra scripti legantur, dentur illi, pro qua scripti fuerint.

12. Si post hanc Tzaream ordinationem alicujus subditi filia adhuc innupta à domini possessione, aut patrimonio aufugerit, & alicui obligato homini, sive alterius domini subdito nupserit. Aut si quis talem ad se vocatam alicui tali in matrimonium collocaverit, convectus super hoc à puellæ domino, & re probatâ, teneatur eam illi unâ cum marito, sed non hujus bonis, & quos genuerint liberos, retradere.

13. Filij verò mariti ex priore matrimonio, si viduus erat, cùm eam duxit, non tradantur cum patre, sed remaneant apud dominum, apud quem nati sunt in servitute, & subjectione.

14. Quòd si dominus ad puellam fugitivam retrahendam agens dicat, eam in fuga sua aliquid abtulisse, inquiretur super hoc, & secundum astra, & probata iustitia administretur.

15. Si vidua alicujus, de cujus subjectione erga aliquem dominum, aut ex supradictis libris, aut alio quocunque probationis genere constiterit, aufugerit, & post fugam alicui alterius domini subdito, vel obligato homini nupserit, si dominus primi mariti sui ad eam retrahendam egerit, ei omninò unà cum secundo marito suo retradatur.

16. Sed si actor sive ex libris, sive ex aliquo alio legitimæ probationis genere intentionem suam non probaverit, permaneat illa apud dominum secundi mariti sui.

17. Si aliquis subditus à domino suo fugitivus filiam suam virginem, sive viduam alicui obligato homini, sive subdito illius domini, ad quem refugerit, elocaverit, per sententiam verò judicis per antiquum dominum cum uxore, & filijs à novo retrahi debeat, retradatur unà cum ijs etiam filia hæc cum marito suo, sed si iste liberos ex priori matrimonio habuerit, isti non tradantur.

18. Et si talis fugitivus in ipsa fuga alicui obligato homini, sive subdito alterius possessionati, sive patrimoniati eam elocaverit, etiam iste teneatur eam unà cum marito antiquo patris ejus domino retradere.

19. Si quis possessionatus, sive patrimoniatus, vel officialis subditorum suorum filias virgines, aut viduas aliorum dominorum servis, sive subditis nubere permiserit, teneatur illis dimissoriales literas manu suâ, aut patris sui spiritualis subscriptas dare, solutionemque, quam ab illis juxta pactum accepit, specificè in literis dimissorialibus adnotare.

20. Si ad alicujus patrimonium, aut possessionem aliquis accesserit dicens se hominem liberum; sed velle in posterum apud eum in subjectione vivere, teneatur is, ad quem iste venerit, eum interrogare, cujus sit? ubi consanguineos habeat? ubi vixerit? unde veniat? an non subditus alicujus, & fugitivus sit? an habeat literas dimissoriales? si has ille non habeat, teneatur diligenter inquirere, an verè homo liber sit? Si hoc pro certo compererit, adducat eum eodem anno Moschuam, ut inscribatur in Cancellaria patrimoniorum. Casanenſes verò, & ex districtibus Novogrodiani, Plescovienſes, & ex districtibus Plescoviam: Et ubicunque sive in Cancellaria patrimoniorum, sive in civitatibus Palatini tales homines diligenter interrogent, eorumque dicta scribant. Quòd si judicabitur convenientes tales homines in subditos concedere eos adducentibus, teneantur isti relationes illorum manu propriâ subſignare.

21. Si aliquis patrimoniatus, sive possessionatus aliquem ad inscribendum in libris patrimoniorum pro subdito suo adduxerit, non investigatâ priùs diligenter ejus conditione, eveniat autem, ut ejus dominus eum tanquam subditum suum retrahere velit, fiat iustitia juxta probationes, & libros. Si evincat, retrahat illum unà cum uxore, liberis, & bonis. Ille verò, qui ob indiligentiam suam hominem alicui

num in subditum suum suscepit, solvat pro eo in singulos annos à tempore, quo illum suscepit, usque ad illud, quo restituerit, decem rublos pro Tzare in penam, & totidem subditi suscepti domino.

22. Quòd si aliqui subditorum filij parentes suos abnegare ausi fuerint, torture subjiciantur.

23. Si quis cujuscunque statûs, & conditionis homo volens alienos subditos fugitivos suos facere, curaverit ab ipsis sibi scriptas creditæ hujus, vel alterius rei obligationes dari, & in judicio ab eorum domino ad eos retradendos conventus obligationes hæcæ opposuerit, non audiatur, imò talium obligationum scripturæ ab eo accipiantur, & in libris Cancellariæ scribantur, subditi verò retradantur domino suo cum omni suppellestili, nihilquæ ab ijs speret reus conventus pro rebus juxta eorum obligationes creditis, cum versatus fuerit in re illicitâ alienos subditos accipiendo.

24. Si qui subditi in descriptione generali facta fratres, aut filios, aut consanguineos habuerint cum ipsis in iisdem ædibus cohabitantes, isti verò post descriptionem diviserint se, & varias domos inhabitaverint, dominus eorum has domos vacuas non vocet, nec Cancellariam celet. De telatis verò ante primam Septembris diem currentis anni 7157. domibus nemo in judicio audiatur, neque in Cancellariâ patrimoniorum libelli de tali actione recipiantur, eò quòd præteritis annis 7154. & 7155. Stólnichi & Nobiles Moschnvienfes ad describendos juxta Tzaris mandatum omnium patrimoniorum, & possessionum subditos sub juramento destinati nullos præterierint, & propter falsam descriptionem severe in descriptores animadversum fuerit.

25. Si quis subditos suos fugitivos retrahere cum eorum bonis intendens horum pretium ad quinquaginta rublos, vel plures ascendere in libello suo scripserit: aut quæ bona fuerint, & ejus pretij specificè non dixerit; reus verò conventus hos subditos apud se esse non fuerit fassus, unde ad juramentum devenire necesse fuerit, scribantur pro singulis subditis in actione comprehensis tres rubli, pro bonis non specificatis quinque; In majoribus autem bonis fiat taxa secundum probationes.

26. Sed si reus subditum apud se esse non fuerit inficiatus; afferat autem sine bonis ad se venisse, & actor contrarium asseveret, sed quæ, & qualia fuerint cum eorum computatione in libello, & citatione specificè non posuerit, unde necesse sit ad juramentum devenire, taxa talium bonorum sit quini rubli, & subditus domino retradatur.

27. Si quis de retraditione alicujus fugitivi subditi ab ejus domino in judicio conventus per juramentum à petitione actoris se liberaverit, & deinceps subditus, de quo lis fuerat, apud eum repperitus fuerit, retradatur actori cum omnibus bonis juxta tenorem petitionis suæ. Perjurus verò per triduum in foro knutis cadatur in aliorum terrorem, & tradatur in carceres ad semeltre, & deinceps in nihilo ei fides adhibeatur, nullaquæ unquam detur contra quemcunque actio.

28. Si verò reus conventus de retraditione subditi fugitivi fassus fuerit in judicio cum apud se esse, retradatur domino suo unâ cum uxore, & liberis, qui cum eo vivunt, etiam si in libris descripti non sint.

29. Sed

29. Sed si in iudicio negaverit, & cum deventum fuerit ad iuramentum, confessus fuerit eum apud se esse, & eum retradiderit, bona tamen ejus negaverit, condemnatur ad ea auctori prætermisso iuramento pariter reddenda, eò quòd negans prius mendaciter totum, partem deinde maliciosè falsus fuit, ut alteram partem possidere posset.

30. Subditos per conscriptos libros diversis unius domini possessionibus, aut patrimonijs distinctè adscriptos non poterit is in unum cogere, ne per hoc possessiones devastentur.

31. Si aliquis possessionatus, & patrimoniatus subditos suos ex possessione in patrimonium transtulerit, possessio verò illa alicui alteri concedatur, qui pro eis possessioni retradendis in iudicio egerit, retradantur ei statim cum omnibus eorum bonis, frugibus, frumento, & farinâ.

32. Liceat subditis operas suas cuicumque locare per scripturam, vel sine; sed conductores nullas ab ijs obligationes sibi serviendi, & apud se manendi exigant, & finitis juxta promissionem operibus eos sine ulla mora dimittant.

33. Subditis & servis, qui à cujuscunque conditionis limitaneis possessione, & patrimoniis extra continia aufugerint, indequè reversi apud antiquos dominos suos manere detrectaverint libertatem, petentes, nulla detur; sed post examen reddantur dominis suis à quibus aufugerant.

34. Si verò tales fugitivi in Lituaniâ, sive Germaniâ partibus virgines, vel viduas pariter fugitivas aliorum patrimoniatorum subditas duxerint, cumquè illis postmodum in Russiam reversi fuerint, unde lis inter diversos eorum dominos oriatur, altero à subdito suo uxorem ad se trahi debere affirmante, altero ab uxore subditâ suâ virum, in hac fugitivorum iudicii obscuritate mittatur fors, & is, in quem ceciderit, solvat alteri, sive pro viro, sive pro uxore quinque rublos.

C A P U T XII.

Quomodo judicandi sint Patriarchæ officiales, & aula famuli, diversiquè alij Homines, & subditi ejus.

1. **P**atriarchæ officiales, aulici, filij nobilium, subditi, ceteriquè cujuscunque conditionis homines, qui vivunt in Patriarchatûs bonis, judicentur in quacunque causâ sive actores, sive rei in aula Patriarchæ, nunquam enim tempore antecessorum Tzarûm, & pizæ memoriæ Domini Tzaris, & totius Russiæ Magni Ducis Michaelis Fedorowicz ad aliquam Cancellariam vocati fuerunt, sed semper ad illam Patriarchæ, cui ipse præsidet.

2. Sed si Patriarchæ officiales muneribus corrupti, vel odio, aut amicitia depravati aliquem injustè judicaverint, & hic appellationem ad Tzarem interposuerit, admittatur, & ejus causâ ab officialibus Patriarchæ ad Tzarem, & ejus Bojaros advocetur, & compertâ veritate, quòd illi injustè judicaverint, puniantur sicuti constitutum est de iudicijs Tzaris.

3. Si

3. Si verò Patriarchæ Officiales, vel aulici, vel filij Nobilium, vel subditi contra quemcunque in aliqua Cancellaria actionem instituerint, reus verò conventus non recedendo à iudicio actorem suum reconvenierit, causa in eadem Cancellaria dirimatur.

CAPUT XIII.

De Monasteriorum Cancellaria.

1. **T**ribunal iudiciale pro Metropolitae, Archiepiscopis, Episcopis, & eorum officialibus aulicis, filijs nobilibus, & subditis, pro Monasterijs, Abbatibus, Prioribus, Procuratoribus, Superioribus, Thesaurarijs, ordinarijs Monachis, Monasteriorum famulis, & subditis, & pro popis, & Ecclesiæ servitoribus in omnibus causis iuxta novam Tzaris ordinationem est Cancellaria majoris aulæ. Sed Dominus Tzar, & totius Russiæ Magnus Dux Alexius Michaelowicz supplicibus Stolnicorum, Strapeziorum, Nobilium tam Moschoviensium, quam aliarum civitatum, mercatorum, majorum, & minorum, aliorumque diversorum diversæ conditionis hominum precibus annuens, mandavit statui Cancellariam pro monasterijs, in quâ causæ ad Metropolitam, Archiepiscopos Episcopos, eorumque officiales, aulicos, & subditos, & ad monasteria, Abbates, Priores, aliosque supra nominatos in quacunque actione quomodocunque pertinentes discernantur, & iudicentur.

2. Si verò aliquis Metropolitanus, Archiepiscopus, Episcopus, aut ejus Officialis, aulicus, & subditus, seu Abbas, Prior, aut monachorum supranominatorum aliquis, vel eorum famulus, aut subditus aliquem cujuscunque hominem ad aliquam Cancellariam in iudicio vocaverit, iste verò actorem suum in alijs actionibus à iudicio non recedendo reconvenierit, causa introducatur, & finiatur in hac eadem Cancellaria.

3. Patriarchæ, Metropolitanarum, Archiepiscoporum, Episcoporum, Monasteriorum, Bojarorum, Ocolniciorum, Consiliariorum, & quorumcunque aliorum cujuscunque conditionis hominum, Villarum Præfecti, & subditi, qui in civitatibus, bonis Ecclesiasticis, Bojarorum patrimonijs, & possessionibus vivunt, possint in civitatibus à civibus cujuscunque conditionis usque ad summam viginti rublorum in iudicio conveniri, & vicissim cives convenire. Supra verò viginti rublos in causis patrimoniorum, possessionatorum, & subditorum, nulla in civitatibus sententia feratur, exceptis ijs, in quibus per Tzaris ordinationem Palatinus cum Diacono vivit, & exceptis inferioribus civitatibus in Cancellariâ Casani notis.

4. Sed si Ecclesiasticorum, & Monasteriorum famuli actionem aliquam contra milites instituerint, & in libello scripta fuerint nomina Abbatum, Priorum, Procuratorum, Thesaurariorum, sive aliquorum Monachorum, sive Ecclesiastici alicujus, ipsimet autem milites ab illis percussi, vel spoliati, vel aliquâ contumeliâ affecti fuerint, in ista Monachorum actione iuxta doctrinam Apostolorum, & consilia Sanctorum Patrum mittatur fors, & ad juramentum non deveniatur, Abbas tantum, Prior, Præbyter, & Diaconus, aut aliquis alius pro eis juret, qui autem juraverit, Sacramenta non administrabit.

f. Sed

5. Sed si in libello scripta fuerint nomina Episcoporum, Monachorum, Poporum, & Diaconorum, & actio sit de damno in eorum possessionibus dato, vel alia quacunque pro eorum famulis, aut subditis, non mittatur fors; sed deferatur ipsis, famulique, & subditis juramentum.

6. Si homines laici actores, vel rei petierint, ut Ecclesiasticas personas, cum quibus ipsis lis aliqua intercedat, loco juramenti, & fortis examinet Patriarcha, sive Metropoli, sive Archiepiscopus, sive Episcopus, Ecclesiasticos ad ordines promotos juxta ordines eorum, Monachos vero juxta professionem Monasticam, & ita lis dirimatur: Teneantur dare hujus suæ oblationis dictis Ecclesiasticis per scripturam suâ manu subscriptam authenticam declarationem, ut illi per optionem sibi datam vel juramentum, vel examen pro arbitrio eligere possint. Et secundum electionem eorum causa possit decidi.

7. In actione executionum contra rusticos detur terminus, qualis nobilibus assignabitur, ipsi enim pro subditis suis in quacunque causa agunt, & respondent, exceptis furto, homicidio, & latrocinio.

CAPUT XIV.

De Juramento.

1. **Q**uicumque Moschoviticus Dominij Ruthenus homo in actionibus judicialibus in quacunque Cancellariâ juxta juris exigentiam juramentum à judice delatum præstare debet, ipse, vel ejus loco servus ejus illud præstet, sed non ultra ter in diversis actionibus. Juraturus autem viginti annorum natus esse debet, minores vero nec jurare possunt, nec admittendi ad jurandum erunt. Si quis vero tales servos non habuerit, ipsemet juramentum præstet.

2. Si quis vero vel per se, vel per servos ter in diversis actionibus jam juraverit, & deinceps ipse, vel actor, vel reus in alia causa, ad cujus decisionem requiratur juramentum, quarto jurare voluerit, non permittatur, sed causa dirimatur, per alia probationum genera. Quod si fieri nequeat, decidatur per torturam.

3. Si aliquis Lituanus, aut Germanus, sive Tartarus, sive quicumque alius exterius egerit in judicio contra Ruthenæ fidei homines, & ad litem, dirimendam necesse fuerit devenire ad juramentum, adducatur reus conventus ad Cancellariam, in qua lis pendet, & in qua ad hunc effectum semper sit crux in imagine picta, ibique juret. Sed si actor Ruthenus fuerit, reus autem conventus peregrinæ fidei homo, adducatur iste pariter ad Cancellariam, ubi actio ventilatur, ibique juxta suæ fidei consuetudinem juret.

4. Si aliquis Moschoviticus Dominij homo advenam aliquem in judicio de aliquo convenerit, hic autem actori juramentum decisorium obtulerit, actorque illud præstare acceptaverit, permittatur. Sed si recusaverit, aut ipse ab advena conventus fuerit, & jurare detrectaverit petens, ut sibi permittatur sortem mittere inter se, & actorem, cui juramentum deferendum sit, concedatur, & is, super quem fors ceciderit, juret, habeatque quod suum est.

5. Si alicui auctori, vel reo necessitas jurandi in causa incubuerit, servos autem non habuerit, qui loco ejus juramentum præstent, ipse vel viginti annis minor fuerit, ideoque ad jurandum non admittendus, si tamen decimum quintum ætatis suæ annum egerit, admittatur. Minor verò quindecim annis nullo modo, sed juret pro eo is, qui in judicio personam ejus sustinebit. Conducti verò homines nec ad præstandum, nec ad alteri deferendum juramentum admittantur.

6. Juramentum verò præstantibus adstare debebunt propter custodiam nobilis, & cancellita, & jurati ex mercatorum centuria. Præstabitur autem Septembris, & Octobris tempore à secunda usque ad sextam diei horam: In Novemb. Decemb. Januar. Februario à prima usque ad quintam: In Martio, April. Majo, & Junio à secunda usque ad septimam: In Julio & Augusto à tertia usque ad sextam. Vespere autem extra constitutas horas nemo ad jurandum admittatur, & mandetur accusatori, & reo triduo ante diem, in quo juramentum præstandum erit, ut ad illud se parent. Si verò eorum alteruter termino ad jurandum constituto dilatione non petita contrumax non comparuerit, vel extra tempus juraverit, aut jurare debentem congruo tempore ad Cancellariam non adduxerit, cadat à causa, & condemnetur.

7. Si quis aliquem ratione ejus servi in libello specificè nominari in judicio convenerit, reus autem conventus ad præstandum pro servo suo juramentum se obtulerit, eumque alio nomine diverso ab eo, quo in libello vocatus ab auctore fuerat, nominaverit, reus nihilominus juramentum præstare juxta nomen famuli in libello scriptum, & non juxta illud, quo ipse eum vocaverit.

8. Si quis contra aliquem pro trecentis, aut pluribus rublis in judicio egerit, reus verò conventus auctoris juramento super lite stare voluerit, juret ex auctoris servis ille, cui reus confiderit, & è converso si reus servos suos ad jurandum obtulerit, eligatur ille, cui magis auctor confidit. Et si quis per binos, aut ternos libellos in eodem judicio diversas contra aliquem actiones intentaverit, & reus conventus super his omnibus juramentum vel à se, vel ab auctore præstandum obtulerit, lites autem nullo alio modo, quàm per juramentum dirimi queant, qui jurabit, sive auctor, sive reus, separatim in singulis actionibus juret.

9. Si quis juraverit, vel aliquem ad juramentum adduxerit injustè, re probatè, severè corrigatur juxta superius in subditorum judicio constitutum.

10. In canonibus verò Sanctorum Patrum de juramento sic scriptum est. Si quis Christianus Christianum injustè ad juramentum præstandum mandato suo adegerit, & hic jurer, talem Basilus Magnus juxta caput 82. per sexennium in censurâ tenet, hoc est, ab Ecclesiâ separat. Quod si ex potentioribus aliquis falsò juraverit, aut alium jurare jussit, præbyteri arceant eum ab Ecclesiâ, ejus ædes non intrent, nec in ijs Divinos cantus psallant. Sed si præbyter in domo aliqua psallat, ubi talis perjurus adit, eum foras expellat. Jurantem injustè Basilus Magnus cap. 64. tenet in censura per deconium, per biennium flere debet, per triennium Divinos cantus audire, per quadriennium pœnitere, & per postremum decennij

cennij annum stare cum fidelibus, & deinceps Divinum corpus sumere. Extat etiam Leonis sapientissimi Imperatoris constitutio 72. Quâ mandatur, ut falsò juranti lingua abscindatur. Pœnitentiam autem querenti Præsbyter præscribat, ut per annos constitutos singularum hebdomadarum serijs secundâ, quartâ, & sexta panem solum cum aqua calida, & quidem semel in die, comedat. Ferijs verò terciâ, & quintâ duabus in die vicibus cibo aliquo sine oleo coctò vescatur. Necessè itaque est, ut patres spirituales filios suos spirituales instruant, doceantque timorem DEI, ut cum vicinis mutuam foveant charitatem, non furentur, non occidant, scelera nulla perpetrent, in mendacia non sint proclives, alienum non concupiscant, neminem injuriâ afficiant, & os suum, DEUM testem falsæ assertionis suæ invocando, non polluant, sibi quæ non maledicant. Orthodoxis enim Christianis juramentum falsum omninò prohibitum à Sanctis Patribus est, cum data sit crux à Christo Christianis in sanctificationem, & ad visibiles, & invisibiles inimicos repellendos, ideoque decet eos, illam fide verâ, & purâ adorare, cumque timore, & tremore puræ mentis osculari, quod qui facit, sanctificat se, & ab omni bus infirmitatibus liberat. In fide autem non verâ, & falsè si quis illam osculatur, iste erit pater mendacij, & secundum scripturam, tanquam occisor Christi, cum ejus vivificam crucem contempserit. Omnibus malis pejus est falsum juramentum, & falsè osculari sanctam crucem, sive imaginem Deiparæ, sive alicujus Sancti. Vidit Zacharias Propheta descendentem è cœlis in terram salcem igneam, quem si interrogaveris, quid sit hæc salx Domini, respondebit, ira DEI est: Falx mittitur à manu DEI in hos, qui ambulant in iniquitate, & malitiâ, & eos ignis persequitur, animarumque eorum mittentur in ignem, qui nunquam extinguitur. Omnia autem hæc ex Sanctis Apostolis, Sanctorumque Patrum doctrinis ad juramentum pertinentia scribantur in omnibus Cancellarijs, leganturque partibus à podiatio, cum ad juramentum deveniendum erit, coram pluribus hominibus, ut omnes de ijs noticiam habeant: Si verò actio sit de rublo mittatur fors, sed si de summa majori, deferatur juramentum.

CAPUT XV.

De transactionibus, & re judicatâ.

1. **S**I alicui lites cum Metropolitâ, Archiepiscopis, Episcopis, aut Monasterijs intercesserint, & super his scriptò transegerint sub promissione, quod in posterum eas amplius non excitabunt; Deinceps verò mutati Metropolitæ, Archiepiscopi, Episcopi, Abbates, Priores, Procuratores, aut Vicarij eas denuò excitare tentaverint sub prætextu, quod antecessores sui super eis non juxta æquitatem transegerint, rejiciantur, & transactiones in suo vigore permanent.

2. Si lites inter patrimoniatos, & possessionatos de subditis, seu de terris, seu de alijs quibuscunque rebus ad possessionem, & patrimonium pertinentibus exortæ per transactionem scriptò comprehensam

ſam ſopitæ fuerint ſub pacto, & promiſſione eas amplius in poſterum non excitandi. Poſſeſſiones autem illæ, vel patrimonia, ſuper quibus tranſactum fuerat, ad alios tranſiverint, qui lites antiquas excitare voluerint, tranſactionem iniquam aſſerentes, non audiantur; ſed permaneant omnia juxta tranſactionis tenorem.

3. Si quis poſſeſſionatus, aut patrimoniatus aliquem ex ſubditis poſſeſſionis, aut patrimoniij ſui in libris terreſtribus ſibi inſcriptum datis ei literis dimiſſorialibus libertate donaverit, poſſeſſio verò aut patrimonium ejus ad alium deinceps tranſiverit, qui libertatem ſubditi irritam facere tentaverit, eumquæ ſibi reddi poſtulaverit, ſi ſubditus ex patrimonio liber dimiſſus fuerit, reiſciatur ejus petitio, ſi verò ex poſſeſſione, tradatur ei, nemini enim licet ſubditos poſſeſſionum libertate donare.

4. Omnes actiones, & cauſæ, quæ ante hæc moderna ſtatuta inter cujuſcunque conditionis homines in quibuſcunque Cancellarijs juxta Tzaris decretum, & Bojarorum conſilia per ſententiam, deciſæ fuerint, non amplius in poſterum in judicium deduci poſſint, ſed earum deciſiones ratæ, & firmæ ſint.

5. Si partes litigantes bono charitatis zelo ductæ arbitros ſibi elegerint, in quos de controverſijs ſuis compromiſerint, datâ in ſcriptis promiſſione, quodd eorum ſententiæ ſtare omnino velint, deinceps verò ſpreto arbitrorum judicio eorum laudo acquieſcere decretaverint, ſolvant Tzari poenam ab eo arbitrandam, & arbitris biſzeſtiam pro injuria, & nihilominus ſecundum arbitrorum ſententiam ſis decidatur. Quodd ſi arbitri diverſas protulerint ſententias, actori altero, altero reo ſavente, ad inſtantiam alterutrius ex litigantibus cauſa ab eis ad Cancellariam avocetur. Quodd ſi in laudo mandata fuerit ſolutio poenæ pro Tzare, inhæreatur à cancellariâ ſententiæ arbitrorum, quæ ad normam legum juſtitie lata comperietur. Sententia verò, quæ ab æquitate aberrabit, irritetur. Arbitro autem iniquè judicanti injungat Tzar ad arbitrium ſuum poenam pecuniariam, & mandetur, ut ei, quem injuſte condemnaverat, ſolvat pro itinere, victu, & morâ decem copicos ſingulis diebus computandis à principio uſque ad finem cauſæ. Sed ſi in arbitrorum ſententia poena pro Tzare conſtituta non fuerit, cauſa ad Cancellariam non avocetur. Quodd ſi arbitri concordem ſententiam uniformem, juxta æquitatem protulerint, condemnatus autem ab eis ad Tzarem appellaverit, reiſciatur, & cauſa ad Cancellariam non avocetur, ſed rata, & firma ſit eorum ſententia, quos partes ſibi in judices ultro elegerunt.

C A P U T XVI.

De poſſeſſionibus.

1. **I**N diſtrictu Moſchoviendi poſſeſſiones ſic fiant. Pro ſingulis Bojaris jugera 200. Pro ſingulis Ocolnicijs, & Dumni - Diakis, ſive Cancellarijs conſilij jugera 150. Pro ſingulis Stolnichis, Serapcijs, Dworaniis, ſive Nobilibus Moſchovienſibus, Diachis, ſive ſcribis, Streliziorum tribunis Moſchoviens. Et clavigeris aulæ in pa-

In palatijs & majoribus officinis jugera 100. Pro singulis nobilibus ex districtibus, qui per electionem servant, jugera 70. Pro singulis Zilcijs, stabularijs majoribus, & centurionibus Sereliciorum Moichovien- sium jugera 50. Pro singulis aulae famulis, strapijs, cribrarijs tam Tzaris, quam Tzarissae, & filijs nobilium juxta eorum possessiones ex 100. jugeribus decem jugera.

2. Possessionati cujuscunque conditionis, qui inter se possessiones commutare voluerint, libellum super hoc Tzari supplicem ab ipsis scriptum in Cancellaria possessionum dare teneantur.

3. Liceat Moschoviensibus hominibus cujuscunque conditionis possessiones suas cum quocumque Moschoviensi, vel districtuum nobili, vel nobilis filio, vel advena, jugerum pro jugero, non vacuum, pro non vacuo, & e contra commutare, & tales permutationes ad eorum instantiam scripto manu eorum subsignato in Cancellaria posses- sionum praesentato comprehensas, quamvis impares tuerint, modò de pauculis jugeribus disparitas sit, in libris describantur.

4. Imò si permutationem possessionis, vel patrimonij sui inire cum monasterijs, quoad horum possessiones terreitres voluerint, ad eorum, & monasterij permutantis Abbatis, Prioris, & universonum Monachorum conjunctim scriptam instantiam contrahendum mani- bus subsignatam similiter in libris describantur.

5. Si possessionati, & patrimoniatu cujuscunque conditionis pa- trimonium suum in possessionem, sive e contra, permutare voluerint, ad eorum supplicem instantiam acceptetur permutatio, & describa- tur in libris.

6. Sed si quis cum aliquo possessionem invicem permutaverit, vel patrimonium pro possessione, sive e contra, permutantes verò bona permutata possidere perleveraverint juxta antiquam descriptionem, nec ea in possessionum Cancellaria transmutari curaverint, sed post mortem alterius ex permutantibus alter supervivens supplex petierit pro eorum descriptione, rejiciatur, & bona permutata nullatenus describantur.

7. Si quis non vacuum possessionem, aut patrimonium pro va- cuo, vel vacuo permutaverit, supplex verò petierit per scriptum, suà manu signatum, ut permutatio in libris describatur cum trans- latione subditorum possessionis, aut patrimonij sui non vacui in va- cuam possessionem, aut patrimonium, quod ex permutatione acce- perit, fiat.

8. Si quis à Tzare supplex petierit, concedi sibi possessiones, quæ datæ fuerint nobilibus, & filijs nobilium senibus, ideoque à ser- vitijs ulterius praestandis exemptis, vel effectæ jam ætatis viduis, rejicia- tur, ejusque supplices libelli non recipiantur.

9. Si patruus nepoti, sive frater fratri ob ætatem ingravescen- tem possessionem suam cesserit sub conditione in cessionis instrumento, & supplici libello ad eam super cessionarium in libris describendam, porrecto comprehensâ, quòd iste cedenti usque ad mortem omnia ne- cessaria suppedabit, eveniat autem, ut horum nihil praestet, unde cedens contra eum reclamet, quòd promissis non stet, imò ipsum ex bonis expulerit, subditisque mandaverit, ut ipsi non pareant, res- tituatur denuò cessa possessio cedenti, & cessionis literæ irri- tentur.

10. Si aliqua virgo, aut vidua possessionem sibi pro victu concessam alicui dare ad fruendum voluerit sub pacto, ut is sibi omnia ad vitam tranfigendam necessaria suppeditet, & eam elocet, scripturam ab eo manu sua signatam super hoc accipiat. Quod si concedens possessionem ingratum possidentem Tzari accu'averit, quodd nihil sibi ad vivendum subministret, nec elocare curet, imò ab illa ipsam expulerit, reddatur possessio virgini, vel viduæ, quæ illam concesserat, & literæ concessionis irritæ sint.

11. Virgines autem possessiones sibi pro victu assignatas alicui concedere vetentur, quoadusque decimum quintum ætatis suæ annum non agant. Ille autem qui à virgine quindecim annis minore possessionem sibi concessam fuisse asserens supplex petierit, sibi eam in libris inscribi, rejiciatur, & possessio ei nullo modo detur.

12. Ab omnibus cujuscunque conditionis hominibus, qui traditionis literis fieri possessionibus incubant, si eas sibi concedi à Tzare supplices non petierint, & in Cancellaria possessionum sibi inscribi non curaverint, auferantur, & distribuuntur ad Tzaris arbitrium.

13. Possessiones hominum Moschoviensium cujuscunque conditionis, & nobilium ex districtibus, & advenarum, qui fato sancti fuerint, detur eorum uxoribus pro victu, & filijs juxta constitutionem. Quod supererit distribuatur inter agnatos ejus non possessionatos, aut parçè. Quodd si tales non adierint, detur alijs non agnatis ex Moschoviensibus hominibus cujuscunque conditionis, & nobilibus districtuum ad Tzaris arbitrium.

14. Ex advenarum verò possessionibus quicquid, postquam eorum uxoribus, & filijs prospectum fuerit, supererit, detur advenis non possessionatis, aut parçè. Nemini autem advenarum possessiones concedantur, nisi advenis, & Russorum, nisi Russis.

15. Si quis pessimum opus operatus fuerit ducens quartam uxorem, & cum eâ filios genuerit, post ejus mortem huic quartæ uxori, filijsquè ex ea genitis possessiones ejus, & patrimonia non dentur.

16. Si aliquis cujuscunque status Moschoviensis homo, vel ex districtibus nobilis, vel nobilis filius, vel advena improlis moriens, possessiones nullas, patrimonia nulla empta post se reliquerit, quibus uxori ejus de victu prospici queat, sed solas possessiones, quibus ob servitia fruebatur, vel agnationis patrimonia, provideatur ex his de victu viduæ relicta, sed illa non possit hæc bona vendere, nec pro anima sua dare, nec oppignorare, nec in dotem sibi adscribere. Quod si iterum nuperit, sive monasterium ingressa fuerit, sive vitam cum morte commutaverit, bona illa propinquiioribus agnatis tradantur.

17. Si vidua aliqua ad secundas nuptias transiens pactum inierit cum marito, transierendi ad eum cum filia sua possessionem, detur huic, cum eam duxerit, ejus pars tantum, vel virginis, si hanc duxerit. Quodd si virgo remanserit, partem suam possessionis ipsa administrabit usque ad nuptias suas, quam nubendo marito adferet.

18. Si vidua advenæ cum nobili, sive nobilis filio possessionato, vel non, ad secundas nuptias transierit cum possessione sibi pro victu concessa, hæc possessio detur marito.

19. Si vidua nobilis, sive nobilis filij cum advena Russo baptismo initiato secundum matrimonium contaxerit sub pacto transcundi ad eum cum possessione sibi pro victu assignata, liceat.

20. Cum

20. Cum verò vidua aliqua, vel virgo matrimonium inire cum aliquo promiserit sub pacto transferendi in eum possessionem sibi pro victu assignatam, teneatur is, antequam illam ducat, talem possessionem à Tzare suppliciter petere. Quod si facere neglexerit, possessio non detur ei, sed defuncti prioris mariti agnatis non possessionatis, aut parce, juxta revisionem faciendam. Et si in illa agnatione tales non fuerint, detur alijs, qui eam à Tzare supplices petierint.

21. Si quis nobilis, vel nobilis filius duxerit viduam habentem pro victu suo assignatam possessionem, & dum hanc pro se in libris inscribi procurat, antiquas suas patrimoniales possessiones occultaverit, & deinceps mortuus fuerit, restituatur possessio uxori, à qua venit. Et si ob occultatas ab ejus marito antiquas suas possessiones patrimoniales aliquis hanc à Tzare sibi concedi suppliciter petierit, rescindatur, neque à viduis tales possessiones ob supra dictam causam auferantur.

22. Si vidua alicujus nobilis, qui possessione non majore 40. vel 50. vel 100. jugeribus donatus Tzari militans sub Smolentia occubuit relicta matre, vel uxore cum filijs masculi sexus adhuc pueris, tali possessione sibi, aut filijs pro victu assignata ad secundas postea nuptias cum ea transiverit, filij autem, cum mihorennis essent, jus suum in ea coràm Tzare non deduxerint, si majores facti nunc ab eodem supplices petierint paternam possessionem sibi restitui, auferatur ab eorum vitrico, etiamsi non possessionato, & eis tradatur.

23. Si post mortem alicujus possessionati ejus possessio uxori ejus, & filijs, nepotibus, & agnatis tradita fuerit, isti autem minorennes tunc fuerint, nemoque eorum causam coràm Tzare susceperit, si in divisione læsi fuerint, & majores facti de læsione agere voluerint, audiantur, & facta confrontatione cum relictis conventis, ad æquam inter eos divisionem per judicem deveniatur.

24. Si quis nobilis, aut filius nobilis antiquas patris possessiones in vastatis districtibus habens suppliciter à Tzare petere voluerit, ut novam sibi concedat, teneatur paternas vastatas indicare. Si eas non occultabit, inquiratur, an verè sint vastatae, & ipse non habeat, unde militiae vacare possit, & re sic se habente, detur ei nova possessio.

25. Si quis delatus fuerit, quòd paternam, seu suam possessionem jam habens, eam occultans, novam impetraverit, re probata, auferantur ab eo ex nova possessione tot jugera, ad quot paternae, sive suae ab eo occultata ascendit, & tradantur ejus delatori, qui pro ea Tzari supplicem libellum obtulerit.

26. Sed si delatio falsa fuerit, veritate comperta, solvat delator delato pro victu, & morà decem copicos in singulos dies computandos ab illo, quo delationem suam fecit, usque ad finem causae.

27. Si quis nobilis, vel filius nobilis sponte suà suppliciter petierit, ut antiquae suae possessiones in libris inordinate descriptae novà correctione ordinate describantur, si ante hanc petitionem suam nemo eas sibi concedi in occultationis earum penam petijt, describantur de novo, & occultatio earum ei condonetur, etiamsi per unicum tantum diem alios, qui eas petierint, praevenerit.

28. Sed si aliquis eas petendo cum vel per unicum diem praevenerit, auferantur ab eo, & dentur praevenerenti.

29. Si

suâ subsignet, & possessio concedatur. Veruntamen si deinceps comparuerit defuncti uxor, vel filij, vel agnati, qui asserant, eum dolo malo asseruisse supradicta in libello suo contenta, ut possessionem sibi de jure debitam ipse subrepticiè obtinere posset, auferatur ab eo possessio, & detur uxori, & filijs, vel agnatis defuncti juxta constitutionem, prout iustum fuerit, & damna, quæ ille subditiis intulit, exigantur ab eo in duplo, & dentur illis, cui possessio dabitur.

38. Si Tzaris mandato ab aliquo auferatur possessio, & distribuat, & in eâ frumentum ille subditorum operâ seminaverit, metant illud subditi, qui seminarunt, & detur ex eo novo possessori semen, ad seminandum per subditorum operas, reliquum verò cedat priori possessori. Frumentum verò, quod seminatum fuit per prioris possessoris famulos, vel conductos homines, habeat totum prior possessor, totumquæ ipse metat, subditi enim ad tales operas ei præstandas non tenentur.

39. Loca deserta, terrarumque vacuæ districtus Moschuenfis, quæ concedi solent pro stipendijs ex Cancellaria majoris proventus, alijsquæ, non tradantur Bojaris, Ocolnicijs, Consiliarijs, vel alijs cujuscunque conditionis hominibus pro pretio in possessionem, sive patrimonium, nec pro agris colendis dentur. Sed concedantur non possessionatibus, aut exiguas possessiones habentibus, qui eas supplices à Tzare petierint pro stipendijs, & cum talia loca alicui data fuerint in possessionem, non vocentur amplius stipendiorum loca.

40. Filij nobilium ex civitatibus limitaneis, qui à Tzare supplices petierint, dari sibi ex vacuâ in desertis locis terrâ portionem aliquam possessioni suæ addendam, dentur ex vallis campis, seu desertis terris his, qui habent possessionis 400. jugera 70. jugera: trecenta habentibus sexaginta: 250. habentibus quinquaginta: ducenta habentibus, vel centum & quinquaginta quadraginta: centum habentibus triginta: & septuaginta habentibus viginti quinque, & datio fiat per mensuram.

41. Loca, quæ postquam ab antiquo fuissent Russorum possessiones deinceps longâ vauitate squallentia per Tzaris concessionem, & Bojarorum literas datas interregni tempore, cum sub Moschuâ essent, Tartaris, aut Mordwinis concessa fuerunt, & modò ab eis Tzaris servitia præstautibus possidentur per longum tempus, relinquuntur eis, sed in posterum Russorum possessiones Tartaris, aut Tartarorum Russis dare non liceat.

42. Possessiones Russorum, quas Tartari, & Mordwæ possident, solventes ex ijs Tzari singulis annis certam pecuniarum quantitatem, si eas in posterum Russi supplices petierint, auferantur ab illis, & istis dentur.

43. Bojari, Ocolnicij, Consiliarij, Stolnicij, & alij cujuscunque conditionis homines, à Knejs, Murzis, Tartaris, Mordwinis Zercassijs, Ceremissis, Bojakis, & Baskircijs nec possessiones, nec terras ullas emant, nec permutent, nec pignoris loco accipiant, nec ad longum tempus conducant. Quod si aliqui Moschovienfes, aut ex civitatibus Nobiles, vel filij Nobilium, vel alij cujuscunque conditionis homines huic constitutioni contraverint, auferantur ab eis tales possessiones, & sciant se in gravem Tzaris indignationem incurfuros.

44. A Kneſiis, & Murzis, alijsquē ſupranominatis, qui recen-ter in Orthodoxa fide Chriſtiana Græco ritu baptiſati ſunt, poſſeſſiones non auferantur, nec Tartariſ dentur.

45. Murzæ, & Tartari poſſeſſiones ſuas non devaſtent, nec eas deſerant, in alias civitates, villas, aut loca quæcunquē auſugientes, & à ſervitijs non recedant, ſed vivant in illis, & unusquiſquē ſuarum poſſeſſionum curam gerat. Quodd ſi aliquis inter eos à malo genio ſeductus, nolens Tzari ſervitia præſtare, ſibi ipſi nocens, poſſeſſiones ſuas in Moſchoviennes, vel diſtrictum nobiles, vel alios cujuſcunquē conditionis homines venditione, aut permutatione, aut oppigneratione, aut loca-tione alienare præſumpſerit, aut eas devaſtare, ſub-ditos ſpoliare, aliaquē eis damna inferre, unde auſugerint, & ipſe etiam poſt eos, puniatur ſeverè ad arbitrium Tzaris, & ij, qui fugi-tivo receptum dederint, ſimiliter ſeverà correptione emendentur, ne in poſterum talia audeant.

46. Terræ ad villas, ſeu pagos Tzarex Aulæ pertinentes, quæ Bojaris, Ocolnicijs, Conſiliarijs, Stolnicis, & alijs cujuſcunquē con-ditionis hominibus datæ fuerant, ſi per meſuram ſcriptorum inve-niantur majoris meſuræ, quàm in conceſſionis literis eas datas fuiſſe apparuerit, retrahantur ab eis. Illæ verò, quæ non majoris meſu-ræ inventæ fuerint, maneat apud eos, quibus datæ fuerunt. Menſura autem ad terras me-tiendas fiat trium ulnarum præciſe, & nec brevior, nec longior.

47. Ab ijs, quibus pertinentes ad Tzarex aulæ villas, & pagos datæ poſſeſſiones pro ſervitijs, & Moſchuz obſidione in patrimonium converſæ fuerint, non retrahantur.

48. Patrimonia, quæ ab antiquis patrimoniatis non recepta in poſſeſſiones mutata fuerint, retrahantur; ſed ab illis, qui terram immenſuratam habuerunt, non retrahatur, imò fruantur ea juxta conceſſionem. Pro additamento mediocri terræ dentur pro ſingulis centenis jugeribus viginti quinque ejuldem qualitat. Ubi verò terra mala erit, additio pariter mala ſit, & pro centum jugeribus quinquaginta, & procedatur addendo mediocri, & malæ terræ, quo-modò ſuprà de bona conſtitutum eſt.

49. Permutationes factæ à poſſeſſionatis, & patrimoniatis Be-lojeſorenſibus in Premislia cum Bojaris, Ocolnicijs, & alijs diverſæ conditionis hominibus uſque ad diem ſeptimæ Martij anni 7144-ratæ, & firmæ ſint, permaneantquē poſſeſſiones, & patrimonia apud eos, quibus ab illis data fuerunt. In poſterum autem Belojeſorenſes cum nemine poſſeſſiones ſuas permulent, & ipſis ſemper, & nemini alijs, illæ, quæ per mortem gentilium ſuorum diſtribuendæ erunt, con-cedantur.

50. Similiter Koſaci poſſeſſiones ſuas nemini vendant, nec tra-dant.

51. Si quis præteritis annis, dum deſcriberentur terræ, poſſeſſiones ſuas pro patrimonijs in libris deſcribi curavit, non prolatis coram deſcriptoribus ſcriptis, unde de ijs conſtaret, neque diſpoſitis juxta hanc conſtitutionem rebus, imò patrimoniorum ſcriptis carens propriâ auctoritate ſine Tzaris mandato poſſeſſiones ſuas tanquam patrimonium ſemper habuit, deprehensus ab aliquo, qui eas poſſeſſiones à Tzare ſupplex petat, ob fraudem ſuam ab ijs cadat, & den-tur

tur eas petenti. Si verò non habuerit ille quidem scripturam aliquam probantem, quòd sint patrimonia; sed aliunde talia esse sufficienter probaverit, non auferantur ab eo.

52. Si quis possessionatus, aut patrimoniatu à descriptoribus terrarum datum extractum aliquem ex libris habuerit, qui cum illis, non concordet, nulla fides ei adhibeatur; imò tradatur Cancellariæ possessionum; illi autem dentur novi extractus ex libris scripti in omnibus de verbo ad verbum.

53. Si quis supplex à Tzare petierit concedi sibi possessionem, alicujus ultimi familiæ suæ defuncti, & eam obtineat; sed concessionis documentum accipere neglexerit, eâque tanquam suâ sine investituræ probatione longo tempore fructus fuerit: Ideoque aliquis supplex à Tzare petierit, eam sibi in pœnam illius negligentiae à Tzare concedi, non auferatur à negligente possessio; sed mandetur ei, ut concessionis documentum accipiat; sed solvat pro sigillo induplo.

54. Si quis Tzari supplex exposuerit, quòd mortuo parente suo, dum ipse adhuc puer esset, vixit apud consanguineum, vel vicinum, qui possessiones suas administrabat, & qui ipso incio, nec per ætatem puerilem sciendi capace, eas cum proprijs malis commutavit, ideoque petat, paternas suas sibi restitui, paratus & ipse permutatas reddere, statuatur in judicio præsens cum præsente reo convento, fiat desuper dillicta inquisitio, & compertâ veritate assertionis actoris, auferantur à reo convento permutatæ possessiones, retradanturque actori, qui eas in libris sub nomine suo describi curet, & per se administrat. Iltæ autem confrontationes in hac actione dentur minoribus, cum fuerint in matura ætate quindecim annorum, & etiam ante, si eas petierint; sed si usque ad vigesimum ætatis suæ annum eas petere neglexerint, eo transacto non concedantur eis amplius, nec in talibus actionibus audiantur. Si quis autem in Cancellariam possessionum attulerit permutatarum possessionum documentum subscriptum per patres spirituales ad hoc, ut permutatio in libris describatur, non fiat, sed interrogentur permutantes, & qui loco ipsorum subscripserunt, & ijs absentibus, & non interrogatis permutationes in libris non describantur, ut lites evitentur.

55. Si Tzar aliquibus cujuscunque conditionis hominibus concesserit demortuorum agnatorum, sive aliorum ex alia familia possessiones dividendas cum viduis, & virginibus, ita ut hæ suam portionem habeant, reliquum autem cædat ijs, qui eas supplices petierunt: Eveniat autem, quòd viduæ & virgines reclamant contra divisores, quòd iniqua divisio facta fuerit, reliqui verò contrarium exceperint: sive in divisione aliquis læsus fuerit, unde supplex à Tzare petierit, divisionis literas sibi concedi, concedantur, si eas intra annum à divisione factâ petierit. Post expletum verò annum non concedantur. Sed si post obtentas literas divisionis faciendæ divisio æqua inter eos adhuc facta non fuerit, unde pro alijs, & pro tertijs supplices preces porrexerint, concedantur ijs. Ultrâ tertias autem nemini dentur, ad evitandas supervacuas expensas, & non necessariam dilationem.

56. Si aliquis viduam, vel virginem duxerit, & cum eâ bona, sive possessiones illi pro victu assignatas acceperit, quæ plures, & pingues

gues fuerint, hæsqûe suis vacuis, & parvis adjunxerit, & deinde mortuus fuerit, vidua verò ejus supplex à Tzare petierit, ut jubere velit, sibi pro victu dari primas possessiones suas, quas pro dote in domum defuncti mariti intulit: Et è contrà defuncti filij petierint fieri divisionem inter se, & novercam omnium possessionum, tam paternarum, quàm novercalium æqualiter: Similiter si quis viduam duxerit, vel virginem cum parvis, & vacuis possessionibus pro victu concessis, & mortuus fuerit, & filij ejus ex primo matrimonio supplices à Tzare petierint, concedi sibi possessiones priores, & antiquas patris sui, novercæ autem restitui suas in dote allatas: & è contrà noverca petierit, assignari sibi pro victu ex possessionibus mariti sui, non autem ex ijs, quas ipsa illi attulit: Utroque casu detur viduæ ex possessionibus ab ea marito allatis quicquid Tzar mandaverit, prout superius scriptum fuit. Sed si possessiones ab ea marito in dote allatæ superaverint in reditibus expensas pro victu viduæ necessarias, quod supererit, detur defuncti ejus mariti filiis. Sed si non suffecerint, suppleatur pro victu earum ex mariti prioribus possessionibus, ita ut reliquum filijs ejus cedat.

57. Si post mortem alicujus nobilis, vel filij nobilis, superstites fuerint ejus uxor, & liberi ex primo matrimonio, & uxor à Tzare supplex petat, dari sibi pro victu ex stipendijs defuncti mariti, si stipendia magna fuerint, & possessiones minores ei concessæ fuerint, patrimonium autem non habuerit datum ei pro meritis, sive antiquum patrimonium fuerit, sed non ex majoribus, detur uxori pro victu ex possessionibus ejus majoris concessionis, filijs autem possessiones parentis minoris concessionis tradantur. Quòd si istæ illis non suffecerint, ut inde vivant, & servitia Tzari præstent, fiat omnium defuncti possessionum tam majoris, quàm minoris concessionis, & patrimonij simul collatio, & dividantur inter uxorem, & liberos per capita æqualiter, computando loca habitata contra loca vacua per mensuras, sed quota uxoris assignetur ei in possessionibus, & non in patrimonijs, quæ remanere debebunt filijs, ne ex agnatione exeant.

58. Sed si defuncti possessiones plenæ concessionis datæ fuerint ejus uxori, & filijs in simul; Vidua autem quærule Tzari exposuerit, quòd filij sui alimenta sibi non præstent, nec honorem debitum exhibeant, imò è domo tantum non expellant, idèque petierit, aliquam earum portionem sibi separatim pro victu assignari, fiat juxta constitutionem. Quòd si possessiones defuncti fuerint minoris concessionis, & ex mariti stipendio non fuerit, quod viduæ pro victu plenè dari possit, dividantur hæ possessiones inter eam, & filios per capita æqualiter computando loca habitata contra vacua juxta consuetudinem per mensuras.

59. Si quis aliquem de occultatis possessionibus detulerit, ita ut ad utriusquæ confrontationem devenire necesse sit, & delatus tunc temporis vel ad expeditionem, vel ad Tzareæ negocia in aliquam civitatem proficisci debeat, vel infirmum se esse dixerit, delator verò petat, ut ad confrontationem vocetur impediti, vel infirmi frater, aut agnatus, aut famulus aliquis, aut ille, qui in alijs Cancellarijs pro eo actoris, vel rei conventi partes sustinet, non audiat, sed differatur confrontatio quoad impeditum donec expeditus Moschuam reversus fuerit. Quoad verò infirmum, visitetur, & si verè ægro-

ægrotabit, adeò ut ad confrontationem venire non possit, detur ei dilatio ad semestre tempus: si hoc tracto convaluerit, fiat confrontatio, si non, mandetur ei, ut aliquem confidentem suum loco sui ad confrontationem mittat, nullaquè ulterius termini prorogatio ei concedatur.

60. Si Nobilis aliquis, aut nobilis filius cujuscunque districtus supplex Tzari exposuerit, quòd intra limites possessionis, aut patrimonij sui sylvas ad agros, vel prata purgaverit, vel petierit sibi concedi alibi sylvas ad eas in agros convertendum, & juxta ejus petitionem agri illi recenter arati, & sylvæ mensuratæ juxta consuetudinem ei concessæ fuerint, supervenerit autem aliquis, qui contra hanc concessionem excipiendo asserat, sylvas illas nullatenus impetrantis privatas esse, sed communis usus, & sic ex libris constare, fiat inquisitio desuper, & si hoc verum esse compertum fuerit, auferantur ab impetrante sylvæ, & sint communes inter omnes possessionatos, & patrimoniatos.

61. Si quis nobilis ex districtibus, vel nobilis filius senex, & infirmus, ideoquè rude donatus fuerit sub conditione, ut substituat aliquem, qui loco sui in civitatibus Tzari servitia præstet: vel si aliquis ob infirmitatem ea præstare nullo modo potuerit, & tamen possessiones habeat majoris concessionis, liberisque careat, unde in ejus præjudicium aliquis à Tzare supplex petat, ut possessiones ejus sibi concedantur, relicta ex ijs apud illum portione, quæ ad præstandum ei victum sufficiat, rejiciatur talis petitio, senexquè, & infirmus emeritus administret suas possessiones usque ad mortem, & pro servicijs Tzari debitis donatarium aliquem substituat, vel loco ejus pecunias solvat ad Tzaris arbitrium.

62. Si Stolnikus aliquis, seu Strapezius, sive nobilis Moschoviensis districtus, vel alius cujuscunque conditionis homo possessiones suas in Moschoviensi districtu habens mortuus in Tzaris samulatu fuerit, relictis post se uxore, & liberis, & ex his nepotibus, distribuantur possessiones ejus per revisionem inter filios, qui eas petierint.

63. Si ab aliquo delatus aliquis Tzari fuerit de vacuis limitatis terris, & illi, quibus inquisitio super hoc commissæ fuerit, asserant, terras vacuas, & non limitatas ab eo possideri, in libris verò repertæ fuerint litæ terræ in ejus limitibus descriptæ, inquisitoribus non adhibeatur fides, sed permaneat terra apud possessorem intra limites possessionis, aut patrimonij sui in libris descriptos.

64. Si quis à Tzare supplex petierit, concedi sibi occultatam, ab aliquo, vel vacuum possessionem, vel emptam in libris describi, & per trimestre post supplicem libellum petitionis suæ porrectum eam in libris describi neglexerit, alius autem eam à Tzare supplex petierit, & impetratam pro se in libris describi curaverit, si prior impetrans ejus in libris descriptionem in sui favorem postmodum urserit, rejiciatur.

65. Sed si quis pro talibus terris obtinendis libellum Tzari supplicem porrexerit, & brevi post ob repentinam occasionem jubeatur ad Tzaris servitia proficisci, porrigat alium libellum petens termini prorogationem, quod si neglexerit ad servitia Tzaris profectus, & alius supervenerit, qui easdem terras sibi concedi petat, post decursum

trium assignatorum mensum terminum huic concedantur. Sed si terminum sibi prorogari ante discessum petijt, & obtinuit, tales possessiones nemini dentur usquē ad ejus ex servijs Tzaris redditum. Cū verò reversus fuerit, statim novum super hoc libellum ad Cancellariam possessionum adierat; sed si post redditum suum tres menses elabi sinat, antequam eas denuò petat, dentur posteriori eorum, petitori.

66. Filij nobilium, qui in Aula Patriarchæ serviunt, nullam habeant à Tzare possessionem, sed eos Patriarcha ex terris suis possessionibus doct. Si autem aliquā ex Tzaris terris possessione clam fructi fuerint, auferatur ab eis, & detur eam petenti, pro occultatione verò mulctentur ad Tzaris arbitrium.

67. Prædictis super cribris in Cancellaria terrestri nulla detur possessio: Si aliquis eorum aliquam concessam possideat, privetur officio, jubeaturquē Tzaris servitia præstare ratione possessionis in districtu, quod si facere recusaverit, accipiat ab eo possessio, & detur eam petenti.

68. Nobiles, qui ante in Novogrodiensi, & Pleskovienſi districtu servientes inscripti deinde catalogo Moschoviensi, & in eodem districtu possessionati fuerint, si aliquas in antiquis supradictis districtibus possessiones sibi in libris inscriptas adhuc retinent, ab ijs cadant, & distribuantur Novogrodiensium, & Pleskovianſium districtuum nobilibus.

69. Si quis nobilis, aut filius nobilis delatus ab aliquo Palatino fuerit, quod Tzari servitia præstare nolens possessiones suas alicui clam locaverit, & patrimonia vendiderit, & ex castris aufugerit, perquiratur, & repertus percutiatur knutis, & remittatur ad castra cum Pristavis. Possessiones autem ab eo locatz auferantur à conductori- bus, & patrimonia vendita ab emptoribus, eiquē retradantur sine ulla pretij accepti refusione.

CAPUT XVII.

De Patrimonijs.

1. **P**RÆTERITO anno 7136. Piz memoriz Magnus Dominus, & Magnus Dux totius Russiæ Michael Fedorowitz, & ejus pater piz memoriz Magnus Dominus Sanctissimus Philaretus Nikititz Moschoviz, & totius Russiæ Patriarcha juxta doctrinam Sanctorum Apostolorum, & Patrū circa avita, & pro meritis acquisita patrimonia statuerunt, quod si aliquis patrimoniatu improlis defunctus fuerit relicta post se uxore, & fratribus germanis, sive proximis agnatis, illi juxta gradum proximitatis succedant in omnibus ejus patimonijs; ex reliquis verò ejus bonis uxori de dote, & victu prospiciatur, ad patrimonia autem nullo modo admittatur, nisi empta ab ejus viro fuerint. Quod si patrimonia sua consanguineis suis, nepotibus, aut pronepotibus virginibus testamento legaverit, habeant illa ea juxta agnationis legem.

2. Si alicujus patrimoniatu sine prole mascula defuncti filiz, & sorores maritatæ supplices petierint, ad suorum respectivē patris, & fratris

fratris patrimonia tanquam hæredes admitti, fiat. Sed si prolem masculam defunctus post se reliquerit, & filix ad paterna patrimonia simul cum fratribus petierint admitti, reſpiciantur, sed admiſſis tantummodo masculis, filiabus ex poſſeſſionibus paternis juxta conſtitutionem de victu proſpiciatur. Si verò fratres earum improles mortui fuerint, tunc illæ ad paterna patrimonia tanquam hæredes admittantur. Conſtituerat præterito anno 7137. piæ memoriæ Magnus Dominus Sanctiſſimus Philaretus Nikititz Moſchoviæ, & totius Ruſſiæ Patriarcha per conſtitutionem ſua manu ſcriptam, quòd in patrimonijs antiquis, aut pro ſervicijs datis ſuccederent patri defuncto virilis ſexus liberi, his autem non exſtantibus, filix. Et ſi permiſſione Divinâ neque illæ exſtarent, ſuccederent agnati juxta prærogativam gradus propinquitatis, qui tenerentur eleemoſynas pro animâ defuncti erogare, prout in conſtitutione. Quòd ſi defunctus patrimonia à ſe emptâ poſt ſe reliquiſſet, cederent ejus viduæ, cui licitum eſſet de ijs ad libitum diſponere. Nunc verò Dominus Tzar, & totius Ruſſiæ Magnus Dux Alexius Michaelowitz mandavit, & Bojari conſtituerunt, quòd ſi aliquis Bojarus, Ocolnicius, Conſiliarius, Stolnikus, Strapezius, nobilis Moſchovienſis, Diakus, Zylcius, diſtrictuum nobilis, aut advena mortuus fuerit improlis, relicta poſt ſe matre, vel uxore, nullæ autem ſint in hæreditate ejus poſſeſſiones, nulla emptâ patrimonia, nihilquæ unde matri, vel viduæ relictae de victu proſpiciatur; ſed extent tantum pro ſervicijs acquiſita, & antiqua patrimonia, ex illis, quæ in remunerationem ſervitiſſorum ſuorum defunctus acquiſivit, detur per reviſionem matri, vel uxori ejus portio ad victum ſufficiens, ſub hac tamen conditione, ut neutra patrimonia hæc vendat, aut oppigneret, aut pro animâ leget, aut pro dote ſcribat; ſed ſi ad ſecunda vota tranſiit, vel in monaſterium ingreſſa, aut mortua fuerit, reddantur defuncti agnatis juxta priores conſtitutiones.

3. Matri defuncti poſſeſſoris patrimoniij pro meritis acquiſiti detur pro victu, prout videbitur, ſi cum filijs defuncti ſimul vixerit, & ei pro victu nihil ante datum fuerit; ſed ſi jam alias poſſeſſiones pro victu inſcriptas habuerit, nihil illi ex patrimonijs pro meritis acquiſitis detur.

4. Quoad antiqua, & pro meritis acquiſita patrimonia mandavit Tzar, & Bojari conſtituerunt, decretandum eſſe juxta doctrinam Sanctorum Apoſtolorum, & Sanctorum Patrum, & conſtitutionem priorum Tzarum, & piæ memoriæ parentis ſui Magni Domini Tzaris, & totius Ruſſiæ Magni Ducis Michelis Fedorowitz, & avi ſui Tzarci piæ memoriæ Magni Domini Sanctiſſimi Philareti Nikititz Moſchoviæ, & totius Ruſſiæ Patriarchæ anno 7136. & 7137. ut ſupra dictum eſt, ſcriptam, ut poſſeſſore eorum ſine prole masculâ defuncto admittantur ad ea ejus filix juxta priores conſtitutiones antecceſſorum Tzarum. Si autem hæc filix moriatur relicta poſt ſe liberis, iſſis denetur, & nepotibus poſt avos, & avias. Si verò nullam prolem reliquerint, tunc cedant patrimonia ad agnatos defuncti eorum patris juxta gradum proximitatis ſecundum priores antecceſſorum Tzarum conſtitutiones.

5. Si quis mortuus fuerit non relicta in hæreditate ſua ulla poſſeſſione, nec patrimonio ſive avito, ſive pro meritis acquiſito, ſed empto

empto tantum, & remanserit post eum prima, sive secunda, sive tertia ejus uxor cum prole ex harum aliqua genita, dividatur inter liberos ejus, & viduam emptum patrimonium per caput.

6. Si alicui viduæ emptum mariti patrimonium post hujus mortem exclusis ejus filijs dabitur; liceat illi de eo ad libitum disponere.

7. Si aliquis sine prole moriens empta patrimonia sua uxori suæ testamento legaverit sub conditione, ut ea habeat donec ad secunda vota transiverit, vel vixerit, vel monasterium ingressa fuerit, purificata vel per ejus nuptias, vel per mortem, vel per monasterij ingressum conditione, reddantur defuncti fratribus, aut proximioribus agnatis juxta testamenti ejus tenorem.

8. Si aliquis possessiones suas in patrimonium sibi emerit, aut à patrimoniatibus agnatis suis antiqua patrimonia, aut pro meritis acquisita coemerit, & deinde improlis mortuus fuerit uxore post se relicta, detur huic emptum à defuncto ex suis possessionibus patrimonium, quod administrare poterit usque ad mortem, vel secundas nuptias, vel monasterij ingressum; illud tamen vendere non possit, nec oppignerare: Cum autem vel mortua, vel denud nupta, vel monasterium ingressa fuerit, reddatur ex defuncti mariti agnatis illi, cui post revisionem Tzar concedi similiter in patrimonium mandaverit, & qui illud obtinebit, erogat pro anima illius pretium ejus juxta emptionem. Quod si post illud emptum defunctus edificando, vel meliorando majores expensas fecerit, & has quoque juxta decretum super hoc à Tzare faciendum in elemosynas pauperibus distribuatur agnatus pro anima illius, prout inferius scriptum est. Patrimonia autem antiqua, aut pro meritis acquisita, quæ defunctus ab agnatis suis sibi emerat, viduæ ejus non dantur, sed restituantur agnatis, qui tamen teneantur pecuniam ab eo pro eorum emptione solutam pariter pro ejus anima erogare.

9. Vendere autem possessiones suas in patrimonium secundum Tzaris constitutionem nemini sine ejus speciali licentia ullo modo liceat.

10. Patrimonia pro meritis acquisita, quæ usque ad annos 7136. & 7137. data fuerunt uxoribus eorum, qui sine prole mortui fuerant, & exinde usque ad annum 7137. ab illis ablata reddita fuerant agnatis earum maritorum defunctorum, & eis extinctis; conversa in possessiones alijs ea potentibus data: anno deinceps 7140. juxta mandatum. piæ memoriæ Magni Domini, & totius Russiæ Magni Ducis Michaelis Fedorowitz, & patris ejus Tzarci piæ memoriæ Magni Domini Sanctissimi Philareti Nikititz Moschoviz, & totius Russiæ Patriarchæ decretum est, ut à donatarijs recuperentur, tradanturque ipsiſdem viduis, à quibus ablata fuerant, quæ ea usque ad mortem administrarent; vetentur tamen vendere, aut oppignerare, aut pro anima sua monasterijs, aut parcijs dare. Post earum verò mortem restituantur agnatis proximioribus earum maritorum, unde venerant.

11. Cum verò ante annum 7136. patrimoniatii aliquot sine prole mortui fuerint, quorum uxores patrimonia vendiderunt, vel oppigneraverunt, & deinceps mortuæ, vel monasterium ingressæ sunt, si de mortuorum earum maritorum agnati aliqui extant, jus habeant ea redimendi secundum constitutionem: si non extant, permaneant apud emptores, vel conductores.

12. Patrimonia ante annum 7136, vitæ functorum, quæ relictæ eorum matres, vel uxores possident, si possessiones pro victu non habent, ab eis, usquequid vixerint, non auferantur, ea verò neque vendere, neque locare, neque pro anima dare illis liceat.

13. Si post mortem alicujus patrimonium ejus dabitur duobus, vel tribus ejus filijs in communi, illud omnes in communi administrent, nec unus absque altero illud vendere, aut locare possit. Quod si pater eorum multo ære alieno gravatus decesserit, & in hereditate excepto patrimonio nihil fuerit, unde creditoribus satisfieri possit, quare illud vendere, vel locare ad solvenda paterna debita omnes in communi voluerint, frater autem major inconsultis minoribus ipse solus pro suo commodo, & non pro solutione debitorum paternorum, illud vendiderit, si fratres ejus minores jam majores facti læsionem suam Tzari supplices juxta declarationem 40. annorum expoluerint, & eam probaverint, auferatur venditum à fratre majore patrimonium ab ejus emptoribus, & fratribus læsis restitua- tur, emptor verò habeat pro integro pretio soluto regressum contra majorem fratrem venditorem, cujus tamen patrimonij quota remaneat vendita apud emptorem, nisi eam redimere velint alij fra- tres, quod licitum eis juxta superius scriptam Tzaris constitutionem erit.

14. Si inter plures fratres parentis patrimonium in communi possidentes unus fuerit, qui ob paupertatem suam illud vendere, vel locare voluerit, liceat. Sed si fratres ejus illud dividere recusaverint, & supplices à Tzare petierint, mandari fratri, ut pro portione suâ pretium ab ijs juxta æstimationem accipiat, concedatur, & jubeatur frater hoc facere.

15. Si inter plures à patre defuncto relictos liberos aliquis fur- dus, aut mutus fuerit, ideoque ab alijs fratribus, sive sororibus despicui habitus, injurijs affectus, & à paternis, sive maternis bonis exclusus fuerit, dividantur hæc bona inter eos æqualiter per ca- pita, ne aliquis eorum lusus sit.

16. Patrimonia concessa illis, qui regnante piæ memoriæ Do- mino Tzare, & Magno totius Russiæ Duce Basilio Juanowitz, & deinceps in adventu Principis Poloniæ regnante piæ memoriæ Magno Domino Tzare, & totius Russiæ Magno Duce Michaeli Fedorowitz obfessam Moschuam defenderunt, permaneant apud eos, & juxta do- nationis literas, & libros conscriptos ea administrent.

17. Si verò contra aliquos, qui tanquam ex numero Moschuz tunc temporis obfessorum patrimonia per inquisitionem obtinuerint aliquis delationem Tzari fecerit asserens, quod Moschuz tempore obfisionis non fuerint, nec in catalogo obfessorum nomina eorum scripta sint, inquiratur diligenter de veritate, & fiat eorum cum delatore confrontatio, & comperto, quod eorum aliquis verè Mo- schuz obfisionis tempore non fuerit, auferatur ab eo patrimonium ei ob hanc causam datum, & distribuatur. Sine inquisitione verò, & confrontatione patrimonia ab eis non auferantur.

18. Patrimoniati, quorum antiqua patrimonia, exclusis novis cum omnibus additamentis sive pagorum ab illis in ijs exstructorum, sive agrorum, aut pratorum eorundem sylvis, & locis præparatorum à descriptoribus mensurata in libris pro ipsis descripta fuerunt, & per

decretum piz memoriz Magni Domini, & totius Rusliæ Magni Ducis Michaelis Fedorowicz illis tanquam antiqua sua patrimonia confirmata fuerunt, ea tanquam talia juxta conscriptos libros, & supradictam confirmationem administrant, & possideant. Quod si in posterum intra limites per novam mensurationem, & descriptionem illorum patrimoniorum in libris descriptorum apparebunt augmenta vel pagorum, vel agrorum jam antea, vel deinceps ab eis factorum, possideant etiam hæc cum principali tanquam antiqua patrimonia sua, & nullo modo ab eis auferantur.

19. Stolnichi, Strapezij, Nobiles Moschuenfes, & alij cujuscunque conditionis homines, quibus pro remuneratione toleratz Moschuzæ obsidionis in adventu Principis Poloniz concessæ fuerunt ex mandato Domini in patrimonia pro stipendijs propriæ eorum possessiones, sed non sufficientes, si supplices à Tzare petierint, ut is ex clementia sua, quod deest, replere velit, concedantur ipsis ex novis eorum possessionibus prædictorum pro stipendijs patrimoniorum ex nova concessione supplementa.

20. Stolnichi, Strapezij, & alij cujuscunque conditionis homines, quibus in remunerationem propagnatz Moschuzæ tempore piz memoriz Domini Tzaris, & totius Rusliæ Magni Ducis Basilij Juanowicz datæ fuerunt in patrimonia possessiones in Dorohobuze, Bielâ, Nevelinsepko, Novogrodâ Severiensî, Staradubo, & Roslowiâ, quæ postmodum cum iisdem supradictis civitatibus reddita sunt Lituanis, si supplices à Tzare petierint, concedi sibi ex ejus Clementiâ loco eorum alia alibi patrimonia ex novis suis possessionibus, detur unicuique eorum ex novis possessionibus suis in patrimonium. ille idem jurerum numerus, quem per literas patrimoniales, & privilegia sua docebit, se in prædictis locis Lituanis restitutus possedisse.

21. Patrimoniacis, & possessionariis, qui juxta descriptionem patrimoniorum, vel possessionum suarum in libris intra eorum, vel earum limites apiariorum loca possident, liceat in iisdem ad libitum agros excolere, pagos fundare, & quæcunque alia exstruere.

22. Verum si apiaria, quamvis in eorum terris fuerint, ad eos non pertinerint, sed ad alios dominos, administrantur sicuti superius constitutum fuit.

23. Si in aliqua sylva ad Tzaream, & non ad aliquem patrimoniatum, aut possessionatum, spectante fuerint alvearia, vel piscationes, vel stagna, vel prata, vel molendina, vel alia similia quæcunque loca, & ea alicujus possessionati subditi, aut alij quicunque administrant pactâ solutione ad trimestria, non cadant ab usu horum locorum; sed solvant.

24. Villæ, & pagi cum alvearijs, & alijs bonis ad Tzaream aulam spectantes, qui in posterum ex Tzaris gratia in possessiones, & patrimonia alicui concedentur, si in sylvis, alijsque pertinentijs non fuerint bene constituti, cum in favorem donatariorum in libris describentur, teneantur scriptores eos bene in sylvis, & reliquis omnibus constituere, sicuti in literis concessionis expressum erit, ad excolendos agros, exceptis antiquis possessionum, & patrimoniorum terris. Si quis autem alicujus possessionis, aut patrimonij ab antiquo, & non per concessionem, villarum aulæ juxta antiquos, & revisorios conscriptos libros possessor sylvas, & alias pertinentias non bene ordina-

tas habuerit, perseveret in possessione antiqua, & utant sylvis in omnibus suis necessitatibus, prout antea.

25. Cum vero præteritis annis regnante Domino Tzare, & totius Russiæ Magno Duce Michæle Fedorowitz subrepere ei per falsas expositiones tentaverint aliquot malè feriati, petentes sibi concedi possessiones, & patrimonia quorundam Scolnicorum, Strapezyorum, nobilium, filiorumque nobilium, qui temporibus difficillimis fuerunt Tussini, & in districtibus, quibus impostor incubabat, quod tamen non obtinuerunt, imò per novam confirmationem declaratum fuit, ut supradicti Scolnichi, cæterique in possessione suarum possessionum, & patrimoniorum perseverare deberent, eaque per desuper de novo concessa privilegia in antiqua, & empta patrimonia eis data fuerunt, eò quòd post Moschoviticam vallationem adjunxerant se sub civitate Moschuâ Bojaris, & Palatinis, & suâ cooperatione per gratiam Divinam Moschovicicum Dominium à Lituanis recuperaverunt, declaratur nunc, ut prædicti omnes perseverare in possessione suarum possessionum, & patrimoniorum juxta inviolabilem litterarum suarum tenorem omnino debeant. Quòd si aliquis eorum antiqua talium possessionum, & patrimoniorum privilegia amisit, & nova supplex petat, inspiciantur in Cancellaria possessionum libri conscripti, utrum in ijs tales possessiones, & patrimonia, pro quibus renovari sibi privilegia petet, descripta sint, & desuper ijs privilegia concessa fuerint, quòd si de utroque ex libris constiterit, dentur ei nova privilegia juxta librorum tenorem, ut in posterum sit in possessione sua tutus.

26. Patrimonia tamen Scolnicorum, Strapezyorum Nobilium Moschuensium, & districtuum & filiorum nobilium, qui Tussini fuerunt, quæ à piæ memoriæ Domino Tzare, & totius Russiæ Magno Duce Basilio Juanowitz distributa in alios fuerunt, & usque nunc eis restituta non fuerunt, remaneant apud eosdem, qui ea habuerunt sine ulla obligatione ea restituendi.

27. Si quis patrimonium antiquum, sive pro meritis acquisitum, vendiderit, aut locaverit, irritare hunc contractum filij ejus, aut nepotes nequeant, imò neque illud per pretij refusionem redimere eis liceat. Si vero venditor, vel locator fratres, aut agnatos habuerit, qui venditionis, aut locationis contractui consentiendo subscripserint, neque ipsi, aut eorum posterij irritum illum facere poterunt. Si autem non subscripserint, admittantur ad alienati patrimonij redemptionem, modò prædium emptori, vel conductori persolvant, juxta contractus documentum, & non per agri jugera. Quòd si melioramenta per propagationem agrorum, aut pratorum, aut sylvarum facta in patimonio ab emptore, vel conductore fuerint, agnatus hoc redimere volens, solvat ea etiam juxta æstimationem, computando pro domo subdici habitaculà quinquaginta rublos: Pro agro noviter purgato, & sylvæ augmento tres rublos pro singulis decimis; pro pratis vero noviter purgatis decem rublos pro singulis decimis: Et pro ædificatione Ecclesiæ, & domorum Bojarorum & famulorum, aut molendinorum, aut catastrarum ad detinendam aquam, solvat juxta æstimationem à vicinis faciendam.

28. Sed si in instrumento emptionis, aut locationis patrimonij conventum inter contrahentes fuerit, quod redimere volens, teneatur pro ædificijs in eo ab emptore, vel conductore extruendisolvere, quicquid ille se erogasse affirmaverit, tali pacto standum firmiter erit.

29. Si

29. Si in aliquo patrimonio redimendo asseratur esse melioramentum ob domum forsitan, in qua habitent jam divisi filij, aut fratres, aut agnati subdiri alicujus, cum quo tempore venditionis, aut locationis indivisim simul habitabant, ideoque in simul cum eo in venditionis, vel locationis instrumento venerunt, non imputentur illi in melioramentum, nihilque pro ijs redimere volens solvat, eò quòd non noviter adventitij, sed antiqui subditi sint.

30. Tempus autem redimendi patrimonium venditum, sive locatum sit quadraginta annorum à die venditionis, aut locationis. His elapsis nemo amplius admittatur ad illud redimendum.

31. Si aliquis emptum suum patrimonium alicui vendiderit, seu locaverit, seu donaverit, & de hoc authentica documenta extiterint, vel illud per testamentum manu patris sui spiritualis subfiguratam alicui legaverit, & testes de hoc legato concordēs deposuerint, nulli agnatorum illud redimere liceat. Sed si testes discordēs fuerint, causà per judiciale processum dirimatur.

32. Si aliquis antiquum, vel pro meritis acquisitum patrimonium suum locaverit, aut ad tempus pactis redemptionis scripto comprehensis vendiderit, & sive tempore constituto, sive ante illud redempturus pecuniam à conductore acceptam ei obtrulerit, hincque eam accipere recusaverit malitiosè intendens, ut tempus ad redimendum præfixum, elabatur, ideoque ipse patrimonium conductum retineat, patrimonij verò dominus ad Tzarem supplex accedat, & integram pecuniarum summam, quam à conductore habuit, in Cancellariam adferat, petatque cogi hunc ad patrimonium retrocedendum, citetur conductor cum mandato, ut locationis instrumentum secum adferat, ut constet de tempore ad redimendum præfixo. Si ex illo apparuerit, quòd hoc ante oblatam à debitore pecuniam elapsum non fuerit, tradatur ei, & pecunia juxta tenorem locationis integrè creditori numeretur.

33. Sed si aliquis patrimonium suum locatum intra tempus per pacta constitutum non redemerit, eoquè elapso supplex à Tzare petierit, restaurari sibi tempus ad redimendum, ejus libellus non recipiatur, & patrimonium ejus permaneat apud conductorem, describaturque in libros tanquam ipsius proprium juxta descriptionem locationis sine supplici libello, consulto tamen superiori consilio, an aliquis in Cancellaria judiciorum pro hoc redimendo patrimonio supplex libellus oblatus fuerit.

34. Si quis patrimonium suum antiquum, sive pro meritis acquisitum, sive emptum alicui vendiderit, pretium acceperit, desuperque venditionis documentum dederit, sed illud in Cancellaria possessionum, in favorem emptoris in libris non inscripserit. Inde verò idem patrimonium alteri denuò clam vendiderit, pretioque accepto in libris huic posteriori emptori inscribi curaverit, possideat hoc patrimonium iste, cujus emptio descripta fuit in libris, excluso primo emptore, qui illud pro se describi neglexit. Venditor tamen teneatur ei pretium acceptum restituere, & in poenam fraudis ante Cancellariam coram populo exadatur knutis sine misericordià in aliorum exemplum. Quòd si neque pro primo, neque pro secundo emptore patrimonium venditum in libris describi curaverit, prior in emptione posteriori præponatur, & pro eo in libris describatur, posteriori verò emptori venditor pretium acceptum restituat.

35. Si

35. Si aliquis alienum patrimonium, quaecunque illud fuerit, infcio domino, & absente alicui vendiderit, vel locaverit, & instrumento emptionis venditionis, sive locationis nomen domini, suumque ipse subscripserit, & collusionem cum emptore, sive conductore facta illud pro hoc in Cancellaria possessionum libris inscribi curaverit; Dominus verò patrimonij hoc intellecto supplex Tzari exposuerit, supradicta omnia se infcio esse facta, ideoque irrita fieri petierit, veritate comperta, redeat patrimonium ad dominum suum, emptori autem, vel conductori reddat fraudulentus venditor, sive locator pretium acceptum, cadaturque insuper knutis in aliorum exemplum, & damna, quæ patrimonij dominus ex furtiva alienatione passus fuerit, ei refarciat.

36. Si quis alicui patrimonium suum vendiderit, aut locaverit, & scribere nesciens rogaverit aliquem, ut loco sui instrumentum, contractus manu subsignet, isque hoc fecerit: Deinde verò venditor supplex Tzari exposuerit, prædictum instrumentum fuisse se infcio ab hoc subscriptum, hic autem negaverit constanter asserens, se illud ad ejus instantiam subsignasse, fiat inquisitio, & si apparuerit, quod venditor falsò hunc accusaverit, cadatur knutis sine misericordia coram populo ad aliorum terrorem, & patrimonium ejus apud emptorem, vel conductorem permaneat. Sed si quis infcio domino contractui emptionis venditionis, aut locationis à se facto illius loco subscripserit, re comperta, cadatur similiter knutis sine misericordia, & contractus irritus omnino sit.

37. Filij Nobilium, sive ad Patriarcham, sive ad Metropolitam, sive ad Archiepiscopos, sive ad Episcopos pertinentes, qui vacuas patrimoniales terras in districtu Moschuensi, sive in civitatibus sibi in patrimonium emerint, si ab antiqua nobilium stirpe descendant, possideant ea juxta emptionem. Sed si non ex parentibus filij nobilium fuerint, nec à militibus geniti, scribantur singuli in suo districtu, ubi patrimonium sita sunt, pro castrensis Tzaris servitijs. Quod si eorum aliquis servitia Tzari præstare recusaverit, auferatur ab eo emptum, patrimonium conferendum à Tzare, cui voluerit.

38. Si quis patrimonium suum alicui vendiderit, aut locaverit, terminumque constituerit, & instrumentum emptionis venditionis, aut locationis in libris describi curaverit, si deinde promissis non steterit, & ex Moschovitico Dominio in aliud fugà se proripuerit, emptor, vel locator ejus patrimonium sine ulla in posterum redemptionis spe possideat, eo quod illud à sedifrago ante ejus fugam emerit, agnatis autem ejus emptio non concedatur.

39. Sed si talis fugitivi patrimonium quis possidens, contractus documentum omnino non, aut post tempus ostenderit, in libris autem descriptum non fuerit, cedat illud Tzareo fisco in pœnam neglectæ ab eo in libris suo tempore inscriptionis.

40. Si verò talis sedifragus locato patrimonio suo ante tempus aufugerit, auferatur illud à conductore pro Tzareo fisco, & illi ex bonis sedifragi pecunia pro locatione data restituatur.

41. Bojarorum famulis, & monasteriorum servitoribus patrimonium emere, aut conducere sit interdictum; si aliquis eorum contraverit, ad delationem fiat inquisitio, & veritate comperta, auferatur ab eo patrimonium, & detur delatori in possessionem.

42. Præterito anno 7136. constitutum fuit à piæ memoriæ Magno Domino, & totius Russiæ Magno Duce Michæle Fedorowitz, quòd omnibus & singulis patrimonia pro servitijs concessa possidentibus, filijsquæ eorum, nepotibus, & pronepotibus liceat ea juxta Tzareæ donationis literas ad libitum vendere; locare, in dotem, & monasterijs pro anima dare. Si verò agnatus aliquis ea redimere voluerit, hoc faciat juxta constitutionem antecessorum Dominorum. Tzarùm circa redemptionem antiquorum, & emptorum patrimoniorum ab agnatis faciendam promulgatam. Quòd si alienantis agnati nulli extent, vel exstantes redimere nolint, retrahatur alienatum patrimonium à Monasterio pro Tzare, ex cujus ærario juxta constitutionem solvatur illi dimidiis rublis in singula jugera, & nullo modo illud pro monasterio in libris describatur. Nunc verò Dominus Tzar, & totius Russiæ Magnus Dux Alexius Michælowitz consultis patre suo spiritali, & apud DEUM intercessore, Sanctissimo Josepho Moschoviæ, & totius Russiæ Patriarchâ, Metropolitæ, Archiepiscopis, Episcopo, Abbatibus, Prioribus, & universo clero congregato, & deinde Bojaris, Ocolnicis, Consiliarijs, Stolicis, & alijs uniuscujusque conditionis hominibus, ex eorum omnium unanimi sententiâ statuit, ut in posterum Patriarcha, Metropolitæ, Archiepiscopi, Episcopi, & monasteria patrimonia nulla, siue antiqua, siue pro servitijs concessa, siue empta à nemine emant, aut conducant, nec ullo modo ad se trahant, aut pro animabus in æternam memoriam accipiant, nequæ in Cancellariâ pro aliquo ex supranominatis inscribantur. Quosd patrimoniatos verò, ut eorum nemo monasterijs patrimonium suum det. Quòd si illud monasterio per testamentum legaverit, illi nullo modo detur, sed agnati ejus æstimationem solvant, aut quantitatem à defuncto illi legatam. Quòd si nullus agnatorum illud redimere velit, vendatur vicinis, & pretium detur monasterio juxta testatoris dispositionem. Quòd si quis contra hanc constitutionem per aliquem ex supradictis modis fecerit, auferatur alienatum quocunque modo in quoscunque ex supradictis in Tzareum fiscum sine ullo precio, & donetur illis, qui illud à Tzare supplices petierint.

43. Si aliquis patrimoniatos cujusunque conditionis, aut vidua, in monasterium ingressus, aut ingressa fuerit, patrimonia quælibet (si quæ habuerit) illi non det, nec post susceptum monasticum habitum ea amplius administret, sed reddat agnatis ad ea de jure vocatis, qui teneantur ipsi usquæ ad mortem de omnibus necessarijs prospicere. Quòd si isti non præstiterint, liceat ei patrimonia sua vendere agnatis, aut extraneis. Empta autem patrimonia poterit ad libitum cuicunque vendere, vel donare; retinere autem post susceptum religionis habitum nullo modo.

44. Quòd si aliqui patrimoniatos, aut viduæ patrimonia possidentes ante hanc Tzaris constitutionem habitum religiosum induerunt, ea amplius non administrent, sed fiat de ijs, prout superius dictum est.

45. Præterito 7136. anno piæ memoriæ Magni Domini Tzar, & totius Russiæ Magnus Dux Michæil Fedorowitz, & Tzareus ejus pater piæ memoriæ Magnus Dominus Sanctissimus Philaretus Nikititz Moschoviæ, & totius Russiæ Patriarcha mandarunt, quòd terræ

VACUÆ

vacuæ in districtu Moschuenſi juxta prius mandatum piz memoriz Domini Tzaris, & totius Ruſſiz Magni Ducis Baſilij Ivanowicz anno 7081. emanatum vendantur, pretiumquæ ſit unius rubli pro tribus terræ jugeribus. Si verò terra ad aulam pertinuerit, bina tantùm jugera pro unico rublo dentur, promiſcue tamen bona, & mala, & mediocriſ menſuretur, nec ullo modo una ab altera ſeparatim vendatur. In literis verò emptionis venditionis in patrimoniales terras ementibus concedantur, ita ut uxores eorum, & filij in iſs ſuccedere, & eas in dotem dare poſſint. Quòd ſi nec uxor, nec filij exſiterint, ſuccedant agnati, & neque hiſ exſtantibus, retrahantur hæc patrimonia in Tzareum ſiſcum, & in poſſeſſiones tranſcant, ſolutò per Tzareum ararium pretio in pauperes pro animabus demortuorum patrimoniatorum erogando. Similiter nunc ſtatuit Tzar, ut vacuæ terræ in Dmitrowa, Rutza, & Zuenigorod vendantur, ſicuti in diſtrictu Moſchuenſi: quæ ita vacuæ terræ in prædictis Moſchuenſi, Dmitrowienſi, Rutzanſi, & Zuenigrodiënſi diſtrictibus præteritis annis juxta mandatum piz memoriz Magni Domini Tzaris, & totius Ruſſiz Magni Ducis Michaelis Fedorowicz, & Tzarej ejus parentis piz memoriz Magni Domini Sanctiſſimi Philareti Nikititz Moſchovie, & totius Ruſſiz Patriarchæ, & Domini Tzaris, & totius Ruſſiz Magni Ducis Alexij Michaelowicz venditæ fuerunt Bojaris, Ocolnicijs, Conſiliarijs, Stolnicis, alijsquæ cujuſcunquæ conditionis hominibus in patrimonium, adminiſtrantur ab emptoribus, eorumquæ uxoribus, & filijs pro talibus juxta emptionis literas, licitumquæ eis ſit, ea vendere, locare, & in dotem dare. Terræ autem illæ, quæ hiſ additæ patrimonijs fuiſſe ex novis deſcriptionibus apparuerint, quasquæ ipſi limitibus ſuis cum ſylvis, & præijs adiunctas pro ſuis poſſidebant, non auferantur ab eis, ſed permittantur iſs una cum patrimonio ſuo uti. Quòd ſi quis ex eis mortuus fuerit, nec uxore, nec filijs ſuperſtitibus, dentur hæc patrimonia agnatis, & hiſ non exſtantibus, retrahantur Tzari in poſſeſſiones denud convertenda, & ex Tzareo arario ſolvatur eorum pretium pro animabus erogandum.

46. Vacuæ ab antiquo poſſeſſionum terræ in diſtrictu Novogrodiënſi vendantur. Novogrodiënſibus nobilibus, & filijs nobilibus, ſicuti conſtitutum eſt de Moſchuenſi diſtrictu, alijsquæ.

47. Si in alijs civitatibus vacuæ à longo tempore terræ fuerint, quæ nemo in poſſeſſiones ſibi concedi inſtet, vendantur in patrimonium nobilibus ſtipendiarijs, qui Tzari ſervitia præſtant in hiſ diſtrictibus, ubi illæ ſunt, ſiatquæ venditio per jugera centum ad rationem unius rubli pro tribus jugeribus. Non ſtipendiarijs verò, qui nulla Tzari ſervitia præſtant, non vendantur; ſi verò aliquis poterit, tales terras ſibi vandi in patrimonium, & eodem tempore alius ſibi concedi in poſſeſſionem, huic altero excluſo concedantur. Quòd ſi quis præteritis annis per mandatum piz memoriz Magni Domini, & totius Ruſſiz Magni Ducis Michaelis Fedorowicz, & ſubſignatos ab eo ſupplices libellos in alijs civitatibus, exceptis ſupranominatis, poſſeſſiones, & vacuas terras emptione venditione mediante in patrimonium acquiſierit, poſſideat ea juxta tenorem ſuarum literarum.

48. Cui autem ſub Moſchuenſi poſſeſſio in patrimonium vendita fuerit, nulla deinceps ſub Moſchuenſi poſſeſſio detur.

49. Illi,

49. Illi, quibus tempore adventûs Principis Poloniæ ob servitia præstita in obliuione Moschuz dominante piz memoriz Magno Domino Tzare, & totius Russiz Magno Duce Michale Fedorowitz possessiones in Moschueni districtu datæ fuerunt in patrimonium, eò quòd in alijs districtibus nullæ tum essent, quæ eis darentur, ea in posterum possideant juxta tenorem Tzarex donationis. Et si supplices petierint concedi sibi loco possessionum ipsis, ut supra, in patrimonium datarum alias in eodem Moschueni districtu possessiones, concedantur eis juxta eorum stipendia, prout superius.

50. Si aliquis possessionatus, aut patrimoniatu in Moschueni, aut alio quocunque districtu supplex exposuerit, quòd à terrarum descriptoribus possessionibus, aut patrimonijs suis limites constituti non fuerint, ideoque eos constitui petat, detur ei ad hoc Tzareum mandatum, & ex libris extractus, ut adhibitis vicinis, & senibus in limitibus terra effodiatur, & columnæ statuuntur, cæteraquæ alia fiant, quæ ad tollendas in posterum inter confinantes lites aptiora judicabuntur.

51. Si inter aliquos vicinos de limitibus lis oriatur coràm ipsis ad limites constituendos deputatis, inquirent isti de controversia adhibitis vicinis, & senioribus, & juxta horum informationem terras, super quibus controvertitur, mensurent, limitesquæ statutis terminis faciant.

52. Quòd si aliqua de causa devenire ad decisionem controversiæ non potuerint, jubeantur partes juxta fortis casum, prout supra in capite de judicijs constitutum fuit, imaginibus prælatis jurare, & secundum juramentum limites effodiantur, termini statuuntur, cæteraquæ omnia præsentibus partibus, & vicinis fiant, quæ omnem illis in posterum litigandi ansam eripere possunt. Pro constituendis verò limitibus mittantur nobiles probi, & bene possessionati, vel Palatinis hæc in re Tzareum mandatum detur.

53. Si quis ad limites constituendos, ut superius, missus delatus fuerit, quòd commodo suo studens contra æquitatem eos constituerit, re probatâ, cedatur knutis per forum, demandeturquæ alicui alij cura limites constituendi, ut lites inter vicinos è medio tollantur.

54. Si aliquis supplex à Tzare petierit, describi in libris patrimonium aliquod juxta tenorem acquisitionis de eo factæ, vel testamenti, & neque in hoc, neque in illa specificè scriptum fuerit ejus pretium, solvat pro ejus in libris descriptione Tzari juxta registrum in libris, & concessione ex singulis jugeribus tres dengas.

55. Causæ omnes ad possessiones pertinentes, quæ anteincendium, quo die 3. Maij anno 7134. arces Krim, & Kitaij Moschuz correptæ fuerunt, & post illud usquæ ad diem 28. Januarij anno 7153. definitæ fuerant, permaneant in posterum juxta suam decisionem sine ulla mutatione.

CAPUT XVIII.

De Solutione pro Sigillis.

1. **Q**uicumque à Tzareâ clementiâ aliquâ possessione donatus fuerit, solvat pro sigillo tres dengas pro singulis jugeribus.

2. Si quis à Tzareâ clementiâ donatus fuerit aliquâ possessione infra viginti jugera, vel inter plures divisa possessio aliqua, ita ut singuli ex ea infra viginti jugera habuerint, solvant singuli quartam partem rubli pro sigillo.

3. Si alicui Nobili, vel Nobilis filio, vel alij cuicumque datæ fuerint juxta tenorem librorum revisionum Tzareâ literæ pro sui in antiquas possessiones immisione, & in ijs enunciatum fuerit, quodd antiquæ in possessionum Cancellaria simul cum alijs concessionis perierint, quomodò & antiqui descriptionum libri in sigillorum Cancellaria per vastationem periere, ideoque earum concessiones nullo modo possunt inveniri, non exigatur ab eo pro solutione sigilli ad jugerorum rationem, sed tantummodò quarta pars rubli.

4. Si alicujus Nobilis, vel filij nobilis in Tzaris servitijs occisi possessiones uxori, aut filijs datæ fuerint, neque ad jugerorum rationem, solutio pro sigill. exigatur, sed tantum quarta pars rubli.

5. Si aliquis Nobilis, aut filius Nobilis supplex à Tzare petierit, concedi sibi aliquas desertas, aut vacuas terras, aut in districtibus Ukrainæ campum aliquem in possessionem, & datæ ei super hoc Tzareâ literæ ad inquirendum fuerint, & inquisitiones desuper factæ Moschuam remittantur, & describantur tales terræ pro Tzare illi nondandæ ante hujus mandatum, nihilominus quartam partem rubli solvat.

6. Si alicui Nobili, aut Nobilis filio ex Tzaris clementiâ datæ fuerint possessiones in patrimonium per literas rubrâ cerâ signatas, solvat quartam partem rubli, & non ad jugerorum rationem.

7. Si alicui amissæ in Moschovix vastatione patrimonij sui sive antiqui, sive empti literæ renovabuntur, nihil ab eo pro sigillo exigatur.

8. Mercator, sive majoris, sive minoris conditionis, qui Tzareâs literas rubro sigillo signatas obtinuerit, per quas eximatur à sorte cum reliquis nigræ conditionis æquali, recipiendi, scilicet, hospitio milites, eisque potum subministrandi: vel qui pro servitijs præstitis, aut pro vectigalium, & popinarum auctione promovebitur, solvat pro sigillis duos rublos cum dimidio pro singulis literis.

9. Si aliquis mercator majoris, aut minoris conditionis officinam lapideam à Tzare obtinuerit soluto ejus pretio in Cancellaria majoris proventus Tzareo arario, & literas concessionis, sive memoriales, quomodo eas administrare debeat, Tzareo sigillo signatas obtinuerit, solvat pro eo rublum cum quarta ejus parte.

10. Si autem non integram officinam, sed ejus aliquam partem obtinuerit, solvat pro rata.

11. Nobiles, aut Nobilium filij, quorum possessiones retradixæ Lituanis, aut Cosacis, aut per inquisitionem reddidit antiquis possessionatis, & patrimoniatas, earumque loco ipsis aliæ alibi possessiones per Tzareâs literas concessæ fuerint, si supplices petierint, non exiguntur ab

ipsis solutionem sigilli ad iugerorum rationem, eò quòd pro prioribus ab ipsis ablatis possessionibus, in quarum locum hæc subrogatæ fuerunt, pro eo solvant, nihil ab ipsis pro sigillo exigatur.

12. Quicumque ad supplices Nobilium Novogrodenſium preces Novogrodiam Tzareas literas mittere voluerit, in quibus mandetur, ut eis possessio juxta descriptionem Novogrodenſem detur, si Moschuz pro sigillo solvit, non exigatur amplius pro eo Novogrodiz ulla solutio pro supplici libello, aut pro iugeribus, sed tantum pro sigillo quarta pars rubli, cum ibi dabuntur ad ejus favorem literæ pro immiſſione ejus in possessionem. Quod etiam observetur, si Moschuz eas acceperit, ne in duplo solvat.

13. Si ad alicujus instantiam mandatum per Tzareas literas fuerit, ut Novogrodiz de aliqua possessione inquiratur, hæcquæ post inquisitionem illi concessa fuerit per literas possessionales Novogrodiz datas, si Moschuz nihil solvit, exigatur ab eo pro sigillo juxta Tzaream constitutionem pro singulis agri iugeribus dimidium denge supra unum copicum, & pro supplici libello quarta pars rubli, quod fiat tunc, quando ei literæ immiſſionis in possessionem concedantur. Quòd si Moschuz ille solverit, scribatur in literis penes sigillum, ut Novogrodiz hoc rescire possint.

14. Si alicui, qui paternam possessionem ab alio possessam sibi in libris per correctionem inscribi supplex petierit, testamento autem paterno caruerit, decretæ fuerint literæ immiſſionis in eam, & aliz ad eam à possessore recuperandam, solvat pro singulis iugeribus duas dengas cum dimidia, eò quòd patris testamentum non habuit.

15. Si quis emerit terras vacuas in patrimonia, solvat in Cancellaria possessionum pro emptionis literis altinum pro singulis rublis, & in Cancellaria sigillorum pro singulis agri iugeribus duas dengas cum dimidia, & quartam partem rubli pro supplici libello.

16. Bojari, Ocolnicij, & Consiliarij pro Tzareis literis donationis in patrimonia, & possessiones nihil solvant.

17. Nobiles, sive filij Nobilium, quibus ex mandato Tzaris in possessionum Cancellaria patrimonia per locationem, testamentum, donationem, aut alium quemcunque modum alienata per correctionem, factâ prædictæ Cancellariæ debitâ solutione, in libris inscribuntur, & immiſſionis literæ datæ fuerint ad civitates, per quas facultas illis fiat, has possessiones juxta Tzaris mandatum administrandi, solvant pro talibus literis sigillatis, quantum possessionati, duas, nempe, dengas cum dimidia pro singulis iugeribus, & pro documento, quod ex literis apparebit, quartam partem rubli.

18. Si aliquis Nobilis, aut filius Nobilis adferat in Cancellariam sigillorum Tzaris literas de commutatis possessionibus, aut patrimonij aqualiter, solvant ipse, & alter commutans quartam rubli partem singull. Sed si plura jugera commutando acceperit, quam dederit, solvat insuper pro singulis duas dengas cum dimidia.

19. Si aliquis Nobilis, aut filius Nobilis possessiones suas, & patrimonia in filios, aut filias, aut fratres, aut agnatos, aut alios transferre voluerit, & per Tzareas literas hoc concedatur, solvant cedentes singuli quartam partem rubli, cessionarij autem duas dengas cum dimidia pro singulis iugeribus.

20. Si ab aliquo Nobili, aut Nobilis filio possessiones, aut patrimonia

monia ex mandato Tzaris ablata, & in alios distributa, & deinde ad ejus supplices preces ei de novo per Tzaris literas reddita fuerint, si infra viginti jugera fuerint, exigatur ab eo pro sigillo quarta pars rubli, si supra, solvat pro singulis jugeribus duas dengas cum dimidia.

21. Redemptores vectigalium, popinarum, & quorumcumque aliorum reddituum, solvant pro singulis rublis in contractu promissis altinum cum denga. Sed si sextum promissio non excesserit, solvant pro supplici libello tantum quartam partem rubli, & nihil ultra.

22. Si vero literas à Tzare impetraverint, ut quousque conductionis tempus duraverit, in civitatibus nemini contra eos, eorumque socios in quacunque causa actio detur, solveat pro literis singuli ex ijs nominati quartam rubli partem.

23. Sed si aliquem vectigalis, aut popinæ ad biconium, vel trienonium redemptorem aliquis in judicium vocare volens, hoc sibi permitti supplex à Tzare petierit, primo anno non permittatur; sed tantum post elapsum annum. Si vero secundo anno adhuc plures eum in judicio convenire voluerint, nec tunc permittatur nisi post illum elapsum: & sic procedatur venientibus tertio anno: ut, nimirum, ad quartum remittantur. Etenim talibus vectigalium redemptoribus, quoadcunque à creditore aliquo conventi fuerint, semper annum tempus est concedendum, ne conductioni impedimentum fiat. Nemo autem, cujuscumque conditionis ille fuerit, ad redimendum vectigalia, popinas, aliosque redditus admittatur, præter cives, & ditiores paganos aulæ villas incolentes. Et si redemptores in conductione ultra triennium perseverabunt, procedatur cum volentibus eos quacunque actione convenire ad formam superius constitutam.

24. Redemptores vectigalium, aut popinarum in civitatibus solvant pro sigillo, prout superius dictum est de Moschuenfi, & ex civitatibus transmittatur summa ab eis soluta Moschuum in Cancellariam sigillorum.

25. Si quis eorum autem conductionis tempus ad biennium, vel triennium, vel quadriennium, vel quinquennium sine interpolatione extendere, aut de novo redimere cum additione voluerit, vel dum per annum redemit, per alterum tamen, vel etiam tertium in eodem redemptionis contractu tempus extraxerit, solvat pro sigillo pro quolibet anno ad ratam.

26. Aut si quis eorum ante tempus constitutum non renunciabit contractui suo, ita ut aliquis alius in sui locum subintrare queat, teneatur de novo in eo perseverare, additione insuper oneratus, & solvat tam pro antiquo contractu, quam pro novo hoc onere septem dengas cum dimidia ex singulis rublis.

27. Si vero ante constitutum tempus renunciaverit, & in contractu amplius perseverare noluerit, liberatus autem non fuerit, nec ei juramentum delatum; sed invitus ad perseverandum in illo sine additione adactus, nihil pro sigilloolvere teneatur.

28. Pro sigillo literarum Tzaris, aut ad redemptores prædictos, aut ad alios quoscunque, qui eas supplices petierint, spectantium, & in civitates transmittendarum, solvatur in Cancellaria majoris aulæ.

29. Si quis salis officinas in civitatibus, aut molendina ad biennium, triennium, vel ultra conduxerit cum oblatione ea, ubi à tem-

post

pore damnū passa sunt, refarciendi, solvat pro sigillo unius tantum anni ratam.

30. Redemptores vectigallium, seu portoriorum, aut pedagogum, vel piscationis, sive alterius cujuscunque redditus minoris considerationis, puta quinque, vel sex, vel decem rublorum, vel circa, si in literis conductionis dictum fuerit, quod ipsi solvent in civitatibus summam conventam singulis annis, donec aliquis alius in eorum loco cum additione subintraverit, non declarato specificè conductionis tempore, solvant Moschuz pro sigillo tantummodò pro primo anno. Palatini verò, & Præsides civitatum unà cum solutione summæ in contractu conductionis ab illis promissa singulis sequentibus annis, quoadusque in conductione perseveraverint, etiam solutionem pro sigillo exigant, & omne exactum Moschuum in Cancellaria sigillorum transmittant.

31. Si quis Nobilis, aut filius Nobilis in quacunque Cancellaria contra aliquem judicialiter agens, petierit unà cum reo convento, scribi ad aliquam civitatem pro oculari veritate, solvant actor, & reus, quilibet quartam rubli partem pro literarum sigillo, sed si altera tantum pars hoc petierit, ipsa sola eam solvat.

32. Si litigantes super actione, vel eodem tempore super pluribus consentiant, ut examinetur aliquis in communem inter ipsos testem, vel libri inspiciantur, ideoque necesse sit mittere super hoc Tzareps literas, solvant pro sigillo quotquot litigantium erunt pro quolibet actione singuli quartam rubli partem.

33. Sed si partes ad testes aliquos non provocaverint, ex officio verò iudicis inquisitio aliqua super lite fieri debeat, nihil pro literis ad hunc effectum mittendisolvere teneantur, sed causà decidà, qui succubuerit, solvat.

34. Si aliqui Tzari supplices preces porrexerint de justitia juxta asssecurationes, & super hoc dabuntur eis Tzaris literæ, solvant singuli, qui in libello supplices fuerint, pro sigillo viginti quinque altinos. Quod si scripserit, solvendum esse pro una tantum asssecuratione, exigatur ab eo quarta pars rubli pro supplici libello, & alia quarta pars pro asssecuratione.

35. Pro literis ad exigendum debitum juxta tenorem testamenti, aut contractus emptionis venditionis ratione supplicis libelli solvatur quarta pars rubli, & alia quarta pro confirmatione, quomodo de asssecuratione constitutum est.

36. Si aliquis supplices preces Tzari porrexerit pro justitia administranda in causis non asssecuratis, solvat pro sigillo quartam rubli partem.

37. Sed si solus licet libello subscripserit, nomine tamen plurium sociorum illorum porrexerit, solvat 25. altinos.

38. Si aliquis Tzari supplices preces porrexerit sui, & universorum concivium, aut destridus, sive subditorum, & paganorum nomine, solvat rublum cum quadrante.

39. Si quis cum diversis ob diversas causas diversas habens controverfias, unicum super his omnibus à Tzare mandatum impetraverit, eò collimans, ut unicà solutione pro sigillo pro omnibus satisfaciatur, non obineat intentum, sed exigatur ab eo pro qualibet causa in literis contenta rubli quadrans.

40. Si

40. Si aliquis Nobilis, aut Nobilis filius supplices Tzari preces porrexerit contra subditorum suorum fugitivorum fidejussores, quini iudicio sponderint, quod illi fugam capturi non essent, exigatur ab eo tantum pro supplici libello taxa sigilli, & nihil pro fidejussione.

41. Si Abbas, & Prior cum Monachis supplicem aliquem Tzari super quacunque causa libellum porrexerint, eisque desuper Tzarex litterarum datarum fuerint, solvant pro singulis 25. altinos pro sigillo.

42. Si supplici libello eorum unicus tantum, sive fuerit Abbas, sive Prior, sive Vicarius, sive monasterij famulus, subscripserit, & causa in libello contenta ad monasterium, & non ad ipsum solum subscriptentem pertinuerit, exigantur pro sigillo 25. altin.

43. Si ad instantiam alicujus Nobilis, aut filij Nobilis datarum fuerint ad civitates Tzaris litterarum ad aliquem citandum, citatus vero contumax nec fidejussores dederit, nec intra constitutum terminum Moschum comparuerit, & de ejusinobedientia Palatinus ad Tzaremem scripserit, unde mittantur huic Tzarex litterarum cum mandato, ut exigat à contumace pro itinere, & victu, & litis protractione ad favorem actoris, solvat ille pro his literis quadrantem rubli pro sigillo.

44. Si post transmissas ab aliquo in aliquam civitatem citatorias Tzaris litteras Palatinus propensior in reum non adegerit eum ad fidejussores præstandum, nihilque Tzari de eo scripserit, unde necesse sit alias actori super hoc litteras concedere, solvat pro istis quadrantem rubli pro sigillo, quem repetere deinceps à reo debet.

45. Si Kasanensis Domini, & quarumcunque inferiorum civitatum Tartari, & Ceremissi in aliqua causa supplices Tzari libellos porrexerint universim, Knejsi, nimirum, & Murze, & electi milites Tartari simul, vel plures diversorum cognominum libello subscripterint, & Tzarex litterarum ipsi concesserint, solvant singuli status pro singulis literis 25. altinos pro sigillo.

46. Si ex aliqua Cancellaria ad instantiam alicujus mittendus fuerit Pristavus cum citatorijs Tzaris literis sigillo munitis, exigatur ab eo pro sigillo juxta Tzaremem mandatum, nullarum autem citatoriarum litterarum in quacunque causa sine sigillo dentur.

47. Si milites, vel cives, vel agricolæ ex Sibirienfibus civitatibus litteras in Cancellariam sigillorum attulerint, agentes quacunque de causa contra quemcunque eorundem partium Sibirienfium, nec non & districtuum, & Permæ, & Viackæ, & Ustie, aliarumque civitatum incolam: sive actio fuerit de locationibus juxta assecurationes, vel de percussione, & spolio, vel de similibus, nihil pro sigillo solvant, loca enim remota sunt, & Sibirienfes raro Moschum veniunt.

48. Nobiles, filij Nobilium, Tribuni militum Tartarorum, & Streliziorum, & quicumque in Sibiria, & inferioribus civitatibus in servitijs Tzaris fuerint, quibus litterarum passus concedentur cum facultate juxta eorum supplicem libellum, ut pro usu suo vinum adustum, mel, & lupulos secum ferant, vel publicanis Astracani, aliarumque civitatum ad extruendas domos ligna vehant, nihil pro tali litterarum sigilloolvere teneantur.

49. Similiter pro literis, quæ in quibuscunque justitiæ, aut assecurationum causis, & etiam in possessionum, aut patrimoniorum donationibus dabuntur Tribunis, & centurionibus Streliziorum Moschu-

schuenſium, ipſiſquẽ Moſchuenſibus Srelizijs juxta eorum ſupplices preces, nihil ab eis pro ſigillo accipiatur.

50. Pro literis, quæ Atamanis, & Aſautis Koſacorum in Moſchovia, aliſquẽ diſtrictibus tributariorum, recenter verò in libera poſſeſſione conſtitutorum, dabuntur, exigatur pro ſigillo juxta conſtitutionem; ſed pro literis, quæ eis pro eorum terris dabuntur, nihil.

51. Tribuni Sreliciorum, & Coſacorum in diſtrictibus, ipſi Srelicij, & Coſaci, qui de quacunq; judiciali actione, vel de inquisitione terrarum Sreliciorum, & Coſacorum ſupplices Tzari libellos porrexerint, ſi juxta hos Tzarex ipſis literæ datæ fuerint, ſolvant pro ſigillo juxta ordinationem, quod ſacere teneatur quicumque alius, qui de quacunq; judiciali actione ſupplices Tzari preces præſentaverit; ſed ſi hæ ipſorum militum ſint contra milites, & non contra extraneos, ſive de terris, nihil ſolvant, etenim homines militares ſunt, & ſundi ad Tzarex pertinent.

52. Ex literis, quæ civitatum monaſterijs, & Eccleſijs, Abbatibus, Prioribus, & Protopopis cum Monachis de pecuniarum, & victualium quotâ: vel Srelicijs, Coſacis, aliſquẽ ſtipendiarijs pro annuali donatione dabuntur, ut eis Tzaris ſtipendium juxta mandatum erogetur, nihil pro ſigillo exigatur.

53. Ex Tzaris ad civitates literis, per quas conceditur Srelicijs, Coſacis, libratoribus, janitoribus, lapicidis, laterumquẽ coctoribus, ut juxta ſuas ſupplices preces poſſint ad aliquos rublos mercium emere non ſoluto vectigali, & potum pro uſu ſuo coquere, nihil ob eorum inopiam pro ſigillo exigatur.

54. Ex illis autem, quæ ex Cancellaria majoris aulae, aliſquẽ dabuntur ſubditis villarum ad aulam Tzaream ſpectantium ex conſcriptis, & reviſorijs libris in diſtrictibus Tzaritributum ſolventibus, exigant Præſides locorum pro ſingulis, habito ad centenos ſubditos reſpectu, 25. altinos in ſupradicta Cancellaria numerandos. Sed pro datis ex alijs Cancellarijs in ſigillorum Cancellaria fiat ſolutio.

55. Pro literis paſſijs, quæ ex Cancellaria legatorum dabuntur advenis, Anglis, Hollandis, aliſquẽ ex alijs provincijs mercatoribus, & pro conceſſis advenis illis, qui contra Ruſſos mercimoniorum cauſâ Tzaris juſticiam ſupplices imploraverint, & pro illis, per quas Anglis, & Hollandis aliquid à Tzare donatum fuerit, nihil pro ſigillo exigatur. In reliquis verò omnibus ſolvant advenæ pro ſigillo, quod Ruſſi ſolvunt.

56. Boſari, Ocolnicij, Conſiliarij pro quibuſcunque literis, etiam citatorijs per Priſtavum, quæ ad eorum ſupplices preces in quacunq; cauſa in civitates mittentur, nihil ſolvant pro ſigillo.

57. Ex citatorijs literis, quæ ad inſtantiam incifoſis Tzarex menſæ, & cubiculariorum in alias civitates mittentur, exigatur pro ſigillo juxta conſtitutionem.

58. Ex literis juſtificationis cuicumque datis, tam ad patrimonia, quàm ad alia quæcunque negotia pertinentibus, & ex mancipiorum Cancellariâ contra mancipia, ſi ſeries facti in ijs verè ſcripta fuerit, exigatur pro ſigillo juxta conſtitutionem.

59. Pro literis in quacunq; cauſa ad monaſterium ſpectante Abbati, vel Procuratori, aliſquẽ Monachis monaſterij Vivitæ Trinitatis Sancti Sergij conceſſis, nihil pro ſigillo exigatur.

60. Similiter pro literis Abbati, Procuratori, & Monachis Monasterij novi Salvatoris in causis ad illud spectantibus concessis nihil ob Tzareorum parentum respectum pro sigillo exigatur.

61. Sed pro literis famulis, & subditis utriusque supradicti monasterij in eorum proprijs causis concessis exigatur juxta constitutionem.

62. Exceptis autem supradictis duobus monasterijs cetera omnia, eorumque famuli, & subditi pro literis in quacunque causa impetratis solvant pro sigillo juxta constitutionem.

63. Advenæ stipendiarij non possessionati, sive recenter, sive ab antiquo advenerint, si literas Tzareas, aut Pristavi cum citatorijs missionem supplices petierint, & impetraverint, cum pauperes sint, pro sigillo nihil solvant. Sed si fuerint possessionati, solvant Russorum ad instar.

64. Si in Cancellariam sigillorum mittentur ex alijs Tzaris literæ scriptæ super impetrantis negocijs juxta tenorem informationis à Palatino alicujus civitatis transmissæ, sive supplicis ejus libelli sub Palatini literis, exigatur ab eo pro sigillo quicquid visum fuerit. Exactio autem pro sigillis fiat, quando impetrantes literas veniunt cum ijs in Cancellariam sigillorum. Quod si ipse impetrans non venerit, non apponatur sigillum, nisi prævia solutione.

65. Pro literis Tzaris ex Cancellaria judiciorum Nobilibus, & filijs Nobilium concessis, ut ex districtuum descriptione scribantur juxta domorum descriptionem, vel è contrâ, solvat quilibet impetrantium quadrantem rubli pro sigillo.

66. Pro literis, per quas officium scribæ, vel vice-scribæ alicujus civitatis alicui conceditur, rublus exigatur pro sigillo.

67. Vectores, qui à Tzare conducuntur ad vehendum ex civitate Moschua, alijsque ad Michaelis Archangeli sanum, & ad civitates inferiores, & in Sibiriam cum suis curribus, & aurigis panem, solvant singuli pro literis dimidium rubli pro sigillo.

68. Pro literis, quas in sigillorum Cancellaria ex Sibirienfi adferent milites, quibus mandatum est, ut serviant inter Cosacos officiales, solvant singuli pro sigillo quantum constitutum superius est pro scribis, & vice-scribis civitatum, spontè enim pro negocijs suis, & non ex mandato venerunt.

69. Pro illis autem, quæ adferentur ex Cancellaria judiciorum ad favorem filiorum Nobilium pro augmentatione stipendij, sive pro assignatione districtus, in quo servitia sua præstent, exigatur à singulis quadrans rubli pro sigillo.

70. Ab aulæ dispensatoribus pro literis, quibus per Tzaris donationem conceditur eis pro annuo eorum stipendio ususfructus villarum, & pagorum cum pertinentijs ad aulam Tzaream tam in Moschu, quam in alijs districtibus spectantium, exigantur pro sigillo duo rubli cum dimidio, & talibus literis apponatur sigillum majus in cerâ rubrâ.

71. Quodd idem fiat, & exigatur pro donationis literis, quæ civibus in civitatibus, & subditis in villis dabuntur pro cautela terrarum, & hominum.

CAPUT XIX.

De Civibus.

1. **S**uburbia quæcunque sive ad Patriarcham, Metropolitam, Archiepiscopos, Episcopos, & Monasteria: sive ad Bojarios, Ocolnicos, Consiliarios, aliosque cujuscunque conditionis homines pertinentia, in quibus habitant mercatores, & artifices mercaturam exercentes, & officinas suas habentes, nullumque Tzari tributum solvunt, servitia nulla præstant, auferantur sine ulla mora cum omnibus hominibus à dominis, & cedant Tzari, præclusa omni restitutionis spe. Quòd si inter eos aliquis fuerit, qui se obligatum ab antiquo asseruerit, re sic se habente, domino suo restituatur, remaneatque in sua domo. Reliqui verò, qui, licet obligati, parentes consanguineos cives habuerint, sive ex Tzarex aulæ subditis, in tributariorum numerum referantur. In posterum autem, excepto Tzare, nemo suburbia, sive Moschuz, sive alterius cujuscunque civitatis habeat. A Patriarcha verò omnino auferantur, exceptis ijs, qui ab antiquo in servicijs prædecessorum Patriarcharum esse consueverunt, filijs, nempe, Nobilibus, Cantoribus, scribis, effeceribus, dispensatoribus, cultodibus, pistoribus, cæterisque mercenarijs.

2. Quicumque autem ex superius mentionatis mercatores, & opifices ex domibus, quas propè Moschuam inhabitaverunt, aut alij cujuscunque conditionis homines ex quocunque loco evocabuntur ad tributa, teneantur in posterum sub Tzare vivere in eo, quicumque assignabitur, loco sub tributo.

3. Poporum filij, Ecclesiæ cantores, janitores, & alij quicumque sive ægri, sive sani, qui loca ad Ecclesias spectantia habitantes mercaturam exercent, & Tzaro non contribuunt, nec servitia, aut operas præstant, adigantur omnes ad tributum ratione mercium in posterum Tzari solvendum.

4. Stipendiarij cujuscunque conditionis (exceptis Strelcijs) qui Moschuz officinas proprias, aut conductas habent, & mercimonijs vacent, retineant sua, ut prius officia, & stipendia Tzaris mereant; sed ratione mercium solvant, quomodo cæteri tributarij, vectigal, non tamen eorum ad instar servitia præstant, quis autem eorum inter tributarios adnumerari recusaverit, vendat officinas suas Tzaris tributarijs.

5. Si in suburbij Moschuz, quæ à Patriarcha, & cæteris Ecclesiasticis, aut à Bojarijs, alijsque quibuscunque vigore superscriptæ constitutionis auferentur, rustici fuerint, de quibus per probationes constiterit, quòd filij fuerint subditorum illius, à quo suburbium ablatum fuerit, ab eoquè in illud adducti, restituantur ei. Sed si Moschuz, vel officinas, vel cellaria habuerint, vendant ea Tzaris tributarijs, quibus solis, & nemini alij, liceat in posterum officinas, & cellaria habere.

6. Ovium paschua circa Moschuam extendantur circumquaque ab exterioris valli fossa per binas verstas: mensurentur autem novà per Tzareum mandatum factà trium ulnarum mensurà ad rationem millenarum pro singulis verstitis.

7. Quæ

7. Quæcunque suburbia per inquisitionem faciendam apparebunt extracta tuisse super fundis Tzaris tributarijs, sive liberis emptis, vel non emptis, sine tamen Tzaris licentia, aut à Patriarcha, aut ab alijs Ecclesiasticis, aut à Bojaris, aut ab alijs cujuscunque conditionis hominibus, auferantur ab eis sine ulla mora cum omnibus hominibus, & terris, & sub tributo redigantur, præclusa omni restitutionis spe, & impudent sibi, quodd in Tzareo solo ædificaverint, & fundos emerint tributari os.

8. Si Patriarcha, aut aliquis alius Ecclesiasticus, vel Bojarus, aut aliquis alius cujuscunque conditionis homo possessiones, & patrimonia legitimè possederit contigua alicujus civitatis suburbij, ita ut domus horum ab illorum domibus non longè absint, accipiantur pro Tzare, & adaptentur suburbij in tributa, & servicia, domino autem eorum detur tantundem alibi ex Tzareis villis.

9. Similiter si Patriarcha, aut aliquis alius Ecclesiasticus, aut Monasterium, aut Bojarus, aut aliquis alius cujuscunque conditionis villas, & pagos, patrimonia, & possessiones, vel juncas suburbij, vel circa ea habuerit, accipiantur, & suburbij in Tzaream tributa, & servicia adjungantur, & rustici eorundem pagorum, & villarum in ijs pariter sub eadem conditione remaneant. Si verò in alicujus ex supradictis hominibus pagis, aut villis, aut patrimonijs, aut possessionibus procul à suburbij sitis mercatores habitaverint, qui olim civitatum incolæ fuerint, in ijsque suas officinas habeant, & merces, reduncantur ad antiqua sua in civitatibus loca, & fiant tributarij; sed si subditi aliqui in illis fuerint, qui in civitatibus officinas habent, & merces, etiam si nunquam antea fuissent cives, & tributa solvissent, jubet Tzar, ut tales adigantur ad præstandum fidejussores, qui pro eis spondeant, quodd in posterum omni mercaturâ abstinerebunt, nec popinas conducent, nec salis officinas. Si quas autem harum habuerint, hominibus vendant tributarijs.

10. Pascua pro ovibus sint in civitatibus, prout ab antiquo sub antecessoribus Tzaribus fuerunt: ab eo autem, qui aliquid ex ijs sibi usurpavit, reprobata, auferatur, & restituatur civitati.

11. Serelicij, Cosaci, & Dragoni, qui in civitatibus mercaturam exercent sedentes in officinis, solvant ex mercibus vectigal, & pro officinis certam pecuniarum summam, à civium tributis, & tributorum servitijs cætera exempti.

12. Reliqui verò inferioris conditionis milites, qui mercaturæ vacant, & officinas in civitatibus habent, non solum vectigalia pro mercibus solvant, sed & Tzari cum alijs civibus tributum, servitiisque præstent. Si quis autem eorum tributarius fieri recusaverit, vendat officinas suas hominibus Tzari tributarijs.

13. Cives illi, qui vel ipsi, vel eorum parentes præteritis annis Moschuz, vel in alijs civitatibus, aut suburbij habitabant solventes Tzari tributum; modò verò locaverunt operas suas tributarijs in suburbij, vel Patriarchæ, aut alicui alij ex Ecclesiasticis, vel Bojaris, aut alijs cujuscunque conditionis hominibus in aulis, vel patrimonijs, vel possessionibus, vel Ecclesiasticis fundis, avocentur omnes ad antiqua sua loca sine ulla mora, & restitutionis spe. Cum autem advocati fuerint, nemini in posterum selocent, aut inscribant, nec alicujus subditos, aut servos se nominent, si contra fecerint, cedantur knutis per forum, & deportentur in Lienum Sibiriz. Conductores verò eorum.

D d d

fiant,

sciant, se in maximam Tzaris indignationem incursum, interimque auferantur ab eis terræ istæ, ubi illi ab ipsis conducti habitabant.

14. Si cui juxta Tzaris mandatum in suburbio Moschuz, vel alibi in aliqua civitate domus, vel hortus attributus fuerit, habeat in ijs famulos suos permanentes, vel si famulis careat, subditum unum suum in domum ad eam habitandam inducat. Quod si post hanc Tzaream constitutionem in talibus ædibus suis multos ex subditis suis tenuerit, auferantur isti omnes ab eo in tributarios Tzaris, etiamsi in libris ædium domino inscripti fuerint.

15. Sed si in posterum ad ædes domini sui extra urbem sitas plures ex ejus patrimonijs, & possessionibus subditi ob opus aliquod necessariū à domino per eorum ministerium faciendum venerint, non auferantur ab eo, neque aditus ad civitatem eis sit interdictus. Famuli, & subditi Bojarorum, vel alterius cujuscunque, qui Moschuz, vel in alijs civitatibus tributarias domos, vel officinas, cellaria, & similia empta, aut conducta possident, & mercaturæ vacant, vendant ea tributarijs hominibus, & civibus, omnibusque, præter Tzari cives, mercatores, & tributarios, mercaturam exercere sit interdictum. Quod si in posterum aliquis supradictorum aliquem ex supradictis tributarijs locis emere ausus fuerit, auferatur ab eo sine ulla resusione pretij Tzareo fisco applicandus, sciatque præterea, quod in magnam Tzaris indignationem sit incursum, ideoque per forum meritò corrigendus.

16. Si aliquis mercator, vel civis, pro debita à se aliqua pecuniarum summa alicui servo, vel subdito, ei tributariam domum suam, vel officinam, vel cellarium ad constitutum tempus locatum inscripserit, intra illud autem ædificium locatum non redemerit, teneatur servus ille, vel subditus, cui fuit inscriptum, illud post elapsum locationis tempus tributario alicui vendere, interimque domum illam, non habitare, nec in officina, aut cellario mercaturam ullo modo exercere. Si contra fecerit, auferatur ab eo ædificium Tzareo fisco applicandum sine ulla pretij resusione.

17. Subditi, qui Moschuam, vel ad alias civitates ex districtibus merces venales adduxerint, vendant eas liberè sine ulla vectigalis solutione in foro mercatorum ex ipsis curribus, aut navibus, quibus eas adduxerint, in foro autem officinas non emant, nec conducant.

18. Si contra tributarios alicujus civitatis homines, qui ad alios quos confugientes accepti ab his pro locatis possessionibus in tributarios fuerint, illi, à quibus accepti, actionem de pecunijs creditis juxta eorum chirographa, vel alia documenta instituire voluerint, non audiantur, & obligationis instrumenta teneantur tradere Cancellariæ.

19. Si qui Moschuenfium suburbiorum tributarij cives alias civitates jam incolunt, vel è contrà alicujus civitatis cives Moschuz habitant, perseverent ubi sunt, nec de loco in locum, aut de civitate in civitatem reducantur.

20. Cives verò omnes, qui in suburbij civitatum sub Patriarcha, alijsque Ecclesiasticis, & Bojaris, cæterisque cujuscunque conditionis hominibus vivunt, censeantur singuli cum reliquis civibus civitatis suæ sub tributo. Dispersi verò in districtuum villas, & pagos perquirantur, & ad suas singuli civitates remittantur.

21. Si

21. Si quis liber homo alicujus tributarij filiam virginem duxerit, non ideo tributarius fiat.

22. Si quis liber homo civis alicujus tributarij viduam duxerit, non ideo hæc libera erit, imò si ejus prior maritus in libro tanquam tributarius scriptus fuerit, fiat etiam secundus maritus tributarius, quia talem uxorem duxit.

23. Si quis liber homo civis alicujus filiam duxerit sub pacto, ut in ædes suorum transeat, cum eis habitet, & vivat usque ad eorum mortem, de necessarijs ad vitam transigendam interim eis prospiciens, intelligatur factus tributarius, & si ad aliquem transierit, reducatur, & inter cives censetur.

24. Si aliquis artifex personaliter tributarius ex tributarijs parentibus ortus absolutus fuerit à tributo pendendo, vivatque Moschuz in aula, seu armamentario, vel in aliqua Cancellaria, & aliquis ex socijs, vel vicinis ejus supplicet à Tzare petierit, ut denuò inter tributarios censetur, consulatur omnino super hoc specificè Tzar, sine cujus mandato ille nullo modo tributarius renunciatur.

25. Qui ab antiquo tributum pendere soliti fuerunt, denuò cum liberis suis inter tributarios recenseantur.

26. Qui verò Moschuz, vel in alijs civitatibus personaliter tributarij vivebant cum filiis suis, & cum ipsis non coacti, sed sponte sua facti omnes Strelicij sunt, reducantur patres, & duo filij cum eorum singulis ex Streliciorum ordine, & tributum pendere, ut antea, adgancur singuli in suis civitatibus; tertius vero filius, si existerit, perseveret Strelicius esse.

27. Si qui tributariorum filij relictis parentibus facti fuerint Strelicij, inquiretur de singulorum patribus, an plures filios habeant. Et ubi compertum fuerit de aliquo, quòd unicum tantum, vel duos filios habeat, retrahantur isti ab ordine Streliciorum denuò ad tributum. Sed si aliquis pater tres filios habuerit, tertius non retrahatur.

28. Cives Moschuenses, vel aliarum civitatum tributarij, qui facti fuerint libratores, vel dispensatores, vel aliquam aliam conditionem à tributo eximentem acceperint, perquirantur diligenter, & denuò tributarij fiant.

29. Sed illi, qui præteritis annis facti Cosaci serviunt cum istis ab antiquo possessionatis, & pecuniæ stipendia merent, victuque mensali sunt honorati, non retrahantur ad tributum; sed perseverent in suo servitio Cosacorum.

30. Verumtamen illi, qui recentior post Smolenscense bellum, facti sunt Cosaci, & Smolenscensi oppugnationi non interfuerunt, retrahantur ad tributum.

31. Quod etiam fiat de illis, qui post inquisitionem inventi fuerint pedestri militiæ nomen dedisse.

32. Ex de illis, qui vectores facti sunt.

33. Illi verò, qui in captivitate fuerunt, vivant ubi liberit, per eam enim liberati à tributo sunt.

34. Civitatum mercatores, qui in Gosti, sive mercatores majores, & panni venditores accepti fuerint sub conditione, ut Moschuz habitent, si perseveraverint in suis civitatibus antiquas suas habitare domos, ibique mercaturam exercere, non solventes cum alijs civibus pro domibus tributum, nec pro mercibus vectigal, adgancur

gantur ad vendendas domos suas civibus, & Moschuam transeundum. Quod si facere noluerint, solvant denuò cum alijs civitatis suæ civibus tributum.

35. Tributarij, qui ex civitatibus Moschuam advenierunt, ibiquè domos, & officinas ædificaverunt, remaneant tributarij, & in civitatibus ratione mercium vectigalia cum reliquis civibus solvant, & omnia servitia præstent.

36. Qui verò ex ipsa Moschuæ proprias domos non habent, & merces à civitatibus allatas in suis, vel conductis officinis vendere solent, in posterum eas ad hospitale forum afferant, ibiquè eas vendant. In publico verò nullas officinas conducant, & si quas proprias habent, tributarijs Moschuensibus vendant.

37. Si ab aliquo antiquus ejus, & obligatus servus, aut subditus, de quo per libros conscriptos appareat, aufugerit, & vel Moschuæ, vel in alia civitate uxorem duxerit civis filiam, reddatur cum uxore, & filijs ei, à quo aufugit, nec in suburbij uxoris ergò retineri possit.

38. Si civis alicujus filia virgo fugiens alicui erga aliquem obligato homini in fuga nupserit, vel si civis aliquis virginem, vel viduam aliquam seduxerit, eamquè alicui sibi obligato elocaverit, pater verò fugitiva, & seductæ quærelam super hoc Tzari supplex exposuerit, perquiratur, & inventa retrahatur cum marito, & filijs ad suburbium, ibiquè omnes tributarij vivant.

39. Cùm verò aliqui tributarij vendere soleant liberis hominibus tributarias domos suas per simulatæ locationis contractum, negligentes postmodum ex pacto cum emptoribus earum intra constitutum tempus redemptionem, ut omne in hos earum dominium transferatur, & à tributo in horum beneficium liberentur; Si in posterum tributarius aliquis libero homini tributarias ædes suas venderit, aut locaverit, auferantur ab emptore, vel conductore sine ulla pretij ab eo numerati refusione, & denuò tributo subijciantur. Libelli autem supplices pro recuperando pretio non recipiantur, & venditor knutis cædatur.

40. Si quis Ruthenus, cujuscunque conditionis ille fuerit, domum, vel aream ad domum ædificandum Moschuæ in Arce Kicay, vel Bielgorod, vel extra in suburbij habuerit, nulli Germanorum eam vendat, vel Germanorum viduis locet. Si qui verò Germani, vel eorum filij, vel uxores in Cancellariam terrestrem attulerint instrumenta emptionis venditionis, aut locationis alicujus domus, aut areæ sibi à Ruthenis factæ, ut in libris describantur, rejiciantur, & venditores sciant, se propter hoc in magnam Tzaris indignationem incursum. Sepulchra autem in domibus Germanorum facta destruantur, nec ulla amplius in posterum fiant, sed extra civitatem procul ab Ecclesiâ DEL.

CAPUT XX.

De Servis.

1. **F**ilij Nobilium, qui in stipendijs non benè constituti in distributione, & conscriptione militum, alijsque Tzaris servitijs non comparuerunt, quique nullam possessionem, nullum patrimonium possidentes præteritis ante hanc constitutionem annis rogarunt Bojaros, ut in domos suas pro famulis ab eis reciperentur, permaneant apud illos, prout antea.

2. In posterum verò nullus ex filiis Nobilium sive in stipendijs constitutus, sine non, à Bojaris in servum recipiatur, & nemo in Cancellaria mancipiorum obligationem pro servitijs ab aliquo eorum inconsulto Tzare accipiat.

3. Si aliquis nobilis filius post hanc constitutionem supplex petierit à servitio, quo alicui obstrictus sit, liberari, ex mandato Tzaris, & Bojarorum consilio liberetur, modò servitium cum civitatibus Tzari præstet. Sed si hoc præstare malitiosè renuerit, rogans potius apud Bojarum aliquem in servitio recipi, restituitur priori domino suo, ut ei ulterius serviat.

4. Si quis à domino suo aufugiens ad Bojarum aliquem, vel Ocolnicium, vel Consiliarium, vel alium quemcunque confugerit, indequè prioris domini servos, vel subditos seduxerit, vastitatem per hoc in domos illius inferens, vel aliquid ab eo furatus fuerit, vel ejus ædificia incenderit, detur ei pro quocumque damno suo actio contra illum, apud quem fugitivus malefactor refugium habet. Si autem contigerit, quòd fugitivus aliquis per obligationis suæ documenta causâ cognitâ reddi debeat domino suo in servitutem, reddatur cum omnibus substantijs, uxore, & filiis suis in ratione comprehensis, vel in servitute natis.

5. Sed non reddantur filij illi, qui nati ante servitutem patris alicui serviunt, vel sibi vivunt.

6. Si aliquis in libris subditorum pro subdito alicujus descriptus à domino suo ipse, vel ejus filius aufugerit, & alicui Bojaro per obligationis documentum se in servum dederit, reddatur domino suo. Mittantur verò singulis annis Tzaris literæ in omnes civitates ad Palatinos, per quas jubeantur, nullas dare pro alienis subditis, aut eorum filiis obligationes alicui serviendi.

7. Si aliquis alicui in servum se obtulerit liberum se hominem, profitens, ab hoc, cui servitia sua obtulerit, examinetur diligenter, cujus, & qualis sit? ubi vixit? si militis alicujus, aut servi filius? si in Tzari servitijs, aut ejus tributarius? si alicujus domini subditus sit? Si hæc omnia ille negaverit, ducat eum ad Cancellariam mancipiorum, ubi similiter examinetur, & si idem responderit, dicta ejus registrentur, & detur ad serviendum obligatio, cui nomen suum, quomodò & in libris, si literas pingere noverit, inscribat.

8. Si quis post mortem domini sui in servum se alicui alij obtulerit adferens præmortui domini sui, vel ejus aulæ præfecti dimissoriales, adducatur ad Cancellariam mancipiorum, ubi examinatis cum eo dimissorialibus mandetur ei, ut obligationem novo domino serviendi

Ecc

det,

det, quam Cancellarius dimissorialibus conjunget, & manu sua sub-
gnatas omnes simul in Cancellaria conservabit, descripto in libris hoc
homine cum capillorum, & faciei coloribus, & lineamentis.

9. Si quis habens servum sibi pro servitijs obligatum, eum filio
suo obligare volens miserit ad Cancellariam mancipiorum pro nova
ejusdem erga filium suum servitutis obligatione non datis dimissoriali-
bus suis, obligatio petita non detur.

10. Si servus post domini sui mortem libertatem consecutus di-
missoriales suas alicui attulerit servitium ei suum offerens, reliquisque
apud eum dimissorialibus ad alium iverit cum eadem servitij sui obla-
tione, & obligationem suam ei dare voluerit, non permittatur; sed adi-
gatur dare eam erga illum, ad quem prius cum dimissorialibus se con-
tulit.

11. Si aliquis servus dimissum se à Domino suo dixerit, literas au-
tem dimissoriales non ostenderit, interrogetur, unde factum, quòd di-
missorialibus careat? cui serviverit? & si dominus vixerit, cur eum si-
ne dimissorialibus dimisit? si verò mortuus, an reliquerit post se ux-
orem, aut filios? si ei ab antiquo, an ex nova sua obligatione servitia præ-
stitit? si ex obligatione, ubi illa sit? & quare ipsi post mortem domini
dimissoriales non datæ? Quòd si responderit, dominum, à quo se di-
missum asserit, vivere, nemo poterit ab eo novam obligationem sine do-
mini dimissorialibus habere.

12. Sed si ejus dominus mortuus fuerit reliquis filijs, qui suppli-
ces à Tzare petant, eum sibi dari ad servitia vigore documentoru m, per
quos appareat, illum ab antiquo ad serviendum obligatum, & in libris
nulla inveniat eum erga dominum suum scripta recens obligatio, tra-
datur illis juxta petitionem, & ei, cui ille servitium suum obtulit, non
detur.

13. Si aliquis per testamentum injunxerit filijs suis, vel amicis, ut
post mortem suam servos suos manumittant, hi autem hoc non præsti-
terint volentes eos apud se diutius detinere, si illi supplicem de hoc
libellum ad Cancellariam mancipiorum dederint, mittatur ex ea Pri-
stavus, qui citet defuncti testamentarios executores ad comparandum
præsentes cum præsentibus servis, & veritate horum assertionis com-
pertâ, mandetur illis, ut his sine ulla mora manumissionis literas
dent.

14. Si quis ex permissione Divina repentina morte obierit reliquis
post se servis obligatis, quibus uxor defuncti, sive filij, sive fratres di-
missoriales literas dare recusaverint, si servi contra eos reclamaverint,
inquiratur super facto, & comperto, quòd servierunt illi demortuo ex
obligatione propria, & non ex derivata in ipsos ab antiquo, adigantur
rei conventi ad libertatem eis concedendam, & si ipsi sponte alicui ser-
vitia sua obtulerint, detur eis obligatio, etiam si dimissorialibus ca-
ruerint.

15. Si aliquis liber homo Moschuz, vel in civitatibus sponte ali-
cui servitium suum obtulerit, manseritque apud eum tanquam ejus ser-
vus perbimestre, vel circa, post quod tempus adductus ab eo in Can-
cellariam mancipiorum fuerit cum petitione, ut adstringatur ad dan-
dam obligationem servitij juxta obligationem suam, si hanc dare adduc-
tus noluerit, inquiratur quanto tempore post oblatum servitium suum
apud actorem manserit, & si infra trimestre, renunciatur liber, nulla-
que

quæ obligatio detur ; sed si supra, tunc adigatur etiam invitus domino suo servire, & obligatio desuper detur.

16. Si aliquis libet homo alicui spontè sine obligatione tanquam famulus serviens incido, vel sciente domino abierit, hic autem cupiens cum diutius in famulatu detinere eum accusabit, quod aliquid è domo abiens furto abstulerit, nulla accusatori super hoc actio detur, cum imputare sibi debeat, quod famulo crediderit, & eum apud se habuerit.

17. Si aliquis alicui non datà de se obligatione inservierit, & tempore famulatus sui se in diversis scripturis servum illius, apud quem famulatur, scripserit, & deinceps, illi ulterius servire nolens abiecit, alterique domino obligationem serviendi dederit ; antequam. verò hæc plenè perfecta fuerit, prior dominus illum convenerit, quasi sibi ex supradictis scriptis suis obligatum, non recipiatur ejus libellus, nemini enim permissum est habere servos sine eorum obligatione, & ex eo, quodd illi servum ejus se scripsit, non inducitur ipsius servitus.

18. Obligationes autem pro servitio scilicet podiacij fori usque ad crinum rubrum pro singulis, nec plus, nec minus ; Pro Tzare autem exigatur pro singulis rublis unus altinus.

19. Sed nulla servitij obligatio detur pro minoribus quindecim annis. Si quis autem falsificaverit obligationem, ventiletur causa in judicio.

20. Si aliquis acceperit ab aliquo servo obligationem in divitem plenum, & antiquum servum absque inquisitione, & dimissoriali, retradatur servus ei, cujus est obligatio antiquior.

21. Servus, qui à Domino suo ad alium aufugit servitium suum ei offerendo, unde nata inter dominos contentiones, cadatur severe knutis, ut reliqui à talibus absterreantur.

22. Si quis super aliquem absentem obligationem serviendi clam acceperit, inspiciantur libri obligationum in Cancellaria mancipiorum, & facies præfensi obligati, an cum signis in illis notatis conveniat ; quod si non, non detur ullo modo actio ; sed ejus obligatio ita sit, actor verò propter obligationem clam acceptam cadatur knutis. Mutanti verò nomen non credatur.

23. Si aliquis servus, vel subditus à domino suo aufugerit relicto patre, sive matre sua, & alteri novam servitij sui obligationem dederit, repetatur autem à domino suo, statuatur cum patre, aut matre præfens cum præfenti, & si compertum fuerit, quodd in servitute ab eis natus fuerit, reddatur domino, à quo aufugerat, & nova obligatio irritetur.

24. Sed si patrem, vel matrem, aliosque consanguineos suos abnegaverit, ipsi autem constantet testentur eum filium suum, aut consanguineum esse, inficiari autem hoc, ut à servitute se subtrahat, torturæ subijciatur : si in prima tortura confessus non fuerit, iteretur : si hanc etiam negando toletaverit, restitatur ei, cui suam dedit serviendi obligationem.

25. Si servus, vel subditus relicta uxore à Domino suo aufugerit, & in fuga aliam duxerit primà abnegatà, sive aliqua serva, aut subdita similiter de matro fecerit, procedatur cum ijs, prout supra incipite mancipiorum de hoc constitutum fuit.

26. Si

26. Si ab aliquo obligata aliqua virgo, vel vidua, vel subditi filia aufugerit, & nupserit in civitatibus limitaneis alicui militi, solvat maritus pro obligata quinquaginta rublos, pro subditi filia decem.

27. Si quis contra servum aliquem manentem produxerit obligationem ejus erga se dicens, eam in aliqua civitate in libro scriptam esse, hocquē asseratur in ipsa obligatione, cui vel Palatinus, vel aliquis alius officialis subscripserit, inspecto autem libro scripta in eo non inveniatur, qui eam produxit, non inculpetur, imò detur ei in servum nova obligatio; ille tamen, qui subscripsit obligationi, corrigatur arbitrio Tzaris.

28. Cùm in vastatione Moschorum multa de antiquis servis antiqua documenta perierint, mandatum fuit præteritis annis 7121. & 7122. à Magno Domino, & totius Russiæ Magno Duce Michaille Fedorowitz, ut domini, quibus illa perierant, hoc manifestare deberent. Si itaque in posterum aliquis aliquem sibi in servum asserere ex antiqua obligatione voluerit, documenta autem in judicio non ostenderit, sed remisit se ad suam, ut supra, manifestationem, perquiratur de ea, & inventa juxta illius tenorem justitia administretur. Si autem nullam manifestationem fecerit, sed jus suum in servum prætextum probare voluerit per inquisitionem, fiat hæc districtè, & si per eam intentionem suam probaverit, reddatur ei servus, ut in debito ab antiquo servitio in posterum apud eum perseveret.

29. Si apud aliquem Dominum ex obligatis servis vernæ nati fuerint, qui apud eum nullâ datâ de se obligatione vixerint, eam dominus ab ijs sibi dari curet. Quod si facere recusaverint, detur contra invitos, eò quod per multos annos apud illum sine obligatione permanserunt.

30. Si quis per aliquam obligationem alicui pro servo inscriptus fuerit, trahat & uxorem, si semina fuerit, trahat & maritum. Vel si alicui antiqui servi testamento legati, vel in dotem dati fuerint, similiter maritus uxorem, & uxor maritum trahat.

31. Si duo de dominio in servum in judicio contenderint ostendentes uterquē plenariè scriptam ejus obligationem, tradatur illi, qui priorem tempore habuerit.

32. Et si aliquis factus scëdistragus ex Dominio Moschovitico in aliud aufugerit, ideoquē ex mandato Tzaris, & Bojarorum consilio servis ejus dabitur libertas, isti verò servitia sua alijs dominis postmodum obligaverint, eveniente casu, quod Tzar scëdistrago delicti penam condonet, unde in patriam revertatur, nullam tamen actionem habeat revocandi ad servitium servos, ut supra, libertate donatos.

33. Si alicujus servus ductus in captivitatem fuerit in extraneam provinciam, liberatus non ampliùs domino suo ipse, nec uxor ejus, nec filij in servos tradantur. Quod si illi denuò servire voluerit, adducatur ad Cancellariam mancipiorum, ibiquē interrogetur, an sponte sua antiquo domino servire velit? Si responderit affirmativè, scribatur in antiqua ejus obligatione, quod spontè servitium ei suum denuò obligare voluerit, & exigatur ab unoquoque altius.

34. Sed si servus in extraneum dominium aufugerit, indequē quoquomodo reversus in Moschoviam fuerit, restitatur domino suo, non enim in aliena provincia captivus, sed fugitivus fuit.

35. Si aliquis servus, vel serva à domino suo aufugerit, & alij denuò servitium suum obligaverit, &, dum apud secundum dominum vivit, in captivitatem abductus, sive abducta fuerit, cum reversus, vel reversa fuerit, restituatur priori domino suo, ut serviat ei juxta suam priorem obligationem, secundo autem domino nullo modo ulterius in servitutem detur.

36. Si aliquis cujuscunque nationis captivus milicis filius in Orthodoxa Christiana fide baptizatus ad servitia Tzari præstanda non idoneus, vel ab ijs liberatus, voluerit servitia sua alicui obligare, qui eum recipit, accipiat ab eo obligationem, quam in libris describi curet in Pricas Cancellariâ.

37. Si verò hoc facere neglexerit, & servus aufugerit aliquid auferens, ipse verò ad ablatum recuperandum producat quidem illius obligationem, sed in Pricas Cancellaria non inscriptam, nulla ei actio contra fugitivum furem detur, eò quòd mandatum Tzaris de inscribenda obligatione neglexerit.

38. Si quis aliquem in judicio de mutuata aliqua pecuniarum quantitate per obligationem, aut affecurationem convenerit, reus autem debitum fassus fuerit, aut per processum condemnatus, sed non habeat, unde solvat, nequè fidejussores, qui pro eo spondeant, tradatur actori, apud eum in servitio remansurus, quoadusquè solverit.

39. Pro servitio autem suo assignentur ei singulis annis quinque rubli excomputandi à debito suo: Fœminæ verò, & virgini maturæ duo cum dimidio, filijs autem ejus decennio majoribus duos minoribus nihil, quia non laborant: Cum verò per servitia sua totum debitum solverit, restituatur in libertatem. Si verò actor mortuus fuerit debito nondum plenè extincto, serviat pro reliquo ejus filijs, qui pariter teneantur eum post integram solutionem libertati suæ restituere.

40. Si aliquis cujuscunque statûs tempore famis, vel alio quocunque servos suos alere nolens, eos è domo suâ emisit, nullis datis dimissorialibus, nec obligationibus restitutis; sed jusserit eos, ut sibi ipsi de victu interim prospiciant, recepturus denuò eos cum liberit, ideoquè nemo eos in servitium suum admittere audeat, ad talium servorum supplices preces mittant judices Cancellariæ mancipiorum pro eorum domino, & eum interrogent, an verò eos emisit? si affirmaverit addens, quod nullum in posterum jus in eos sibi reservatum velit, jubeatur huic responsioni suæ manu suâ, vel per aliquem confidentem, si scribere nesciat, subscribere. Si contumaciter hoc facere noluerit, adigatur, ut etiam coactus subscribat. Hoc peracto detur servis illis libertas cum dimissorialibus ex Cancellaria, & servire deinceps, cui voluerint, eis liceat. Non interrogato tamen, ut supra, eorum domino, libertas non detur.

41. Quòd si dominus interrogatus responderit, servorum assertionem mendacem esse, eosquè à se nunquam è domo emissos fuisse, reddantur ei servi cum mandato, ut eos alat, ne fame pereant, & nihil eis ob eorum mendacium mali inferat.

42. Si aliquis tempore famis ipse se cum uxore, vel filio, vel filia alicui ad laborandum pro victu tradiderit, susceptori autem obligationem de mutuata pecunia pro victu subministrato dederit, permanere

apud hunc debebit, quoadusque totum hoc debitum solverit, vel laborando extinxerit, computando mercedem laboris sui, & suorum juxta taxam superius scriptam.

43. Si plures apud aliquem vivant per inscriptionem, in qua nomen tantum unius scriptum fuerit cum ejus promissione manendi apud dominum usque ad mortem suam, vel aliquod aliud determinatum tempus, & huic conditioni fuerit ab omnibus contraventum, accipietur tantum ille pro transgressione inscriptionis suæ, contra reliquos verò, uxorem scilicet, & filios, nulla actio detur; sed ille juxta datam assurationem apud dominum usque ad tempus præfixum permanere teneatur, post ejus verò mortem uxor ejus, & filij eant, quò liberent.

44. Si parentes liberos suos alicui ad tempus pro operibus suis el præstandis dederint, scripto manu suâ subsignato promittentes, quòd illi non aufugient, nihilquè mali patrabunt, & hoc scriptum in Cancellaria mancipiorum registratum fuerit; vel si fidejussionem de hoc vicinis aliquis præstiterit, illi verò ante constitutum tempus aufugerint; sed dominus eos à fuga ad se retraxerit, & fidejussores pro transgressione inscriptionis, & ablati à fugitivis in judicio convenerit, hi autem ab illis aliquid ablatum negaverint, probationes verò defecerint, deveniatur ad juramentum, & pro transgressione inscriptionis nihil à fidejussoribus exigatur. Injungatur autem retractis fugitivis, ut juxta inscriptionem suam apud dominum usque ad promissum tempus laborare perseverent; sed si tales inscriptiones in libris Cancellariæ scriptæ non fuerint, nulla domino actio detur.

45. Si quis aliquem vigore assurationis in judicio convenerit, in qua scriptum fuerit, quòd illum ab executione pro aliquo debito redemerit, ideoquè promiserit, quòd vellet apud eum, & ejus filios vivere, uxorem ducere, & cum ea illi servire, tempus autem definitum non fuerit, tradatur ei totaliter in servum, quomodo ei spontè se dedit.

46. Si quis in posterum conveniet in judicio patrem, & filium, aut duos fratres, vel consanguineos pro servitijs in una eademquè obligatione sibi ab eis promissis, non audiat, rei conventi declarentur liberi ab eo, constitutum enim à Tzare est, ut obligationes servitutis accipiantur à singulis, & non à pluribus simul.

47. Sed si quis ante hanc Tzaream constitutionem tales obligationes à pluribus accepit, adducat obligatos cum obligationibus Moschæ ad mancipiorum Cancellariam, in civitatibus autem in curiam ad Præsides, ab ijsquè novas obligationes juxta hanc constitutionem sibi dari procuret, relictis antiquis in Cancellaria, vigore quarum libertas servis danda non erit.

48. Si aliquis aliquem de servis suis fugitivis in judicio convenerit, & hic negaverit, eos apud se esse, præstato desuper juramento, deinceps illi apud eum visi fuerint, ita ut actor eos capivet, corrigatur reus conventus ob falsum juramentum, prout superius in capite judiciorum scriptum est.

49. Sed si dixerit, quòd apud se quidem fuerint, sed postea aufugerint, & in aliquam civitatem se receperint, teneatur eos perquirere, ad quòd præstandum tempus ei præfigatur, cumquè eos invenerit, ducat ad Cancellariam mancipiorum, ex qua domino suo retractantur.

50. Sed si dixerit, nescire se, quò fugitivi se receperint, teneatur nihilominus de eis perquirere, ideoque assignetur ei primò tempus bimestre, & deinde quadrimestre: Quòd si intra hoc semestrem fugitivos non invenerit, detur prorogatio ad aliud semestrem, quod tamen fiat ergo illum, qui dixerit, fugitivos ad longinquas civitates se contulisse. Si verò intra trini hujus prorogati termini tempus fugitivos non præsentaverit, solvat juxta Tzaris mandatum auctori pro singulis quinquaginta rublos. Quòd si postmodum fugitivos statuer, dentur auctori, à quo solutos pro eis rublos ipse repetat.

51. Servus, qui alicui obligationem suam ei serviendi dederit, post ejus mortem non possit ulterius ab ejus filiis in servitute retineri, sed liber sit, & servitia sua, cui voluerit, in futurum obliget.

52. Si quis servum, vel servam suam vivens libertate donaverit, aut moriens testamento eum, vel eam, manumitti jusserit, præstent hoc ejus hæredes, nec in posterum filij, aut fratres, aut consanguinei ejus in eum, vel eam jus aliquod habeant.

53. Si quis apud aliquem servum captivum prehenderit, & ad mancipiorum Cancellariam adduxerit, factaque contra eum inquisitione, illum, apud quem eum prehendit, in judicio conveniit, hic autem contra servum excipiat dicens, quòd ejus dictò fidem adhibere nolit, sed ipsemet respondere velit, concedatur, sed præsentem servo. Quòd si dixerit, quòd servus pro se respondeat, faciat hoc servus, ejusque dictis in utramque partem fides adhibeatur.

54. Si quis aliquem de servis fugitivis, rebusque ab eis ablati per libellum subscriptum, vel citationis literas compellaverit, per hebdomadam autem à citationis die ad prosequendam actionem non comparuerit, vel si citatus, datis fidejussoribus, per hebdomadam respondere distulerit, procedatur cum ijs, quomodo superius in capite de judicijs statutum est.

55. Si aliquis cujuscunque conditionis homo servum de servitute debità in judicio conveniit, ostendens hujus obligationem scriptam anno 7120. vel ante, vel subsignatam manu Cancellarij, & Cancellistæ; etiamsi talium obligationum liber non extiterit, nihilominus fides ijs adhibeatur, & servus ei tradatur, tales enim obligationes scriptæ fuerunt antequam eligeretur in Tzarem, & totius Russiæ Magnam Ducem piæ memoriæ Michael Theodori.

56. Si quis aliquem ex servis fugitivis in judicio conveniit nullà factà de ab eis furto ablati mentione; sed in libello ad citandum scripserit, quòd post repertos servos de ablati ab eis actionem instituet, nulla ei postmodum detur.

57. Incola alicujus civitatis, si in ea à Præfecto, vel Præfide obligationem servitutis acceperit, irrita sit, etenim nemini Præfectorum licet hoc facere.

58. Si quis aliquem de servitute sibi ex obligatione ab eo debitam in judicium vocaverit, jubeatur servus fidejussores dare; quòd si nullos invenire possit sponsores, custodiatur apud Pristavum usque ad causæ exitum.

59. Cui inter duos litigantes de servo, vel servà hæc, vel ille per judicis sententiam adjudicabitur, restituatur servus cum uxore, si fuerit uxoratus, vel serva cum marito, si maritata fuerit.

60. Servi ab antiquo ad servitutem obligati, etiamsi divites, & medio-

mediocriter divites, & empti, aut captivi ex alijs Provincijs, assignari inter dotem poterunt uxoris, filijs, nepotibus, & pronepotibus, & testamento legari, & eorum, quibus vel in dotem, vel per testamentum dati fuerint, servi esse debebunt. Sed servi per novam obligationem, & vitalitij nec dari in dotem, nec testamento legari poterunt. Quod si aliquis hoc fecerit, detur ijs, etiam si fœminis, libertas.

61. Si aliquis antiquum servum suum sorori suæ, aut filiz in dotem dederit, hæc verò, vel illa, ex Divinâ permissione mortua fuerit, nullâ post se prole relicta, reddatur servus ei, qui eum in dotem dederat, etiam si apud novum dominum uxorem duxisset, vel, si fœmina est, nupsisset. Verumtamen juxta doctrinam Sanctorum Apostolorum, & Patrum inter virum, & uxorem divortium non fiat, sed cujus vir erit, sit & uxor.

62. Si quis servos suos obligatos testamento mandaverit, ut uxori, & filijs suis serviant, illi autem hoc facere renuerint, sed cum alio domino datâ de se obligatione convenerint, huic dentur, & antiqui domini testamentum nullius sit, quoad eos, efficaciz; etenim servi erga neminem obligantur ultra ejus mortem, postquam uxor ejus, & filij nullum in ijs jus habent, imò eos in libertatem emittere tenentur.

63. Si testator legando servum uxori, vel filijs suis dixerit, in testamento illum ab antiquo suum esse, vel per aliud, quàm per servitutis obligationem sibi obstrictum ad servitutem, hocquè sine contradictione tunc testes asseruerint, sed postea de illo inter aliquos lites orta fuerit, vel ipse à Domini sui uxore, aut liberis se in libertatem asserere voluerit, illi autem nulla habeant, præter testamentum, documenta, per quæ servi obligationem doceant, iste verò excepiat, se tantum vigore obligationis servitutis domino suo fuisse obligatum; interrogetur, ubi, & quando dedit domino suo servitutis obligationem? Hoc si dixerit, inquiratur de ea in libris obligationum, & si reperitur, & scripta sit in favorem solius testatoris, teneantur uxor ejus, & filij servo libertatem dare; sed si reperta non fuerit, tradatur legatario, ut ei juxta testamenti tenorem inserviat.

64. Servus post mortem domini sui in libertatem dimissus, si uxorem, vel filios domini sui in judicio convenire pro detentis bonis suis voluerit, non audiat.

65. Servi Bojarorum, qui præteritis annis 7141. & 7142. interfuerunt cum Dominis suis Tzari militantibus Smolenscensi oppugnationi, & in Lithuaniam, vel Poloniam captivi abducti, deindequè postliminio reversi, receptis uxoris libertatem consecuti sunt, si filios in servitute genuerunt, qui specialem servisque obligationem de se dederint, maneat apud dominos suos, prout antea, sed servi illi, qui tempore prædicto, vel ex castris aufugerunt à dominis suis ad Cosacos, vel aliò, vel inservierunt alijs dominis, & captivi facti sunt, ac deinde liberati, restituantur dominis suis ad priorem servitutem, juxta antiquas obligationes, & nunc, & in posterum fiat de talibus, quomodo superius dictum est.

66. Si servus, aut serva à domino aufugiens monasticum habitum susceperit, aut servus in fuga sua in presbyterum, aut Diaconum ordinatus fuerit, dominus verò eum captivum fecerit, volueritque

ritque ab eo ablata exigere, & ad continuationem servitij eum adstringere, audiatur in Cancellaria mancipiorum. Si probaverit obligationem ejus ad servitutem, & furtum acceptis ab eo per executionem ablatis domino reddendis, remittatur ad Patriarcham, five ad suum ordinarium, ut de eo juxta constitutionem Apostolorum, ac Sanctorum Patrum disponat.

67. Sed si talis servus fugitivus ipse ex se habitum Monasticum induerit, ac pileolo sacerdotali caput operuerit, exuatur eo, & reddatur.

68. Litواني captivi, qui à domibus Bojarorum duxerunt uxores Russas horum ab antiquo servas: vel virgines Lituanæ captivæ, quæ nupserunt ab antiquo obligatis servis, si dixerint, quodd ite in Lituaniam, non autem apud dominos, è quorum domibus uxores, vel maritos habent, manere velint, dimittantur à quocunque eorum domino cum uxoribus, vel maritis Ruthenis in servitutem obligatis in libertatem, ut vivant omnes, ubi eis libuerit. Illi verò utriusque sexûs Lituanii captivi, qui servitutis obligationem erga aliquem, antequam ad Bojaros venirent, habuerunt, si dixerint, se apud illum transire velle, reddantur illi. Sed si postea supplices preces ad libertatem obtinendam porrigere voluerint, non accipiantur, imò permaneant apud dominos suos. Quod autem ordinatum est superius, statutum sit, & in posterum pro talibus captivis Lituanis.

69. Advenæ non baptisati Mofchuz, & in alijs civitatibus habeant ad domesticos labores, & servitia advenas pariter cujuscunque fidei; Rutheni verò apud eos per obligationes, vel liberè, vel in servitute nullo modo sint. Etenim anno 7136. data notitia fuit Magno Domino Tzari, & totius Russiæ Magno Duci Michaeli Fedorowitz, ac ejus Tzareo patri piæ memoriæ Magno Domino Sanctissimo Philareto Nikitæ Mofchoviz, & totius Russiæ Patriarchæ, quodd Mofchuz, & in civitatibus Orthodoxi Christiani serviant alienis à fide, & non baptisatis advenis Germanis, apud quos in præjudicia, violationem fidel, & multas abominationes incurrunt; morientibus Patris spiritualis copia non sit, & viventes coguntur in quadragesima, alijsque jejunijs carnes comedere. Ideoque mandaverunt, omnes orthodoxos Christianos è domibus non baptisatorum advenarum esse evocandos, & quodd in posterum apud eos non sint, ne animæ Christianæ inquinentur, & sine patribus spiritualibus moriantur. Quare nunc propter hanc causam Christiani Russi advenis non baptisatis nullo modo serviant, aut in domibus eorum sint. Quodd si aliquis eorum huic constitutioni contra fecerit, corrigatur severe in aliorum exemplum.

70. Si Mofchuz, vel in civitatibus apud advenas non baptisatos fuerint advenæ pariter non baptisati empti, vel captivi in servitute, & supplices à Tzare petierint, ut liberati à dominis suis baptiscentur in orthodoxa Christiana fide, fiat; sed solvant ipsi per se singuli quindecim rublos dominis suis pro sua redemptione. Quodd si apud advenas in emptionis literis appareat, quodd eos pluris emerint, non credatur; in similibus literis enim plus scribitur, quam solvendum fuerit.

71. In civitatibus Præfecti, alijsque præsides dent obligationes servitutis manu suâ subsignatas sine sigillo, unde talia munia nescientibus literas pingere non demandentur. Quodd si in aliqua civitate Pa-

latinus, vel Præfcs scribere non est doctus, neque adeft ullus scriba, obligationes fervitutis nulli det, fed qui eas voluerit, ear ad civitates, ubi erunt Palatini scribere docti, vel scribæ, easquæ ab illis sibi dari curent.

72. Singulis annis mittant Palatini, & alij Officiales ex civitatibus Moschuam obligationum libros manu sua subſignatos, & non cum sigillo. Obligationibus verò, quas mittent ſigillatas, & non ſubſcriptas, nulla fides adhibeatur; ſed ijs tantum, quæ manu Præſecti, vel Præſidis, vel ſcribæ fuerint ſubſignatæ.

73. Si quis in Cancellaria mancipiorum inſtantiam ſecerit, ut inſcribantur in libro literæ emptionis alicujus Tartari in ſervum, quibus hic non contradicat, fiat. Sed ſi contradixerit, fiat inquiſitio, & juxta eam ſcribantur, vel non. Quòd ſi compertum fuerit, literas falſas eſſe, vel in abſentia ſcriptas, non inſcribantur, ſed circa eas ordinetur, quod juſtum erit.

74. Si à litigantibus in judicio de ſervo aliquo productæ fuerint duæ de eo datæ Moſchuæ obligationes, & in libro ambæ, diverſo quavis tempore, inſcriptæ. Servus verò, de quo diſceptatur, corporis habitum, & faciei lineamenta ſimilia ijs, quæ in altera harum obligationum deſcripta ſunt, diſſimilia autem illis, quæ in altera habuerit, tradatur in ſervitutem illi domino, qui obligationem, in qua appoſitæ ſimilitudo ejus deſcripta fuerit, produxit, etiamſi altera poſterior tempore fuerit.

75. In poſterum autem pro deciſione talium contentionum deſcribantur in ſervorum obligationibus eorum ſpecies oris, crines, & corporis habitudo, ut dominus ſervorum ſuorum phyſionomiam cognoscat, & tollantur lites.

76. Si quis antiquos ſuos, ſive emptos ſervos alicui per teſtamentum teſtibus, & ſigillo authenticum, & legitimum legaverit, illi autem à legatarijs auſugerint, & alijs dominis obligationes ſervitutis dederint, annihilentur iſtæ, & reſtituantur illi legatarijs.

77. Si quis duxerit ſervum ad mancipiorum Cancellariam, ut inſcribatur in libro obligatio, quam ille dedit ſervitutis, alius verò ſupervenerit aſſerens, deberi ſibi hunc ſervum, quia prius ſibi ſervitium ſuum obtulerat, ideoquæ munera acceperat, reiſciatur, & inſcribatur obligatio pro eo, qui ſervum duxit ad Cancellariam, alter autem ſibi imputet, quòd munera dederit ſervo ante acceptam ab eo obligationem.

78. Si actor, vel rous conventus, dum de ſervo diſceptatur, nullam ejus obligationem produxeſcit, nihilquæ aliunde probaverit, unde in cauſa ſuccubuerit; poſt ſententiam verò latam obligationem produxerit, non recipiatur, obſtat enim ei res judicata, prout in capite de judicijs dictum eſt.

79. Si quis delatus à ſerva ſua fuerit, quòd cum eâ carnaliter ſe miſcuerit, ſuſceperitquæ ab ea prolem, remittantur ambo Moſchuam ad Patriarcham, alibi ad ordinarios ſuos, ut ab ijs judicentur juxta doctrinam Apoſtolorum, & Sanctorum Patrum per interrogationem patrum ſpiritualium utriuſquæ.

80. Si alicui data fuerit ex judicio vera de aliquo ſervo litera, & deinde mortuus fuerit, teneantur uxor, & filij ejus hunc obligationem ſervum liberare, litera enim poſt mortem ejus, cui data fuit, perdidit

perdidit omnem efficaciam suam, uxorquē ejus, & filij nullum per eam jus in servo sibi vindicare queunt.

81. Sed si vera litera data fuerit de antiquo, vel empto servo, hic etiam uxori ejus, & filiis erit obligatus.

82. Si quis apud parentum dominum in obligata servitute natus, factus adultus, relictis parentibus aufugerit, & obligationem servitutis alicui dederit, restituatur parentum domino, à quo aufugit, nihil enim juris in eo habet ille, cui postremò se obligavit.

83. Si aliquis antiquus, vel obligatus servus post duciam in domino domini sui uxorem aufugerit eā relictā, & aliam superinduxerit. Postea verò vel ipse spontè ad dominum suum, & primam uxorem suam redierit, vel dominus eum captivum fecerit, serviat ei cum prima uxore sua juxta suam obligationem, vel antiqui servitij debitum; secunda verò uxor remaneat apud dominum, apud quem fugitivo nupsit. Quod si durante ejus fugā prima ejus uxor satis concesserit, reddatur domino suo cum ista secunda uxore. Et quod dictum est de masculo, intelligatur statutum & de femina serva, quæ relicto marito aufugerit.

84. Si alicujus servus mulierem liberam duxerit, hæcquē post mariti mortem à domino aufugerit, aliquē domino servitutis obligationem de se dederit, ad instantiam primi domini ei retradatur annihilatā posteriori obligatione. Quod si apud secundum dominum, alicui nupsisset, tradatur cum ea etiam maritus.

85. Si aliquis obligatum servum habuerit, qui uxoris suæ, vel filij obligatam servam viduam, vel virginem duxerit, post mortem domini tradatur in servitutem servus uxori ejus, vel filio, cujus erit serva, quam duxit, si verò mortua fuerit uxor, vel filius superflite marito, vel patre, serva tradatur huic in servitutem.

86. Servus antiquus, sive obligatus, qui à domino aufugiens in fuga uxorem duxerit, ex eāquē filios susceperit, & deinde alicui se obligaverit in servitutem specificè cum his filiis suis fugæ tempore genitis, si à primo domino præhensus, & juxta antiquæ, vel obligatæ servitutis probationes ei retradendus fuerit, tradantur cum eo etiam ejus uxor, & filij.

87. Si quis fugitivum servum non adhibito pristavo præhenderit, ducat eum ad Cancellariam cum omnibus, quæ secum habuerit, & de eo agat contra illum, apud quem in fuga mansit; quòd si ex probationibus necessitas resultabit retradendi ei fugitivum, retradatur cum uxore, & filiis, & omnibus bonis, quæ habuit, cum ad secundum dominum venit, super quibus si aliqua inter hunc, & primum dominum lis orta fuerit, à judicibus dirimatur, facto desuper secundum justitiam decreto.

88. Si ab aliquo domino servi antiqui, vel obligati, vel empti, vel extranei captivi aufugerint, dominus autem remunerationem promiserit cuicunque, qui eos præhenderit, & aliquis sub hac promissione eos à se præhensos ad eum adduxerit, teneatur dominus huic solvere sine ulla tergiversatione quicquid promiserat, & insuper pro expensis victus præhensorum duas dengas pro singulis in singulos dies.

89. Si verò aliquis fugitivos præhensos domino non reddiderit; sed eos in laboribus apud se detinuerit, & per judicalem processum ad instantiam domini hoc verum esse compertum fuerit, auferantur

ferantur ab eo fugitivi, & domino retradantur, cui ipse insuper solvere teneatur pro singulis septem copicos in singulas hebdomadas, quibus eos in laboribus detinuit.

90. Si quis adducens alicui aliquem ad serviendum fidejussit pro eo, quod probè, & rectè se geret, non furabitur, nec quicquam mali faciet, & de hac sponfione sua literas dederit, eveniat autem, ut ille mali aliquid patret, & aufugiat, unde dominus ejus agat contra fidejussorem pro illo, & rebus ab eo furto ablatiis, & omnibus damnis datis, fidejussor verò contra sponfionis suæ literas nihil exceperit, mandetur ei, ut fugitivum perquirat, assignato termino, intra quem eum in judicio statuet. Hoc elapso detur secundus terminus, & post hunc tertius, sicuti superius constitutum est. Et si elapsus etiam iste tertius terminus fuerit, & fidejussor fugitivum in judicio non statuerit, solvat auctori quinquaginta rublos, & ablata à fugitivo, damnaquæ data juxta probationes, & sententiam.

91. Domino, cui fugitivus servus de jure retradicus fuerit, ferri mandetur, ne eum occidat, aut fame interire faciat.

92. Si aliquis fugitivum servum suum apud aliquem cum vestimentis suis præhensum in Cancellariam adduxerit dicendo, quod cum vestibus multa aliâ furto abstulerit, servus verò de vestibus confessus, reliquum negaverit. Ille autem, apud quem confugerat, dixerit, quod servus servitium suum ei obtulerit liberum hominem se professus, & vestes quidem habuerit, quas ipse non curet; sed nihil insuper bonorum apud eum se vidisse, reddantur vestes auctori, & de reliquo fiat processus, & secundum acta, & probata sententia feratur.

93. Si controversia inter aliquos de se servo fugitivo fuerit, unde iste datus fuerit Pristavo custodiendus usque ad litem decisionem, cum per sententiam domino suo reddetur, is, qui in causa succuberit, solvat Pristavo tres denarios pro compedibus, & quatuor pro victu servi in singulos dies.

94. Si litigantes de aliquo servo decisionem litem concorditer duxerint dictis illorum, qui intra decem millia passuum circa suas possessiones habitant; cum autem ad locum Commissarij ad inquirendum destinati pervenerint, 20. vel 30. homines ad testificandum compa-ruerint, & partes asseruerint, præter hos, intra spatium supradictum neminem habitare, accipiat hæc inquisitio pro universalis, & his paucis hominibus fides adhibeatur.

95. Si inter litigantes de servis, & rebus ab eis ablatiis necessitas fuerit ad juramentum devenire, & siue actor, siue reus, qui illud præstare debet, per servum suum, quem in judicio nominabit, præstari voluerit: Deinde dixerit, hunc aufugisse, vel mortuum esse, & loco ejus alterum pariter servum suum ad jurandum substituerit. Adversa verò pars exceperit contra hunc servum, quod ei non credat, sed alij pariter ejus servo, quem nominabit, non audiat, sed juret ille, qui à debente juramentum præstare ad jurandum adductus fuerit.

96. Illis, qui Tartaros emptos baptisatos, & deinde ab eis in libro inscribendos in Cancellariam adducunt, nulla detur de eis servitutis obligatio, sed asserantur in libertatem; etenim per mandatum, Tzaris nemini licet baptisatos homines vendere.

97. Si

97. Si quis empcum Tartarum captivum sibi donatum ad Cancellariam mancipiorum cum donationis literis adduxerit, ut sibi inscribatur, fiat, registratis in libro donationis literis.

98. Si quis juxta emptionis, vel donationis literas Tartaros ad sibi pro mancipijs inscribendos in Cancellariam adductos dixerit, quod empti apud Tanain, vel in civitatibus fuerint, sive etiam ipsemet eos captivos fecerit, inscribantur in libro.

99. Si aliquis habens servos Tartaros recenter baptizatos, quos, dum emit, uxori & filijs suis non inscripserit, sed tantum sibi, mortuus fuerit intestatus, vel si testamentum condidit, eos nemioi legaverit, uxorquē, & filij eos liberare noluerint, eò quod mancipia empta sint; isti verò supplices à Tzare petierint in libertatem asseri, adducentes se uxori, & filijs demortui domini nullo modo esse obligatos, eò quod neque in emptionis literis, neque per testamentum dominus eos ipsis inscripserit, aut legaverit; nihilominus remaneant apud uxorem, & filios defuncti, multi enim servos emunt ante nuptias suas, si quis autem tales servos emerit, eos pro se tantum inscribi curet, non enim convenit, ut empti servi pro uxore, & filijs inscribantur.

100. Si quis de servo cum aliquo licem habens produxerit aliquod documentum, per quod appareat, quod avus suus illum emerit nullà factà de filijs, aut nepotibus, aut pronepotibus mentione; reus verò conventus ostenderit servi novam ex Cancellaria obligationem, remaneat servus apud hunc, & non tradatur actori, qui eum ex documento avito, in quo de ipso nulla mentio, retrahere injustè prætendit.

101. Si quis servum præhenderit tanquam sibi de servitute obligatum, eumquē apud Pristavum custodiendum reliquerit, nullà deinceps contra eum actione intentatà, solvat Pristavo pro compedibus, & servi victu juxta superius constitutum.

102. Si quis aliquem tanquam servum suum in judicio convenerit, & ad probandam intentionem suam antiquam obligationem ante vastationem Moschoviticam scriptam, manuquē Cancellarij, vel alicujus in civitatibus officialis subsignatam ostenderit, libri autem, in quibus inscripta fuit, non extiterint, & podiacij, ac testes in ea subscripti mortui fuerint, inquiratur, an aliqua similis obligatio prætò sit? hanc inventà, fiat inter eas comparatio, & si ambz ab uno eodemquē officiali obsignatz fuerint, & caracter similis apparuerit, fides productz ab actore obligationi habeatur.

103. Si aliquis liber homo servitia sua alicui Protopopo, vel Protodiacono, vel alij Ecclesiz Præposito, vel Monasterij alicujus famulus obligare voluerit, detur eis obligatio ad constitutum tempus, in perpetuum autem nullo modo.

104. Quod fiat etiam erga servos alicui domino obligatos, si alius quis liber homo eis servitia sua obligare voluerit. Si verò obligatis servis alicujus liberi hominis de servitute in perpetuum præteritis annis data fuerit obligatio, annihiletur, & irriteretur, prout anno 7143. mandatum fuit.

105. Si quis moriens filij sui servis libertatem legaverit, teneatur filius obedire, eisquē literas dimissionis à servitio dare cum plenaria libertate.

106. Si præteritis annis usque ad vigesimam sextam Augusti diem, anni 7148. obligationes aliquæ, & obligationum libri ex civitatibus

Moschuam missi fuerint, quibus nullus officialium subscripserit, sed de quibus nulla querela Tzari porrecta, & nulla lis orta fuerit, fides ipsi adhibeatur, subignenturquæ tam hi, quàm illæ per Cancellarium.

107. Si inter duos de servo controversia fuerit asserente altero, esse eum antiquum servum suum, altero autem excipiente, eum sibi servum esse obligatum, uterque autem eum diverso nomine, & cognomine vocaverit, & alteruter litigantium provocaverit ad testimonium multorum in universum, statuatur servus coràm his testibus, & si dixerint, quod eum ab antiquo noverint alicujus ex litigantibus servum, antiquum fuisse, tradatur illi. Si autem, quod eum à decem, vel viginti annis apud illum in servitio viderint, nescire se tamen, an illius servus antiquus sit, inspiciatur tempus obligationis ab altera partium productæ; & si ante hoc servus à testibus visus fuerit apud hujus adversarium, tradatur ei tanquam servus antiquus, sed si post, deur ei, ejus est obligatio, tanquam servus obligatus.

108. Sed si alterutra partium provocaverit ad communem famam, vel ad universale testimonium testium in longinquis regionibus, puta in Sibiria, vel Astracani habitantium, adversarius autem exceperit, quod solum moram respiciens ad gentes tam longè distitas decisionem causæ remiserit, non mittantur eò propter hoc Tzaris literæ, sed dirimatur quæstio secundum justitiam, & mora omnis abscindatur.

109. Si quis ante hanc Tzaream constitutionem servum suum fugitivum apud aliquem præhensum in Cancellaria adduxit, ab eoquæ per longum tempus servitium non exegit, servus vigore hujus novæ Tzareæ constitutionis restituatur ei, apud quem illum prior dominus præhenderat, qui imputare sibi debet negligentiam suam in exigendo ab eo servitium. In posterum autem nemo in fervorum actione, nisi causâ cognitâ, condemnatur.

110. Si aliquis adduxerit in Cancellariam mancipiorum præhensum à se servum, quem esse dixerit alicujus domini in servitijs Tzaris in longinquis regionibus, puta in Sibiria, aut Astracani, sive alibi degentis, apud quem servitutis obligatio sit, & ipse absente domino contra servum agere noluerit, reddatur servus ei, apud quem præhenusus fuit, usquæ ad domini ejus reditum, promittatquæ is scripto manu suâ subsignato, quod eum in judicio tempore debito statuet. Si verò eum apud se habere noluerit, tradatur ejus adductor sub fidejussione. Quod si is fidejussores non habuerit, detur Pristavo in custodiam. Alere autem eum debet ille, qui eum præhendit, vel alter, apud quem præhenusus fuit; quod si neuter eorum præstiterit, alat eum Pristavus, & deinde exigat expensas pro victu, & mercedem pro compedibus ab eo, qui in causa succubuerit.

111. Si aliquis possessionatus, sive patrimoniatu à subdito suo, vel ejus filio, aut à subdita, vel ejus filia obligationem servitutis acceperit, obligatus autem, vel obligata ab eo aufergerit, & alicui alijs similem de se obligationem dederit, apud quem prior dominus illum, vel illam præhenderit, secundus verò exceperit contra illum, quod obligationem à subdito suo in concessu acceperit, ideoquæ in suo jure acquisito per legitimam servi obligationem manuteneri petierit, restituatur quidem servus domino suo priori, non in servitutum, sed in subjectionem. Ille verò ob transgressionem Tzareæ mandati, quo pro-

hibentur

hibentur domini subditos suos in servos sibi obligare, corrigatur ad arbitrium Tzaris.

112. Si aliquis obligatus servus à domino suo aufugerit, & alij obligationem servitutis dederit. Deinceps hoc relicto ad priorem dominum suum reversus fuerit, cui usque ad mortem serviverit. Post ejus verò mortem transmissio secundo domino tertium sibi elegerit, cui datà obligatione servitium suum promiserit, valeat hæc obligatio, utpote data ab homine post domini sui mortem libero, & servus hujus sit. Obligatio verò, quam dedit secundo vivente verò domino suo irrita sit.

113. Si ab aliquo domino servus aufugerit, ab altero autem serva, ambo obligati, vel antiqui, vel alter eorum tantum obligatus, in fuga autem per matrimonium inter se initum jam conjuncti à dominis suis prænati fuerint, quorum alter servum, alter verò servam sibi reddi insistent, mittatur fors, & is, cui faverit, habeat utrumque, refundat tamen alteri pro servo, vel serva decem rublos, sed non ideo hos servos dicat emptos, imò tantummodò obligatos.

114. Si aliquis tributarius in Cancellariam mancipiorum obligationem filij sui, vel fratris, vel agnati pro famulatu ad plures annos erga aliquem cujuscunque status hominem non tributarium attulerit, inscribaturque ad quinque annos, & non ultra.

115. Præterito anno 7132. mandavit pie memorie Magnus Dominus Tzar, & totius Russiæ Magnus Dux Michael Fedorowitz, ut sive Astracani, sive in Sibiria nemo Tartaros, sive eorum utriusque sexus liberos emere, aut dono accipere, aut baptizare, & in Russiam adducere audeat. Nunc verò Magnus Dominus Tzar, & totius Russiæ Magnus Dux Alexius Michailowitz concessit omnibus, exceptis Palatinis, & officialibus suis in Sibiria, & Regno Astracani, ut tales Tartaros ad libitum emere, sicut antiquis temporibus, possint, & si aliquis Tartarus adducatur ad inscriptionem in libro vigore emptionis, aut donationis, describatur in libris cum omnibus faciei, & crinium notis, & lineamentis, & habitudine corporis, & detur ex eis extractus manu Cancellarij subsignatus ei, qui illum ad inscribendum adduxit.

116. Si quis in Regno Astracanensi, vel in Sibiria Tartaros, vel eorum filios furto ab aliquo abstulerit, vel violentus rapuerit, verificato per inquisitionem delicto, severe corrigatur. Tartari verò, si non fuerint baptisati, reddantur eis, à quibus ablati, vel erepti fuerint; sed si eos baptisaverint, retineant, solvendo illis, à quibus eos furto, vel vi eriperunt, pretium eorum juxta communem majoris notæ estimationem.

117. Omnes verò causæ ad servos quomodocunque spectantes, quæ in quibuscunque Cancellarijs quocunque modo per Tzareum mandatum, & Bojarorum consilium ante hanc constitutionem finitæ fuerint, ratæ, & firmæ permaneant, nec in posterum ullo modo reassumi, aut iterum in judicium deduci queant.

CAPUT XXI.

De Latrocinij & Furtis.

1. **L**atrocinia, homicidia, & furta, quæ in districtu Moschuenſi, alijsquæ, in civitatibus, & suburbij Moschovitici Dominij commissa fuerint, deferantur ad latronum Cancellariam.
2. Quæ verò Moschuæ, ad Cancellariam terrestrem.
3. De his autem criminibus judicialiter cognoscere in civitatibus ad solos Consules, & advocatos pertinet, non verò ad Palatinos, sed ubi illi deficiunt, ad istos.
4. Idè in civitatibus ad consulatûs munus adſciſcendi erunt Nobiles commendatæ probitatis, ob senectam, aut vulnera emeriti, vel militaria servitia per vicarios filios, aut agnatos Tzari præstantes, & & qui literas calleant; nam carentes hæc qualitate nullo modo in Consules eligi poterunt. In illis verò civitatibus, ubi nullius nobilis copia haberi poterit, assumantur ad Consulatûm nobilium filij, ijsdem, ut supra, qualitatibus ornati. Eligendorum autem Consulûm facultas sit in civitatibus apud Nobiles, filios Nobilium, cives, & alios principales cujuscunque conditionis homines in districtu habitantes. Electionis verò diploma ab electoribus subscriptum mittendum erit Moschuam in Cancellariam latrociniorum, ad quem Consules adducuntur ad præstandum juramentum juxta formam ibi descriptam. Post quod prælitum remittentur ad exercitium muneris sui cum instructione à Cancellarijs subscripta, per quam doceantur, quomodo de latrocinij, & furtis cognoscere debeant. Consulibus adjungendi erunt jurati homines, & scribæ, dandique custodes carcerum, omnes à supradictis Consulibus electoribus eligendi, qui juramentum pariter præstare debebunt, juxta formam ex Cancellaria latrociniorum in omnes civitates mittendam à Cancellario subscriptam, coràm Consulibus, ad quos à Palatinis erunt adducendi.
5. Districtè Consulibus injungatur, & seriò mandetur, ut attentè vigilantia contra fures, & latrones inquirent, nec ullo modo permittant, eos in suis jurisdictionibus nidificare, aut per eas vagari.
6. Si Consules & eorum jurati, & scribæ accusati fuerint de conniventia cum latronibus, causa in Cancellaria latrociniorum cognoscatur.
7. Sed si accusatio fuerit de odio, aut amore Consulis erga aliquem latrociniaj, aut furti delatum, delegetur causa alterius Civitatis Consuli.
8. Furi, vel latroni in curiam adducto, si adductorem, vel ejus famulos, aut subditos furti, vel latrocinij, vel cujuscunque maleficii culpaverit, fides nulla adhibeatur, ut unusquisque à calumniarum metu securus fures, & latrones infestet, & in curiam adducat.
9. Fur de furto convictus interrogetur per torturam de alijs in genere furtis, & homicidijs. Si nulla alia confessus fuerit, pro primi furti sui poenâ cadatur knutis, abscondatur ejus auris sinistra, & datis ejus bonis in perpetuum accusatoribus in carceres ad biennium

nium tradatur, ex quibus nunquam exeat, nisi compeditus ad labores, quo Tzar iusserit, ducendus. Expleto autem biennio deportetur in aliquam civitatem limitaneam ad Tzaris arbitrium, præstaturus ibi servitiâ, quibus erit idoneus, datis tamen ei prius literis Cancellarij manu subsignatis, per quas constat de exactâ ab eo per biennalem carcerem furti poenâ, & suâ dimissione.

10. Si postmodum secundum commiserit furtum, denuò torqueatur, & si nulla alia confessus fuerit, nullumquè homicidium, cædatur knutis, abscindatur ejus auris dextera, & quadriennali carcere maceretur, procedaturquè in reliquis omnibus cum eo, quomodò superius de primo furto ejus statutum est.

11. Crumenarum sectores eisdem poenâ puniantur, quæ superius furibus pro primo furto est constituta.

12. Fur, qui de tertio, aut quarto furto, vel pluribus convictus fuerit, quæstione adhibita super adhuc pluribus, & super homicidijs interrogetur, & licet nihil confessus fuerit, mortis poenam luat, bonaquè ejus accusatoribus in perpetuum tradantur.

13. Fur, si in primo furto perpetraverit homicidium, morte puniatur, ejusquè bona Ecclesiæ tradantur.

14. Si quis aliquid ab Ecclesijs furatus fuerit, sine ulla misericordia moriatur, ejusquè bona Ecclesiæ tradantur.

15. Cùmquè Moschuz, & in civitatibus sint, qui chartis lusorij, aut tesseriis ludant, & jacturam resarcire volentes domos alienas furtivi evacuent, plateas civitatis infideant, pertranseunt adorianitur, pileos ab eis vi auferant, eos spoliunt, & cultris interficiant, proclametur Moschuz, & in civitatibus à præconibus per multos dies, ut omnes & singuli, cujuscunque conditionis fuerint, tales fures, ubicunque apparuerint, præhendant, & ad Cancellariam adducant, indictâ loco multæ hoc (si præstare poterunt) negligentibus dimidij rubli pro singulis non præhensis malefactoribus solutione. De furibus verò ab ijs ad Cancellariam adductis fiat districta inquisitio, & comperto, quòd pictis chartis, & tesseriis ludere consueverint, cæteraquè supradicta patnaverint, puniantur juxta superius constitutum de furibus.

16. Latro præhensus quæstioni subijciatur, si alia latrocinia confessus non fuerit, neminemquè unquam à se occisum dixerit, abscindatur ei auris dextera, bonisquè ejus accusatori in perpetuum traditis conijciatur in carcerem ad triennium, à quo nunquam exeat nisi compeditus jussu Tzaris ad laborandum, & triennio expleto fiat de eo in omnibus, quomodo superius de furibus pro primo furto constitutum est.

17. Si verò denuò quis latrocinatus fuerit, torqueatur in genere super alijs latrocinij, & si in torturâ duo latrocinia à se commissa confessus fuerit, etiamsi nullum homicidium intervenit, poenam mortis subeat, ejusquè bona accusatori in perpetuum dentur.

18. Si latronum aliquis in quæstione aliquem socium latrocinij nominaverit eum culpando, quòd conjunctim semel latrocinatus cum ipso fuerit, & in latrocinio homicidium commiserint, sive domos, aut fruges incenderint, rei bujus latrocinij, quamvis primi, moriantur.

19. Jubeantur per Tzareas literas civitates omnes proclamare per præcones in omnibus suburbijs, districtibus, villis, pagis, & nundinis,

dinis, quòd si comparuerint homines abscissis auribus, & scriptam suam ex carceribus dimissionem non ostenderit, eos præhendant, & in civitates ad Palatinos, aut Advocatos, vel Consules adducant, qui eos examinent, & Tzarem consulant, quid de ipsi fieri mandet, ipsi interim usque ad Tzaris mandatum in carceribus custoditis.

20. Si quis autem tales homines celaverit, eosquæ ad Palatinos, aliosquæ officiales non adduxerit, delatus & reus repertus solvat rublos decem, ut alij discant furibus, & latronibus receptum negare.

21. A latronibus, qui in tortura multa latrocinia, homicidia, & incendia morte puniendi falsi alios nominaverint horum criminum socios; sed absentes, differatur exactio pœnæ, donec rei præhensi fuerint, si hoc intra semestre obtineri potuerit, ultra semestre enim nullo modo erit differenda, ne ansa eis detur innocuos in locos criminis vocandi, ut imminentem mortem à se repellant.

22. Bona surum, & latronum dentur accusatoribus in solum pro compensatione damni accepti: si non suffecerint, exigatur reliquum ab ipsis, à quibus iudices post inquisitionem exigendum esse judicaverint.

23. Si latro in tortura latrocinia à se cum socijs suis commissæ confessus quicquid latrocinando abstulerit specificè narraverit, nihilquæ ultra se abstulisse dixerit, hoc tantum, & nihil supra, ejus accusatores ab eo poterunt exigere.

24. Si verò dixerit, oblitum se esse, quid ipse, & socij abstulerint, exigant ab eo accusatores quartam partem quantitatæ in libello accusationis petitz.

25. Sed si narraverit specificè ablata, de reliquis autem, quæ accusatores repetunt, non recordari se dixerit, quis quid acceperit, exigant ab eo integrè, quicquid se cum socijs abstulisse specificè confessus fuerit, & de reliquis partem quartam, ut supra.

26. Si postquam satisfactum fuerit accusatori, aliquid ex latronis bonis supererit, cedat Tzareo fisco.

27. Si verò latronis bona pro satisfactione accusatoris non suffecerint, nullum nihilominus haberi poterit pro defectu ad alia aliorum latronum bona recursum.

28. Si quis pro latrone præhensus, & torturæ admotus nihil de latrocinio confessus fuerit, fiat de ejus vita, & moribus districta inquisitio, & si contra eum deposuerint, quòd latro sit, & facinorosus, torturæ denuò subijciatur, & si neque tunc aliquid de se confessus fuerit, condemnatur ad knutos in carcere juxta gravitatem indiciorum ex processu contra eum resultantium.

29. Sed si testes dixerint, eum esse hominem probum, nulloquæ scelere, quòd sciant, contaminatum, post inquisitionem, & torturam det fidejussores probos, & honestos, & vel eosdem, qui pro eo testificati fuerint, qui spondeant, quòd nullum in posterum surtum, aut latrocinium perpetrabit.

30. Si quis aliquem cum re furto ablata coràm iudice adduxerit dicens illam suam, deinde verò per duas hebdomadas causam profecutus non fuerit, cadat juxta Tzaris mandatum ab hac actione omninò. Sed si illam ad consanguineum, vel amicum suum tunc absentem spectare asseruerit, unde antequam huic significetur, fieri

non

non poterit, ut causa expediatur, assignetur adductori juxta Tzar. ream constitutionem certus terminus, intra quem principalem suam ad agendum statuat. Hoc elapso, si is non comparuerit, liberetur adductus cum re, quam furto ablatam adductor dixerat.

31. Si accusator cum latrone, vel cum adducto cum re furto ablata non expectata judicis sententia transegerit, & transactionis documentum in Cancellariam attulerit, non recipiatur, sed proferatur sententia contra reum juxta constitutiones, & ejus delictum, & accusator mulsetur pecuniaria poena juxta quantitatem furti, ut addiscat non transigere cum latrone.

32. Si fur, aut latro torturæ subijciendus fuerit, fiat statim nullo habito respectu dierum ad commemorationem alicujus Tzaris, sive Sancti dicatorum, etenim malefactores illi Orthodoxos Christianos festivis diebus occidunt, martiris afficiunt, & coneremant.

33. Si aliquis fur, aut latro, dum juxta dispositionem superius scriptæ constitutionis in carcere per semestrem detinetur, aliquem socium malefactorum suorum nominaverit, de quo nihil à principio, nec in quaestione dixerat, fides ei non habeatur, ne innocuis hominibus tales nequam nocere possint.

34. Fures, aut latrones, qui ultimo supplicio afficiendi erunt, sint in carceribus in hypocausto per sex hebdomadas, ut conscientiam suam examinare queant, hoc termino elapso ducantur.

35. Si prevalente contra aliquem mala tamà facta fuerit de ejus vita, & moribus inquisitio, per quam resultaverit, cum pro fure, vel latrone haberi, præhendatur, & quicquid habet in ædibus suis describatur, mandeturque vicinis, & cohabitantibus, ut illud omne sub fidejussione custodiant usque ad finem causæ. Ille verò torturæ admoveatur, & si furta, & latrocinia à se commissa nominatis sociis criminis confessus fuerit, præhendantur & isti, bonaque eorum omnia in ædibus descripta custodiantur, ut supra. Confrontatio deinde fiat, & si tortus aliquem ex ijs agnoverit, confirmaveritque præsens contra præsentem, quod prius contra absentem in quaestione dixerat, iste autem petierit, ut de vita sua, & motibus inquiratur, tradatur Pristavo ad custodiam, & fiat de eo universalis inquisitio. Si testes eum improbum, hominem esse deposuerint, torqueatur, & si furta, aut latrocinia à se, & socijs perpetrata confessus fuerit, procedatur contra eum, & ejus accusatorem juxta superius scriptam constitutionem, bonaque eorum vendantur pro satisfactione illorum, qui pereorum furta, & latrocinia damnum passi eos accusaverant.

36. Si verò testes in inquisitione eum probum hominem esse dixerint, præstet fidejussores, qui pro ipso spondeant cum inscriptione eorum, qui ad ejus favorem testificati fuerint, quod in posterum non latrocinabitur, nec furabitur, nec suribus, aut latronibus, aut rebus ab illis furto, vel vi ablatis receptum dabit, nec mala ulla perpetrabit, & si necessitas venerit, eum in judicio stauent, & exigatur ab eo satisfactio pro damnis accusatoris, reddanturque ipsi bona sua. Et si accusatus fuerit de latrocinio, in inquisitione autem testes hoc de eo retinuerint, torqueatur, & fiat de eo secundum justitiæ exigentiam, & de testibus secundum illud, quod superius capite de judicijs constitutum fuit.

37. Si quis diffamatus, & sub fidejussione vivens furtum commiserit,

ferit, præhendatur, & puniatur juxta condignum, fidejussores verò solvant omne damnum ab eo furto suo accusatori illatum.

38. Si quis tortus aliquem socium latrocinij, aut furti à se commissi nominaverit, & captum in confrontatione agnoverit, & contra eum in suo dicto perstiterit, hic autem, cum vagabundus sit, & nullibi habeat fixum domicilium, pro inquisitione de vita, & moribus non institerit dicens, se nemini notum, torqueatur, & si furatum se, aut latrocinatum fuisse ob paupertatem confessus fuerit, ultimo supplicio nihilominus afficiatur, si negaverit, fidejussores statuat, qui pro ipso spondeant cum inscriptione. Quòd si hos non habuerit, tradatur in carcerem ibi custodiendus usquequò eos invenerit.

39. Si tres, aut quatuor, vel plures furti, aut latrocinij alicujus correi quæstioni adhibiti culpaverint homines bonæ famæ Nobiles, sive mercatores in talibus facinoribus nunquam deprehensos, neque ullà notà inustus: hi autem pro inquisitione de vita, & moribus institerint, concedatur. Si testes eos homines probos esse deposuerint, jubentur fidejussores præstare, qui pro ipsis spondeant, bona autem eis reddantur, nullà ex ijs detractà pro accusatoris damnis satisfactione. Sed si testes eos malos dixerint, torqueantur, & si furta, aut latrocinia à se commissà fassi fuerint, ultimo supplicio afficiantur, & bona eorum vendantur pro refectione damnorum accusatoris. Diffamati autem homines in furto, aut latrocinio bis, & ter acriter torqueantur.

40. Sed si correi latrocinij, aut furti culpaverint aliquem pro ipsis intercedentem, torqueatur iste nullà ei concessà inquisitione, & procedatur cum eo secundum justitiæ diclamina.

41. Veruntamen si præter correorum accusationem accesserit etiam diffamatio ex dictis testium in inquisitione de vita, & moribus deponentibus, quòd homo facinorosus sit, etiamsi in quæstione confessio delicti ab ei extorqueri nequiverit, nihilominus ultimo supplicio afficiatur, & bona ejus dentur accusatori in satisfactionem damni.

42. Si aliquis à latrone in tortura de societate criminis culpatus ad inquisitionem de vita, & moribus provocaverit, in ea autem dimidia testium pars eum virum probum esse dixerit, reliqua malum, torqueatur, & si nihil confessus fuerit, præstet fidejussores, qui pro ipso spondeant cum inscriptione eorundem testium, qui ad ejus favorem deposuerunt, & solvat accusatori damnum à latrone illi datum. Si verò pars testium asserentium eum esse malum hominem aliam numero, puta quindecim, vel viginti, superaverit, prævaleat, & reus torqueatur acriter. Sed si nihil fassus fuerit, tradatur in carcerem usque ad Tzaris mandatum, & ejus bona dentur accusatori pro damno furti, aut latrocinij. Si verò deinceps de latrocinio infamatus fuerit, ultimo supplicio afficiatur, & qui eum dixerant probum, corrigantur juxta constitutum in capite de judicijs.

43. Si aliquis à duobus, vel tribus latronibus de societate criminis culpatus, ideoquè tortus nihil confessus fuerit, & ad inquisitionem de vita, & moribus provocaverit, decernatur ei hæc, sed si testes in examine dixerint, quòd eum non noverint, aut quod nesciant, sed an probus, vel improbus homo sit, ignorent, conjiciatur in carceres quoadusquè Tzar mandaverit, quid de eo statuendum sit, & bona ejus vendantur pro satisfactione accusatoris.

44. Si latro aliquis aliquem socium criminis nominaverit in confrontatione.

frontatione verò hoc non confirmaverit, illumquè inter alios multos non agnoverit, five agnitionem excusare conatus fuerit, torqueatur latro acriter ad eruendam ab eo veritatem, an non ex collusione eum. haud agnosce, aut excusare voluerit? Et si dixerit, quòd falsò eum culpaverat, tradatur culpatus Pristavo ab eo custodiendus, usque quò facta fuerit de ejus vita, & moribus inquisitio. Si testes in ea dixerint, eum malum hominem esse, torqueatur, & si corream se latrocinij confessus fuerit, ultimo supplicio afficiatur; si negaverit, tradatur in carcerem usque ad Tzaris de eo decretum. Si verò latro dixerit, quòd hunc hominem excusare ex collusione voluerit, prahendantur hujus collusionis internuncij, & cum latrone confrontentur, & districtè desuper inquiratur, & veritate compertà, cedantur knutis, solvant accusatori damnum à latrone illatum, sed si per inquisitionem collusionis ministri non apparuerint, dimittantur, nullà eis pœna interrogatà.

45. Si latro, aut fur alicujus servum, aut famulum socium. criminis nominaverit, hujus autem dominus culpatum penes se esse dixerit, sed eum coràm judice non statuerit, solvat ipse accusatori damnum à latrone, vel iure illatum, & fidejussores dare adigatur, qui spondeant, quòd intra terminum ei à judice præfixum culpatum præsentabit in judicio ad confrontationem cum culpante. Culpatus verò, cùm à domino suo præsentabitur, cum hoc confrontetur, & fabricato processu sententia de eo juxta constitutiones proferatur.

46. Sed si dominus servum apud se esse negaverit, & petierit de hoc inquiri, fiat: si testes examinati dixerint, culpatum apud eum fuisse, procedatur cum eo in omnibus, prout superius dictum. est. Si dixerint non fuisse, nihil teneatur solvere accusatori.

47. Si latro aliquem Nobilem, aut Cancellariæ alicujus Præsidem, aut Nobilis filium, ejusquè servos, aut famulos, aut subditos socios criminis nominaverit, prahendantur omnes, eorumquè domus, & bona omnia descripta sigillantur. Omnes autem cum latrone confrontentur, & super correitate districtè inquiratur. Quòd si necesse fuerit ad torturam devenire, incipiat à servis, vel famulis, vel subditis. Si isti etiam dominum de latrocinio culpaverint, tunc ille etiam torturæ subijciatur, & procedatur in reliquis cum eo, quomodo de alijs latronibus constitutum fuit.

48. Si verò Nobilis aliquis, aut Cancellariæ Præses, aut Nobilis filius, servos, aut famulos, aut subditos suos coràm judice adduxerit, eos fures, aut latrones, aut quomodocunquè malefactores dicens, & hoc latrones, aut fures captivi non dixerint, nihilominus torturæ subijciantur, & factis suis condignà pœnà afficiantur.

49. Si quis de furto, aut latrocinio aliquo in specie accusaverit aliquem, contra quem nulla indicia existerint, nemo contra furem, aut latronem captum dixerit, nulla mala fama clamaverit, remittatur causa ad Cancellariam judiciorum, in qua si judicatum fuerit deveniendum esse ad torturam, denuò ad latrociniorum Cancellariam rejiciatur.

50. Si quis ad alicujus instantiam per Pristavum, & satellites adductus coràm judice fuerit cum re furto ablata, & de conscientia criminis se non purgaverit, aut excusaverit, torqueatur, & puniatur condignè.

51. Si ab aliquo per furtum, vel latrocinium aliquid ablatum fuerit, manifestet hoc in Cancellarijs, & in civitatibus apud Palatinos, & Consules rebus furto, vel per vim ablati specificè descriptis, & si deinceps ex his aliquid apud aliquem agnoverit, denunciaret cum, ut prahendatur, qui, si purgare se nesciverit, torqueatur, & inquiretur de crimine super eo omni meliori modo. Si verò manifestationem neglexerit, non torqueatur ab eo delatus, sed procedatur inter eos judicialiter, & lis per juramentum decidatur, ut nemini injuria fiat.

52. Quicumque equum Mothuz, vel in civitatibus, vel in districtibus emerit, curet eum in libris Cancellariæ vestigalium cum omnibus suis signis describi. Si hoc non fecerit, auferatur ab eo equus in poenam non soluti juxta Tzareum mandatum vestigalis. Sed si aliquis hunc equum apud emptorem tanquam suum, & sibi furto sublatum agnoverit, & alia plura cum equo pariter ablata ab eo in judicio exegerit, detur equus accusatori, & de reliquis fiat processus, & secundum acta, & probata in eo sententia proficiatur.

53. Sed si miles aliquis in castris à milite equum emerit, quem tertius postmodum suum esse asseruerit, venditor autem equum à se venditum fuisse inficiatus fuerit, audiantur emptor, & venditor à iudice, & juxta acta, & probata inter eos sententia feratur. Ante judicium verò nullus miles de equis in castris emptis condemnatur, etenim ibi sine descriptione in libris equi passim à militibus emuntur.

54. Si quis à solo accusatore cum re furto ablata sine Pristavo coram iudice adductus fuerit, & exceperit, quod talis res sibi violenter imposita fuerit, inquiretur de hoc perquam districtè in loco, ubi cum re furtivâ captus fuerit, & juxta testimonium dictæ sententiæ feratur. Quod si nulli aderint testes examinandi, fiat judicialis processus, & secundum acta, & probata causa dirimatur.

55. Sed si testes dixerint juxta accusati exceptionem, accusator exdatur knutis coram populo sine misericordiâ, & solvat accusato bissextiam in duplo, ut alij à talibus imposturis in posterum sibi temperent.

56. Similiter si aliquis fraudulenter in alicujus domum aliquid clam intulerit, vel inferri curaverit quasi furtivum, & hunc furti accusaverit, re compertâ, exdatur knutis coram populo sine misericordiâ, & solvat imposturam passio bissextiam in duplo in aliorum exemplum.

57. Si quis Pristavo, & satellibus violentus resisterit, ne rem furtivam apud ipsum repertam auferant, aut jam ablatam ab eis recuperaverit, examinentur ejus vicini, & si hoc testificati fuerint, torqueatur, & condignâ poenâ deinceps puniatur.

58. Si aliquis per alicujus furis, vel latronis captivi dictum, vel per inquisitionem de furto, aut latrocinio indicij gravatus, ideoque coram iudice constitutus, spontè torturâ non adhibita delictum confessus fuerit, torqueatur super alijs in genere furtis, & latrocinij, & condignâ poenâ puniatur.

59. Si, dum latrones alicui vim inferunt, vicini audientes ejus clamores ipsius auxilium non prodierint, vel si post factum à spoliato ad latrones persequendum vocati exire renuerint, delati, & perinqui-

inquisitionem veritate compertâ, solvant spoliato damnum à latronibus illatum, & credantur knucis sine misericordiâ.

60. Si quis à latronibus spoliatus, vel à furibus furtum passus eos insecutus fuerit usquē ad aliquam villam, aut pagum, ubi apud incolas insisterit, ut illi præhenderentur, hī verò hoc præstare recusaverint, fiat desuper inquisitio, & veritate compertâ incolæ prædicti torqueantur, & poenâ condignâ puniantur.

61. Si apud aliquem in civitatibus, suburbijs, districtibus, villis, & pagis latro aliquis, aut sur perquisitus fuerit, ille verò hunc apud se esse negaverit, & postmodum apud eum inventus fuerit, corrigatur, prout statutum fuit superius in capite de iudicijs contra eos, qui veritatem fallacijs suis velant.

62. Si Moschuz in plateis inter aliquos tributarios, sive in civitatum suburbijs, sive in districtuum villis, & pagis latro aliquis, aut sur ab exteris hominibus, & non à loci incolis, præhensus fuerit, torqueatur ad hoc, ut dicat, cuinam in loco captus suus notus sit? si responderit, quodd incolæ omnes illius loci eum noverunt, exigatur ab eis multa pro Tzareo fisco juxta constitutionem, & insuper damnum ab eo accusatori datum, ut inde discant alij latrones, & fures non occultare, & receptum illis loci eum noverunt, quodd nonnullis tantum notus sit, ab his solis; & non ab omnibus incolis multa, & damni recompensatio exigatur.

63. Si latrones torti aliquem culpaverint de receptu sibi in hospitij, vel transitu dato, vel de præstitâ protectione, capiatur ille, bonaquē ejus descripta sub sigillo custodiantur. Deinde factâ cum latrone confrontatione examinetur, & reus inventus, puniatur latronis ad instar.

64. Sed si dixerint, quodd apud eum mobilia per latrocinium, vel furtum ablata, & pro talibus ei indicata depositaverint, vel illa ei vendiderint, fiat hujus cum illis confrontatio, & si de emptione falsus fuerit, torqueatur super alijs in genere furtivis rebus emptis, aut apud se custoditis, & si de aliquâ aliâ confessus fuerit, solvat recompensationem-damnorum omnium juxta suam ante, & post quæstionem confessionem, & fidejussores statuât, qui pro eo spondeant cum inscriptione; si verò fidejussoribus caruerit, in carceribus custodiatur donec eos invenerit; sed si negaverit furtivæ rei depositum, & emptionem, nihilominus torqueatur, & inde statuatur de eo juxta condignum.

65. Si quis ab aliquo rem furtivam emerit tanquam venditoria propriam non acceptis de hoc sponsoribus, solvat ejus pretij refusionem; sed si eam acceptis sponsoribus emerit, nihil solvat.

66. Si captus aliquis fur, aut latro alicujus servum culpaverit, & res eò devenerit, ut refusio damni per furtum, & latrocinium dati sit exigenda, solvat eam ejus dominus.

67. Si dissimatus de furto, & latrocinio, dum causa agitur, mortuus fuerit, post ejus obitum verò decisa fuerit cum necessitate exigendi ab eo refusionem damni, exigatur hæc ab eo, cui is serviebat.

68. Sed si serviverit huic quidem, at extra domum, non exigatur damni refusio à domino, sed à servo, cujus bona post ejus mortem vendi debebunt.

69. Si

69. Si aliquis in civitatibus, aut suburbijis, aut in districtum villis, & pagis homicidium commiserit, aut alicujus domini servus alterius domini servum occiderit, interrogetur per questionem homicida, an ex deliberata voluntate, vel ex ebrietate crimen commiserit? si responderit, quod in rixâ casuali ex ebrietate, cadatur knutis, & fidejussores det, qui pro eo spondeant, quod in posterum similia non committet. Hoc facto tradatur unâ cum uxore, & filijs domino servi occisi, ut ei serviat; uxor verò, & filij ab hujus domino accipi non poterunt. Imò si actionem de debito aliquo occisi erga se instituere voluerit, ejus libellus non suscipiatur.

70. Sed si occisorem servum loco servi sui occisi accipere renuerit dicens, eum surem esse, solvat ei illius dominus quinquaginta rublos.

71. Si Nobilis alicujus filius, vel ejus consanguineus, vel famulus subditum alicujus occiderit, & in questione dixerit, quod eum non ex præmeditato, neque ex ebrietate, sed in rixâ interfecerit, accipiat ab hoc Nobilis filio ejus melior subditus cum uxore, & filijs cum ipso adhuc indivisim habitantibus, & detur domini occisi, à quo tamen hujus uxor non accipiat. Occisor autem omnia debita occisi, de quibus per authenticas obligationes constiterit, solvat, reliqua verò non, & tradatur in carceres, donec Tzar aliquid de eo statuerit, nullatenus tamen morte afficiatur.

72. Si quis aliquem animo deliberato occidisse convictus fuerit, morte afficiatur.

73. Si alicujus subditus subditum alterius domini occiderit, & tortus dixerit, hoc à se ex ebrietate, & non ex animo deliberato factum, cadatur knutis, & fidejussores det, qui pro ipso spondeant, quod in posterum talia amplius non committet; deinde tradatur cum uxore, & filijs, & bonis domino occisi, à quo hujus vidua non erit accipienda. Quod si dominus dixerit, illum esse surem, ideoque pro subdito habere noluerit, petieritque loco ejus aliquem alium, quem specificè nominaverit, ejusdem domini subditum, tradatur ei cum uxore, & filijs, & bonis omnibus, ac frugibus tam collectis, quam satis. Occisor verò, postquam knutis casus fuerit, reddatur domino suo.

74. Si quis spoliatus à latronibus fugâ elapsus aliquod ab eis sibi ereptum apud aliquem agnoverit, & dato contra eum libello damna sua plura exposuerit: accusatus verò in questione dixerit, illud ab aliquo se emisse, vel per commutationem habuisse, aliquis autem pro hoc culpato absente sponderit, quod eum intra terminum assignatum ad confrontationem cum captivo in judicio statuet, & non præliterit, solvat accusatori omnia damna ab eo in libello exposita, & insuper det fidejussores, qui spondeant, quod culpatum ad confrontationem præsentabit. Si sponsores non habuerit, loco culpati, si servus fuerit, accipiat servum meliorem, si subditus, meliorem subditum, & cum captivo confrontetur, juxtaque hujus dicta torqueatur, ut dicat, ubi culpatus latet, & si illius fuga dolo careat.

75. Sed si culpatus præsens fuerit, & in confrontatione cum culpante factum negaverit, res autem à spoliato pro sua agnita in libro inscripta non fuerit, neque literas emptorias habuerit, neque pro eo emptor à venditore sponsores acceperit, torqueatur culpans, & si in dicto persisterit, torqueatur & venditor, & si venditionem rei à se factam,

statuus

falsus fuerit, torqueatur denuò, ut dicat, unde illam habuerit, & juxta inquisitionis seriem decernatur. Si verò venditionem negaverit, nihilominus solvat partem refusionis accusatori, & fidejussores pro se statuatur. Damna verò exigantur ab eo, apud quem res furtiva agnita fuit.

76. Si in facta de alicujus vita, & moribus inquisitione vicini ejus dixerint, eum esse de furto, aut latrocinio, aut homicidio suspectum, vel quòd cum latronibus converteretur, eis faveat, receptumquè præstet, eorumquè furta conservet, iste autem contra testes exceperit, quòd ex invidia hoc deposuerint, petieritquè à Tzare supplex, ut alterationem fieri universalem inquisitionem jubeat, supersedendum erit à questione, & denuò mittendum ad inquirendum de eo. Si in hac secunda inquisitione numerosi testes eum probum virum esse asseruerint, nihilquè contra eum mali dixerint, & numero suo numerum aliorum in prima inquisitione examinatorum superaverint, ita ut quindecim, vel viginti, vel plures supra illos numerati fuerint, terminetur causa juxta inquisitionem. Illi verò, qui falsò eum malum dixerant, solvant Tzari poenam, & corrigantur, sicuti supra in capite de judicij constitutione est.

77. Si quis pro latrocinio, aut furto captus culpaverit aliquem de favore, & protectione sibi ab eo præstita, & de conservatis, & venditis rebus per latrocinium, aut per furtum ablatis; iste autem habitans in possessionibus, aut patrimonijs Patriarchæ, aut Metropolitanarum, aut Archiepiscoporum, aut Episcoporum, aut Monasteriorum, aut Bojatorum, aut Ocolniciorum, aut aliorum cujuscunque conditionis hominum, & rescians, se ab illo fuisse culpatum, inde fugà se subtraxerit ad alium confugiens, qui eum receptaverit, & penes se foverit, vel ex ditione sua alio dimiserit, vel à Prilatis eripuerit, fiat super hoc districta inquisitio examinatis vicinis, & admissis manifestationibus, & si constiterit, quòd culpatus, antequam culparetur, aufugerit, nihil ille, apud quem manebat, solvat, sed si constiterit de ejus poit culpationem, fuga, solvat refusionem damnorum, & det fidejussores, qui spondeant, quòd culpatum inveniet, & in judicio statuet.

78. Qui verò culpatum aliquem, ut supra, apud se foverit, vel liberum è ditione sua emisit, solvat damnum passo refusionem, & Tzari quinquaginta rublos pro multa, detquè fidejussores, qui spondeant, quòd culpatum coràm Judice præsentabit.

79. Si aliquis possessionatus servum aliquem, aut subditum suum, quem latronem, aut furem esse sciverit, occiderit, ut ejus furta, & latrocinia judicem celet, re probatà, auferatur ab eo possessio, & distribuatur, & solvat accusatori damna. Quòd si hoc fecerit non, possessionatus homo, exdatur knutis per forum, & accusatori damna pariter solvat.

80. Sed si hoc perpetraverit aliquis alius, aut subditus, ultimo supplicio irremissibiliter afficiatur.

81. Si aliquis culpatus aliquos de latrocinio, aut furto vi à licitoribus eripuerit, exdatur knutis, & solvat Tzari multam quinquaginta rublorum pro singulis, accusatori verò damna, & fidejussores det, qui spondeant, quòd ereptos à licitoribus malefactores coràm Judice statuet.

82. Si quis ab aliquo districtu, ubi furatus, aut latrocinatus fuerit, in alium se contulerit animo ibi domicilium figendi, Inter-

rogetur à Consule, unde veniat? ubi habitaverit? & cur domicilium mutare velit? si appositè responderit, & nulla de se alicujus furti, aut latrocinij indicia fecerit, nullusquè exstiterit contra eum accusator, permittatur ei habitare, ubi magis libuerit; sed nunquam nisi prævio hoc examine. Quòd si quis aliquem talem in civitatibus, vel suburbijis inconsulto consule apud se receptaverit, comparuerit autem deinceps aliquis, qui hunc de furto, aut latrocinio accusaverit, enarrando res omnes furto sibi, vel per latrocinium à malefactore ablatas, solvat ejus receptator accusatori dimidiam partem pretij rerum harum pro pœnâ receptati hominis consule inconsulto.

83. Pristavi, qui ad cupiendos fures, & latrones mittentur, faciant hoc sine fraude nemini parcendo, captos nullo modo muneribus acceptis dimittant. Si in aliquo horum contravererint, solvant accusatori damna, cadantur knutis, & in carcerem ad knutos tradantur.

84. Si aliquis ex juratis apud Consules captivum furem, aut latronem dimiserit, vel bona ab hoc furto ablata, vel violenter erepta furatus fuerit, & aufugerit, ejus bona dentur accusatori pro dimidiâ parte refusionis damnorum. Quòd si tanti pretij non fuerint, quod deerit, solvant illi, qui eum in juratum elegerunt, & iniuper dent fidejussores, qui spondeant, quòd cum coràm iudice stauerint. Cum verò is præsentabitur, cadatur knutis, & privetur officio.

85. Si ad instantiam accusatoris, vel accusati in causa furti, vel latrocinij deveniendum erit ad universalem inquisitionem, procedatur juxta præscriptum superius in capite de judicijs modum.

86. Pristavus, qui fures in custodia habuerit, eos sine licentia acceptis fidejussoribus non dimittat. Quòd si hoc inconsulto Bojaro, vel Cancellario fecerit, solvat accusatori damnum in duplo, cadatur knutis, & tradatur in carceres ad knutos per tempus Tzarl arbitrium.

87. Si quis rescians rem sibi furto ablatam in aliqua domo esse, eam inde recuperare in animo habuerit, advocet secum ex Cancellaria Pristavum, qui pluribus viris probis, & fide dignis secum acceptis ad illam domum se conferat, & (invenit in ea aliquem, vel non) ipsæ præsentibus rem perquirat, inventam accipiat, & in Cancellariam ferat, in qua de re furtivâ inquiratur, & secundùm iustitiæ exigentiam decernatur. Sinè testibus autem Pristavus res furtivas non accipiat. Si verò aliquis permittere noluerit ei, ut eas perquirat, ideoquè conclavia, & officinas aperire recusaverit, vel si res furtivas, aut ipsum furem à Pristavo, locijsquè testibus eripuerit, re probatâ, solvat integrè omnia accusatoris damna juxta inquisitionem.

88. Si quis furem cum re furtivâ in ædibus suis occiderit, hocquè statim vicinis manifestaverit, ducant occisum in Cancellariam ad inquisitionem. Si persequentes furem per campos, & sylvas defendentem se præhendere non potuerint, unde eum vel occiderint, vel vulneraverint, adducatur nihilominus sive occisus, sive vulneratus cum re furtivâ in Cancellariam cum ejus persecutoribus. Quòd si quis captum furem in Cancellariam non adduxerit, sed domi torserit, solvat bissextiam furi, & percussioni pœnam. De furto verò cognoscatur judicialiter in Cancellaria, in qua fur torquendus non erit. Si res furtiva in domo alicujus inventa fuerit, deque ea uxor ejus,

ejus, & filij scientiam habuerint, teneantur refundere accusatori damna secundum constitutionem. Si verò solvendo non fuerint, tradantur accusatori, ut ei serviant, quoadusque debitum exstinxerint, assignatis sceminis duobus rublis cum dimidio pro singulis in singulos annos pro servicio.

89. Si quis fruges in agro demessas, vel in prato sectum foenum furto abstulerit, vel ipsemet fruges messuerit, easque asportaverit, & cum ijs præhensus in Cancellariam abductus fuerit, re probatâ, cædatur knutis, & quicquid abstulerat, restituatur accusatori. Si verò fur se defenderit, ita ut à violentibus eum capere occidatur, vel vulneretur, fiat de hoc citò manifestatio apud plures homines, & ille, vel ejus cadaver in Cancellariam portetur, ibique inscribatur, ut occisores ejus ab homicidij pena immunes eant. Si verò fur frugum, aut sèni dominum in conatu eum capiendi occiderit, vel vulneraverit, re compertâ, ultimo supplicio afficiatur, & ex bonis ejus fiat damni dati restitutio.

90. Si quis in stagno alicujus furtivè piscatus fuerit, vel pisces in vivarijs conservatos furto subriperit, prima vice virgis cædatur, secunda knutis, tertiâ verò, si furtum decem copicorum æstimationem non excesserit, auris ei abscindatur.

91. Si apud aliquem incendij tempore, vel alio aliquid perierit, quòd postea apud aliquem repererit, & agnoverit, agat contra hunc tanquam de re furtiva. Quòd si iste exceperit, quòd illud ex incendio assumpserit, vel ex aquâ extraxerit bonâ fide, & in Cancellariâ manifestaverit, & inscribi in libro curaverit, si hoc sic se habere repertum fuerit, restituat rem suam ejus domino, acceptâ tamen ab eo dimidij ejus pretij solutione.

92. Si quis in carceribus pro debitis detineatur, ibique ea ab illo exigantur, & quamvis creditor ad executionem non compareat, ille jam per quinquennium, & ultra ibi sederit, dimittatur, si fidejussores præstiterit, qui spondeant, quòd ad omnem creditoris requisitionem eum denuò constituere velint; sine autem creditoris instantiâ debita ab eo non exigantur.

93. Si quis captus aliquos criminis socios nominaverit in prima, & secunda, & tertia quæstione, afficiatur ultimo supplicio, & si, dum ducetur, quos culpaverit, excusare, aut purgare conatus fuerit, fides ei amplius non præstetur.

94. Carceres Moschuz ædificentur expensis Tzaris ex Cancellaria latrociniorum.

95. Jurati, & custodes carcerum Moschuz sint tributarij homines cum mercede, pro qua singulis annis ex centurijs suis accipiant pecuniam colligendam à centurionibus, qui illam inter eos distribuent, acceptâ ab unoquoque de receptis quitantiâ manu sua subscriptâ.

96. Carnifices verò sint Moschuz liberi homines, officiumque exerceant sub fidejussione, stipendium autem eis solvatur à Cancellaria latrociniorum ex Tzari ærario.

97. In civitatibus carceres ædificentur; & jurati, scribæ, custodes carcerum, & carnifices eligantur ex suburbij, & districtibus, ex rusticis villarum, & pagorum ad Tzaream aulam spectantium, & ex alijs quibuscunque ad Patriarcham, Metropolitam, Archiepiscopos, Episcopos, Monasteria, possessionatos, & patrimoniatos pertinentibus, & tales

les jurati, & custodes similiter stipendium habeant colligendum in curia ab iisdem civibus, & rusticis juxta pactum; superflui autem nihil exigatur, ne rustici graventur. Collectio verò fiat à collectoribus per quitancias ab eis subscriptas.

98. Veruntamen ab illo possessionato, sive patrimoniato, qui infra viginel subditos in sua possessione, vel patrimonio habuerit, non accipiantur jurati, nec custodes, nec scribæ; sed ex majoribus possessionibus, & patrimonijs.

99. Si accusator in Cancellariam latrociniorum libellum contra latronem accusatum attulerit dicens, cum in quæstione confessum, fuisse, se homicidij reum: longo autem post tempore elapso idem accusator obligationem occisi à latrone erga se de pecunijs creditis protulerit, agens pro solutione, in obligatione verò nullus fidejussor, imò nec ipse principalis subscriptus suâ manu fuerit, sed alius ejus loco, ipsaque obligatio biennio, vel triennio, vel supra, ante occisi mortem scripta fuerit, repellatur ab agendo, scdò namque nimis obligationem protulit, cum nemo adsit, cui fides habenda sit.

100. Si captus aliquis ante quæstionem socium criminis aliquem nominaverit, in torturâ verò prima, secunda, & tertia hunc exculpare velit, fides ei adhibeatur.

101. Si in aliqua civitatum latro fractis, aut sectis carceribus auferat, etiam si jurati, & custodes in tortura affirmaverint, nullâ suâ collusionem illum aufugisse, nihilominus, si accusator petierit eos condemnari ad refusionem damni sui exigendam ab eorum electoribus, teneantur jurati, & custodes illam solvere. Quòd si ab ijs aliqua de causa exigi non poterit, exigatur à Consulibus, & districtuum hominibus, qui eos elegerunt, imò à Consulibus exigat eam accusator in duplo, illis enim incumbit curare, ut carceres effringi non possint, neque nullum apud captivum sit instrumentum ad eos effringendos, aut secandos aptum, & propterea eos sæpius visitare.

102. Si in perpetrato à pluribus latrocinio eorum aliqui capti fuerint, qui accusatori pro damnis integrè satisfecerint, deinde verò & reliqui socij capti fuerint, & aliquem culpaverint, quòd ex iisdem rebus per vim ereptis aliquid emerit, qui verò hoc requirat, nemo fuerit, adigatur iste rei per latrocinium ereptæ emptor ad solvendum, damnorum refusionem parem ei, quàm alij jam solverunt, & inferatur in Tzarcum ærarium, cum nemo adsit, qui pro ea agat.

103. Si aliquis fur, vel latro præhensus, & Moschum in Cancellaria latrociniorum, vel in alijs civitatibus in curiam adductus, dum torqueri deberet, ad differendam torturam dixerit, habere se aliquid grave ad Tzarem spectans dicendum, fides ei non præstetur, sed quæstioni admoveatur quanto citius, & post torturam de furto, aut latrocinio interrogetur, quid jam habeat dicendum, quod ad Tzarem spectet?

104. Fures, & latrones animarum perditores, qui in civitatibus per semestre in carceribus detinebuntur, non audeant Palatini, aut Consules sine Tzaris licentia dimittere, aut in servicijs, vel subjectione accipere, aut alij dare. Si verò contrafecerint, cadantur knutis sine misericordia, & solvant accusatori damnum. Quòd si contra captivos nulla fuerint indicia furti, & latrocinij, unde ex justitia dimitti debeant, nihilominus non audeant Palatini, nec alij sine Tzaris

ris licentiâ eos in servicijs, vel subjectione accipere, aut alij dare. Contrafacientes puniantur, prout jam dictum est.

CAPUT XXII

Qua delictâ morte, qua aliâ penâ punienda sint.

1. **S**I aliquis filius, aut filia patrem, aut matrem occiderit, puniatur morte sine ullâ remissione.
2. Quod fiat de omnibus, qui parricidij socij fuerint.
3. Sed si pater, aut mater filium, aut filiam occiderit, luat penam annui carceris, quo expleto, ducatur in templum DEI, ut peccatum suum omnibus manifestet, morte autem non afficiatur.
4. Si aliquis filius, aut filia legis Christianæ oblita patri, aut matri maledixerit, sive ex ira manu percusserit, & de hoc pater, aut mater eum, vel eam accusaverit, knutis cædatur.
5. Si verò à patre, aut matre bona vi eripuerit, & honorem ijs debitum negando domo expulerit, & malè de ijs locutus fuerit. Vel si eum, vel eam in senectute non honoraverit, non aluerit, nec ulla necessaria suppediaverit, unde eum pater, vel mater Tzari accusaverit, knutis sine ulla misericordia cædatur, mandeturquè ei, ut patri, & matri obediat, honorem debitum deferat, cum ijs non contendat, & quicquid contra eos dixerit, nullam fidem inveniat.
6. Si filius, aut filia patrem, aut matrem in iudicium vocare ausus, vel ausa fuerit, nulla ei actio detur, sed pro ausu sui penâ cædatur knutis, & reddatur parentibus suis.
7. Si aliquis per se, vel per alium fratrem, aut sororem occiderit, ultimo supplicio ipse, & mandatarius æquè afficiantur.
8. Si servus occidere dominum suum cogitaverit, aut arma contra eum animo occidendi evaginaverit, manus ei amputetur.
9. Si verò occiderit, morte afficiatur sine ullâ misericordia.
10. Si quis posthabito timore DEI, Tzaris indignatione, & penâ aliquem in ludibrium martyrio affecerit, manum, vel pedem, vel nasum, vel aurem ei abscindendo, sive os circumcidendo, aut oculum eruendo, re compertâ, patiatur, quod alteri fecit, & insuper solvat mutilato pro manu abscisâ rublos quinquaginta, totidem pro pede, & pro quocunque alio illato vulnere.
11. Si verò aliquem in domum suam invitaverit, vel vi traxerit, eumquè ibi fuisse, vel knutis, vel virgis cæciderit, & hoc probatum fuerit, cædatur illudor per forum knutis, & in carcerem ad knutos per mensem tradatur, solvatquè cæso bissestiam, pro percussione in duplo.
12. Quod si hujus contumeliæ illator servus alicujus fuerit, torqueatur, ut dicat, cujus instinctu hoc fecerit? si dixerit domini sui instinctu, vel alterius cujuscunque hoc à se factum, ipse, & alius mandans æquè knutis per forum cædantur, & in carcerem ad knutos per mensem conjiciantur, & mandans solvat illudor bissestiam in duplo.

M m m

13. Ne-

13. Nequissimi illi, qui inter homines discordias severint, eosque invicem pessimā meate irritaverint, morte afficiantur.

14. Si uxor concitaverit aliquem, ut maritum suum occidat, vel veneno propinato eum interemerit, re compertā, viva defodiatur in terram, ibique irremissibiliter sine ullā misericordia moriatur. Et quamvis aderint occisi filij, aut agnati, qui mortem ejus deprecantur, non audiantur, & sine misericordia in terrā defossa permaneat, quousque mortua fuerit.

15. Si qua mulier ad mortem damnata prægnavis inventa fuerit, differatur ejus supplicium usque ad partum, & post hunc sententia de eā in executionem mittatur. Interim verò vel in carceribus, vel apud bonum Pristavum detineatur, ne aufugiat.

16. Si quis in alicujus domum intraverit animo violandi, vel rapiendi matremfamilias, servi autem eam non defenderint, imò violenti conatum juverint, re compertā, & ille, & illi ultimo supplicio afficiantur.

17. Si quis ex petulantia, vel ebrietate, vel animo deliberato in sceminam maritatem equum impulerit, unde eam is calcibus impetierit, aut ad casum in terram truserit, unde misera injuriā affecta, aut vulnerata fuerit, aut, cum prægnavis esset, abortum fecerit, coëdatur ille knutis sine misericordia, & tradatur in carcerem ad knutos per trimestre, solvatque mulieri bissestiam in duplo, sed si mulier mortua fuerit, etiam ille afficiatur morte.

18. Sed si omnia supradicta evenerint sine ejus dolo malo, puta, quod equus perterrefactus frenum fregerit, unde retineri à fessore non potuerit, nulli poenæ subiaceat.

19. Si quis ex mandato alicujus aliquem occiderit, ipse, & mandans ultimo supplicio afficiantur.

20. Si aliquis vel in aves, vel in feram, vel in metam sagittas ex arcu emittendo, vel sclopetum exonerando per defultantes globulos, vel sagittas aliquem post montem, vel sepem occiderit; vel si quis qualicumque modo aliquem vel ligno, vel lapide ignoranter interemerit, nullaque ei cum occiso antea contentio, aut inimicitia intercesserit, re probatā, nulli poenæ subijciatur in facto merè casuali, in quo voluntas nullum præstitit assensum.

21. Si servus defendendo dominum suum aliquem occiderit, vel vulneraverit, nulla ei culpa imputetur, sed respondeat de hoc facto ejus dominus.

22. Sed si aliquem suū sponte domino inscio occiderit, hicque ad se purgandum illum in Cancellariam captum adduxerit homicidium ejus manifestans, nulli omnino poenæ, aut molestiæ dominus subiaceat, sed homicida ultimo supplicio afficiatur.

23. Si quis alicui venenum propinaverit, unde mortuus fuerit, torquetur ad eruendum ab eo, an ante hac aliquod aliud simile crimen patraverit, & post torturam morte plectatur.

24. Si paganus aliquis qualicumque modo, vi, vel fraude Ruffum aliquem ad paganisimum induxerit, & ex more paganæ suæ sectæ circumciderit, re probatā, comburatur sine ulla misericordia. Ruffus autem circumcissus remittatur ad Patriarcham, sive ad ordinarium, suum cum mandato, ut corrigatur juxta præcepta Apostolorum, & Sanctorum Patrum.

25. Si

25. Si quis cum muliere, aut virgine coërit, cædantur omnes knutis.

26. Si qua mulier conjugata vitam inhonestam, & impudicam, ducens gravida facta abortum procuraverit, vel partum ipsa per se, vel alium occiderit, re probatâ, ipsa, & mandatarius sine ulla misericordia ultimo supplicio afficiantur, ut alij sint in exemplum.

CAPUT XXIII.

De Strelcijs.

Causæ omnes ad Strelcios pertinentes, excepto furto, & la-trocinio cum infamia, judicentur in Cancellaria Strelciorum. Quantum verò ab ipsis pro pœnæ solutione exigendum sit, superius notatum est.

2. Si verò Strelcius egerit contra aliquem alicujus ex alijs Cancellarijs notioni subiectum, teneatur libellum suum in sua Strelciorum Cancellaria subscribi curare, & sine hac subscriptione nullibi ad agendum admittatur. Sed si aliquis vice versâ Strelcium reconvenierit, in eadem Cancellaria audiatur.

3. Si Strelcius alium Strelcium de injuria sibi, vel uxori suæ ab eo factæ postulaverit agens ad bilzestiam, re probatâ, condemnetur injuriator ad eam solvendam. Quòd si supplex Tzari exposuerit, se non esse solvendo, ideoquè petat pœnæ commutationem, cædatur knutis, ut discat ipse, & reliqui suo exemplo facios suos, aut eorum uxores injuriâ non afficere.

CAPUT XXIV.

De Cosacis, & eorum officialibus.

Cosacis, & eorum officialibus, sive actores, sive rei fuerint, justitia in omnibus causis juxta obligationes, actaque, & probata administretur, & à reis conventis in causis duodecim rublos non excedentibus nullæ pro Tzare sportulæ exigantur, in excedentibus verò exigantur juxta constitutionem. Si quis verò eorum aliquem possessionatum injuriâ affecerit, solvat ei bilzestiam juxta possessionem, ei autem, qui nullas possessiones habuerit, quinque rublos.

2. Præfectis fabrorum, qui scelpos conficiunt, solvantur pro bilzestia quinque rubli. Fabris verò quatuor. Pro damois aurem illatis, si quis in suo libello quantitatem non expresserit, fiat ad taxam subsequenter æstimatio. Pro equo rublos octo, pro equa Nagaiensi sex: pro pullo equino Nagaiensi tres: pro mediocri quatuor: pro equa Ruthena tres: pro equo Rutheno trimo unum cum dimidio: pro vacca duos, & totidem pro bove: pro vitulo anniculo viginti altinos: pro sue adulto totidem: pro sue anniculo quinque: pro ovis sex cum duobus copichis: pro agno quinque altinos: pro agniculo tres: pro hirco quadrimo, vel quinquenni dimidium rubli: pro hirco trimo tredecim alt-

alcinos cum uno copicho; pro hirco anniculo quadrantem rubli: pro capra idem: pro hœdo tres alcinos. Frumenti verò taxa sit juxta pretium, quo in foro venditur. Pro aœfere vivo decem copichios: pro mortuo duos alcinos: pro anate vivo totidem: pro occiſo quatuor copichios: pro gallina Indica ſex alcinos cum duobus copichis: pro gallina ordinaria quatuor copichios.

CAPUT XXV.

De Tabernis.

Nemini liceat potum qualemcuque vendere, aut vinum adustum ad vendendum diſtillare: contraſcientes pro prima vice ſolvant quinque rublos, potatores verò ſinguli dimidium: pro ſecunda verò venditor decem, & cœdatur knutis per forum, potator dimidium, & cœdatur virgis.

2. Si verò tertiâ vice contravenerit, ſolvat venditor viginti rublos, & trudatur in carceres ad arbitrium Tzaris. Potator verò ſolvat unum rublum, & cœdatur knutis.

3. Potatores, qui adducti ad Cancellariam iſo examine dixerint, ſe à cauponario crematum emiſſe, vel emptum in eſus domo biſſe, ſi cauponarius hoc negaverit, torqueantur, & ſi in dictis ſuis perſiterint, torqueatur etiam cauponarius: ſi dixerit, crematum, quod potatores in domo ſua biberunt, à ſe extra tabernam ab aliquo emptum fuiſſe, examinetur etiam iſte, & confrontetur cum cauponario, & torqueatur: ſi confeſſus fuerit, cauponarius cœdatur knutis per forum, ſolvatque pro prima vice quinque rublos, pro ſecunda decem, & denuò cœdatur knutis, adigaturque hœdeuſſores præſtare, qui pro eo ſpondeant cum inſcriptione, quòd hoc in poſterum ampliùs non fit facturus. Quòd ſi tertiâ vice peccaverit, cœdatur knutis, trudaturque in carceres per ſemestre. Illi verò, qui apud aliquem potum emerint, ſolvant ſinguli pro prima vice binos rublos, & virgis ſeverè cœdantur, pro ſecunda ſolvant ſex, & cœdantur knutis ſuper caprâ, & trudantur in carceres ad duas hebdomadas. Pro tertia vice verò ſolvant itidem ſex rublos, cœdantur knutis per forum, & conſcijantur in carceres per meoſem, fidejuſſoresque præſtent, qui ſpondeant pro eis, quòd iſo poſterum à nullo cauponario potum eiment, aut eum apud illum bibent. Si verò quartâ vice contravenerint, cœdantur per plateas, & forum knutis, & in exilium mittantur, quòd Tzar juſſerit, booaque eorum omoia, domus, poſſeſſiones, & patrimonia Tzareo ſiſto cedant. Vénditores verò pro quarta vice cœdantur pariter knutis per forum, & in carceres ad anoum conſcijantur.

4. Si quis aliquem detulerit de vino aduſto vendito, cumque deinceps excuſaverit, probeturque falſa delatio, cœdatur knutis per forum, & ſolvat delato biſzeſtiam in duplo.

5. Si aliquis crematum ab aliquo iſe emiſſe dixerit, iſe verò negaverit, undè ambo ad quæſtionem provocaverint, torqueatur prior emptor, & ſi in tortura iſo dicto ſuo perſiterit, torqueatur deinde venditor, & fiat ſententia ſecundum æquitatem.

6. Si alicujus ſervus, vel ſumulus, vel ſubditus adductus fue-
ris

rit ad Cancellariam accusatus, quodd potum vendiderit, is autem dixerit, quodd crematum à se venditum à domino suo furto abstulerit, torqueatur cum interrogatione, an hujus venditionis dominus ejus convicius fuerit? si responderit, dominum suum nihil de eà scivisse, & hoc verum esse compertum fuerit, cadatur venditor knutis per forum, & domino suo restituatur, qui invigilare tenebitur superservos, famulos, & subditos suos, ne crematum vendant. Quodd si horum aliquis ob domini negligentiam denuò illud vendiderit, solvat dominus decem rublos pro lingulis contrafacientibus, & hi cadantur knutis per forum, & conviciantur in carceres ad Tzaris arbitrium.

7. Si aliquis, cujuscunque status ille fuerit, adductus fuerit ad Cancellariam cum vino adulato, & in examine dixerit, se ab aliquo Bojaro, vel possessionato, vel patrimoniato cujuscunque conditionis illo fuisse donatum, vel pro mercede laboris sui illud accepisse, & hoc idem testificatus fuerit ille, qui crematum ei dedit, nulli poenæ subiciatur.

8. Si apud aliquem ex ijs, quibus prohibitum est potum domi habere non manifestatum, potus talis repertus fuerit, solvat pro contraventione quinque rublos, & potus Tzari cedat.

9. Si quis tanquam emptor cremati ad Cancellariam adductus in examine nominaverit venditorem, sed questioni adhibitus dixerit, se per collusionem cum adductoribus suis illud dixisse contra veritatem, torqueatur denuò, & si in dicto suo perliterit, torqueantur adductores, & si collusionem confessi fuerint, cadantur knutis alijs in exemplum. Sed si negaverint, torqueatur iterum adductus, & si perliterit in suo dicto, decernatur de causâ secundum justitiam.

10. Si aliquis Mofchuz à Strelitjs in Cancellariam Strelitiorum adductus, & ab hac in novam remissus, vel ad hanc rectâ à Nobiliis filijs adductus fuerit, sine cremato tamen, & necotiana, culpatus autem ab adductoribus suis fuerit, quodd præhenderunt eum, ebrium, & potantem in domo suspecta, & quodd mulci diversæ conditionis mercatores eum è manibus eorum liberare conati fuerint. Is verò hoc totum negaverit excipiendo de falsâ adductorum delatione, vel dixerit, quodd non in popina, sed in domo amici, aut consanguinei tanquam hospes hiberit hocquè amicus, aut consanguineus pariformiter testificatus fuerit, fiat de factò inquisitio, & juxta resultantia ex ea procedatur.

11. Anno præterito 7142. ex mandato pæ memoriz Magni Domini Tzaris, & totius Russiæ Magni Ducis Michaëlis Fedorowitzi facta fuit Mofchuz, & in civitatibus prohibitio, ne aliquis sive Ruthenus, sive advena ullibi necotianam habeat, bibat, aut vendat sub poenâ tam emptoribus, quàm venditoribus comminata, ut capti, & in novam Cancellariam adducti post probatam contraventionem ultimo supplicio afficiantur sine ulla remissione, bonaquè eorum omnia vendantur, & pretium inde retractum Tzareo fisco cedere debeat. Et nunc Dominus Tzar, & totius Russiæ Magnus Dux Alexius Michailowitzi mandavit, & Bojari constituerunt, ut supradicta constitutio sit in omnibus confirmata, & extendatur ad omnes illos, apud quos in posterum necotiana inventa fuerit.

12. Si quis cum necotianâ in Cancellariam adductus dixerit, se eam ab advenis Lituanis emisse, torqueatur, & si in dicto suo perliterit,

N n n

neco-

necotianæ verò apud eum inventæ magna quantitas fuerit, denuò torqueatur, & si in primo dicto suo perliterit, pro necotiana apud eum repertâ procedatur cum eo, prout superius constitutum est.

13. Sed si dixerit, se eam à Rutheno aliquo, vel ab extero Tzari serviente emisisse, præhendatur culpatus, examinetur, & cum culpante confrontetur, siquæ ad torturam devenire necesse fuerit, etiam torqueatur, & sententia secundùm iustitiam proficetur.

14. Si adductus fuerit cum necotiana Strelicius officio privatus, sive advena, sive Bojari servus, vel subditus, vel famulus, vel quicumquæ incerti statûs homo, & hic adductus in examine dixerit, quod eam invenerit: vel si aliquis delatus fuerit, quod necotianam vendiderit, ipse verò hoc negaverit: vel si in domo alicujus inventa fuerit necotiana, & iste negaverit suam esse, nescirequæ se dixerit, cuius sit, nisi aliquis ex odio, aut ipsimet necotianæ repertoires eam in domum suam clam intulerint, torqueatur, & si in dicto suo perliterit, liberetur; sed si verè apud eum fuerit necotiana inventa, alicujus humeris superpositus knutis cædatur: pro ea verò, de qua nescitur, torqueantur etiam illi, quos culpaverit.

15. Si aliquis Strelicius, vel cujuscunque status homo mercaturam exercens adductus fuerit cum necotiana, & in examine dixerit, eam sibi ab adductoribus suis suppositam fuisse, fiat ejus cum his confrontatio: & si res ad torturam devenire debet, ipse prior torqueatur: si perliterit in dicto suo, torqueantur ejus adductores, qui, si crimen confessi fuerint, cædantur knuto pro sua correctione, & cæterorum exemplo.

16. Quod si Strelicius, aut incerti status homo, aut alius quicumquæ bis, vel ter cum necotiana adductus fuerit, torqueatur pluries, & ante Cancellariam, vel per forum cædatur knutis, & si pluries adductus fuerit, nares ei abscindantur, & post torturam, & knutorum correctionem mittatur in exilium, quò Tzar jusserit, in aliorum exemplum.

17. Si filij Nobilium, aut aliqui alij cauponarios, & necotianæ venditores, aut aliquem, in cujus domo crematum, aut necotianam invenerint, præhenderint, præhensi vero illis quinque, vel decem, vel triginta, vel plures rublos solverint, ut sibi parcant, & cum cremato, vel alio potu, aut necotiana in Cancellariam novam non adducant, & præhensores pecunijs acceptis eos nihilominus in Cancellariam adduxerint acceptas pecunias manifestantes, relinquuntur eis.

18. Sed si acceptis pecunijs eos dimiserint, re compertâ, torqueantur, & post torturam cædantur knutis, & ex Cancellariâ expellantur officiis suis privati.

19. Si quis cauponarios, vel necotianæ venditores, vel potatores à filijs Nobilium, & alijs eorum adductoribus eripere conatus fuerit, re probatâ, cædatur knutis ante Cancellariam, & per forum, alij verò coadjutores virgis juxta inquisitionem in aliorum exemplum.

20. Tributarij homines in pagis, & suburbij eligant quotannis inter se decimum quemque hominem, eorumquæ electionis documentum manu suâ subsignatum in Cancellariam novam adferant. Electi verò, unusquisque inter decem sibi subjectos, fideliter, & diligenter invigilent,

gilent, ne ullæ cauponæ cremati, cerevisiæ, mulsi, aut cujuscunque potus, vel necotianæ sint, & nullum flagitium apud quemquam perpetretur.

21. Si quis ad mulsum, vel cerevisiam coquendam, vel ad crematum emendum permissionem habuerit, limites suæ permissionis non excedat.

22. Quod si in aliqua ex supradictis decurijs aliqua potus, vel necotianæ venditio, vel aliqua alia nequitia fiet, aut potus supra concessionem apud aliquem fuerit, teneatur decurio electus de hoc in Cancellariam novam delinquentem deferre.

23. Quod si facere neglexerit, solvat ipse, & delinquens singuli decem rublos, reliqui verò octo in decuria singuli quinque rublos.

24. Hoc autem decurio unusquisque in sua decuria districtè curare debet, & diligenter invigilare, ne scilicet, si aliquis Nobilis filius in eorum ædes ad habitandum intromittetur, qui crematum cum licentia habuerit, supra hanc aliquid habeat, nevé cum sine manifestatio: ne in ædes suas intromittant. Quod si apud aliquem venale crematum esse decuriones sciverint, significant hoc in nova Cancellaria, & cum delinquente procedatur juxta Tzaris constitutionem ad pœnam habito respectu ejus conditionis.

25. In civitatibus autem eâdem, quâ suprà, pœnâ puniantur cauponarij, & necotianæ venditores, & eadem sit cum ijs procedendi forma.

Finitus hic liber ex mandato Magni Domini Tzaris, & Magni Ducis Alexij Michaelowitz totius Russiæ Autocratoris.

F I N I S.



221.1

Cum Statuta Moschoritica pœnam knuti & virgarum, solutionemquæ bissestie delinquentibus frequenter committuntur, operæ prætium erit enarrare, quid sint.


Damnatus ad knutos femorum tenus nudatus carnificis vicarij dorso, ejusdem collum brachijs suis cingens, se aptat. Ut autem ad dolorosos knuti ictus nec calcitrare, nec movere se queat, utramquæ ejus manum suis ille stringit, aliusquæ funiculum, quo pedes ejus juncti vinciuntur, pressè tenet. Tunc judicis tamulus ex charta legit, quot miser verbera excipere debeat, illicoquæ tortor flagrum expedit, in cujus longi extremitate lori alia tria pendent digiti mensuram æquantia à nondum elaborato & cultri ad instar secante alcis corio recisa, hocquæ per exertum utrumquæ brachium quantâ maximè vi pollet in damnati dorsum vibrans tales illi infligit plagas, ut ad quamcunque fluidus manet sanguis tanto patientis dolore, ut deliquium animæ infirmiores patiantur, imò eam etiam robustiores, si prò modo alicujus atrocioris delicti cædantur, essent. Cum autem hæc pœnâ ex frequentibus legum prævaricatoribus unus, vel alter, aut etiam plures successivè singulis diebus Moschoritæ in ipsis carceribus ad itatutorum præscriptum plectantur, eorumquæ ejulatus aures feriant pertranseuntium, factum est, ut hos quispiam audiens sibi prius, & deinde muruato calamo orbi imposuerit, carceris eos acerbitati, & non knuti percussionibus, erroneè adscribens.

At corrigendus virgis exiit omnibus utquæ ad indusium vestibus, & prono corpore humi prostermitur. Capiti ejus alter ex percussuris insidet, alter tibijs, & ambo tremulis, ac vacillantibus virgis tergum ejus multis, aut paucis, juxta judicis sententiam, verberibus cadunt.

Bissestia verò est multa pecuniaria, quæ ab injuriante, vel lædente solvitur ad statutorum normam injuriato, vel læso secundum ejus dignitatem, vel annum stipendium, vel statutorum taxam. Quod si ille solvendo non sit, mittitur ad hujus ædes, ut de eo ad libitum statuat.



I. 155.



I 185.

